





DABO TIBI GENTES HÆREDITATEM. Psalm 2.  
*Andr. Wood del. C. A. 1844*



**MANUDUCTIO  
AD CONVERSIONEM  
MAHUMETANORUM.**

IN DUAS PARTES DIVISA.

IN PRIMA

**VERITAS RELIGIONIS CHRISTIANÆ**

**CATHOLICÆ ROMANÆ**

manifestis argumentis demonstratur.

IN SECUNDA

**FALSITAS MAHUMETANÆ**

**SECTÆ CONVINCITUR.**

AUTHORE

**Adm. R. P. THYRSO GONZALEZ DE SANTALLA,**

è SOC. JESU, IN SALMANTICENSI ACADEMIA

SS. Theologiæ Primario Antecessore Emerito,

**NUNC UNIVERSÆ SOCIETATIS JESU IRÆPOSITO GENERALI.**

EDITIO PRIMA IN GERMANIA.

*Cum Gratia & Privilegio Sacrae Caesareae Majestatis,  
Et facultate Superiorum.*



**D I L I N G E,**

*Typis & Sumpt.* JOANNIS CASPARI BENCARD, Bibliopolæ Acad.  
Per DANIELEM KNAB.

**ANNO M. DC. LXXXIX.**



AVGVSTISSIMO ET INVICTISSIMO  
ROMANORVM IMPERATORI  
LEOPOLDO I.

Victorias & Felicitatem.

**N**ter communes totius Orbis Christiani applausus, liceat etiam Minimæ Societati in partem felicitatis venire, & in debitum devotionis suæ tributum exile hoc munus ad Majestatis Vestræ pedes deponere. Certè si Libri hujus Titulum & Materiam intueri lubet, alterius Patrocinium ambire nec potuit, nec debuit, quàm Gloriosi Turcarum Victoris, & Mahumeticæ impietatis Domitoris LEOPOLDI, qui ad immortalem vix credituræ posteritatis memoriam, ingenti fortuna, Virtute Majore, Hungariam universam cum annexis amplissimis Provinciis, quas plurium seculorum tractu Ottomanna subjugavit potentia, intra septennij non integri spatium iniquissimo possessori extorsit, & in fidem recepit, toties Victor, quoties cum hoste conflixit, stupentibus ipsismet barbaris, potentiam suam, tot gentium spolijs ac ruinis roboratam, tantillo tempore enervari, portamque plusquàm ferream, milleque seris firmissimè clausam, Austriaci Samsonis virtute effringi potuisse. Longum nimis foret, enumerare cæsas barbarorum acies, stratos eorum cadaveribus campos, fugatas innumerabiles copias, immensos hostium exercitus interneccione deletos: compendio omnia absolvam, si dixerò, Majestatis Vestræ faustissimis armis posuisse barbaros intolerabilem fastum, & formidatam hæcenus Turcarum gentem ita inter Christianos viluisse, ut Vezirios, Seraskirios, & quidquid horum



AUGUSTISSIMO ET INVICTISSIMO  
ROMANORUM IMPERATORI  
LEOPOLDO I.

Victorias & Felicitatem.

 Nter communes totius Orbis Christiani applausus, liceat etiam Minimæ Societati in partem felicitatis venire, & in debitum devotionis suæ tributum exile hoc munus ad Majestatis Vestræ pedes deponere. Certè si Libri hujus Titulum & Materiam intueri lubet, alterius Patrocinium ambire nec potuit, nec debuit, quàm Gloriosi Turcarum Victoris, & Mahumeticæ impietatis Domitoris LEOPOLDI, qui ad immortalem vix credituræ posteritatis memoriam, ingenti fortuna, Virtute Majore, Hungariam universam cum annexis amplissimis Provincijs, quas plurium seculorum tractu Ottomanna subjugavit potentia, intra septennij non integri spatium iniquissimo possessori extorsit, & in fidem recepit, toties Victor, quoties cum hoste conflixit, stupentibus ipsismet barbaris, potentiam suam, tot gentium spolijs ac ruinis roboratam, tantillo tempore enervari, portamque plusquàm ferream, milleque seris firmissimè clausam, Austriaci Samsonis virtute effringi potuisse. Longum nimis foret, enumerare cæsas barbarorum acies, stratos eorum cadaveribus campos, fugatas innumerabiles copias, imensos hostium exercitus interneceione deletos: compendio omnia absolvam, si dixerò, Majestatis Vestræ faustissimis armis posuisse barbaros intolerabilem fastum, & formidatam hæcenus Turcarum gentem ita inter Christianos viluisse, ut Vezirios, Scarskirios, & quidquid horum

# E P I S T O L A

horum nominum barbara habet nomenclatura, contemptim rideant, iis-  
que impunè insultent. Docuit nimirum Majestas Vestra trepidare gen-  
tem ferocissimam, quæ nominis sui terrorem toto priùs orbe circum-  
tulit, eamque insolito prorsus felicitatis prodigio, ita compescuit, ut Vi-  
ctricia Majestatis Vestræ arma non modò laceßere non audeat, sed Pa-  
cèm, tam sibi propudiosam, quàm Victori honorificam, supplex roga-  
re compellatur. Verùm quid mirum est, quòd Cælum militet Maje-  
stati Vestræ, & fœderatus Æther Lauros, Palmásque Pleno Cornu affun-  
dat, cùm Vestra Majestas, perpetuo Cælum inter & Austriacam piete-  
tem fœdere, non nisi DEO militare consueverit, & Supremi potiùs  
Numinis, quàm proprijs laceßita injurijs arma capeßat; ea enim est  
religiosissimæ mentis rara modestia, ut Victorijs, latísque bellorum suc-  
cessibus non, quod alij solent, ad famam Nominis sui æternitati con-  
secrandam, aut dilatandos Imperij fines, sed solùm ad augendum veri  
Numinis cultum, & propagandum Christi atque Ecclesiæ Regnum ura-  
tur, Sanctamque illam guomen, non tam Vexillis, quàm menti altis-  
simè inscriptam gerat, *Non nobis, Domine, non nobis, sed Nomini  
Tuo da Gloriam!* Testantur hoc devictorum hostium vexilla in Templis  
suspensa, præcipitata è turrium fastigijs Lunæ, erecta passim Crucis tro-  
phæa, extructæ Basilicæ, restituta Altaria, fundatæ Religiosæ Domus,  
ceteraque Pietatis Christianæ monumenta, quæ Majestatis Vestræ pijs-  
simam mentem, etiam apud barbaros, palam loquuntur. Hunc Maje-  
statis Vestræ Zelum Augustissima etiam Confors pro viribus æmulatur,  
quæ non tam pro Sua & Majestatis Vestræ, quàm DEI causâ sollicita,  
cum Nobilissimo Gynecæo, velut Christianarum Amazonum cohorte,  
adversus juratos Christi & Ecclesiæ hostes, precibus alijsque pietatis exer-  
citijs strenuè pugnat, nihilque ita in delicijs habet, quàm si blanditijs  
& adhortatione impiam unius barbaræ pertinaciam expugnare, eam-  
que è lustralibus Baptismi undis levatam, DEO lucrari possit; spoli-  
um ditissimum arbitrata, si suis sese pretiosis vestibus, mundoque muliebri  
spoliare, nudata ab hostibus Altaria vestire, & profanatas barbarorum  
sordibus Ecclesias exornare possit. Imitatur nimirum Majestas Vestra  
Bellicosissimi ac Sanctissimi Regis Davidis exemplum, qui, licet armis,  
& auspicijs suis contriverit Philisthæos, Moabitas subjugaverit, Syros  
domuc-

domuerit , aliásque gentes gravissimis cladibus afflictas in potestatem redegerit , Personæ tamen suæ velut oblitus , DEI sese duntaxat stipendiarium professus , palámque contestatus est , aliud se lucrum per tam arduos belli labores minimè aucupari , quàm ut gentes quamplurimas , extinctâ idololatriâ , & superstitionis gentilium erroribus , ad Veri DEI cultum pertraheret , Ejúsque obsequio manciparet : *Dabo Tibi Gentes hereditatem Tuam !* DEUS tamen humanâ liberalitate nescius vinci , certabat beneficijs cum Davide ; cùmque Ille in solam DEI T. O. M. gloriam irretortos mentis oculos figeret , eamque totâ virium contentione procuraret , DEUS Davidi vicissim fecit *Nomen grande , juxta Nomen Magnorum , qui sunt in Terra* , plurimas Illi provincias & populos subjecit , Solidúmque illius ita firmavit , ut Regius Ejus Sanguis , serie nunquam interrupta , usque ad Christi in terras Adventum , Avitam Davidis Sedem felicissimè teneret . Pari , inquam , beneficentiâ Cælum cum Majestate Vestra certat ; dum enim Majestas Vestra novos identidem populos DEO & Ecclesiæ vectigales reddit , novos indies triumphos Majestati Vestræ DEUS adornat , Imperij fines ad æmulorum usque invidiam latissimè extendit , Novas identidem Provincias hæreditario deinceps jure possidendas tradit , Domúmque Austriacam tam prodigosè extollit , ut ipsi etiam , infensissimi licèt Austriacæ Gloriæ hostes , eam revereri , & foederatam cum Austria DEI manum luculentis indicijs agnoscere cogantur , sitque omnium subditorum sincerissimum votum , ac spes non vana , quòd , sicut Regia Davidis Domus ad Primum usque Christi Adventum , ita Majestatis Vestræ Augustissima Domus ad Alterum usque Ejusdem Adventum in Imperij Romani Solio sit perennatura . Summis propterea solatijs perfusa gessit Ecclesia Universalis , dum , Majestatis Vestræ dextrâ obstetricante , tam copiosam sibi sobolem nasci , tàmque lætam animarum messem succrescere , intuetur , atque ex tam prosperis armorum successibus auguratur , aurea brevi illa tempora fore , ut post subactam Hungariam , Bosniam , Serviam , Bulgariam , Albaniam & Macedoniam , tota quoque reliqua Græcia , fœda defectione non ab Ecclesia solúm , sed etiam à Romano Imperio avulsa , ad obsequium redeat , ac Roma Antiqua cum Nova , Ecclesia Latina cum Græca , & Bicipitis Aquilæ divisum Corpus integrè tandem coalescat . Ad tam Sacramigi-

## EPISTOLA DEDICATORIA.

tur expeditionem permittat Inviſſima Veſtra Majeſtas, ut nos quoque è Minima JESU Societate, tanquam Præſidarii Eccleſiæ milites, ſubſidiariam manum conferamus, & dum Laureati in Hungaria Hercules Mahometicam Hydram, tot monſtroſam capitibus, quot infamem erroribus, ferro & igne impugnant, nos ſtylo & calamo eandem perſequamur. Antefignanum hoc in negotio habemus Libri hujus Authorem, Supremum Societatis noſtræ Præſidem, hac in palæſtra verſatiſſimum, & tot nobilem Laureis, quot adverſus impij Mahumetis deliria prælijs illuſtre: qui, antequam in Generalem Ordinis noſtri Ducem aſſumeretur, relictis in Hiſpania celeberrimis cathedris, per annos complures laborioſiſſimas ad Mauros expeditiones ſuſcepit, & acerrimum Mahumeticæ impietati bellum indixit, eo ſucceſſu, ut Sarracenos quampluriſimos ſub ſuaſe Chriſti jugum miſerit, Hebræorum non paucorum perſtinaciam fregerit, Magnâque Maurorum copiam Eccleſiæ aggregârit. Arma, quibus feliciffimè uſus eſt hunc in Librum, velut inſtruſtiſſimum armamentarium congeſſit, nobiſque artes ac modos oſtendit, quibus non Mahumetis duntaxat, ſed cujuſvis alterius ſectæ fallacias detegere, & errantes oviculas ad caulam reducere poſſimus. Demiffiſſimè igitur rogamus, ut Majeſtas Veſtra Librum iſtum ſereno, ut ſolet, vultu intueri, conatibus noſtris favere, & devotiſſimam ſibi Societatem, ejusque Collegiâ in Provincia Germaniæ Superioris, congenitâ clementiâ porro protegere & fovere clementiſſimè dignetur. Ita humillimè precat

*MAIESTATI VESTRÆ*

*Devotiſſima, obſequentiſſima*

Provincia Soc. JESU Germaniæ  
Superioris.



## LICENTIA ORDINIS.

**A**ndreas Reguera, Societatis J E S U, in Provincia Castellana Præpositus Provincialis, potestate ad id mihi facta à Reverendo admodum P. N. Carolo de Noyelle ejusdem Societatis Præposito Generali, facultatem facio, ut Tractatus adversus Mahumetanos à P. Thyrso Gonzalez nostræ Societatis Doctore Theologo, & in Salmantina Academia Primario Theologiæ Antecessore compositus, & Salmanticæ excusus anno Domini 1680. ad finem Tomi tertii Selectarum Disputationum ex universa Theologia Scholastica, sub titulo *Disputationis de Divinitate Christi, & demonstrationum contra Mahumetanos*; nunc denud seorsim recudatur pro majori legentium commodo, sub hoc titulo: *Manuductio ad conversionem Mahumetanorum, in qua veritas religionis Christiana adversus omnes ejus hostes manifestis argumentis demonstratur*: cum fuerit gravium, doctorumque hominum ejusdem Societatis judicio approbatus. In quorum fidem has literas manu nostra, & Secretarii nostri subscriptas, & sigillo nostro munitas dedimus. Vallisoleti in Collegio S. P. N. Ignatii, die 11, mensis Januarij, anno Domini 1687.

*Andream Reguera.*

*Antonius Caravez, Secret.*

## APPROBATIO EMINENTISSIMI D.D. R. *Josephi de Aguirre, S. R. E. Cardinalis.*

**M**ethodum hanc, quâ Mahumetani ex crassiss erroribus, quibus altè caligant, & excecunt, ad lumen Evangelicæ doctrinæ convertantur facilius, jam antè vidi, & suffragio meo probavi, dum ex præscripto Regij Senatûs Superioribus annis Cenfor essem Selectarum Disputationum Reverendissimi Patris Magistri Thyrsi Gonzalez, Primarij Theologiæ Professoris in Salmanticensi Academia. Cum autem pluribus doctrinâ, & eruditione præstantibus viris conveniens visum fuerit, ut illa seorsim edatur ad commodiorem usum eorum, quibus curæ est, aut erit Mahumetanorum conversio; censui pariter utilissimum, ut in eundem scopum recudatur. Quippe ad manum habebunt pervias demonstrationes, & urgentissimas præterea conjecturas, quibus occæcaram eorum mentem illustrare, & affectum inflammare possint, ut tandem emergant è tenebris, & veram salutis viam insistant. Quapropter non modica mihi spes affulget ingentis utilitatis, reportandæ ex nova editione hujus Tractatûs, quem sane oportet per omnes Christiani orbis plagas distrahî, & publicijuris fieri, illas præsertim, in quibus inveniuntur erroribus barbaræ illius sectæ dediti. Ita attestabar Matrî in Monasterio Benedictino S. Martini, die 15. Decembris, anno Dominicæ Incarnationis 1686.

*Josephus Cardinalis de Aguirre, Benedictinus.*

X)(X

APPRO.

*APPROBATIO ILLUSTRISSIMI D. D. DIDACI  
de la Cueva, Episcopi Vallisoletani, Consiliarij Regij, &c.*

**I**am pridem magno cum splendore primam lucem usurpaverat Manuductio ista ad conversionem Mahumetanorum : et ego placidos ipsius radios grato lumine hauri , cum pro munere Censoris injuncto ab Illustrissimo Domino D. Francisco de Seixas & Losada, tunc Episcopo Salmantino, & postmodum Compostellano Archiepiscopo, selectas ex universa Theologia Disputationes Reverendissimi Patris Magistri Thyrli Gonzal:z de Santalla e Societate Jesu, primarij Theologiæ Professoris in Salmanticensi Academia, meis probavi calculis ; candidissimis quidem , & pro mea in Authorem benevolentia , & pro Authoris adversus Censores meritissimo jure. Nunc verò , quod in Sole inruemur , qui nullo contentus hemisphærio plagas supergressus immensas , novum apud alios accolas mundum splendori suo , ambitu perpetuo sollicitat , neque uno quiescens volumine iteratis orbibus magno mortalium beneficio proprios radios dispensat : id ipsum huic Manuductioni accidit , quæ recto tramite ad superas lucis plagas , & ducit , & evolat. Nempe , quasi esset ipsius solaribus radiis scripta , in eam claritatem excrevit , ut illo *Selestarum* volumine non cõficta propriam sibi sphæram , quâ ocyùs in orbem circumferatur , & nova volumina , quæ liberaliùs diffundatur , exposcat. Hic primùm sacram mysteriorum fidei obscuritatem claris adedò splendoribus Author inaurat , & tam perspicuâ subtilitate dividit diem à tenebris , ut verè nox sicut dies illuminetur , & fides , quæ cæca est , planè simul appareat oculata , & tota oculus. Tum errores Mahumetanz Sectæ triumphans aggreditur ; & Prædicatoribus Evangelicis zelum accendit , methodum tradit , arma ministrat , quibus pertinaciam barbaræ gentis , licèt Aspidochelone , & obruantis aures suas , supernâ veritatis luce felicissimè expugnaturi sunt , ut spero. Quidni speraverim ? Novit omnis Hispania indulgentissimam Dei providentiam , quâ , dum Author inter sacras expeditiones ingentem spiritum zelo Dei plenissimum fatigaret , se ipsum sensit velut extemporaneo Spiritus sancti afflatu correptum , & inopinato juxta , ac vehementi agitato impulsu , ut ad Mauros conciones suas converteret ; quorum in prima concione quinque , in secunda octo , in tertia decem profuerunt in medium , & baptismum publicè postularunt ; & sic deinceps alii sine numero Religionem Christianam , incredibili omnium fidelium gaudio , amplexati sunt. Nec cuiquam dubitare fas est , quod idem ipse Religiosissimus Pater testatur , dum ad eas conciones pergeret in Theatrum , subito sibi inopinatam eouque demonstrationem affulsisse de cælo , quâ indomitam Mahumetanorum cervicem Evangelio subjugaverit : ut planè , quam Salomon habebat in votis assistricem sibi de cælo sapientiam , quæ secum laboraret , hanc cælitus delapsam Auctor habuerit , quæ cum illo pugnaret , ac vinceret. Opportunissimum igitur meo judicio , & saluberrimum consilium est ,

ut

ut Manuductio ista ad Mahumetanorum conversionem , denuò , & seorsum in publicam lucem prodeat , cum tot regiones à Turcarum tyrannide ereptæ , & Christianorum Principum , ac præsertim Augustissimi Leopoldi Imperio subiectæ , albæ jam sint ad messem . Suppetit hic Evangelicis Missionariis , quos Author , & exemplo vocat , & calamo manuducit , unde amplissimam palmarum tegetem sibi spondeant : suppetunt arma , quibus de Mahumeti erroribus , & fabulosis deliriis felicissimè triumphare possint ; sunt enim verè aurea , sunt triumphis sæpè sæpius assueta , sunt trophæis iterum atque iterum coronata , ac demum igneus est illis vigor , & cælestis origo . Vallisoleti , die 22. Martij , anno Domini 1687.

*Didacus Episcopus Vallisoletanus.*

---

### LICENCIA DEL ORDINARIO.

**N**Os el Licenciado D. Alonso Portillo y Cardos , Inquisidor Ordinario , y Vicario desta Villa de Madrid , y su Partido ; por la presente , y por la que à Nos toca , damos licencia , para que se impriman los Libros intitulados , *Manuductio ad conversionem Mahumetanorum* , compuestos por el Reverendissimo Padre Tirso Gonzalez de Santalla , Catedratico de Prima Jubidado de la Vniversidad de Salamanca , y Preposito General de la Compania de Jesus : atento nos consta , que por las aprobaciones , que hemos visto , no contiene cosas contra nuestra Santa Fè Catolica , y buenas costumbres . Dato en Madrid à veinte y uno de Agosto , de mil seiscientos y ochenta y siete annos .

*Lic. Don Alonso Portillo y Cardos.*

Por su mandato ,

*Juan Alvarez de Llamas , Notario.*

**APPROBATIO REVERENDISSIMI P. M.**  
*Ioannis Cortes Ossorio in Collegio Imperiali Matritensi pro Scholis*  
*Regiis Primarij Theologiae Professoris, Sacra Catholica Majestatis*  
*Theologi, Supremi Inquisitionis Senatus Qualificatoris,*  
*& pro eodem Tribunali Librorum*  
*Censoris, &c.*

**C**UM Celsitudo vestra dignata fuerit, hanc *Manductionem* ad conversionem Mahumetanorum, mihi censendam committere, facultatem simul concessam praesumo, & mihi, & auctori de huiuscemodi commissione gratulandi. Manifestum enim documentum est ejus bonae existimationis, & Christianae sapientiae conceptae securitatis, quod sua causa non magis integrum iudicium exposcat, quam concivis, amici, subditi, & filii. Talem me ergo cum profitear, non dubito, quin vestra Celsitudo magis elogium, quam censuram expectet. Scilicet cum Author Matriti transiret in Comitum Romana ad novi Praepositi Generalis electionem indicta, hunc praeclarissimum tractatum pro ea benignitate, quam omnium animos sibi devincit, mihi perlegendum indulsit; & testor, tantam voluptatem ejus lectione percepisse, ut nihil ardentius desiderarem, quam quoddam opus, adeo consentaneum, & utile Religioni Christianae, quantocius publicam lucem videret, optatissimaeque de ejus praerogativis interrogari, ut illas referendo, adeo proficuum editionem quadatenus urgerem. Spirat enim hoc opus eximiam pietatem, ferventissimum animarum zelum, charitatem erga Deum & proximos, profundam eruditionem, ingeniosum acumen, & tantam claritatem, efficaciam, & eloquentiam, qualis decebat celeberrimum Magistrum, sapientissimum Theologum, & Apostolicum Concionatorem, sicut jure optimo reputatur Admodum R. P. N. Pater Doctor Tyrus Gonzalez de Sautalia, cujus celeberrimi nominis fama maximum omnium elogiorum est. Verum, cum authorem reducem sperabat hoc opus, ut ipsum absolveret, & integrum ex omni capite prodiret, Praepositi Generalis dignitas eum nihil tale cogitantem intercept; quapropter necesse fuit, libri editionem differri, non sine aliquo publicae utilitatis detrimento, quod tamen longe compensavit Ecclesiae bonum, totius Societatis Jesu universale solatium, & omnium bonorum gaudium ob virtutis premium. Quid, inquam, bonorum? Imò nullus etiam malignantium fuit, qui de viri doctissimi, pietissimi, & humillimi exaltatione non gauderet. Ejus sanè electio tam communi plausu in Hispania excepta fuit, ut manifestam exceptionem fecerit illius universalis sententiae, quae negat ullum Prophetam acceptum in patria sua: siquidem vir modestissimus omnes populos Hispaniae, quibus ob Apostolici Missionarii munus notus erat, ea felicitate promeruit, ut cuncti à minimo usque ad maximum, tanquam decus proprium, & approbationem bonae existimationis de ipso conceptae, Praelaturam ipsius celebraverint. mirum

adum videtur, neminem fuisse, qui livore tactus, vel minimum popularibus præconis detraxerit, vel publicam gentis lætitiâ ægris oculis aspexerit. Tanta est aliquando meritorum vis, ut supra omnem æmulationem se extollat; sed impræsentiarum alia, nî fallor, est causa: etenim ea submissio modestissimi animi, quâ nullum contemnit, & ea Religiosa humilitas, quâ sibi cæteros præfert, prorsus exarmavit invidiam. Non desuere quidem viri præclari, qui Romam proficiscenti præcati sint, ut ejus virtus exteros lateret, ne Academia Salmanticensis tanto Præceptore, & universa Hispania tali lumine privaretur; verumtamen, quia hujuscemodi votum non ex maligno erat, facile se Divinæ providentiæ conformant, congratulantes Ecclesiæ, quod in dies pulchriores triumphos sperare possit ab invicta Societatis militia, tam egregio duce animatâ, & instructâ. Prodeat ergo hæc *Manuductio*, non solum Regia facultate commendata, sed omnium Catholicorum laudibus prædita, & munita, ut fideles operarii vineæ Domini habeant ad manum aptiora instrumenta, quibus illam excolant, augeant, & sæcundent. Ita videtur Matrici in Collegio Imperiali Societ. JESU 13. Augusti, 1687.

*Juannus Cortès Offertio.*

### LICENCIA DEL CONSEJO.

**D**iego Guerra de Noriega, Escrivano de Camara del Reynuestro Sennor, de los queresiden en su Consejo. Certifico, que por los Sennores del se ha concedido licencia à Juan de Goyeneche, vezino desta Corte, para que pueda imprimir dos Tomos pequennos, que compuso, y dexò para este efecto en su poder el Maestro Tirso Gonzalez, Preposito General de la Compannia de Jesus, intitulos, *Manuductio ad conversionem Mahumetanorum*, por el original, que va rubricado de mi rubrica, y firmado al fin de mi firma, con que aviendose hecho la impressiõ se trayga al Consejo con certificaciõ del Cor-rector, de estàr conforme à el, para que se tasse el precio à que se ha de vender. Y para que conste, doy esta certificaciõ. En Madrid à diez y nueve de Agosto de mil y seiscientos y ochenta y siete annos.

*Diego Guerra de Noriega.*

*Præfatio, Editioni Matritensi præfixa.*  
**JOANNES DE GOYENECHE**  
 Benevolo Lectori.

**A** Um Reverendissimus P. Thyrus Gonzalez de Santalla Romam ad Præpositi Generalis Electionem migraret, Operis hujus editionem mihi interea curandam & maturandam commisit, ratus, se brevi rediturum, & ultimam illi manum impositurum, ut omni ex parte perfectum lucem videret. Verum cum Ejus præclara merita, quibus Socios supereminet omnes, Roma illum detinuerint, & Præpositi Generalis munus subire coegerint, tantumque oneri dignè ferendo se, suâque vires omnes impendere, necesse fuerit, officij mei esse duxi, Tractatum istum, prout illum ab Authore accepi. in Ejus absentia typo & publica luci dare, ne tanti viri amica erga me confidentia desim, videâque indignum, inter ejus subditos numerari, immemor devotionis, quâ universa JESU Societati addictus sum, neque concivis Magni Indiarum Apostoli Francisci Xaverij, cujus se strenuum imitatorem Author exhibet. Ut autem, Lector benevole, nonnulla, quæ hoc in Libro dispersa leguntur, facilius percipias, opera pretium duxi, aliqua tum in præfatione tum in Optimi Viri commendationem prænotare.

II. Illebris enim fortassis, quisquis in hoc Opus incidere, dum in fronte illius leges, Authorem ejus fuisse Primarium Theologia Emeritam Salmanticensem, cum ad Emeriti honorem assurgere nemo possit, nisi per integros viginti annos Cathedram, quam Proprietatis vocant, obtinuerit: quod tamen, si ad alia, quæ Author non semel insinuat, attendas, per temporis angustias ab illo fieri omnino non potuisse censebis; dum nimirum Sacro Missionum muneri dedicatus, totam ferè Hispaniam peragravit, & universam Theologiam, quatuor justi folij voluminibus comprehensam, in lucem dedit. Hoc dubium ut Lectori plenè eximam, necesse est, imprimis explicare initium & occasionem, quâ Author ad Missiones animum adiecit; tum verò temporis, quo earum Ministerio vacavit spatium; dein causam, cur Sacra ad Mauros conciones habuerit; ac denique qua illi ratio fuerit, ut hunc contra Mahumetanos Tractatum, tertio selectarum dissertationum volumini jam antea insertum, hoc in Libello in novam lucem produceret.

III. Cum Author in Regio Salmanticensi Societatis JESU Collegio quatuor annos in addiscenda Theologia ac postea ex Superiorum imperio biennium in ea repetenda poncret, opportunè accidit, ut altero Repetitionis anno qui erat Millesimus, Sexcentissimus quinquagesimus tertius, ad prædictam Universitatem accederet P. Hieronymus Lopez, vir ille admirandus, omnium hac ætate Missionariorum per



## P R Æ F A T I O.

per Hispaniam Magister, quemque alterum Vincentium Ferrerium appellar nemo mirabitur, qui vitam Ejus Sanctissimam, virtutis eximia exemplum plenam, & Evangelica predicationis modum ac seriem, cui annis triginta novem se totum consecravit, totamque fere Hispaniam Apostolico suo Zelo pervasisse, consideraveris: quem enim in admirationem non rapiat (ut taccam innumera, videnda apud P. Martinum de Naia, qui integrum Tomum tanti viri rebus gestis enarrandis conscripsit) quod ex Ipsiusmet ore se didicisse testatur Ejus vita historiographus, illum nimirum octoginta millia Confessionum generalium, ut vocant, de totius vita noxis excepisse? Antequam igitur venerabilis ille Pater Salmantinam Missionem auspicaretur, Seraphica Virginis Terefia Corpus, quod apud Oppidum de Alva, quatuor leucis Salmantica distitum, magnâ populorum frequentia colitur, devotè prius venerari statuit, ut tanta Divæ auspicijs sacrum hoc negotium fructuosius inchoaret: ut autem Sanctissima hujus Virginis patrocinium efficacius sibi conciliaret, in Ejus honorem Oppidi illius incolae consuetis Missionis Exercitijs excolere, eorumque mores formare decrevit. Benignâ verò Numinis dispositione, & fortunatâ Authoris sorte accidit, ut Ipse quoque tunc praesens adesset, & oculatus tanti animarum proventus testis, illum Apostolica predicationis modum plurimum probaret, cumque velut idaeam ac regulam suam imitari statueret, sacro illo munere, & venerabilis Patris consortio adeò delectatus, ut ardensimum religiose amicitia fedus cum Eo contraxerit, omnesque Illius conciones Mannu propria descripserit: id enim præcipuè agebat vir ille, animarum Zelo flagrantissimus, ut omnibus Evangelica Missionis spiritum afflaret, eosque, quos muneri illi aptiores indicabat, adhortatione, consilijs, epistolis & precibus alliceret, atque in conceptio proposito firmaret. Perfunctus Missionem ista, in Toletanam Provinciam digressus est, & Madrium se contulit, ubi intimo charuatis nexu se conjunxit Patri Didaco Ludovico de Sanvitores, qui postea peragratâ Occidentalis Indiâ, Marianis Insulis Evangelij lucem primus intulit, & Martyrij coronam sibi paravit, quam ab incultis illis gentibus velut laboriosa instructionis mercedem accepit, anno supra millesimum, Sexcentisimum, septuagesimo secundo. Mirabilem Ejus vitam, miraculosam planè vocationem & in Societatem ingressum, fervens ad Indos transferendi desiderium, & res prodigiosè ab illo gestas, P. Franciscus Garfia in historia seriem digessit, quam qui attentè evolueris, ad Magni Xaverij similitudinem illum quamproximè accessisse advertet.

IV. Haec ergo virò Sanctissimo, amico per literas commercio familiarem esse voluit Patrem Thyrsus, Hieronymus Lopez, mutuamque illam consuetudinem aeternam esse optavit: sed ea nonnisi ad annum Millesimum, Sexcentisimum, Sexagesimum perstitit, quo is in novam Hispaniam navigationem suscepit. Ne autem conceptus in P. Thyrsi animo ardor tanta flamma absentia remitteret, Patrem Gabrielem Guillen, tunc in Toletana Provincia, sicut Author Salmantica fue-

rat,

## P R Æ F A T I O.

rat, publicum Theologia Professore substituit, monuitque, ut in amico Missionum studium fovaret, & familiari inter sese, arctaque consuetudine teneretur. Ea propter Hispani ad utrumque literas dedit, in quibus, postquam Patri Guillen, qua ad P. Thyrsam scripserat, retulisset, hac verba subnexuit; Reverentia vestra acceptâ hac occasione ad Ipsum scribat, noscâtque necesse est, quamplurimum hanc communicationem interesse. Gadibus vero, postquam ingentes fructus, ex introducto ibidem Nocturnæ Contritionis exercitio perceptos, recensisset, hac adjunxit: hoc totum nihil aliud reputo, quam levem dispositionem ad tempus, quo Reverentia vestra ad illum instituentum adveniret; nec ideo hoc accipiat in Missionis Indicæ prælagium, aliter enim perfici valet. Quorum verborum sensus tunc quidem latebat, brevè tamen patere cepit, cum anno supra millesimum, sexcentiesimum, sexagesimo quarto, Ambo desertis cathedris Ministerium Evangelicæ Prædicationis susceperunt, & Hispaniam Sancto illo in munere pervagati, sub annum Millesimum, Sexcentiesimum, Septuagesimum in Gaditanam Insulam post Resurrectionis Dominicæ festâ concesserunt, ibique post gravissimam navium in portu quiescentium stragem, & lucuosam adium ruinam, ventorum vi ac vehementia concitatam, uberrimi proventus Missionem instituerunt.

V. Itaque Venerabilis Patris Hieronymi Lopez, & Didaci Ludovici Sarvitoris suasionibus, precibus & vaticinijs impulsus P. Guillen, cujusque annis æstate Missionem aliquam aggredi decrevit, etiam cum è suggestu Philosophiam traderet Compostella; unde à laborioso munere impedimentum agere expeditum, per primum hebdomadarum spatium vicinos vicos & oppida quotannis percurrit. Cumque uberem ex Apostolici hujus viri prædicatione fructum P. Lopez adhuc Compostella degens, miratus esset, anno demum Millesimo, Sexcentiesimo, quinquagesimo tertio validis illum precibus exoravit, ut urbem quoque illam prædicatione sua illustraret, & post Missionem, Madriti, Abula, Compluti confectam, Compostellam se conferret. Verum aliter placuit Divina Providentiæ; dum enim ad Moniales Recollectionis Augustiniana apud Villafrancam del Bierzo verba faceret, paralyti subito correpti, ceptum iter abrumperet, quin & ab eo omnino desistere, & postea, resumptis denuo viribus, Provincialis sui imperio Aragoniam repetere coactus est. Interim autem Missionis causâ Villagarsiam divertit, ut Tyrannum nostrorum animas ad sacri hujus instituti studium inflammaret.

VI. Verum antequam se itinere committeret, Patri Thyrsæ per literas studiosè commendavit, ut ejus loco Missionem obiret, hac verborum formulâ usum; credere non possum, preces ac vota pro Compostellana Missionem, vacua quidem evasura, quin potius DEUM ac Dominum nostrum aliter operatum fructum prosperaturum spero. Nec spem fefellit eventus, quippe anno millesimo, sexcentiesimo, septuagesimo secundo, sub Adventus Dominici tempore, suadente



## P R Æ F A T I O.

dente Excellentissimo & Illustrissimo Domino D. Andrea Giron Antistite Compostellano, cum P. Joanne Rubi, Viro Magnis animi doctibus, ac Natura ornamēti decorato, Urbem illam P. Thyrsus, Missionem ibidem auspiciaturus accessisset, qua adeo copiosum animarum fructum peperit, ut die, Generali Communioni destinata, trigenta duo Milia hominum Eucharistici Panis alimentorefecta sint.

VII. Anno igitur Millesimo, Sexcentesimo, quinquagesimo quarto, sub finem Mensis Augusti, Missiones auspiciatus est P. Thyrsus, & ex fructibus uberrimi copia ad tam Sancti Ministerij amorem novis identidem stimulis vehementissime exarsit; quod cum Patri Hieronymo Lopez significasset, rescriptis iussu solam paterno affectu plenam, in qua verbis minime obsecris Missionarij minus ei deferendum pradixis, cum tamen ille tum temporis ne cogitationem quidem de hoc officio admisisset, tantaque illum deinceps benevolentia complexus est, ut, cum absolute jam Cursu Philosophico, & peracta Missionē, ager debuisset, summo animi dolore commotus, & exarsata postea ad illum epistolā gratissimis hīsce verbis animi sui sensum testatus sit: Grates Numini teci, & Te Deum laudamus recitavi coram SS. Sacramento, Deiparam quoque pro Reverentiæ vestræ salute deprecatus, sic eam allocutus sum: si hoc mihi à Numine proponeretur, vel tu decessurus es hac nocte, vel Thyrsus, quod malueris, elige: mori potius eligerem, ut Thyrsi vitam mea morte prorogarem. Scit probè Deus, scit & Deipara, non semel hoc me fuisse peccatum, sed sæpius ac sæpissimè. Cum aliis pariter coram SS. Sacramento grates effudi, nata tali nuntio singularem læticiam accepimus; vix enim ex literis Reverentiæ vestræ cognovi, eam febribus affligi, cum orare decrevi, per me & alios non ter aut quater, sed centies. Quis ergo in dubium porro vocare poterit, Apostolici hujus viri orationibus Reverendissimi P. Thyrsi vocationem ad Missiones adscribendam?

VIII. Subinde cum in Collegio Salmanticensi publicum Theologia Professorum ageret, Divino Spiritu afflatus Cathedra renuntiare statuit, ut totum sese Evangelico Missionum instituto consecraret. Consilij sui conscium ac participem esse voluit Patrem Guillen, enixè eum hortatum, ut ad sacram hanc expeditionem Ipso quoque sese accingeret. Miro in Eius animo motu hac amici epistolā excitavit; itaque Divinam certius voluntatem exploraret, ad Exercitia Magni Parentis Ignatii se recepit, in quibus, immisā celitus luce, planè agnovit, sacrum hoc sibi munus suscipiendum, si Divina cuperet voluntati obtemperare. Re igitur immo consensu firmatā, egregij hi duo Viri deliberare ceperunt, quā potissimum viā votorum suorum summam consequi possent: P. Guillen censuit expedire, ut sue quique Provincia Prapósito animorum suorum decreta aperiant;

## P R Æ F A T I O.

*id tamen consilium P. Thyrsus minimè probavit, cum nosset, Provinciam suam Præfide cum Præposito Generali agere cœpisse, ut Magistri Lantrea in Salmantina Academia condecoraretur, eaque suscepta nullam sibi vel levissimam ampliùs spem superesse, propositum suum executioni mandandi. Itaque satius & consultius esse censuit, animi sui vota Præposito Generali revelare; in quod P. Guillen non difficulter consensit. Ambo igitur, ad R. P. Joannem Paulum Oliva, tunc Vicarium Generalem, literas dant, & adductis gravissimis rationum momentis eundem exorant, ut Apostolico Missionum Ministerio ipsos addideret. suoque consensu desideria illorum firmaret. Annuit ille ferventibus eorum votis, argumentorum pondere victus, & Evangelicum hoc munus obeundi, totamque Hispaniam peragrandi potestatem illis fecit, missis cum in finem literis. quas Provincialis Tolæanus Patri Guillen sine mora reddidit, Castellana verò Provincia Prasos cunctandum tantisper, totumque negotium dissimulandum censuit, ne in subditiis notitiam venires, dum alij interea literis meliùs à se informati Generalis potestatem, quam fecerat, revocaret; aliores enim jure optimosq; de P. Thyrsos conceperat, ratus Missionum negotium longè feliciùs & fructuosius ab eo promovendum, si Salmantica Doctoratus Lantrea insignitus, Studiofa nostra luventutis intellectum sapiencià illustraret, voluntatem verò proximorum amore accenderet, & sic quamplurimos ad prædicationis munus idoneos ministros suâ industriâ formaret. Verùm Deus qui Sacro huic instituto illum destinaverat, illis ipsis artibus, quibus negotium istud impedire Provincialis conatus est, ad illud promovendum est usus.*

*IX. Post aliquos enim menses, mittendis ultro, citroque epistolis exactos, P. Præpositus Generalis Provinciali præcepit, ut, antequam officio cederet, Patrem Thyrsus Magisterio liberaret, atque aliquos ei mensium spatium indulgeret, quibus in Villagarsia tyrocinio concionibus elaborandis insudare, & ad Sacram illam expeditionem parare se possit: qua omnia sine cunctatione executioni sunt data; nam P. Provincialis in pervigilio Resurrectionis Dominica gubernationem Provincia absolvit, Vir autem apostolicus sex antè diebus Villagarsiam petijt, in Oshobri autem Salmanticam redijt, ut Patri Guillen, futuro expeditionum socio, qui illum ibi expectaverat, se conjungeret. Inde uterque die vigesima tertia ejus mensis, relicta Salmantica, Estremaduram, Beticamque, modò conjuncti, modò divisi, prout res & opportunitas ferebat, percurrere cœperunt.*

*X. Quinque vel sex omnino annis in Missionum consortio exactis, P. Guillen ex Generalis imperio Matritensis Tyrocinij Recltoratum suscepit, ibique vitâ decessit anno millesimo, sexcentesimo septuagesimo quinto, 19. Januar. eximiam Sanctitatis famam meritisimò adeptus. Author verò integros nudacim annos Missionibus dedit, ab anno nimirum hujus sæculi sexagesimo quinto ad septuagesimum*

*seximum*

## P R Æ F A T I O.

*sexum; intra quod temporis spatium quinque Archiepiscopatus, Granatensem, Hispalensem, Toletanum, Burgensem, & Compostellanum, & viginis Episcopatus, Cauritensem, Pacensem, Placentinum, Maducensem, Gaditanum, Salmantinum, Zamorrensem, Palentinum, Segoviensem, Vallisoletanum, Civitacensem, Pompeopolitanum, Legionensem, Asturiensem, Lucensem, Mindonensem, Abulensem. Tunc; densam & Ceutensem peragravit; Madriti ter, ac toties Hispali Missionem obivit ad Astures, Cantabros & Lusitanos, imò ad Siciliam, Neapolim, & Mediolanum usque, Apostolicos suos labores proferre destinaverat; sed Deus hinc conatibus obstitit; cum enim Anno 1676. Mense Majo ex lapsu brachium graviter contidisset, Villagarfia subsistere coactus est, dum sanitas vireſque rediſſens: solutus eâ curâ, Palentinam Missionem suscepit, cui dum vacaret, obiit P. Ioannes Barbanius, Primarius in Academia Salmanticensi Theologia Professor, Authoris olim in Philosophia Magister, vir genere ac sanguine clarissimus, quippe qui Comes de Beljoſo Mediolani in Insubria parentes sortitus est, longè tamen virtutibus clarior, & altissimâ planè sapientiâ conspicuus, quâ inter praeſtantes celeberrima illius Academia Doctores summam sibi commendationem comparavit, Primus is fuit, qui ex Societate Iesu primariam ibi cathedram obtinuit, postquam Serenissimâ Hispaniarum Regina Maria Anna Austriaca, ob Minorem etiamnum Filij sui Caroli secundi aetatem, Suprema Monarchia Hispanica Guvernatrix, totius universitatis consensu 1668. decrevit, ut Regale Salmantica Collegium, à suis Majoribus extructum, Primariam, Vespertinamque Cathedram, illis prorsus aequales, quas Patribus Dominicani Ducis Lerma precibus Philippus Tertius concessit, moderaretur. Huic ergo tanto viro Successorem, omnium Consultorum suffragio, Magistrum Thyrsum P. Provincialis designavit; latere illum tamen hoc voluit, usquedum executioni mandaretur, verius, ne is contrarijs fortè conatibus consilia sua eluderet, ac tum primum voluntatem ei suam denuntiavit, cum nulla ampliùs etiam levissima, oblatam cathedram subterfugendi spes superesse poterat. Restitit ille quidem, quantum per Obedientiam licuit; sed incassum laboravit, cum omnium aures precibus eius obmutata clauderentur. Tunc igitur aeternam Providentiam veneratus, ne longior cunctatio contumacia videri posset, quâ à Societatis nostrae liminibus longissimè propulsatur, Praesulis imperio sese licet invictum subiecit, & Anno 1676. Vespertina cathedra possessionem cepit, ac Doctoris insignia admisit; anno verò subsequente Primariam ascendit, eamque ad annum usque 1687. moderatus est, quo Regia Majestas, exorante Universitate, concessit, ut ad Emeriti honores assurgeret, quamvis vix dividuum annorum spatium, ab Academia statutis requisitum, explevisset. Res autem ita accidit: A Decem jam annis Regia Gaze Ministri de Decemalibus Terminis, in quibus totus Academia census subsistit, arduam illi litem*

## P R Æ F A T I O.

moverunt, in quam quinque jam aureorum millia impendere, & perpetuum præterea in alendo Causidico, Agente & Procuratore onus ferre necesse fuit: ut hinc tandem malo remedium faceret Universitas, Commissarium elegit Doctorem Thyrsum, Anno 1685. ut Eius nomine ad Regios pedes provoluitus, tot tamque graves Academia molestias, quâ precibus, quâ rationum momentis redimeret; idque præstitit eventu adeo felici, ut brevi ac facili impetrârit, quidquid Academia exoptabat, Regium insuper chirographum nactus, quo parti adversa perpetuum silentium inditum & omnes Academia facultates ac jura de novo firmata sunt. Ut igitur tanto hinc officio parem gratiam Universitas referret, Concilio coacto itum in vota, & nemine refragante decretum est, ut tam felici Universitatis Procuratori Emeriti honores tribuerentur, non secus ac si tempus de jure constitutum docendo implevisset.

XI. Nunc liquido constat, quo pacto Emeriti titulum adeptus sit Author, licet undecim annos in obeundis Missionibus collocaverit; non obscurè etiam patet, quo modo intra tempus tam breve quatuor Scholastica Theologia volumina, præter complures alias elucubrationes, publicam in lucem propediem proditura, typis dare potuerit: decem enim annis: quibus à suggesta Theologiam tradidit, antequam Missiones auspicaretur, exisist non pauca concinnaverat, & postquam Missionarij munus suscepit, ad ejus scientia commendationem studia sua in lucem dare decrevit. Ne autem Missionis fervori, Sanctoque illi Ministerio temporis aliquid subtraheret, per æstatem, quâ à Missionibus necessario vacatur, ab Amanuensi eadem transcribi, & obtenti à Præposito Generali potestate, bina volumina apud Gallos edenda ad prælum paravit. A Missionibus verò ad Salmantinam cathedram vocatus, in quatuor iusta volumina Materiam redegit, ibique typis mandari curavit, quorum duo Anno 1680. reliqua verò Anno 1686. prodierunt, editurus multò plura, si id per alia negotia, & inevitabilia obstacula licuisset. In primis enim Hispani, à D. D. Ambrosio Spinola ad Missionem obeundam Anno 1679. die Purificata Virgini Sacrà evocatus concessit, neque Salmanticam antefestum D. Joannis Præcursoris redijt, & quidem viribus, ex octuaginta Concionibus ad populum continnò habendis, adeo fractus, ut à vita periculo per illam æstatem non procul abesset. Anno dein 1681. misso ad Academiam mandato Madridum evocatus est, ut tertiam ibi Missionem institueret, neque ante notissimam D. Luca diem reverti licuit. Anno 1682. Patri Caroli de Noyello Præpositi Generalis Locumtenentis imperio denuo eò reversus est, ut Societatis negotia cum Rege, ejusque primarijs Ministris tractaret. Anno 1683. Dux Medinæ Celi, Primus Regis Minister, eundem ad se accersivit, totaque secum æstate deinivit. Tandem Anno 1685. ut, suprâ memoratum, ab Academia ad gravissima ejusdem negotia tractanda deputatus est. Intra hos ipsos quoque annos, quibus

## P R Æ F A T I O.

quibus Cathedram in Universitate moderabatur, non paucis Missionibus utaritur, Segovia nimirum, Pincia, Miobrica, Arevaci, & quinq; vel sexies Salmantica: unde palam est, eum multò plura publica luci dicturum fuisse, nisi eos curis & obstaculis fuisset distentus.

XII. Nunc superest aperire, quæ illi occasio fuerit, ut ad Mauros conciones haberet. Cum in Collegio Granatensi Anno 1669. degeret, & jamjam ad iter Malacense, Missionis ibidem instituenda causâ accinctus esset, infamiali colloquio ex Patre quodam intellexit, habere se Librum ex Bibliotheca Marchionis Stepe, cui titulus esset, Sectæ Mahumetanæ confutatio, à D. Joanne Andrea elaboratum, qui olim Maurorum Alfaqui seu Sacerdos, erat, postea verò Religionem Christianam amplexus, ferventissimum Christi Praconem egit. Sex igitur ante abitum diebus Librum illum in Compendium redegit, eoque solo literario subsidio munitus Malacam perrexit, atque ibidem Missionem mense integro continuavit. Eâ peractâ Episcopalis illius Ecclesiæ Canonicus ipsi significavit, ancillam se habere, sectæ Mahumetana tenacissimam, eamque ex morbo lethali periculosissimè decumbere; máximo sibi dolori futurum, si in sua infidelitate decederet. P. Thyrsus protinus illuc advolarit, & cum ea sermonem habuisset, eo modo & ordine, qui in Secunda hujus operis parte l. 2. c. 7. & 10. describitur, tam fortunato successu, ut veritati manus dederit, & niveis Baptismi vestibus induta in cælum evolarit. Felicissimus Africana hujus femina obitus ingentes P. Thyrsi stimulos admovit, ut Mauris deinceps predicaret: ardenti ergo eos juvandi Zelo impulsus, Ecclesiæ Malacensis Antistitem adijt, Illustrissimum Dominum D. Frat. Ildephonsum à S. Thoma, ex Sacra Prædicatorum familia, Virum eximij planè dotibus ornatum, Sanguinis claritate eximium, mentis perspicacissima, prudentia singularis, literis ac scientiâ clarissimum; qui Philosophiâ ac Theologiâ traditâ, toti Provincia in Ordine suo præfuit, ac postea Oxomensi primùm, mox Placentina sedi destinatus, ad Sacram tandem Malacæ Cathedram assumptus est. Præclarè meritis est Celebravimus hic Præsul, tum de ipsis Missionibus, tum de earum Ministris, dum illas singulari studio fovit, istos verò paternâ charitate adjuvit, tantisque benevolentia argumentis sibi obstrinxit, ut æterna ipsi grata mentis memoria debeatur. Ipsa etiam IESU Societas debitas Eidem grates nunquam satis referre poterit, præcipuè ob Apologeticum illud opus, quod anno proxime elapso in lucem dedijt, cum titulo, Catholica quæritimonia. Libellus ille sanè aureus est, in quo, quidquid Sapientia in thesauris continet, ad delicias usque velut in compendio complexus est: si enim verba spectes, gravia sunt, & Præsule digna; si eloquentiam, legentium animis imperat; si eruditionem, varietate delectat; si Theologiam, rationum momentis convincit; si Scripturam, validè roborat; si Pa-

## P R Æ F A T I O.

*trums testimonia, uberrimè confirmat; si vim ad extricandas hæreticorum tenebras, inferni ora obstruit; denique si omnia, sanè ingenij miraculum est. Quidnè ergo Prasuli, qui eximio Religionis Zelo pro fama Societatis asserenda totum se dedit, totam vicissim sese offerat aternùm devota Societas?*

*XIII. Cum hoc ergo Prasule illustrissimo sua P. Thyrsus communicavit consilia, qui licet Patris Zelum maximè sibi probari testaretur, metueret se tamen infinuavit, ut ne labor iste apud gentem, sermone & moribus barbaram, sperato fructu frustraretur. Tehtare tamen juvat, reposuit Pater Thyrsus; quamvis enim proterva Maurorum perfidia expugnari sese non patietur, Christianorum saltem constantia, qui frequentibus hac in litora excursionibus ab Africanis in pradam abiguntur, adhortationibus nostris obarmabitur, ut fidei nostra argumentis muniti animam saltem à ruina, & servitute demonis liberam tueri possint. Huius diebus acquievit Episcopus: verùm cum Ecclesiam concionibus habendis minùs aptam censeret, veritatem, ne infideles sanctissimum Eucharistia mysterium risu & sarcasmis suis polluerent, ideo communi consilio theatrum comædijs exhibendū destinatum elegerunt; quò, indictà ad tempus Missione, copiosa populi turba convolvavit, eo ordine servato, ut viri Sarraceni urbis equitibus & Canonicis, femina verò præcipuè Matronis Hispanis assiderent, ne suorum propinquitate, presentia, metu aut pudore Baptismi publicè efflagitare horrerent.*

*XIV. Atque hoc coactus sanè immixtum consilium probavit eventum; primà enim statim concione Orator Apostolicus tres ex Mahumetismi tenebris ad Christianam lucem perduxit, qui è medijs turbu in altiora pegmatum tabulata profilerunt, & petito multis precibus Baptismi lavacro corollas precatorias, in signum, quòd catechumenos sese profiterentur, è collo palam suspensus ostentârunt. In secunda concione quinque, in tertia decem vestigia priorum secuti sunt. Tandem consueque Neophytorum numerus crevit, ut præter complures alios, qui sacris Baptismi undis clam lustrati sunt, festâ S. Joannis Evangelista luce Anno 1670. Mauri plusquam 30. Illustrissimi Antistitis propria manu sacris unâs abluti, & candidâ Christi stolâ induiti sint, erecto ad illud pium spectaculum amplissimo theatro, cathedrali Ecclesia propinquo, in quod catechumeni pulchro ordine, & splendido comitatu stipati, è Societatis Collegio deducti sunt, prout in secunda hujus operis parte Author describit.*

*XV. Mæssus hujus ubertatem impulsit, ut novam illam predicandi methodum ad plures alias civitates extenderet, in quibus ducens Mahumetanâ perfidiâ ejuratâ, ad tutissimum Christiana veritatis portum convolvârunt, & solemni pompâ initiati sunt; Hispani præsertim, ubi tota solemnitatis series typis data, ubique placuit, ejusque brevis notitia libri tertij selectarum disputationum*



## P R Æ F A T I O.

nam Epistola dedicatoria ab authore inserta est, quam Illustrissimo Dno. Dno Ambrosio Ignatio de Spinola & Guzman inscripfit, qui licet avita nobilitate & majorum gloriâ passim resplendeat, propriarum tamen virtutum fulgore profapia sua lucem obscurare est visus, dum ab ipsa etiam adolescentia Sacro Compostella Senatui adscriptus, Myrtis & Infulis dignissimum sese praebuit: Ouetensis Episcopatus, velut meritis ejus inferior, Valentina illum Metropoli transmisit, quae solo ferè tanti Praesulis nomine fortunata, Compostella illum cessit, hac verò tam pretiosum munus modico tempore venerata, eundem Hispali Archiepiscopum dedit, ac denique dignum caelum è terris illum sibi eripuit; & verò tam numeroso Virtutum agmine stipatus decessit, ut Caeli foribus vim allaturus fuisset, nisi ejus charitatis, misericordia. & reliquo virtutum choro ultro sese referassent. Maximus igitur hic Antistes, designat à ad id muneris die, triginta & octo Mauro ad Baptismi lavacrum admisit, pompâ longè illustrissimâ inter omnes, quas unquam Hispali mirata est, ex quo illam sanctissimus Castella Rex Ferdinandus III. è Barbaro Sarracenorum jugo postliminio vindicavit.

XVI. Hujus itaque prae-dicationis utilitatem cum crebris faustisque experimontis Author didicisset, typis evulgare constituit, quae ad eam promovendam idonea expertus est, aut suo labore ac industriâ invenit. Cum autem postremam Hispali Missionem absolvisset, Anno 1679. & è publico Cathedralis ac Professe domus Ecclesiae suggestu pro concione ad Mauros diceret, fracti viribus sacrum hunc laborem abruptum, & Salmanticam agro licet corpore roperere coactus est. quamprimum autem sanitatem recuperavis, Trajectum, validis demonstrationum momentis adversus Mahumetanos instructum, & discipulis è cathedra tradendum, elaboravit, ac Tertiae selectarum Parisi inseruit; quam ipsam optimus Pater recuperata tam citò valetudinis causam interpretatus est, quasi nimirum Divina Providentia, meditatum à se opus gratum sibi esse, eo beneficio testâri voluisset. Non minus tamen sanitatis receptae gratiam Patris Antonij Thoma è Societate Jesu sanctitati, fusisque ad Deum precibus non sine fundamento adscripsit. Is, dum Indicam Navigationem aliquot annis non sine sanctae impatiens molestia praestolaretur, Conimbrica interim Mathematicas disciplinas tradidit, ac postea Madritum se contulit, ut satisfaceret votis Excellentissima Domina Ducissa de Aneiro, Matrona Majorum suorum ceris, ac multò magis virutibus suis conspicua; cujus etiam hortatu Salmanticam concessit, ut cum P. Thyrso nonnulla ad Orientis expeditionem subeundam opportuna traheret. Admiratus is est Apostolici illius viri fervorem, & ingenuè querebatur, deesse sibi necessaria concionum tela, quibus Mahumetanam superstitionem profigaret, quamvis aliqua suo sibi Marte parâset, quibus impios Maurorum errores debellare, & fallaces haeticorum fraudes detegere posset. Eo ipso tempore

)( )( )( )(

Author

## P R Æ F A T I O.

*Author prelo commisit Tractatum contra Mahumetanos, in quo copiosa se illi subsidia suppeditaturum spondit, traditurque sine mora triginta phylis typo jam excusis, reliquas se postea missurum promisit, quarum ultimam, navim jamjam consensurus accepit. - Literis postmodum Gcâ datis Patri Thyryo significavit, opus illud Patribus ibidem commorantibus singulare solatium attulisse, idque valde idoneum atque efficax judicasse, ad convincendos Mahumetanos, qui ad S. Xaverij Corpus honorandum in Insulam illam exscendunt. Cùm verò Tractatus iste, Magno volumini insertus, in omnium passim manus venire non possit, illum, uberioris doctrina augmento locupletatum, geminis Libellis, facili negotio à quovis evoluentis, completis statuit, idque hac ratione executioni mandatum est. In Prima parte Libri Religionis Catholica veritas adversus omnes contrarias sectas asseritur; in Altera verò Mahumeti perfidia detegitur ac profligatur, atque unà Catholica fidei veritas solidissimis rursus argumentis stabilitur.*

*Et hæc sunt causa, Lector benevole, ob quas opportunum hujus operis edendi consilium esse censui, eique hanc Præfationem, velut faciem, præfixi, ut quis forè in nonnullis per decursum legendi cessuaret. Ne autem dubium forè aut scrupulum movere nonnemini possit, quòd facultas Operis præfixa dicatur esse data à Provinciali, qui modò est subditus, & facultas Concilij Regij Authorem jam Præpositum Generalem appellet, ideo scire oportet, eam variationem diversis temporibus esse tribuendam, quibus negotij istius Curatores facultatem à Superioribus impetrarunt.*



MANU-



MANUDUCTIONIS  
AD CONVERSIONEM  
MAHUMETANORUM.

P A R S P R I M A.

In qua

VERITAS RELIGIONIS CHRISTIANÆ  
CATHOLICÆ ROMANÆ

manifestis argumentis demonstratur.

DIRECTA

Ad Conversionem omnium, qui sunt extra veram Christi fidem;

*Praesertim*

AD CONVERSIONEM HERETICORUM NOSTRI TEMPORIS,  
IN TRES LIBROS DIVISA.

- I. Divinitatem Christi, & evidentem Religionis Christianae credibilitatem.
- I. Evidentem ejusdem veritatem.
- III. Solam Ecclesiam Romanam esse veram Christi Ecclesiam, & in illa sola inveniri salutem, demonstrat.

AUTHORE

Adm. R. P. THYRSO GONZALEZ DE SANTALLA,  
è SOC. JESU, IN SALMANTICENSI ACADEMIA  
SS. Theologiæ Primario Antecessore Emerito,  
NUNC UNIVERSÆ SOCIETATIS JESU PRÆPOSITO GENERALI.



D I L I N G Æ,


Typis & Sumpt. JOANNIS CASPARI BENCARD, Bibliopolæ Acad.  
Per DANIELEM KNAB.

ANNO M. DC. LXXXIX.



P R O O E M I V M.

**Q**UAMVIS hoc Opus Titulum *Manuductionis ad Conversionem Mahumetanorum* solum præferat, denominatione desumptâ ab Ultima Ejus Parte, quæ fuit Prima in intentione Authoris, ad Conversionem tamen omnium infidelium deservit. Et hæc *Prima Pars* dirigitur præcipuè ad conversionem hæreticorum, estque ceteris copiosior, quia materia hoc postulabat: poterit à Missionario Apostolico, versante in regione, ubi sunt hæreses, & non Mahumerani, hæc pars seorsim ab Altera transportari: multum tamen hæc ipsa Pars juvat ad Conversionem Mahumetanorum & Hebræorum, dum manifestè Divinitatem Christi demonstrat.




# PRIMÆ PARTIS LIBER PRIMUS.

IN QVO SENSIBILIBVS ARGVMENTIS

*Divinitas Christi Domini evidenter demonstratur, & evidens credibilitas Religionis Christiana proponitur.*

## P R O O E M I U M.

I. **B**asis, & fundamentum Religionis Christianæ est Divinitas Christi Domini Salvatoris nostri, quâ ritè probatâ, de falsitate convincuntur omnes sectæ Religioni Christianæ oppositæ, nimirum Mahumetana, Hebraica, & Ethnica seu Gentilicæ, & vincitur, vera esse dogmata, quæ Christus Dominus mundo manifestavit; DEUS enim nec fallere, neque falli potest. Unde postquam sufficienter constiterit, DEUM aliquod mysterium mundo revelasse, & hominibus manifestasse, tenentur omnes illud firmissimè credere, quamvis sit supra captum humani intellectûs; infinita enim DEI autoritas obligat omnes creaturas rationales, ut sibi aliquid affirmanti firmissimè credant, sicut obligat, ut sibi aliquid præcipienti omnes obediant: tenetur enim creatura rationalis, intellectum, & voluntatem DEO subijcere; intellectum, firmiter credendo, quæ dicit; voluntatem, promptè exequendo, quæ præcipit. Unde unâ operâ convincemus in hoc libro perfidos Hebræos, & cæcos Mahumetanos, qui in neganda Divinitate Christi inter se conveniunt, licet valde dissideant in motivo illam negandi. Nani perfidi Judæi JESUM Nazarenum, quem Christiani omnes, ut verum Christum, & verum Messiam in lege promissum, & ut verum DEI naturalem Filium, proindeque ut verum DEUM adoramus, existimant seductorem fuisse, & propter blasphemiam, faciendo se Filium DEI, meri-



tò à majoribus suis crucifixum esse. Mahumetani verò credunt, fuisse virum sanctissimum, & Messiam in lege antiqua promissum, magnúmque Prophetam, ut videbimus part. 2. ceterum dicunt, fuisse purum hominem, quia impossibile censent, DEUM fieri hominem.

II. Quare argumenta, probantia Divinitatem Christi, non tantum deserviunt ad convincendos Mahumetanos, sed etiam ad confundendos perfidos Hebræos. Quia verò tractatus iste non dirigitur primario ad conversionem Judæorum, sed Mahumetanorum, non hic multum insistam prophetijs veteris Testamenti, quibus Doctores Christiani probare solent, Christum Dominum esse Messiam in lege promissum, quia prophetias perfidi Judæi vanis & ridiculis interpretationibus eludere tentant: sed utar argumentis sensibilibus, quæ mundo sunt nota, quorum vim omnes etiam rustici capere possint, & quorum efficaciam eludere non valeant etiam acutiores Judæi. Et hæc artē convincendi Judæos usus sum in Urbe Ceuta sub initium anni 1670. quando ibi Missionem feci; nam, finita Missionē Christianorum, ad Synagogam Judæorum in foro publico coram Marchione de Assentar, illius arcis & urbis Gubernatore, concionem habui, in qua ad emollienda saxea Hebræorum corda proposui motiva credibilitatis, quæ in hoc libro exhibeo, & experiētiā didici, hanc esse viam aptiorem ad expugnandam Hebræorum pertinaciam, & illi potissimum insistendum esse Missionarijs Evangelicis. Et ideo, ubicumque ad convincendos Mahumetanos probavi Divinitatem Christi, concionem quoque dirigebam ad Hebræos, si forsan aliqui occulti

ibi adessent.





## CAPUT PRIMUM.

*Introductio disputationis de Christi Divinitate,  
ejusque maxima utilitate.*

III. *Si non credideritis, quia ego sum, moriemini in peccato vestro*, tonabat Christus ad Iudæos, Ioan. 8. v. 24. id est, si non credideritis, me esse Dei Filium, verumque Christum in lege & Prophetis promissum, moriemini in peccato vestro, ut ad litteram explicant Toletus & Maldonatus. Iraque credere, quodd JESUS Nazarenus, quem Iudæi crucifixerunt, est Messias, seu Christus promissus in lege, verusque Dei Filius naturalis, ac proinde Deus, est medium necessarium ad æternam salutem, sicut est necessaria fides in unum Deum, & propterea Christus, Ioan. 17. v. 3. aiebat: *Hæc est autem vita æterna, ut cognoscant te solum verum Deum, & quem misisti Jesum Christum*: id est, hæc est causa vitæ æternæ, & hac sola via obtinenda est, nempe fide Divinitatis, & mysterij Incarnationis, ut credatur Deus, & credatur Christus, ut exponit Toletus: Atticulorum enim fidei hæc summa est, nempe veritas Divinitatis, & mysterium Incarnationis Christi, per quam redemptio perfecta est, sine quorum fide nemo vitam habet æternam.

IV. Probat verò optimè D. Thomas 2. 2. quæst. 2. art. 7. fidem mysterij Incarnationis esse necessariam ad salutem, *Quia illud* (inquit) *per se pertinet ad objectum fidei* (sine qua juxta Apostolum impossibile est, placere Deo) per quod

homo beatitudinem consequitur: via autem veniendi ad beatitudinem est mysterium Incarnationis & Passionis Christi: dicitur enim Actor. 4. *Non est aliud nomen datum hominibus, in quo oporteat nos salvos fieri*. Unde infert, mysterium Incarnationis aliquantulum fuisse creditum apud omnes habentes veram Dei fidem. Ante adventum Christi sufficiebat, hoc mysterium sub velis & figuris credere: at post tempus gratiæ revelatæ (inquit D. Thom.) tam majores, quàm minores tenentur habere fidem explicitam de mysteriis Christi, præcipue quantum ad ea, quæ communiter in Ecclesia solemnizantur, & publicè proponuntur.

V. Fumissimè ergo sibi persuadeant omnes peccatores infideles, se nullatenus posse ad vitam æternam appellere, nisi credant, quodd Christus est Filius Dei vivi: nam qui non credit (inquit ipse Joannes 3. v. 18.) jam judicatus est, quia non credit in nomine unigeniti Filij Dei, id est, jam sententiæ damnationis est subiectus & adjudicatus, quia non accepit salutis remedium, per quodd ab illa sententiæ mortis liberaretur, ut exponit Toletus. Est autem hæc doctrina utilissima, non solum ad convertendos Iudæos & Mahumetanos, qui in neganda Divinitate Christi conspirant; sed etiam ad piam fidelium consolationem & majorem

jorem fidei firmitatem ingenerandam; quamvis enim argumenta credibilitatis, etiam evidētia, non sufficiant ad generandum assensum tam firmum, quàm est assensus fidei, qui firmiùs adhæret veritati rerum revelatarum, quàm intellectus adhæreat conclusionibus, quas per evidētia principia cognoscit, sed ad id sit necessarium donum supernaturalis fidei, tamen ad majus fidei robur præstandum maximopere conferunt argumenta credibilitatis ritè perpenſa.

VI. Considerans namque homo testimonia, quibus mysteria nostræ fidei redduntur evidēter credibilia, deprehendit, dignam esse doctrinam Evangelicam, cui fides adhibeatur cum summa adhæſione & certitudine, tanquam rei à Deo summè veraci revelatæ: & quò alitùs introspicit motiva credibilitatis, majori accenditur desiderio, assentiēdum rebus fidei cum summa adhæſione: ut enim optimè explicat P. Coninch. de actibus supernaturalibus disp. 9. num. 73. re credendâ sufficienter propoſitâ, ita ut intellectus videat, hanc rem esse talem, quam meritò credat esse à Deo revelatam, voluntas ex pio erga primam veritatem affectu, & ipsius reverentiâ tacta, magno conatu intellectum illico impellit, ut illius majestatem atque auctoritatem vehementer apprehendat, eamque judicet hic & nunc postulare, ut propter eam firmiſſimè credat, quod sibi tanquam ab ea revelatum tam evidēter proponitur: atque ita partim illa apprehensione, partim imperio & impulsu voluntatis suadentibus, sine ullo discursu, ex sola divina auctoritate & testimonio, intellectus movetur, ut my-

sterio revelato firmiùs assentiatur, quàm ulli rei naturaliter cognitæ assentire fas sit.

VII. Nec ullum est incommodum, quòd homo Christianus his testimoniis & motivis adjuvetur ad credendum majori cum firmitate; ad hoc enim data sunt à Deo, ut eis infideles inducerentur, ad volendum credere, & ad petendum à Deo auxilium ad firmiſſimum fidei assensum, & fideles in fide magis confirmarentur, ut monet Petrus Epist. 1. cap. 3. v. 15. illis verbis: *Parati semper ad satisfactionem omni poscenti vos rationem de ea, qua in vobis est, fide.* Quo testimonio utitur D. Thom. 2. 2. quæst. 2. art. 10, ad probandum, rationem inducivam ad ea, quæ sunt fidei, non minuere meritum fidei; quamvis enim non debeat quis ea, quæ sunt fidei, credere propter rationem humanam, sed propter auctoritatem divinam; tamen potest cum laude expendere motiva credibilitatis, quibus manifestum sit, Deum esse Authorem Religionis Christianæ, ut majori cum affectu & fervore imperet voluntas intellectui assensum mysteriorum nostræ fidei propter auctoritatem Dei revelantis, & faciliùs possit vincere tentationes contra fidem, & infideles inducere ad eam amplectendam, fideles verò in ea confirmare & roborare.

VIII. Confirmatur: quia nemo potest credere fide divina, & supernaturali mysteria, quæ sunt supra caput & discursum naturalem hominis, nisi priùs præcesserit prudens fundamentum, ut sibi quisque persuadeat, Deum illa mysteria revelasse; non enim sufficit, obje-

ctum

Actum utcumque propoſi, tanquam dictum à Deo: nam Mahumetus & alij ſeductores etiam dicebant, ſuam doctrinam eſſe divinam, & à Deo revelatam; neceſſarium ergo ſaltem eſt, ut doctrina fidei divinæ proponatur cum talibus circumſtantiis, ut prudenter appareat credibilis eo modo, quo proponitur: *Nam qui cito credit, levis eſt corde*, inquit Spiritus Sanctus Eccleſiaſtici 19. Dicitur cito, & leviter credere, qui credit imprudenter, & quin videat ſufficiens fundamentum, ad ſibi perſuadendum, doctrinam illam eſſe à Deo revelatam; ergo ut quis credat prudenter, & actum fidei ſupernaturalis eliciat circa aliquod myſterium, debet prius judicare judicio prudenti, illud objectum eſſe credibile. Unde accedit alia magna hujus diſputationis utilitas: nam hoc judicium prudens de credibilitate myſteriorum debet eſſe evidens; ut enim inquit D. Thomas 2. 2. quæſt. 1. art. 4. ad ſecundum: *Omnis, qui credit, debet evidenter diſcernere credibilitatem myſteriorum, & ea videre ſub ratione communi credibilis; non enim crederet, niſi videret eſſe credenda, vel propter evidentiam ſignorum, vel propter aliud huiusmodi.* Ut autem exponit ibi Caietanus, S. Thom. loquitur de viſione propria, ejuſque ſenſus eſt, quoddam, verè & virtuoſè credere, exigit evidentiam, quoddam illud ſit credibile, ita quoddam nullus aliquid verè, hoc eſt, abſque formidine alterius partis, & virtuoſè, hoc eſt, prudenter credit, niſi evidenter cognoſcat, illud eſſe credibile. Ad hoc autem ut quis former judicium evidens de credibilitate myſteriorum noſtræ fidei, multum om-

nino reſert, ut fideles noverint motivum præcipuam credibilitatis, & utiliſſimum eſt ea populo proponi.

IX. Conſulatur P. Coninch de actibus ſupernaturalibus diſp. 13. dub. 1. num. 3. ubi docet, ante omnem actum fidei Theologicæ debere præcedere judicium certum & evidens, id eſt, conceptum per argumenta moraliter certa, quoddam ſit evidenter credibilis, tanquam à Deo revelata, ita ut prudenter omnino certò judicem, eam verè eſſe talem; atque, hoc judicium eſſe neceſſarium, ut voluntas prudenter applicet intellectum, ut eam illam propter divinam authoritatem firmiſſimè credat. Idem docet Eximius Doctor diſp. 4. de fide ſect. 5. num. 8. ubi dicit, ſe convinci hac ratione ad aſſerendum, quoddam judicium credibilitatis debet eſſe certum, ut ad fidem certam, & indubitatam inducat. Nam ſiquis poteſt prudenter dubitare, vel formidare de credibilitate objecti, poterit etiam de ipſa fide dubitare, aut formidare, & ita non erit fides perfectæ, & Chriſtiana; judicium autem credibilitatis non poteſt eſſe certum, niſi ſit evidens; ergo in quocunque verè credente debet ſupponi tale judicium. Hinc inferit, quoddam ſiquis credat ante judicium certum, & evidens credibilitatis, concipiet quidem quandam fidem humanam de rebus divinis, quæ interdum poteſt eſſe prudens, & honeſta, non tamen concipiet propriam fidem Chriſtianam, id eſt, omnino certam, & immutabilem, quia ſtante ſola probabilitate, & prudentiâ in illa fundatâ, poſſet quicquid propter majorem probabili-



tatem de novo apparentem iudicium prudentiæ mutare, & consequenter fidem, vel de illa prudenter dubitare, quod de vero assensu fidei nullo modo admittendum est. Quomodo autem in personis simplicibus, & rusticis præcedat sufficiens evidentiā credibilitatis, explicat ipse ibidem, & Cajetanus 2. 2. quæst. 1. art. 4.

X. Unde Ecclesia Catholica mediâ incedit viâ inter errorem gentiliū, & Mahumetanorum: ut enim refert Basilii in Psalm. 115. solent infideles reprehendere Christianos, eò quòd sine ratione, vel ut ipsi existimant, contra rationem credant, quæ de causa Paulus 1. Corinth. 1. agebat: *Christum Crucifixum Judæis esse scandalum, gentibus autem stultitiam.* Et ut refert Hieronymus in cap. 9. Matthæi, Porphyrius, & Julianus Apostata ob hanc causam iridebant eos, qui Christi doctrinam sequuntur. Hæretici autem Manichæi, ut hanc reprehensionem vitarent, in aliud extremum inciderunt, dicentes, nihil esse credendum, nisi quod ratione ostenditur, ut refert Augustin. lib. de utilitate credendi, & Bernardus Epist. 109. Catholica autem Ecclesia mediâ incedit viâ, nam & levitatem animi eorum, qui citò & sine sufficienti fundamento credunt, accipientes ut doctrinam Dei, quæ ab ipso revelata non est, reprehendit, & pariter durtiam cordis eorum, qui nihil credere volunt, nisi quod per naturalem discursum assequuntur; docetque, quamvis non semper possimus reddere rationem propriam eorum, quæ credimus, posse nos semper reddere rationem, cur cre-

damus, sic enim dixit Petrus Epistola 1. cap. 3. *Paratos nos esse debere ad reddendam rationem ejus, quæ in nobis est, fidei.*

XI. Est autem tam utile ad piam fideliū consolationem, & ad eorum fidem roborandam, expendere è pulchro argumenta illa, quibus probatur, Religionem Christianam esse evidenter credibilem, & in illa unicè posse inveniri salutem, ut, cum anno 1670. conclusiones publicè facerem in Curia Matritensi in templo Domus professæ Societatis Jesu pro conversione Mahumetanorum, tanta aviditate has conciones audiendi confluerint viri primarii, ut necesse fuerit cohortem Prætorianorum, qui ad custodiam Regis armati excubias agere solent, ad fores templi & domus apponere, ut turbam irrumperere volentem coercerent, & loca vacua reservarentur, occupanda à Magnatibus Curæ, & principibus formis: tantæque erat accurrentium hominum ad has conciones audiendas multitudo, ut viz Magnates ingressum invenirent. Me concionantem ad Mahumetanos, & Divinitatem Christi persuadentem audivit unus è Magnatibus, quos Hispani *Grandes* vocant, tantæque gaudio & consolatione affectus est, audiens argumenta evidentiā, quibus ostendi Christi Divinitatem, ut post concionem ad cubiculum properans, quòd ad abstergendum sudorem me receperam, continere se non potuerit, quin me arctè complexus sit, gratias agens pro doctrina tradita.

XII. Et cum anno 1669. in hac Salmanticensi Academia discipulis è Cath-



Cathedra dictarem hanc de Christi Divinitate disputationem, tanta consolatione aliqui ex illis perfusi sunt, audientes evidentiam, qua veritas Religionis Christianæ comprobatur, ut præ gaudio lachrimas continere non potuerint. Et dum Hispali in amplissimo atrio Domus nostræ Professæ sub dio ad Mahumetanos viros verba facerem, tanta aviditate fidei nostræ fundamenta audiebant viri nobiles, & plebei (nam feminis socius meus intra templum eadem

horâ concionabatur) ut quamvis interdum plueret, & per canales & regulas aqua decurreret, ab audienda concione dimoveri noluerint, nec permiscere, ut propter pluviam interromperetur concio; sed stantes, & pedibus insistentes, per duas horas veritates has immobiles audiebant, tanta animi voluptate, ut nihil facerent, totam pluviam humeris excipere, & ad proprias domus se madidos redire.

## CAPUT SECUNDUM.

*Primum caput probandi Divinitatem Christi ex miraculis, quæ fecit in hujus veritatis confirmationem.*

XIII. ANTE probationem exponendum est nomen, & natura miraculi. Miraculi vocabulum ab admiratione sumptum est; admiratio autem consurgit, quando effectus sunt manifesti, & causa est occulta: ubi autem causa est manifesta aliquibus, & aliis ignota; quamvis hi, qui ignorant causam, mirentur effectum, ut rusticus miratur Eclipsim solis, quia ignorat causam, hoc non est miraculum, quia Astrologus, qui eam novit, non miratur Eclipsim. Ut autem inquit D. Thom. 1. part. quæst. 105. art. 7. *Miraculum dicitur, quasi admiratione plenum*, quod habet causam, simpliciter & omnibus occultam, nempe Deum. Unde quæ sunt à Deo præter causas omnibus notas, miracula dicuntur. Hinc ubi effectus continetur in virtute

naturali alicujus causæ creatæ, quæ ignota est nobis, si cognoscamus effectum illum, qui est præter ordinem omnium causarum, quas cognoscimus, erit miraculum quoad nos; non autem simpliciter. Vnde miraculum propriè dictum est: *Effectus, seu opus superans vires omnes creatas*, ut definit S. Thomas 1. part. quæst. 114. art. 4. ac proinde solus Deus potest esse causa principalis veri miraculi, ut probat idem S. Doct. quæst. 110. art. 4.

XIV. Secundò supponendum est, præcipuum scopum miraculorum, quæ Christus fecit, fuisse, stabilire hanc veritatem, tanquam basim & fundamentum veræ Religionis, nempe ipsum esse Messiam in lege promissum, & à Prophetis prænuntiatum, seq; esse verum & naturalem Dei Filium, verumque Deum.

Deum. Id constat ex Joann. ultimo : *Multa quidem & alia signa fecit Jesus, quia non sunt scripta in libro hoc : hac autem scripta sunt, ut credatis, quia Jesus Christus est Filius Dei, & ut credentes vitam habeatis in nomine ejus.* Non contentus autem Evangelista hæc in generali notasse, cum in speciali miracula Christi enarrat, hoc ipsum animadvertit. Unde cum cap. 2. retulisset miraculum conversionis aquæ in vinum, addidit : *Hoc fecit initium signorum Jesus in Cana Galilææ, & manifestavit gloriam suam.* Illam utique, de qua cap. 1. dixerat : *Et vidimus gloriam ejus, gloriam, quasi unigeniti à Patre.* Effectus autem consecutus hoc miraculum fuit, quòd Discipuli crediderunt, ipsum esse Christum in lege promissum, verumque Dei Filium ; & crediderunt, inquit, *Discipuli ejus in eum.*

XV. Inter miracula omnia, quæ Christus edidit in confirmationem suæ Divinitatis, maximum fuit resurrectio Lazari, jam quatuor dies in monumento habentis, ut expendit Toletus notatione 14. in cap. 11. Joannis : hoc autem miraculum præcipue in eum finem direxit, ut constet 1. ex illis verbis Joann. 11. vers. 4. *Infirmus hac non est ad mortem, sed pro gloria Dei, ut glorificetur Filius Dei per eam.* Quasi diceret, hoc opere mea Divinitas est maximè confirmanda, & ex infirmitate hac procedet argumentum ejus efficacissimum, ut ad litteram exponunt Toletus, & Maldonatus. 2. ex vers. 42. *Pater gratias ago tibi, quoniam audisti me: ego autem sciebam, quia semper me audis, sed propter populum,*

*qui circumstas, dixi, ut credans, quia tu me misisti.* Quasi diceret : causa, propter quam, ô Pater, has tibi nunc publice gratias ago, ea est, ut populus, qui adest, & coram quo opus tam insigne tua virtute molior, credat, me esse Filium tuum, à te in hunc mundum missum ; credent autem, dum vident, me virtute tua talia facere, quæ facio : vident autem, me virtute tua ea facere, dum te confiteor, & tuæ potentie hoc tribuo factum.

XVI. Celeberrimum etiam fuit miraculum illud, quod narrat Joannes cap. 9. de illuminatione cæci à nativitate, quod præcipue destinatum fuisse ad manifestationem Divinitatis Christi, constat 1. ex versu 3. *Nec hic peccavisti, nec Parentes ejus: sed ut manifestentur opera Dei in illo.* Quod teste Toletoperinde fuit, ac dicere : *Causa, cur hic cæcus est, nec est peccatum aliquod ejus, neque parentum ipsius, sed ut opera Divinitatis mea in ea cecitate expellenda declarentur, & mundo manifestentur;* ac si clariùs diceret : ut me esse Deum in eo sanando ostendam, quia tale opus faciam, quod à solo Deo esse potest. Constat secundo, quia cum Judæi ejecissent cæcum à Synagoga, quia palam prædicabat miraculum, Christus in eum incidens versu 36. ait : *Tu credis in Filium Dei ? & cum ille respondisset, quis est Dominus, ut credam in eum ? Dixit ei Jesus, & vidisti eum, & qui loquuntur tecum, ipse est.* Tertio, quia post patratum hoc miraculum eum Judæi Joann. 10. vers. 25. Dominum sic interrogassent : *Si tu es Christus, dic nobis palam;* eis respondit : *loquor vobis,*

vobis, & non creditis: opera, quæ ego facio in nomine Patris mei, hæc testimonium perhibent de me. Ergo Christus illud miraculum fecit, ut probaret, se esse Filium Dei naturalem, verumque Deum.

XVII. Quæ magis constant ex his, quæ addidit vers. 31. *Ego, & Pater unum sumus.* Quo auditio sustulerunt lapides Judæi, ut eum lapidarent, tamquam blasphemum: *De bono opere* (inquiunt) *non lapidamus te, sed de blasphemia, quia tu, homo cum sis, facis teipsum Deum.* Constat denique ex his, quæ Christus subiunxit vers. 37. *Vos dicitis, quia blasphemus: quia dixi, Filius Dei sum? Si non facio opera Patris mei, nolite credere mihi: si autem facio, & si mihi non vultis credere, operibus credite, ut cognoscatis, & credatis, quia Pater in me est, & ego in Patre.* Ex quibus verbis aperte constat, Christum Dominum opera miraculosa edidisse, ut comprobarer, se esse Filium naturalem Dei, eiusdemque naturæ cum cum Patre, quia ob identitatem naturæ verificatur, Patrem esse in Filio, & Filium in Patre per Circuminfessionem.

XVIII. His suppositis sic argumentor: JESUS Nazarenus de seipso dicebat, se esse Filium Dei naturalem, verumque Deum, & in huius doctrinæ confirmationem evidentia edidit miracula: ergo certum est, ipsum esse Filium Dei naturalem, verumque Deum. Patet consequentia, quia vera edere miracula solus Deus potest: Deus autem nequit ea facere in confirmationem doctrinæ falsæ. Nam, ut inquit August. Epist. 49. quæst. 6. sicut humana consuetudo

verbis, ita divina potentia factis loquitur. Deus ergo loquitur operibus mirabilibus: unde sicut nequit falsum loqui, ita miraculis nequit falsum confirmare. Et ut inquit P. Suarez tom. 2. in 3. part. disp. 31. sect. 1. evidens est, opera miraculosa non posse fieri, nisi virtute divina: evidens rursus est, non posse Deum sua autoritate, singularique virtute mendacium confirmare: & ideo mira opera in veritatis confirmationem facta vocantur à Patribus, quasi *sigillum Dei*, quo talem doctrinam consignat. Idem docet disp. 4. de fide sect. 3. n. 10. citans pro eadem sententia D. August. D. Thomam, Canisium & alios plures.

XIX. Quod Christus vera ediderit miracula in confirmationem suæ Divinitatis, constat, quia in eum scopum Lazarum suscitavit: suscitatio autem mortuorum opus est solius Dei proprium; nulla enim causa creata vim habet suscitandi mortuos; & hæc res proposita Mahumetanis & infidelibus statim assensum conciliat, ut rem enim certissimam apprehendunt, solius virtutis infinitæ proprium esse, hominem verè mortuum ad vitam revocare. Unde August. tract. 91. in Joan. inquit: *Nulla in operibus Christi videntur esse maiora, quàm suscitatio mortuorum.* Et propterea Ambrosius lib. de fide resurrex. agebat: *Ideo resurrectio difficilè creditur, quia DEI munus est.* Et hac de causa Actor. 26. vers. 23. & 25. Festo Proconsuli, *Insanire visus est Paulus, eò quod resurrectionem predicaret.* Consulatur Pater Suarez tomo 2. in 3. part. disp. 43. sect. 6. Hoc etiam confirmant miracula in præcedentibus adducta,

præsertim visio cæco à nativitate restituta.

XX. Quæ opera à dæmone fieri non possunt, ut enim ait Augustinus lib. 3. de Trinitate cap. 8. *Demon non aliter opera sua mirabilia facit, quàm applicando virtutem naturalem causarum naturalium*; ut etiam explicat D. Thomas 1. p. quæst. 114. art. 4. Cum ergo in natura non detur virtus aliqua, potens visum repentè tribuere homini à nativitate cæco, consequens est, ut illius cæci illuminatio non potuerit à diabolo fieri.

Et ut Christus ostenderet, fieri opus illud virtute divina, linivit luto oculos cæci: quamvis enim diabolus posset restituere visum, id solum præstaret applicando causas naturales proportionatas; lutum verò non est causa proportionata ad illuminandos oculos, sed potius ad obcæcandos. Unde Joan. 9. v. 34. dixit cæcus, *A seculo non est auditum, quòd quis apernis oculos cæci nati, nisi esset hic homo à Deo, non poterat egc.* Viderunt

& ipsi Judei Joann. 21. vers.

37. ibi.

### CAPUT TERTIUM.

*Roboratur pracedens ratio, ostendendo, Deum non posse facere miracula in confirmationem doctrina falsa.*

XXI. Quid autem doctrina, in cuius confirmationem vera miracula conficiuntur, vera necessariò sit, constat, quia nec Deus potest facere miracula ad confirmandam doctrinam falsam, ut nuper ostendi, nec potest communicare homini potestatem faciendi miracula, & illi permittere, ut eis abutatur ad confirmandam doctrinam falsam. Hoc enim perinde esset, ac permittere, ut seductor consignaret mendacia sigillo illo, quo Deus ipse veritatem consignat, ut inquit Bellatminus lib. 4. de notis Ecclesiæ cap. 14. quod confirmat Venerabilis Cardinalis ex Marci ultimo, & ad Hebræos 2. *Constatante Deo signis & virtutibus.* Hinc deducit Cardinalis, necessarium esse, ut vera sit doctrina, quæ veris miraculis confirmatur: siquidem vera miracula non possunt fieri, nisi Dei virtute; dicitur enim miraculum, quod seperat vi-

res omnium creaturarum, & ideo omnibus creaturis est mirabile, & propterea etiam in scripturis dicuntur testimonia Dei: quare quod miraculo confirmatur, Dei testimonio confirmatur; Deus autem nequit esse testis mendacij: igitur quod miraculo confirmatur, verum sit, necesse est.

XXII. Nec solùm juxta leges ordinarias providentiæ supernaturalis nunc præsentis nequit fieri miraculum in comprobationem doctrinæ falsæ, etiam sola creatura intendente errorem, ut contra Bannez rectè probat Ripalda disp. 4. de fide sect. 5. num. 45. sed neque potestate absoluta Dei, & seclusis legibus præsentis providentiæ, contrà quàm falsò affirmat Durandus quæst. 1. Prologi n. 47. & Michaël de Medina de recta in Deum fide lib. 5. cap. 5. & alij pauci cum ipsis.

XXIII. Pro-

XXIII. Probatur autem nostra, & communis sententia; quia Deus debet habere in thesauris suæ omnipotentiae modum manifestandi Divinitatem Filii sui in Humanitate latentis, qui modus nequeat deservire ad conciliandam auctoritatem homini iniquo, qui, fingens se esse Filium Dei naturalem, vellet confirmare miraculis hoc mendacium. At non est alius convenientior modus manifestandi Divinitatem, quam per ea, quæ sunt propria Dei, ut docet D. Thom. 4. contra Gentes cap. 55. numer. 8. *Est autem Dei proprium (inquit) quod natura leges immutare possit, supra naturam aliquid operando, cujus ipse est Author: convenientissimè igitur probatur, aliquid esse Divinum, per opera; quæ supra leges naturæ fiunt, sicut quod cæci illuminentur, leprosi mundentur, mortui suscitantur, &c.* Et ideo Christus suam Divinitatem per hæc media manifestavit; ergo nec de potentia absoluta potuit Deus alicui homini iniquo tribuere facultatem, fingendi se esse Christum, & confirmandi similibus miraculis illud mendacium.

XXIV. At si de potentia absoluta posset Deus tribuere facultatem, patrandi miracula homini illa ab usuro ad confirmandam doctrinam falsam in his circumstantiis, in quibus illa redderetur prudenter credibilis, potuisset homini seductori, & fingenti se esse Messiam in lege promissum, tribuere potestatem confirmandi mendacium suum mortuorum resurrectione, & reliquis omnibus miraculis, quibus Christus suam Divinitatem manifestavit.

Unde corrueret primum principium, probandi veritatem Religionis Christianæ ex miraculis factis à Christo, & ab Apostolis: Gentiles enim, & Judæi, quibus Divinitas Christi miraculis ostenderetur, responderent, nescire se, an Deus tribuerit potestatem patrandi miracula homini in confirmationem erroris. Potuisset etiam Lutero, & Calvino prædicantibus suos errores potestatem tribuere, confirmandi suam doctrinam ejusmodi signis: quod est planè indignum summa Dei sanctitate & veracitate; non enim solum Deo repugnat, falsum loqui, sed etiam falsam locutionem creaturæ suo testimonio confirmare, & suo quasi sigillo munire.

XXV. Unde miracula ex se & ex natura sunt sigillum Dei, ordinatum ad consignandam eam rem, in cujus confirmationem eduntur. Et ideo Christus Dominus, ut se esse Messiam, & Filium Dei naturalem probaret, ad opera miraculosa in hujus rei confirmationem patrata recurrerebat, ad illa inquam, secundum se, & quasi ex terminis accepta, non ad illa, ut provenientia ex providentia particulari ab ipsis separabili: agebat enim Joan. 10. *Si mihi non vultis credere, operibus credite*, & cap. 5. *opera quæ ego facio, testimonium perhibent de me.* Et cap. 15. *Si opera non fecissem in eis, quæ nemo alium fecit, peccatum non haberent.* Ubi (ut inquit Ripalda ubi supra num. 47.) significat, excusabiles fore Judæos, & alios quoscunque contrariæ Religionis sectarios, respuentes nostram Religionem, si eorum ministri operarentur, quæ



quæ Evangelici operantur, obligationemque sectandi nostram Religionem fundari in miraculis, pro illa comprobanda patris, quæ nemo alius fecit. Quæ ratio ex terminis probat, omnino repugnare, quoddam ministri falsæ Religionis suos errores confirmant illis miraculis, quibus Christus & Apostoli veritatem Christianæ Religionis comprobaverunt; non repugnaret autem ex terminis, si semel Deus posset communicare potestatem, patrando verum miraculum homini iniquo, de quo sciret, illo confirmaturum doctrinam falsam in his circumstantiis, in quibus redderetur credibilis, quia si semel non repugnat Deo, edere unum miraculum in confirmationem doctrinæ falsæ, neque repugnaret edere omnia, quæ Christus fecit in confirmationem suæ divinæ doctrinæ.

XXVI. Quare ad supremam Dei Majestatem & dignitatem pertinet, ne ipsius nomine aliquid falsum ita proponatur, & miraculis confirmetur, ut homines secundum rectam rationem compellantur credere, illud esse dictum à Deo, eique assensum firmum præstare. Quia si Deus hoc permetteret, & miracula patraret in his circumstantiis, in quibus mendacium ita confirmaretur, ut sine hæsitatione credi posset, ac deberet, ageret contra suam dignitatem, ob quam fide dignus est. Si enim tot concurrentibus signis, & operibus miraculosis in confirmationem veritatis, posset adhuc subesse falsitas, Deus loquens nobis per homines, & edens signa ad confirmandam veritatem, dignus non esset fide, siquidem

adhuc posset subesse dubium, an miracula illa fiant à Deo permittente, ut eis abutatur homo ad decipiendum. Quare non minùs repugnat Deo, miracula facere in confirmationem falsæ doctrinæ, quàm ei repugnat, non esse dignum fide.

XXVII. Hinc meritò D. Thom. 2. 2. q. 5. art. 2. docet, hominem, qui videret, edi miraculum in confirmationem alicujus dicti, evidenter intellegendum, eam locutionem esse veram: *Si aliquis (inquit) Propheta pronuntiaret in sermone Domini, aliquid futurum, & adhiberet signum, mortuum suscitando: ex hoc signo convinceretur intellectus videntis, ut cognosceret manifestè, hoc dici à Deo, qui non mentitur, licet illud futurum, quod videtur, in se evidens non esset.* Et ibidem ad 1. docet, *Damonum fidem esse quodammodo coactam ex signorum evidentia.* Et art. 2. ait: *Hoc ipsum demonibus difflicere, quòd signa sint tam evidentia, ut per ea credere compellantur.* Et 3. part. q. 76. art. 7. affirmat, *dæmones præsentiam Christi in Sacramento credere, non fide voluntaria, sed coacta: Quia ad eam (inquit) evidentiam signorum convincuntur, prout dicitur Jacobi 2. quòd Dæmones credunt, & contremiscunt.*

XXVIII. Hinc etiam Pater Suarez tom. 2. in 3. part. section. 3. affirmat, si Dæmones speciali Dei providentia impediti non fuerunt, ut Christum cognoscerent, convictos esse ad credendum, & assentiendum, illum esse verum Messiam à Deo promissum, quia evidenter cognoscebant veritatem miraculorum Christi, & quod magis est, si

si à Deo non fuerunt impediti, cognoverunt evidenter, conceptum fuisse sine opera viti, & natum ex Virgine, Matris integritate servata, & in ejus natiuitate audire potuerunt Angelos annuntiantes, natum esse Salvatorem, qui est Christus Dominus, quos evidenter sciebant, non posse mentiri, utpote beatos. Rursus evidenter cognoscebant innocentiam, & puritatem vitæ Christi; insuper audiebant ipsum expressè dicentem, se esse Messiam promissum, Joannis 4. *Ego sum qui loquor tecum.* Et Matthæi 15. cum Petrus confessus esset: *Tu es Christus Filius Dei vivi*, ipse confessionem approbavit, dicens, *beatus es, &c.* Et cap. 11. cum Joannes Baptista nuncios misisset ad querendum, an ipse esset Messias, satis clarè affirmavit, ostendens miracula.

XXIX. Et Joannis 11. cum Matthæa dixisset: *Ego credidi, quia tu es Christus*, ipse tacitè approbavit, & jam jam factururus miraculum dixit: *Ut credant, quia tu me misisti*, intelligens se esse illum, qui quasi per antonomasiam mittendus expectabatur. Quod clariùs dixit Joannis 17. *Ut cognoscant te solum verum Deum, & quem misisti Jesum Christum*: quæ verba tam clara sunt, & aperta, ut nullam amphibologiam, vel violentam aut falsam interpretationem patiantur. Præterea clarè intelligebant demones, Christum facere miracula in confirmationem hujus veritatis, juxta illud, *Ut credant homines, quia tu me misisti.* Denique sciebant scripturas, signa, & miracula, quæ de Messia prædicta erant, & evidenter cognoscebant omnia compleri per

Christum; ergo vel inviti cogebantur fateri, ipsum esse Christum, si à Deo non essent impediti, ne ipsum agnoscerent. An verò defacto impediti sint, non attinet ad nos hic disputare. Consultatur Pater Suarez ibidem fuisse hanc controversiam tractans; nobis satis sit cum Augustino lib. 9. de Civitate c. 21. dicere: *Christus tantum innotuit demonibus, quantum voluit; tantum autem voluit, quantum oportuit.*

XXX. Quoties ergo homo docet aliquam doctrinam, & in confirmationem illius facit verum miraculum, convincit, illam esse veram, & à Deo: ut enim ait Gregorius lib. 27. Mor. c. 8. *Miraculum est in defectu probationis, & est auxilium rationis humane, ut assensum præstet alicui veritati, suppleatque argumentorum defectum, estque velut Dei sigillum, ut, quod affirmatur, à Deo esse credatur.* Sic cum Deus misit Moysen Exod. 4. ad populum de Ægypto educendum, ut illi persuadere posset, se à Deo missum, concessit ei facultatem confirmandi suam legationem miraculis, & Exod. 7. cum jussus esset, nomine Dei Pharaoni dicere: *Dimitte populum meum, &c.* ut sibi assenti, se à Deo missum, Pharaon crederet, miracula edidit. Deinde Elias 3. Reg. 18. ut Deum Israël verum Deum esse ostenderet, ignem de Cælo super holocaustum descendere fecit. Et 4. Reg. 1. ut probaret, se esse Prophetam Dei: *Si homo, inquit, Dei sum, ignis de Cælo descendat, & devoret te, & quinquaginta tuos: & descendit ignis, &c.*

XXXI. Ipsi etiam Scribæ, & Pharisei

rifici videntes, Jesum Nazarenum palam dicere, se esse Christum, & Messiam in lege promissum, & in hujus dicti confirmationem opera mirabilia facere, ne cogerentur fateri, illum esse verum Messiam, callidè ad blasphemiam confugerunt, dicentes, eum virtute dæmonis opera illa facere; planè sentientes, non posse negari, veram esse ejus doctrinam, si semel concederent, miracula ab ipso facta in ejus confirmationem Deum habere Authorem. Ergo vel Pharisei ipsi certum arbitrabantur, non posse Deum facere miracula in confirmationem doctrinæ falsæ, seu in his circumstantiis, in quibus doctrina falsæ redderetur prudenter credibilis: cum autem manifestum sit, miracula multa, à Christo facta in confirmationem suæ Divinitatis, non potuisse à dæmone fieri, manet inconcussum ex confessione ipsorum Judæorum, Christum verum dixisse, dum affirmavit, se esse Filium Dei, & Messiam in lege promissum.

XXXII. Immo dæmon ipse satis agnovit hanc veritatem, dum Matthæi 4. miraculum unum, & non admodum magnum, sufficiens existimavit, ut eum Filium Dei esse cognosceret, si in hujus rei probationem esset patraturum: *Si Filius Dei es, ajebar, dic, ut lapides isti panes fiant.* Cum enim sciret, lapidem non posse virtute dæmonis in panem converti, certò deprehenderet, illum esse Filium Dei, si in confirmationem hujus veritatis miraculum illud efficeret: ergo ex confessione ipsius dæmonis repugnat, Deum face-

re miraculum in confirmationem falsæ doctrinæ.

XXXIII. Unde alia est ratio de potestate supernaturali Consecrandi, quam Deus hominis libertati committit; quæ potestate licet homo abutatur in prævum finem, tamen Deus, supposita illa prava intentione, supernaturali auxilio concurret ad faciendum opus miraculosum. Alia, inquam, est ratio, quia ex hac promissione nihil contra Divinas perfectiones sequitur; immò hic elucet maximus amor Christi erga homines, siquidem ut eos certos omnino redderet de sua præsentia in Sacramento, voluit miraculum illud patrare, quoties verba illa Consecrationis proferrentur à legitimo ministro cum vera intentione supra legitimam materiam, licet Sacerdos in finem prævum ordinet miraculum illud.

XXXIV. Alia etiam est ratio de miraculis apparentibus, quæ patrata sunt à Magis Pharaonis, & sicut ab Anti-Christo. Etsi enim Deus concurrat ad illa miracula; concurret tamen dumtaxat, ut causâ universalis, & non ut causâ specialis, quia illa miracula sunt opera naturalia, & habent specialem authorem diabolum; unde Deo non tribuitur testificatio falsi, quia opera illa, astutiâ diaboli perpetrata, non essent quasi sigillum Dei testificantis veritatem, sed sigillum diaboli persuadentis mendaciam. Pro quo adverte, dæmones multa posse facere supra humanas vires, quæ miracula videantur: ea verò omnia dupliciter sunt, aut in apparentia tantum per sensum illusionem, aut in rei veritate; sed quæcun-

que

que hoc posteriori modo dæmones faciunt, non aliter fiunt, quàm per virtutes naturales causarum, quas nòrunt, & velocissimè & occultissimè applicant, ut suprà diximus ex Augustino & Thoma: ubi autem non est virtus aliqua creaturæ, quæ ejusmodi effectum producere valeat, cessat omnis dæmonum opera, & ad sensuum illusiones se convertunt. Quare ubi Magi virtute diabolica applicando activa passivis aliqua opera mirabilia faciunt ad suadendum errorem, Deus illum non confirmat autoritate sua; quia non est author specialis illorum mirabilium, sed duntaxat concurrat, ut causa universalis, sicut concurrat ad motus indeliberatos concupiscentiæ inclinantés in peccatum, quin propterea in peccatum inclinet, sicut revera inclinaret, si illos motus per se, ut causa particularis excitaret, vel habitum vitiosum directè inclinantem ad peccandum infunderet.

XXXV. Eiusmodi opera mirabilia edet Anti-Christus, de quo loquitur Apostolus 2. ad Thessalon. 2. *Cuius est adventus secundum operationem Satana in omni virtute, & signis, & prodigiis mendacibus, & omni seductione iniquitatis.* Sicut namque Christus in confirmationem veritatis vera fecit miracula; ita Anti-Christus in confirmationem falsitatis fallacia edet signa & prodigia: sicut Christus miracula vera faciebat virtute Dei, qui est prima veritas, ita Anti-Christus miracula falsa peraget virtute diaboli, qui est pater mendacij: quia vel mirabilia ab ipso faciendi non erunt res veræ, sed phantasticæ; ut si videatur suscitare mortuum, qui antea mortuus

non erat, vel postea verè vivus non remaneat; vel si interdum faciat res veras, quæ mirabiles appareant, illa non erunt vera miracula, quia solum exhibebit hæc opera, occultè & velocissimè applicando causas naturales illorum effectuum, qui apparebunt hominibus miraculosi, quia ignorant causam, quæ reipsa datur. Id explicat bene Caietanus exponens verba illa Christi Matth. 24. *Surgente Pseudo-Christi & Pseudo-Propheta, & dabunt signa magna & prodigia (qua diabolica potestate fieri possunt) Quæ secundum veritatem (inquit) non excedunt facultatem naturalium agentium, nisi pro quanto demon movere potest aliqua, quæ naturalia agentia non movent, vel ad mixtionē, vel ad locum, & celerius agere, aut ad contraria statim, aut applicando ad effectus, ad quos natura nunquam applicaret huiusmodi. Et propterea apparebunt mirabilia, & existimabuntur vera miracula. Facile enim erit tanta multitudini demonum, libera in suo posse (quod modò ligatum est) sanare agrotos, etiam quos incurabiles appellamus, quasi subito: & curare vulnera incurabilia à nobis, quasi subito: movendo quæ intus sunt in corpore, & intendo intus secretis naturalium corporum, tanquam atomorum, quæ non percipimus. Et sic de similibus.*

XXXVI. Aliam rationem reddit Eximius Doctor tom. 2. in 3. part. disp. 31. sect. 2. cur, licet Deus non possit facere verum miraculum, quando per illud redditur prudenter credibilis doctrina falsa; possit tamen permittere apparentia miracula, quamvis videat, per illa decipiendos homines sub specie Divinæ virtutis & autoritatis? Respondet enim,



nim, non esse eandem rationem; quia quando fiunt falsa miracula, semper, inquit, relinquitur aliquis modus, quo moraliter possint dijudicari, si homines, quod in se est, faciant ad cognoscendam veritatem. Primò bene considerando ipsamet opera, & circumstantias eorum. Secundò considerando personam, vitam & mores ejus, qui sic loquitur & operatur. Tertiò considerando doctrinam ipsam, an aliqua in parte rationis adversetur, vel alijs revelationibus Divinis sufficienter propofitis per Ecclesiam. Denique orando Deum, & consulendo scripturas & prædictiones in illis factas, & signa data, ne in errorem inducamur.

XXXVII. Assentit itaque Magnus Suárez, non pertinere ad providentiam Dei, non permittere falsa signa, quæ ad probationem & profectum electorum profunt, sed pertinere ad providentiam Dei, dare auxilium, ac modum, quo possint dijudicari & cognosci, quia non est Divinæ bonitatis & sapientię, permittere hominem tentari ultra id, quod potest: ac propterea quando, facta morali diligentia & investigatione, adhuc constat evidenter, vera esse miracula, quæ fiunt in confirmationem doctrinæ, nullam relinqui dubitandi rationem de talis doctrinæ veritate, præsertim si miracula

sint frequentia, & magnâ authoritate atque potestate facta, & vitæ innocentia ac sanctitate confirmata, & in ipsa doctrina nihil contra honestatem, nihil contra rationem rectam, nihil denique contra alias Divinas revelationes appareat. Quæ omnia cum in doctrina & miraculis Christi cumulativè inventa sint, constat, miracula Christi evidenter, evidenti morali, ipsius doctrinæ veritatem comprobavisse.

XXXVIII. Addit idem Author, quando Deus dat potestatem ad supernaturale opus faciendum, considerandum esse modum & finem ejus: quando enim datur modo stabili ac permanenti, non ad confirmandam veritatem, sed ad aliquam publicam utilitatem, ut interdum datur gratia sanitatis, vel alia similis, tunc licet quis diceret, se illâ uti in confirmationem veritatis, non ideo statim adhibendam esse illi fidem, sed potius attendendum esse ad alias regulas fidei certas & infallibiles. Si verò potestas hæc, & usus ejus datur singulari & extraordinario modo, ita ut non appareat alius finis & utilitas ejus præter veritatis confirmationem; tum certè maxime spectare ad Divinam providentiam, non concurrere specialiter ad tale opus, quando homo per illud intendit salutem persuadere, ac alios decipere.





## CAPUT QUARTUM.

*Occluduntur frivola evasiones, quibus infideles eludere conabuntur argumentum petatum à miraculis Christi.*

XXXIX. **E**X dictis constat, miracula, à Christo patrata in confirmationem suæ Divinitatis, eam evidenter evidentiâ morali convincere, & infideles obligari ad eam credendam, si eis citè proponantur: nihil enim solidum huic argumento respondere poterunt. In primis enim frivolum est, quod pagani respondent apud Origenem lib. I. contra Celsum, nimirum miracula, & signa Christi fuisse prastigias, & sensuum ludificationes, quasi non veritate, & effectu, sed apparentiâ tantum, illa omnia conficta fuissent. Nam quod Lazarus, qui quatuor jam dies sepultus jacebat, vivus ex sepulchro prodierit, & postea multo tempore vixerit, item quod cæcus à nativitate postea viderit, non erat sensuum delusio; nam hic verè experiebatur, se videre, & ille, se vivere; & miraculum ipsum fatebantur, idque manifestum erat omnibus, non minus quàm est manifestum, me vivere, & vobiscum loqui: unde non minus evidens erat, illos esse veros & reales effectus, quàm nunc evidens est, vivere homines, qui permanenter exercent opera viventium propria: prastigix namque sensuumque ludibria statim evanescunt, & ille, quem alii delusorie existimant vivere, & videre, id non experitur, sicut Lazarus, & cæcus experiebantur.

XL. Idque vel inde patet, quod Scribæ, & Pharisei, qui præ invidia & odio insensi erant Christo, & per blasphemiam sæpe dicebant, eum virtute diaboli miracula patrare, nunquam ausi sunt effurire, opera ejus mirabilia effectum non habuisse: nam post diligentissimum examen evidenterprehenderunt, verè videre, qui à nativitate fuerat cæcus; verè vivere, qui diu jacuerat mortuus, & repente ambulasse, qui per multos annos se movere potens non fuerat.

XLI. Nec item dici potest, Christum virtute diaboli miracula patrassè, rum quia multa fecit, quæ omnem creatam virtutem excedunt, ac proinde à diabolo fieri non possunt, tum quia, licet fecerit aliqua, quæ, si secundum se considerentur, dæmon potuit facere; eo tamen modo fecit, qui omnem virtutem diaboli superat: nam Christus fecit solo verbo, sine applicatione alicujus virtutis naturalis: fecit etiam in instanti, & sine ulla mora, quod diabolus facere non potest. Rursus Christus opera illa mirabilia faciebat sæpe, orando ad Deum, & imperando, & simul secreta cordis pandendo, quod extra ditionem diaboli est. Deinde si finem miraculorum Christi inspiciamus, manifestè deprehendimus, illum virtute Divina, non diabolica, ea fuisse opera-

operatum; nihil enim temporale, nihil pravam per illa intendebat, sed unice rectitudinem morum, Veri Dei cognitionem, & ipsius dæmonis exterminationem: quæ omnia satis probant, ea opera non à diabolo, sed à Deo processisse; diabolus namque morum integritatem, vitiis exilium, Veri Dei cognitionem, & sui Regni destructionem intendere non potest.

XLII. Nec denique dici valet, Christum reipsa non fecisse opera illa mirabilia, quæ Evangelistæ narrant, sed ejus Discipulos ad sui Magistri commendationem ea finxisse, & literis divulgasse. Id enim per se apparet manifestè falsum, & incredibile: tum quia simili audacia dicere posses, Moysen non pavisse miracula, quæ in Exodo narrantur, nec extitisse Alexandrum Magnum, & similia: tum quia sanctitas Apostolorum hoc piaculo fædari non poterat: quomodo enim comminiscerentur miracula, ad probandum, Jesum esse Filium Dei naturalem, quem tamen purum esse hominem scirent? Quorsum igitur hæc machinarentur viri Judæi, lacte imbuti Mosaicæ legis, quam à Deo latam, penitusque abrogandam sciebant, si Evangelica prævaleret doctrina. Sanè honores, vel lucra temporalia minimè aucupabantur, quia ex hujus doctrinæ prædicatione nihil honoris, nihil emolumenti, nihil denique lucrabantur in hac vita, nisi verbera, persecutiones, & mortem.

XLIII. Nec item intendebant lucrum spirituale, si scienter fingeant; noverant enim, gravissimum esse peccatum, merum hominem asserere Deo

æqualem, & per ficti Evangelii prædicationem legem Moysis à Deo datam evertere; scienter ergo volebant, æternam damnationem incurrere, sine spe ullius temporalis commodi, ut hominem purum, à quo nihil sperare poterant, deprædicarent Deum: hoc autem est evidenter incredibile, nec in homines rationis compotes cadere potest. Unde vel dicendum, omnes Evangelistas, & Apostolos, qui Christi miracula scripserunt, & prædicarunt, ut mundo persuaderent, eum esse Filium Dei naturalem, fuisse prorsus stolidos, vel commentos non fuisse illa miracula, sed gesta sincerè narrasse. Primum dici non potest, alioqui cogeres rem incredibiliorum deglutire, nempe homines omnino stolidos totum mundum convertisse per ficta miracula, ad recipiendam fidem, tantopere repugnantem carni & sanguini, & mysteria creditu difficillima proponentem, nullumque præmium sectatoribus præsentantem, sed omnia in futurum sæculum promittentem: ergo debet dici secundum.

XLIV. Aliud etiam argumentum conficere possumus ex Chrysostomo in Oratione, quod *Christus sit Deus*. Nam Evangelistæ, qui referunt Christi ignominias, ejus etiam miracula narrant: quomodo ergo dignos fide putant infideles in illis; in istis vero arguunt, quasi dixerint non facta? & si ad gratiam sui Magistri hæc scripssent, stultè & frustra & assent, si non tacuissent, quæ multis ignominiosa & dura videntur: nunc autem horum veritatem monstrarunt, dum in illis maxime immorati sunt,

sunt, omniâque valde diligenter, & magnâ copiâ tractârunt, neque parvum, neque magnum prætermittendo, sed in signis & miraculis plura transierunt: ergo sincerè, & sine dolo scripsère.

XLV. Deinde manifestè convincitur, Apostolos, & Evangelistas hæc miracula non finxisse, quia res narrabât, non in angulo, sed in media Jerusalem factas: verbi gratia illuminationem cæcinati, qui oculis luto linitis, jussus est per mediam civitatem ire ad natoria Siloë ad abluendos oculos, ut in longa via quàm plurimos, & cæcitatibus, & curationis suæ testes colligeret, ut notant Chrysostomus, & Theophilæus: Resurrectionem Lazari Christus operatus est coram multis Judæis, qui à Jerusalem venerant in Bethaniam, ut Mariam & Marthâ consolarentur de morte fratris: item curationem repentinam paralitici, quem in probatica Piscina coram magna languentium multitudine sanavit, & jussit, ut tolleret grabatum suum, & ambularet, ut de veritate miraculi omnibus constaret: & tenebras illas, quas in morte Christi super universam terram factas narrat Matthæus caput 27. quæ miracula cum narrentur facta coram magna hominum multitudine, facili de falsitate poterant convinci Evangelistæ, si falsum narrarent: unde miracula falsa prædicantes ab omnibus iriderentur, & tanquam fabularum fabricatores rejicerentur, & nulli fidem in Christum persuaderent.

XLVI. Constat autem multos ex Judæis ad fidem Christi convertisse Apostolos, prædicando hæc miracula, ut patet ex Actorum 2. versicul. 22. ubi

Petrus loquens cum Judæis aiebat: *Viri Israëlita, audite verba has: Jesum Nazarenum Virum approbatum à DEO in vobis, virtutibus, prodigijs, & signis, quæ fecit Deus per illum in medio vestri, sicut vos scitis, &c.* Constatque ex illo capite versicul. 42. in hac prima concione convertisse Petrum circiter tria millia Judæorum. Et ex Actorum 4. versicul. 4. constat, in secunda concione convertisse quinque millia: ergo argumentum evidens est: Apostolum Petrum vera miracula narrasse, dum ea narrando, tanquam rem apud audientes notam, tantam multitudinem convertit. Sanè si quis seductor peregrinam doctrinam hodie in hac civitate prædicaret, & ad commovendos auditores diceret, se heri coram ipsis suscitasse mortuum in confirmationem suæ doctrinæ: si falsa narraret, nihil apud audientes obtineret, nisi irrisiorem, & ignominiam: ergo pariter, &c.

XLVII. Id ipsum ex alio capite manifestè convincitur: quia cum Scribæ & Pharisei odio æstuarent contra Jesum, sanè si falsa essent miracula, quæ Evangelistæ de ipso narrant, palam detegerent mendacium, & scripto confutarent, & innumeris testibus convincerent, & facili obtinerent, ne fides Christi propagaretur. At nemo Judæorum ausus est hanc exceptionem Evangelistarum narrationi, & Apostolorum prædicationi, verbo vel scripto opponere: ergo evidens signum est, Christum ea miracula edidisse. Idque patet ex ipsa adversariorum confessione: nam gravissimus Scriptor Josephus Judæus, qui proximè post Christum floruit, lib.

18. antiquitatum cap. 4. sic scribit: *Fuit autem his temporibus Jesus sapiens vir, si tamen virum eum nominare fas est; erat enim mirabilium operum effector, & Doctor omnium eorum, qui libenter audiunt, quæ vera sunt. Et multos quidem Judæorum, multos etiam ex gentibus sibi adiunxit: Christus hic erat. Hunc, acensatione primorum nostræ gentis Kiro- rum, cum Pilatus agendum in Crucem*

*decrevisset, non deseruerunt hi, qui ab initio eum dilexerunt: apparuit enim eis tertia die iterum vivus, secundum quod divinitus inspirati Propheta, vel hac, vel alia innumera miracula futura prædixerant. Sed & in hodiernum diem Christianorum, qui ab ipso nuncupati sunt, & nomen perseverat, & genus. Huc usque Josephus.*

## CAPUT QUINTUM.

*Secundum caput probandi Divinitatem Christi ex vindicta, quam Deus sumpsit de Judæis, quia illum Crucifixerunt: cui annectitur tertium caput, inde petitur, quod post necem Christo illatam jam diabolus non tentet Judæos de Idololatria, sicut antea faciebat.*

**XLVIII.** **P**RO conficienda ratione supponendum est, propterea Judæos Jesum crucifixisse, quia dicebat, se esse Filium Dei naturalem, verumque DEUM. Constat id primò Joannis 5. 18. *Propterea ergo magis querebāt eum Judæi interficere, quia Patrem suum dicebat esse Deum, æqualem se faciens Deo.* Et Joannis 10. *De bono opere non te lapidamus, sed de blasphemia, & quia homo cum sis, facis te ipsum Deum.* Et ex Matthæi 26. 41. *Adjuro te per Deum vivum, ut dicas nobis; si tu es Christus Filius DEI vivi?* Et cum respondisset affirmativè, tunc Princeps Sacerdotum scidis vestimenta sua, dicens, *blasphemavit, quid adhuc egemus testibus?* Et Joannis 19. 7. *Nos legem ha-*

*bemus, & secundum legem debet mori, quia Filium Dei se fecit.*

**XLIX.** Hoc supposito sic argumetor: *Jesus Nazarenus de seipso dicebat, se esse Filium DEI naturalem, verumque Deum: & hac de causa Judæi necem ipsi machinati sunt: ergo si ille non esset Filius Dei naturalis, sed purus homo; Judæi eum crucifigendo non injuriam Deo irrogassent, sed obsequium exhibuissent, nec supplicio digni forent, sed præmio. At Judæi Christum eo titulo crucifigentes, non obsequium Deo exhibuerunt, sed atrocem injuriam irrogarunt: ergo quia non blasphemia, sed summa veritas erat, quod Jesus Nazarenus de seipso dicebat, se esse Filium Dei naturalem. Minor patet*

ex vindicta, quam de ipsis sumpsit Deus ob illatam Christo necem : nam propter hoc delictum Civitas Jerusalem, ejusque Templum à Tito & Vespasiano destructa sunt, & Judæi ut vilia mancipia venditi, & in varias mundi plagas dispersi, miserrimam patiuntur captivitatem, sine Rege, sine Templo, sine Sacerdotibus, & sine Sacrificiis, facti in derisum, & opprobrium omnibus nationibus.

L. Assumptum constat 1. ex Danielis c. 9. v. 26. quem locum seq. sequenti dabimus. Secundò ex Lucæ 14. 42. ubi Christus videns Civitatem flevit, & prædixit ejus destructionem ; *et quòd tempus visitationis sua cognoscere nolisset*, hoc est, opportunam salutis suæ occasionem amplexi. Tempus primi adventus sui appellat Christus tempus visitationis ; *Quia visitavit nos veniens ex alto*, ut dixit Zacharias Lucæ 1. 68. & quia veniens visitavit : *Et fecit redemptionem plebi suæ*. Constat tertio ex Lucæ 21. 24. ubi Christus de hoc supplicio loquens ( ut probat P. Gaspar Sanchez in cap. 9. Danielis numer. 169. ) dixit : *Eccadent in ore gladii, & captivi ducentur in omnes gentes, & Jerusalem calcabitur à gentibus*.

LI. Constat denique ex Matthæi 24. 7. ubi Christus prædixit omnimodam destructionem Templi in pœnam illius peccati : *Videti hoc omnia ? Amen dico vobis, non relinquetur hic lapis super lapidem, qui non destruat*. Significat his verbis Christus ( inquit Maldonatus ) etiam atque etiam stru-cturam Templi considerent, quò ma-

gis eversionem admirentur, non enim relinquetur lapis super lapidem : quod et si per exaggerationem dictum videri potest, ut ingens tantum ruina & vastatio declaratur, qualem Josephus describit lib. 7. de bello Judaico cap. 9. & 10. tamen non est passa divina providentia, ut existimare quis posset, Christum vel in uno lapide per hyperbolem fuisse mentitum. Scribunt Chrysostomus orat. 2. & 3. adversus Judæos, Nazianzenus orat. 3. contra Julianum, Theodoretus lib. 3. Hist. Ecclesiasticæ cap. 20. Julianum Apostatam, dum imperaret, Judæis concessisse, ut Hierosolimitanum Templum restaurarent, id Judæos incredibili alacritate præstitisse, effodisse fundamenta veteris Templi, ut nova reponerent, interea autem ignem ex imis fundamentis exilasse, multosque consumpsisse ex his, qui ædificabant : ita Judæos suis manibus Christi prædicationem complevisse ; verus enim Templum, siquidem supererat, ita diruerunt, ut lapis super lapidem non remaneret ; novum verò, ne inchoare quidem, divinitus prohiberi, potuerunt. Constat ergò, Jesum Nazarenum, cujus in verbis veracitatem tantopere Deus zelavit, & cujus mortem illi, ut blasphemo illatam tam severe pœnivit, non eum fuisse, quem perfidi Judæi existimant, sed quem ipse se dixit esse, & Christiani firmissimè credimus.

LII. Quod confirmare possumus ex Chrysostomo in Orat. *Quòd Christus sit Deus*. Edificavit Ecclesiam Christus, & nullus eam destruere potuit ;



tuit: destruxit Templum, & nullus illud ædificare potuit, idque in tam longo tempore. Nam & illam destruerē conati sunt, & non potuerunt; & hoc ædificare attentāvere, & nec id ipsum potuerunt; hoc autem permisum est, ne ullus dicere posset: si attentāssent, potuissent; ecce attentāverunt, & nihil potuerunt. Subditque, solam virtutem Christi potuisse impedire Templi ædificationem: nam quamvis olim Templum illud fuit destructum; tamen ubi post septuaginta annos redierunt, statim excitatum est, fuitque priore multò præclarior. Nunc autem supra 400. ann. est (modò supra millesim. sexcentef.) & nulla, vel cogitatio, vel expectatio, sed nec spes, ut instaretur. Et quid obstabat, si non divina virtus obluctata est? Nonne multa erat illis pecuniarum copia? Patriarcha, qui omnium undequaque colligebat tributa, & immensos thesauros possidebat? Nonne temeraria erat natio? nonne impudens? nonne seditiosa? nonne ad audendum præceps? nonne bellorum ferax? nonne multi erant in Palæstina? nonne multi in Phœnicia? nonne multi ubique passim? Quomodo ergo non potuerunt unum Templum struere, præsertim videntes, cultum suum alioqui ubique residere quasi ligatum, & Judaicos ritus aboleri, & Sacrificia, & oblationes, & alia legitima auferri? Immodò non licebat eis excitare, vel Templum, vel Altare, aut Sacrificium offerre, aut immolare ovem, aut imponere timiana, aut instruere festa ciuita illa vestibula. Attamen nunc vi-

dent, quòd desolatio ejus loci ab his omnibus se excludat, & quòd attentaverunt quidem, sed temeritatis pœnam luentes non potuerunt locum, in quo hæc omnia licebant, legitime erigere, & constituere; nam virtus Christi, quæ ædificavit Ecclesiam, eadem Templum destruxit.

LIII. Deinde, Judæorum nationem hanc universalem captivitatem & dispersionem pati ob delictum occisionis Christi, probat efficacissimè Paulus Burgensis part. 2. Scrutinii Scripturarum dist. 6. cap. 1. & 2. Utrautem argumentum conficiat, probat, in peccato illo, ob quod tam longam captivitatem patiuntur Judæi, debere tria concurrere, quæ non nisi in occisionem hominis Dei quadrare possunt: nempe, & peccatum illud esse majus eo, ob quod per septuaginta annos captivitatem Babylonicam passi sunt: & peccatum hoc esse commune omni genti Hebræorum, & demum esse illis occultum & ignotum.

LIV. Quòd hoc peccatum debeat esse longè majus peccato, captivitatis Babylonicæ inductivò, probatur: quia pœna proportionatur culpæ, & ut dicitur Deuteron. 25. *Iuxta mensuram delicti erit & plagarum modus.* At pœna hujus peccati, est longè major pœnâ alterius: ergo & peccatum debet esse longè majus. Probat minor, quia captivitas præsens longè superat Babylonicam: nam illa duravit dumtaxat septuaginta annis; hæc verò ultra mille & sexcentos jam protensa est: illa fuit unius dumtaxat tribus Juda, ista verò captivitas universalis omnium

Tri-

Tribuum Israël. In prima captivitate Ioachim Rex Juda magno in honore habitus est à Rege Babylonæ, & in Throno Regum sedit, ut constat ex 4. Reg. ultim. vers. 28. Similiter, & alii illius generis in honore fuerunt constituti, ut constat ex 1. & 2. Danielis: in præsentem autem captivitate nulli Regem habent, nec notabili fruuntur honore, sed ubique despecti, & contempti sunt. In captivitate ista ingens eorum multitudo à Romanis interempta est, plerique alii facti sunt captivi.

LV. Audianus Iosephum lib. 7. de bello Judaico cap. 17. ubi sic inquit: *Et captivorum quidem omnium, qui toto bello comprehensi sunt, nonaginta & septem milium comprehensus est numerus: mortuorum verò per omne tempus obsidionis undecies centum millia: ab omnibus enim regionibus ad Azimorum diem festum congregati bello subito circumfusi sunt. Et postmodum subiungit: Itaque superat omnem humanam, & divinitus emissam pestem numerus peremptorum, quos partim palam occidere, partim cepere Romani. Inventi autem sunt ibi quoque plusquam duo millia, quorum alii manu sua, plures autem mutuis se vulneribus interfecerunt, cum alios fames corrupisset.*

LVI. Deinde in captivitate Babylonica multos habuerunt Prophetas, qui eos Dei nomine de peccatis præteritis increpabant, ad pœnitentiam hortabantur, & spe redemptionis levabant, quod præstiterunt Hieremias, & Ezechiel. Propè finem autem captivitatis inter eos floruerunt Daniel,

Esdras, Zacharias, & Aggeus, deditque illis Dominus Salathiel Ducem, & Principes, & Sacerdotes, cum quibus exierunt de Babylonia, peractâ pœnitentiâ, & placato Deo; & ædificaverunt Jerusalem & Templum, aliâque civitates, & effudit dominus super illos copiosè misericordiam suam: Quod signum est, eos tunc punivisse ut Patrem, & ut populum proprium tractâsse. In hac autem ultima captivitate nullus unquam inter eos Prophetas surrexit iuxta illud Psalmi 3. *Iam non est Propheta, & nos non cognoscat amplius.* Quod argumento est, eos à Deo reprobatos, & non esse jam populum Dei, in eisque adimpleri illud Danielis 9. *Non erit ejus populus, qui ipsum negaturus est.* Ex quo enim dixerunt: *Non habemus Regem nisi Casarem: & nolumus hunc regnare super nos, à Deo deserti sunt;* constat ergo, supplicium hujus captivitatis esse longè majus supplicio captivitatis Babylonicæ. Propterea namque hæc ultima captivitas appellatur à Daniele desolatio, prima verò appellata est transmigration, quia post modicum tempus Jerusalem reduces venerant: ergo institutum est ob aliquod peccatum longè majus; hoc autem nequit esse aliud, quàm occisio hominis Dei. Nam Judæi captivi ducti sunt Babylonem, quia adoraverunt idola, Prophetas Dei occiderunt, & legem ejus abjecerunt; peccato autem idololatriæ nullum est majus, quàm occisio hominis Dei: qui enim idolum, ut Deum colit, est sicut subditus, qui proprium Regem offendit, ei tributa denegando,

do, & alium Principem, ut Regem salutando; qui verò Christum occiderunt, sunt sicut hi, qui in ipsam personam Regis offensam committunt, eum blasphemando, & turpiter occidendo.

LVII. Rursus peccatum, in cuius poenam inflicta est hæc ultima captivitas, debet esse commune omnibus Hebræis, qui per totum orbem dispersi sunt; cum enim Deus iustus sit, non potest punire Iudæos nunc existentes ob peccatum suorum maiorum, qui vitulum in deserto adoravêre, ut somniant aliqui Rabbini, huc applicantes illud Exod. 32. *Ego autem in die ultionis visitabo hoc peccatum eorum.* Nec ob peccata commissa in primo Templo, ut alii fingunt; non, inquam, potest Deus hoc facere, nam ut ipse dixit Exodi 20. 5. *Ego sum Dominus Deus tuus fortis, Zelois, visitans iniquitates Patrum in filios, in tertiam & quartam generationem eorum, qui oderunt me.* Ex quibus verbis constat, non plus se extendere iustitiam divinam in puniendis peccatis prædecessorum, quam ad tertiam & quartam generationem, quia, ut exponit Burgenſis, filii & nepotes pluries inveniuntur imitatores paterni sceleris: unde in translatione Chaldaica dicitur, hoc esse, quia filii sequuntur opera patrum; vel quia peccata parentum solum possunt puniri in descendentes, quatenus parentes torquentur, dum vident afflictionem eorum, & quia communiter solum vident post se quartam generationem. Ut enim inquit D. Thomas 1. 2. quæst. 87. art. 8. ad primum: *Ideo additur in*

*tertiam & quartam generationem, quia tantum consueverunt homines vivere, ut tertiam & quartam generationem videant; & sic mutuo videre possunt, & filii peccata parentum ad imitandum, & patres poenas filiorum ad dolendum.* Cum ergo Iudæi modò existentes nescientes commiserint peccatum adorandi vitulum, nec illud approbent, sed potius abominentur, & cum longissimè distent à suis maioribus, qui illud commiserunt, consequens manifestè est, eos non puniri tam dira & longa captivitate propter peccatum adorantis vituli, vel propter peccata commissa in primo Templo. Quod vel inde patet: Nam si Deus placatus est illis ipsis Iudæis, qui peccatum illud commiserunt, & post septuaginta captivitatis annos eorum filii in Jerusalem rediit magno cum honore, & ingentibus cumulavit beneficiis; quomodo tam diè punire potuit eorum descendentes post sexagesimam, vel forsitan centesimam generationem, propter alienam culpam, quam ipsi videre non potuerunt, nec unquam imitati sunt, sed potius abominantur ex corde?

LVIII. Restat ergo, ut hanc captivitatem patiantur propter erimen crucifixionis Christi: ut enim inquit Burgenſis, *licet Iudæi, qui post destructionem secundæ Templi fuerunt, non intervererint in occasione Christi; omnes tamen, quicunque sunt sub Hebræica perfidia, consentiunt, approbant, & laudant peccata, quæ commissa fuerunt à suis maioribus in personam Christi; ut patet per omnes Magistros eorum, qui conveniunt in hoc, quod occisores Christi*

*secum-*

*secundum veram justitiam legis cum occiderunt.* Unde Rabbi Moyses in lib. de Judiciis, tit. de Regibus & Messia, sic dicit: *Circa finem Templi secundi Nazareus ille iuravit se esse Messiam, & ideo Sapientes, & Magistri nostri fecerunt de eo, sen in eum, quod debebas fieri.*

LIX. Denique peccatum hoc, ob quod tam acerba & longa puniuntur captivitate perdidit Judæi, est eis omnino ignotum. Hoc autem patet ex libro quodam Tmudico valde authentico apud illos, qui dicitur *Magnila*: ubi inquiritur ratio, quare Judæis existentibus sub captivitate Babylonica revelatus fuerit à Deo terminus illius, ut patet Hieremias 29. Judæi verò existentibus sub hac secunda captivitate nunquam revelatus sit ejus finis? ibique respondetur, propterea prioribus revelatum fuisse terminum captivitatis, quia revelatum ipsis fuit peccatum, ob quod illa à Deo immissa fuit, ut de illo dolentes mererentur veniam: posterioribus verò idcirco non revelari terminum captivitatis, quia omnino est ignotum ipsis peccatum, ob quod sic puniuntur. Ex quo concluditur, peccatum hoc esse blasphemiam in Christum & iniquam ejus occisionem: nam tantum abest, quodd hoc peccatum cognoscant, ut potius pertinacissimè sibi persuadeant, majores suos obsequium magnum præstitisse Deo, Nazareni mortem machinando. Cum ergo constet, in solo peccato persecutionis, & occisionis Christi concurrere illas tres condiciones, nempe, & quodd sit longè majus peccato Idololatriæ, & quodd sit omnibus

Judæis commune, eisque occultum, & incognitum; manifestum relinquitur, eos propter hoc peccatum à majoribus suis commissum, & ab ipsis approbatum pati hanc severissimam pœnam, & manifestam Dei vindictam: ac proinde convincitur, Jesum Nazarenum esse Filium Dei naturalem verumque Deum.

LX. Id ipsum confirmat Chrysostomus ex illa prophetia Moysis Deuter. 18. 15. *Prophetam vobis excitabit Dominus Deus de Fratribus vestris, sicut me ipsum audietis: & erit, omnis anima, quæ Prophetam illum non audierit, exterminabitur de populo suo.* Quæ verba in nullo Propheta sunt impleta, nisi in Christo: etenim multi Prophetæ surrexerunt, & omnes parùm auditi sunt; at tamen propterea Judæi nihil sunt passi: hunc autem quia non audierunt, vagantur erratici, fugitivi, & exules, oberrantes ubique, exclusi à sua Civitate, & paternis legibus, & consuetudinibus, in ignominia & ultionis pœnâ. Propter hoc omnia, quæ illorum fuerunt, in solitudinem sunt redacta, quia Prophetam illum non audierunt.

LXI. Hic noto, paucis ab hinc annis conversum esse Romæ Judæum ad nostram Sanctam Fidem hoc argumento: diabolus ante adventum Christi frequenter tentabat Judæos de idololatria; postquam autem Jesum Nazarenum ut blasphemum occiderunt, non ampliùs eos in hoc peccatum impulit. Unde hoc? Sanè non aliunde, nisi quia ante adventum Christi remedium habebant in observatione legis Mosaicæ, cujus cæremonialia præcepta & sacrificia Christum præfigurabant: unde ut

D

eos

eos in infernum duceret, à vera fide ad idololatriam pertrahebat. Postquam autem Christus venit, quia jam illa sacrificia, & præcepta sunt inutilis umbra, diabolus de hoc sollicitus non est: quandoquidem loco Idolorum succedunt vanæ jam & inutiles cæremoniæ, quas cum non minore impietate modò colunt, quàm ante adventum Christi colerent Idola.

LXII. Hinc etiam manifestum aliud argumentum eruitur ad convincendam incredulitatem Judæorum: Evidens est, Jesum Nazarenum veri Dei cognitionem in totum mundum invexisse, & idololatriam exterminasse à

populo Israël, quia, ut advertit Chrysostomus, post adventum Christi Judæi meliores sunt facti, quàm dum à Prophetis erudirentur, & prodigia viderent; nullas enim ipsorum vel pueros nunc immolat, vel ad Idola currit, vel vitulum adorat. Incredibile autem est, quòd ad expellenda idola à Populo Judaico Deus uti voluerit, tanquam instrumento, homine iniquo & blasphemio, qualem fuisse Jesum Nazarenum Judæi blasphemant: ergo non fuit blasphemus, sed verus Deus, siquidem de seipso hoc sæpe dicebat, quod sine blasphemia dicere non poterat, si esset falsus.

## C A P U T S E X T U M.

### *Quartum caput probandi Divinitatem Christi ex mira correspondentia inter vetus, & novum Testamentum.*

LXIII. **E**VIDENS est lumine nature, solum Deum posse infallibiliter cognoscere futura contingentia, quæ dependent à causis libetis, præsertim ab ipsius Dei nutu, & potentia. Hinc autem manifestè concluditur, prophetias de rebus futuris à Dei Omnipotentia pendentibus, si veræ sint, à Dei spiritu esse: cognoscitur autem, esse veras, postquam videntur impleri. Si ergo prophetiæ de adventu Messis ad litteram impleri sunt in Jesu Nazareno, liquidò constat ex testimonio Prophetarum, eum esse Messiam in lege promissum, Quòd autem ita res

se habeat, patebit expendenti correspondentiam inter prophetias veteris Testamenti, & vitam, & mortem Christi.

LXIV. Testamentum vetus dicit Isaia 7. *Ecce Virgo concipiet, & pariet filium, &c.* Respondet novum Matthæi 1. *Quod in ea natum est, de Spiritu Sancto est.* Dicit vetus Michæ 5. *Et tu Bethlehem Ephrata parvulus es in millibus Juda: ex te enim egreditur; qui sit dominator Israël. & egressus ejus ab initio, à diebus æternitatis.* Quæ verba Prophetæ sic expoluerunt Sacerdotes Herodi Matth. 2. vers. 6. *Et tu Bethle-*



Bethlehem terra Iuda nequaquam minima ei in Principibus Iuda, ex te exiet Dux, qui regat populum meum Israel. Respondet Novum Testamentum Matth. 2. Cum natus esset Iesus in Bethlehem Iuda. Numerorum 24. Orietur Stella ex Iacob. Matthæi 2. Vidimus Stellam ejus in oriente. Isaïæ 2. Omnes de Saba venient, Aurum, & thus deferentes. Matth. 2. Obtulerunt ei aurum, thus, & myrrham. Isaïæ, 62. Dabitur ei nomen novum, quod os Domini locutum est. Lucæ 2. Vocatum est nomen ejus Iesus, quod vocatum est ab Angelo. Isaïæ 19. Ecce Dominus ascendet super nubem levem, & ingredietur Egyptum. Matth. 2. Accipe Puerum & Matrem ejus, & fuge in Egyptum. Psalm. 76. In Mari via tua. & semita tua in aquis multis. Matth. 14. Venit Iesus ambulans supra mare. Hieremiz 16. Mittam ad eos pisces, & piscabuntur multos. Matth. 4. Penite post me, faciam vos fieri pisces hominum. Deuteronomio 18. Prophetam suscitabit tibi Dominus de medio fratrum tuorum. Joan. 6. Quia hic est verè Prophetæ, qui venturus est in mundum. Psalm. 77. Aperiam in parabolis os meum. Lucæ 7. locutus est eis multa in parabolis. Isaïæ 35. Deus ipse veniet, & salvabit vos: tunc aperientur oculi cecorum, &c. Matth. 11. Euntes renunciate Joanni quæ audistis, & vidistis: cæci vident, &c. Zachariæ 9. Ecce Rex tuus venit tibi iustus, & Salvator, & ascendens super asinam, & super pullum filium asine. Matth. 21. Et adduxerunt asinam, & pullum, & imposuerunt super eos vestimenta sua, & enim desuper sedere fecerunt. Zachariæ 11. Appenderunt

mercedem meam triginta argenteis. Matth. 26. At illi obdormierunt ei triginta argenteos. Danielis 9. Post hebdomadas 70. occidetur Christus. Ad Philip. 2. Christus factus est obediens usque ad mortem. Thren. 3. Dabit percutientis suam maxillam saturebitur opprobriis. Matth. 26. Tunc expuerunt in faciem ejus, & colaphis eum ceciderunt. Danielis 9. Non erit ejus Populus, qui ipsum negaturus est. Joan. 19. Clamaverunt omnes: non habemus Regem, nisi Cæsarem. Isaïæ 53. Et cum sceleratis reputatus est. Matth. 27. Crucifixi sunt cum eo duo latrones. Psalm. 21. Diviserunt sibi vestimenta mea & super vestem meam miserunt sortem. Matth. 27. Dividentes verò vestimenta ejus miserunt sortem. Exod. 12. Os non comminuetis ex eo. Joan. 19 Ut viderunt eum jam mortuum, non frangerunt ejus crura. Psalm. 15. Non relinques animam meam in inferno. Actorum 2. Deus verò suscitavit eum à mortuis tertia die. Michæ 2. Ascendet pandens iter ante eos. Actor. 1. Videntibus illis elevatus est. Joëlis 2. Effundam de spiritu meo super omnem carnem. Actor. 2. Effudit hoc donum Spiritus Sancti, quod vos videtis, & auditis. Isaïæ 49. Posuisti in lucem gentium, ut sis lumen meum usque ad extremum terre. Actor. 13. Audientes autem gentes gavise sunt, & crediderunt. &c.

LXV. Omnia ergo, quæ de Messia prædixerant Prophetæ, in Jesu Nazareno adimpleta sunt: ergo ipse est Messias: ergo non seductor, & blasphemus, ut perfidi Judæi blasphemant, sed Doctor iustitiae, ut eum appellat Hieremias cap. 23. siquid fieri non potuit, ut Deus

hominem iniquum, & blasphemum eis omnibus signis ornaverit, per quæ voluit Messiam dignosci, quia hoc esset, ipsum Deum homines decipere.

LXVI. Quia testimonium Prophetarum adimpleta esse in Nazareno, est medium efficacissimum ad convertendos infideles, disposuit Deus, ut, antequam Evangelium prædicaretur in universo mundo, Testamentum vetus ex Hebræo in Græcæ verteretur, ut gentiles, apud quos familiaris erat lingua Græca, possent legere prophetias, & in illis prænuntiata videre multis retrò sæculis, quæ ipsis annuntiabantur, ut notat Augustinus lib. 18. de Civit. cap. 42. & in hunc finem ordinavit, ut Romani Judæos subjugarent, ut illi hac occasione divagarentur inter gentes per diversæ orbis partes; & sic secum asportantes Scripturas Sacras, quæ testimonium perhibent de Christo, & ipsi converterentur, dum eis prædicaretur Evangelium, & essent occasio conversionis gentium. Ut enim inquit Augustinus ibidem cap. 46. *Si cum illo testimonio Scripturarum in sua tantummodo terra, non ubique essent, profectò Ecclesia, quæ ubique est, eos Prophetiarum, quæ de Christo præmissæ sunt, testes in omnibus gentibus habere non posset.* Hac de causa Apostolus Rom. 11. vers. 17. ait: *Quòd delictum eorum divitiæ sunt mundi, & diminutio eorum divitiæ sunt gentium.* Quia nimirum, ut explicant ibi Anselmus, & Cajetanus, delictum Judæorum manentium in sua infidelitate, occasionaliter est salus & divitiæ gentium, quia di peris inter gentes afferebant secum Scripturas, in quibus continebantur

Prophetiæ de Christo. Et ideo gentiles opponere non poterant, illas esse confictas à Christianis, videntes eas esse in potestate inimicorum Christi: unde ex illis convincebantur, Apostolos vera prædicare.

LXVII. Ex his apparet, quàm deest cæcitate laborent Judæi, dum sunt in perpetua expectatione Messiae, quem jam dudum Deus misit. Et ad id convincendum ex prophetia Danielis conficitur evidens argumentum: loquens enim cum eo Gabriel Archangelus cap. 9. vers. 25. ait: *Scito ergo & animadvertite, ab exitu sermonis, usque ad Christum Ducem hebdomades septem, & hebdomades sexaginta dua erunt; & rursum edificabitur platea, & muri in angustia temporum, & post hebdomades sexaginta duas occideatur Christus, & non erit ejus populus, qui ipsum negaturus est. Et Civitatem, & Sanctuarium dissipabit populus cum duce venturo: & finis ejus vastitas, & post finem belli statuta desolatio. Confirmabit autem patrum multis hebdomadâ unâ, & in dimidio hebdomadis deficiet hostia, & sacrificia, & erit in templo abominatio desolationis, & usque ad consummationem & finem perseverabit desolatio. Hucusque Prophetæ.*

LXVIII. Cujus verba ad litteram sic exponit P. Gaspar Sanchez ex communis consensu Doctorum. *Hoc itaque certò tibi persuade, & sepsuaginta hebdomadum tempora, de quibus nuper, hunc in modum partire: ab eo tempore, quo primum facultas erit instauranda Civitatis & Templi, ad Templi Civitatisque*

*que*

que consummatam fabricam septē erunt hebdomades; inde verò ad Christum Doctorem & ducem, id est, ad tempus usque baptismatis, sexaginta duæ intercedent annorum hebdomades. Edificabuntur autem muri Civitatis, & quæ in illorum circuitu continentur, platea scilicet & ejus habitacula, cum magna perturbatione ac metu, obstreperantibus undique, & urgentibus hostibus. Ab Urbe porro jam instaurata per annos 49. ex quo facta est adificandi potestas, cum alia sexaginta duæ hebdomades exaltis fuerint, occiderit, quem multa secula jam pridem expectant, Christus Dominus. Nec cladem effugiet populus, qui cum ipsius sit, illum tamen sceleratè negaturus est; nec enim execrabile facinus impunitum oportuit. Aderit autem post completas hebdomadas septuaginta Dux Romanus cum exercitu numerofo ac forti, qui Civitatem ac Templum à fundamentis eruet, quorum talis erit desolatio & vastitas, ut nullum superfit superioris molis, aut glorie vestigium. Nec absoluto bello instaurabuntur Civitatis ruina; nam eo finito perseverabit tamen perpetua desolatio. In ultima autem hebdomada septuaginta, & in ejus dimidio moriens Christus Testamentum statuet, confirmabitque novum, & abrogabit antiquum; deficient enim sacrificia, atque hostia. Erit autem in Templo execrabilis abominatio, nec ullo tempore illius instaurabuntur ruina, aut cessabit vastitas.

XLIX. Has septuaginta hebdomadas, de quibus Propheta, esse annorum, ac proinde efficere 490. annos, impletasque fuisse paulò post mortem Christi, convincunt ex hoc loco Nico-

laus de Lyra in Glossa ordinaria, & Paulus Burgenfis 1. part. Scrutinij distinct. 3. cap. 3. Id autem facillè probatur, quia, ut inquit Burgenfis, in tota Sacra Scriptura non invenitur aliqua hebdomada dicti, nisi vel dierum, ut Levitici 23. v. 3. ubi de festo hebdomadarum agitur, vel annorum, ut Levitici 25. 8. ubi de jubileo agitur. At hebdomadæ illæ 70. non sunt dierum, quæ vix efficiunt annum & dimidium, ut per se est manifestum: ergo sunt hebdomadæ annorum. Deinde sic argumentor: vel hebdomades illæ sunt millenariorum, vel centenariorum seu sæculorum, vel hebdomades jubileorum seu quinquagenorum, vel annorum, vel mensium, vel dierum? Non millenariorum: sic enim quælibet hebdomada septem mille annos ambiret, & septuaginta ultra quadringenta millia constituerent. Nec hebdomadæ sæculorum, quæ constituunt quadraginta novem millia annorum: nec jubileorum, quæ constituunt viginti quatuor millia, & quingentos annos; constat enim manifestè, non posse sic supputari, quia secundum hanc supputationem nondum fuisset destructa Jerusalem, ejusque Templum: constat autem manifestè, diruta omnino fuisse à Tito, & Vespasiano 42. annis post mortem Christi. Nec item illæ hebdomadæ sunt mensium, vel dierum, quia constat, à tempore, quo Daniel prophetavit, usque ad destructionem Jerusalem transiisse multò plures, quàm septuaginta hebdomadas mensium, quæ vix unum supra quadraginta annos constituunt. Restat ergo à sufficienti partium enumeratione, illas septuaginta

ptuaginta hebomadas esse annorum. Quomocunque autem incipiant numerari, manifestum est, multis jam sæculis fuisse completas, ac proinde jam Messiam venisse.

LXX. Sciendum autem est, verba illa Prophetæ: *Ab exitu sermonis ut iterum edificetur Jerusalem*, variè exponi à Doctoribus: aliqui enim exponunt de exitu sermonis Dei ad Gabrielem Angelum, de quo dixerat vers. 23. *Ab initio preminuarum egressus est sermo*. Alij à vicissimo anno Regni Artaxerxis, quando idem Rex præcepit, ut reedificaretur Jerusalem, ut habetur Neemiæ 4. Alij verò affirmant, hoc initium fuisse anno 4. Sedeciæ Regis, in quo exivit sermo Dei ad Hieremiam dicens: *Cum cepe-*

*rini compleri in Babilonia septuaginta anni, visitabo vos, &c.* Hieremiæ 29. vers. 10.

LXXI. Denique ex prophetia Patriarchæ Jacob. Genes. 29. *Non auferetur sceptrum de Juda, nec dux de femore ejus, donec veniat, qui mittendus est, &c.* appetit conficitur, Messiam jam venisse, cum certum sit, sceptrum jam dudum ablatum fuisse, non solum à Tribu Juda, sed ab omni gente Judæorum. Vide genuinam hujus prophetiæ explanationem apud Corneliū à Lapide ibi: futes verò, & ridiculas evasiones Rabinorum convincit Burgenfis 1. part. Scrutinij dist. 3. cap. 2. Et Lyra in Glossa ad caput 49. Genesis.

## CAPUT SEPTIMUM.

### *Quintum caput probandi divinitatem Christi ex ejus Resurrectione.*

LXXII. CUM Christus zelo Patris sui incensus ejecit è Templo ementes & vendentes, dicens: *Nolite facere domum Patris mei domum negotiationis*, Judæi indignabundi dixerunt: *Quod signum ostendis nobis, quia hæc facis?* Quasi dicerent, quo signo nobis probas, te habere auctoritatem faciendi, quæ facis? Christus verò, tanquam signum efficacissimum ad probandū, ostendendo se esse Filium naturalem Dei, Resurrectionem suam prædixit, dicens: *Solvite Templum hoc, & in tribus diebus excitabo illud.* Joan. 2. 19. Quod tunc nec Judæi

nec Discipuli intellexerunt, existimantes eum loqui de Templo materiali, cum tamen loqueretur de Templo corporis sui, per mortem à Judæis solvendo, & ab ipso per Resurrectionem tertia die excitando, & postea Discipuli cognoverunt. Et Joan. 8. cum Christus sub variis metaphoris dixisset, se esse Filium Dei, & eis æternam damnationem minatus fuisset, nisi hanc veritatem crederent, & cum illi non cognovissent, quia Patrem suum dicebat esse Deum, dixit eis Jesus: *Cum exaltaveritis Filium hominis, tunc cognoscetis, quia ego sum, id est; quando, in Cruce me ut*  
ho-

hominem exaltaveritis, tunc cognoscetis, me esse Filium Dei: humanitate enim mea per vos morti tradita, tunc referabitur Divinitas mea per carnis meae Resurrectionem.

LXXIII. Inquit Toletus annot. 23. in cap. 2. Joan. Cur Christus deditur Judæis Resurrectionem corporis sui, ut signum divinitatis suæ? Et respondet: licet alia miracula essent sufficientissima ad hanc comprobendam veritatem; exiguiam habuisse efficaciam, quia pauci illorum in Christum crediderunt; Resurrectionem verò prædicatam multis persuasisse Christi Divinitatem, & ideo ipsum dixisse: *Cum exaltaveritis Filium hominis, &c.* Hoc expertus est Thomas qui manu tangens Christi redi-vivi vulnera, plenus fide exclamavit Joan. 20. vers. 28. *Dominus meus, & Deus meus*; in his enim verbis & suam incredulitatem, & ejus præcipuam causam confessus est, ac si diceret: non credidi prius, quia nesciebam, te esse Deum; at nunc credo, te esse Deum, quia resurrexisti te video: prius quia non credidi Divinitatem, negabam Resurrectionem, at nunc credens resurrectione confiteor tuam veram Divinitatem.

LXXIV. Quia ergo Resurrectio Christi est tam potens argumentum ad persuadendam ejus Divinitatem, & hujus mysterij fides est fundamentum Christianæ Religionis (nam Christum mortuum esse, & Judæi, & Pagani credunt, Christum verò resurrexisse, est propria Christiani fides) ideo Dominus tot circumstantiis credibilis singulari providentia circumvallavit Resurre-

ctionem, ut sint inexcusabiles, qui eam credere noluerint.

LXXV. In primis enim, ne infideles dicerent, Christum revera non fuisse mortuum, ac propterea non resurrexisse, sed convaluisse à vulneribus, Deo sic permittente ad manifestationem Resurrectionis Christi: *Unus militum lancea à latere ejus aperuit, & continuo exiit sanguis, & aqua, & qui vidit, testimonium perhibuit*, inquit Joannes cap. 19. vers. 35. quæ lancea secundum Cyrtianum cor transfixit, ut exireretur modicum sanguinis portio, quæ ibi remaneret. Quo evidenter probatum est, Christum revera mortem obivisse, cum impossibile sit, vivere hominem, in cujus corpore nulla maneret gutta sanguinis.

LXXVI. Rursus, ne perfidi Judæi Resurrectionem Christi tribuerent virtuti alicujus hominis sancti, jacentis in ipsius sepulchro, sicut 4. Reg. 13. vers. 2. resurrexit homo, quem sepelierunt in sepulchro Elitæi, Divina providentia disposuit, ut sepeliretur *In monumento novo, in quo nondum quisquam positus fuerat*, Joan. 19. vers. ultimo. Deinde, ne Judæi fingerent, venisse Discipulos, & clam terram custodientes furatos fuisse corpus sui Magistri, voluit, ut sepulchrum illud esset in dura petra elaboratum: *Nam Josephus ab Arimathia accepto corpore involuit illud syndone munda, & posuit illud in monumento suo novo, quod exciderat in petra*, Matth. 22.

LXXVII. Quartò, quia, si Christi sepulchrum non custodiretur, poterant Judæi



Judæi fingere, Apostolos illud sustulisse; usus est Deus malitiâ, & invidiâ Judæorum, ut fidem Resurrectionis stabiliret. Nam ut narrat Matthæus cap. 27. vers. 62. *Convenerunt Principes Sacerdotum, & Pharisei ad Pilatum dicentes: Domine, recordati sumus, quia seductor ille dixit adhuc vivens: post tres dies resurgam; jube ergo custodiri sepulchrum usque in diem tertium, ne forte veniant discipuli ejus, & foveant eum, & dicant plebi; resurrexit à mortuis, &c.* Et ne possent obtendere, Discipulos muneribus corrupisse custodes, disposuit Deus, ut Pilatus eis commiserit custodiam sepulchri dicens: *Habetis custodiam, ite, custodite, sicut scitis.*

LXXVIII. *Illi absentes munierunt sepulchrum signantes lapidem cum custodibus.* id est munierunt sepulchrum cum custodibus, cum antea lapidem obsignassent: ut autem notat ibi Maldonatus, credendum est, eos aliquo annulo, vel sigillo signasse lapidem, ne aut dormientibus militibus Discipuli aperire possent, quin furtum ex sigilli violatione deprehenderetur, aut ne milites ipsi pecuniâ à Discipulis corrupti corpus illis traderent, quemadmodum Darius lacum Leonum, in quem Daniel conjectus fuerat, annulo suo obsignasse dicitur Danieli 6. ne aut illi dicerent, se Daniele furtim liberasse, aut illi in lacum ingressi eum occiderent, & à leonibus occisum evulгатent.

LXXIX. Admirabilis in obscuranda Christi Divinitate & gloria, Sacerdotum sedulitas, (inquit Maldonatus) admirabilior Divina providentia, quæ ipsorum diligentia, atque artificio ad il-

lam illustrandam usa est. Timebant Sacerdotes, ne plebi Discipuli persuaderent, Christum, sicuti dixerat, resurrexisse; adhibent ea de causa custodes; illi ipsi non jam plebi, sed ipsis, à quibus adhibiti fuerant, Sacerdotibus, & Phariseis Christum resurrexisse testati sunt. Matth. 28. vers. 11. *Ecce quidam de custodibus venerunt, & nuntiaverunt Principibus Sacerdotum omnia, qua gesta sunt.* Obsignarunt sepulchri lapidem, ne quis corpus furari posset, & ille ipse tam diligenter obsignatus lapis fidem fecit, Corpus Christi non vi, non fraude de sepulchro sublatum fuisse, sed divina virtute fuisse suscitatum, ut verificaretur illud: *comprehendam sapientes in astutia eorum.*

LXXX. Cum à militibus audierunt Principes Sacerdotum, Christum surrexisse, pecuniam copiosam dederunt illis, ut dicerent, venisse Discipulos ejus noctu, & furatos fuisse corpus ipsis dormientibus, ut narrat Matthæus cap. 28. vers. 11. sed ut acutè arguit August. in Psalm. 63. *Qui dormientes testes adhibuerunt, verè & ipsi obdormierunt: siquidem si milites somno dediti erant, quando venerunt Discipuli, illud testificari non potuerunt, & faciliè de mendacio convincuntur.* Manifestum deinde erat, Discipulos pauperes, timidos & inermes, & qui tempore passionis fugerant, non habituros animum ad hoc facinus aggrediendum, nec potuisse sepulchrum, ingenti lapide munitum & obsignatum, sine strepitu, qui custodes excitaret, aperire. Præterea si Discipuli furati fuissent corpus, in illo de nudando detinerentur; constat autem Joann.

20. 7. quòd Petrus *Introivit in monumentum, & vidit linteamina posita, & sudarium, quòd fuerat super caput eius, separatim involutum.* Deinde ut observat Maldonatus, credendum est, illos ipsos milites, qui ad mentiendum empti fuerant, & gloriosam Christi Resurrectionem, & Sacerdotum, qui, ut eam obscurarent, pecuniam dederunt, facinus inter familiares suos evulgasse.

LXXXI. Ut fidem suæ Resurrectionis Christus firmaret, eam manifestavit primò per Sanctos, qui cum ipso surrexerunt, *Et exeuntes de monumentis, post Resurrectionem ejus venerunt in sanctam Civitatem, & apparuerunt multis.* Matt. 27. 53. Secundò per Angelos, qui eam manifestarunt mulieribus, euntibus ungere corpus defuncti, Matth. 28. Tertio per seipsum; apparens non solum Matti suæ, sed multis aliis. Apparuit primò Magdalenz. Marci 16. 9. Deinde mulieribus redeuntibus ex sepulchro Matt. 28. vers. 9. *Illæ autem acceperunt, & tenuerunt pedes ejus, & adoraverunt eum.* Apparuit Petro Luc. 24. 34. *Surrexit Dominus verè, & apparuit Simoni.* Apparuit Discipulis euntibus in Emaus Lucæ 24. eumque paulò post *cognoverunt in fractione panis.* Apparuit undecim simul congregatis in Hierusalem: *Et ostendit eis manus, & latus,* in ipsa Resurrectionis die. Joannis 20. 19. Et cum Thomas narrantibus Christi Resurrectionem noluisse credere, octo post dies, cum esset cum reliquis: *Venit Iesus clausis januis,* & Vulnere sua contrectanda ostendit Thomæ, qui priorem infidelitatem agnoscens, Christi Divinitatem credidit. Joann. 20. 28.

Deinde manifestavit se Discipulis piscantibus in mari. Joann. 21. & ut narrat Lucas 1. A& 2. *Præbuit seipsum vivum post Passionem suam in multis argumentis, per dies quadraginta apparens eis, & loquens de regno Dei.* Et coram ipsis, aliisque multis in Cælum ascendit. Hanc Christi Resurrectionem, tanquam testes oculares, Apostoli prædicaverunt. Et ideo Petrus omnium nomine dixit A& or. 2. 32. *Hunc Jesum resuscitavit Deus, cujus omnes nos testes sumus.* Hinc autem evidens conficitur argumentum Divinitatis Christi: nam postquam ignominiosè crucifixus est, quia dixit, se esse Filium Dei, Deus ipsum tertia die suscitavit, & ejus Resurrectionem tot invidiis argumentis manifestam fecit.

LXXXII. Nec infideles dicere possunt, vera non esse, quæ Evangelistæ narrant, sed ea finxisse ad commendationem sui Magistri. Hæc enim evasio falsitatis convicta manet sect. 4. Deinde ab effectu evidens est, Apostolos Resurrectionem, & Ascensionem Christi mundo persuasisse, tanquam rem à sevisam, & in testimonium hujus doctrinæ martyrium pro Christo sustinuisse; id autem non facerent, si Christus non surrexisset, sed potius se deceptos dolerent, & eum tanquam impostorem execrarentur. Dixerat enim illis palam Lucæ 18. 32. *Se illudendum, flagellandum, & crucifigendum;* cæterum tertia die surrecturum; idque dixit, cum ascendit Jerosolymam ad passionem subeundam. Certè si Apostoli viderent, eum quidem vera nunciâsse, cum ignominias suas prædixit; falsa autem, cum prædi-

xit Resurrectionem; eum falsum fuisse Prophetam, & verum impostorem deprehenderent, nollentq; tot labores pati, ut falsam fidem in mundum inveherent cum magna Creatoris injuria, & certo propriæ salutis detrimento, & sine spe alicujus temporalis emolumenti, & eo

solum sine, ut Filium Dei esse persuaderent hominem iniquum, à quo nihil sperare poterant. Quomodo Deus donum linguarum communicaret imperitis piscatoribus, ut tam insigne mendacium, ipsi Deo tam injuriosum, toti orbi persuaderent?

## CAPUT OCTAVUM.

*Sextum caput probandi Divinitatem Christi ex mirabili mundi conversione.*

LXXXIII. **P**RÆDICATIONE Piscatorum conversus est mundus, ad credendum, hominem crucifixum esse Deum, aliâque mysteria difficillima, amplectendam legem, carni & sanguini repugnantem: ad deserendam majorum Religionē, & ad deserendos majorum antiquos mores, & novos induendos. Hoc autem non minus mirum est, & supra humanas vires, quàm si per duodecim pueros totum mundum Imperator aliquis subjugaret, vel per decem agnos Pastor aliquis magnum luporum exercitum vinceret. Unde Aug. lib. 22. de Civitate Dei cap. 7. optimè probat, quòd mundus in Christum credat, virtutis fuisse divina, non persuasionis humana. Nam fides Christi sub Augusto & Tiberio, quo tempore maximè eruditio florebat, prædicari capit, & tunc non solum populus, sed multi ex sapientibus crediderunt Resurrectionem Christi, atque in Cælos Ascensionem, aliâque mysteria, quæ mens humana respiciet, nisi eam fieri potuisse, atque factam esse, divinitas ipsius veritatis, vel veritas divinitatis, constantiaque mi-

raculorum signa monstrarent, ut terrenis, & contradicentibus, tam multis, tamque magnis persecutionibus, præcedens in Christo deinde ad novum sæculum in cæteris seculis Resurrectio, atque immortalitas carnis, & fassimè crederetur, & prædicaretur intrepidè, & per orbem terræ publicaretur, ac secundiùs cum Martyrum sanguine sereretur. Legebantur enim præcedentia signa Prophetarum, concurrerant ostenta virtutum, & persuadebatur veritas, nova consuetudini, non contraria rationi, donec orbis terræ, qui persequeretur furore, prosequeretur fide.

LXXXIV. In Apostolis prædicationibus Christi Resurrectionem, & Ascensionem, ejusque Divinitatem, verificatur ad litteram illud Psalm. 67. Dominus dabit verbum Evangelizantibus virtute multa, ut expendit Chrysost in orat. Quòd Christus sit Deus: Non enim moverunt arma, nec expenderunt pecunias, neque robore corporis, neque exercituum multitudine usi sunt, sed verbo simplici, & multam habente virtutem, ac miraculo-

TMM

rum ostensionem. Crucifixum enim prædicantes. & miracula facientes totum orbem sibi subjecerunt. Propterea dicit: dabit verbum evangelizantibus virtute multa; miracula significans. Etenim mira viri erat piscatorem, publicanum, tabernaculorum opificem nudis præceptis mortuos suscitare, demones expellere, moriem abigere, Philosophorum linguam mutam facere, Rhetorum ora constringere, Principes ac Reges superare, barbaris, Græcis & omni generi hominum imperare. Nam omnia hac verbo illi perfecerunt & virtute multa mortuos in vivos mutaverunt, peccatores in iustos, cæcos in videntes, & morbos nature ac malitiam animæ expulerunt. De Apostolis etiam verificatur illud Psal. 18. Constituit eos Principes in omni terra. Quod autem Regibus, & Principibus majores sint Petrus, & Paulus, declaravit eventus: nam Regum leges, etiam ipsis viventibus abrogantur: at Piscatorum illorum etiam mortui ipsis, rata sunt, & immobiles manent, licet multis legibus animadversionibus, armis, supplicis argumentis, verborum eloquentiæ cognationibus, amicitus, demonibus, diabolo consuetudinibus malis moribus, voluptatibus, & infinitis aliis refringere plurimi conati sint. Hinc merito S. Thom. lib. I. contra Ge. 1. c. 6. dixit: Hanc tam mirabilem mundi conversionem ad fidem Christianam, indicium certissimum esse prætorum signorum, ut ea ulterius iterare necesse non sit, cum in suo effectu appareant evidenter. Eset autem inquit, omnibus signis mirabilis, si ad credendum tam ardua & operandum tam difficilia, & ad sperandum tam

alta mundus absque mirabilibus signis inductus fuisset à simplicibus & ignobilibus hominibus. Quamvis non cesset Deus, etiam nostris temporibus, in confirmationem fidei per Sanctos suos miracula operari. Hæc hanc doctrinam D. Thom. à S. Aug. lib. 22. de Civitat. c. 5. ubi subtiliter redarguit eos, qui credere nolunt carnis Resurrectionem. sumit, argumentum à mundo jam credente resurrectione Christi, ejusque in Cælos Ascensionem, format, hoc dilemma; Vel mundus hoc credendo, credit rem credibilem; & sic inexcusabiles sunt, qui rem credibilem credere nolunt: vel credit rem incredibilem; & sic jam admittitur aliquod incredibile nempe mundum tam firmiter credidisse id quod erat incredibile. Si ergo jam factum esse videmus unum duorum incredibilem, cur non credemus futurum alterum nempe nostrorum corporum Resurrectionem?

LXXXV. Præterea ipse modus, quo credidit mundus, si consideretur, incredibilior invenitur: ineruditos liberalibus artibus & omnino quantum ad istarum doctrinas attinet, impositos, non peritos Grammaticæ, non armatos Dialecticæ, non Rhetoricæ inflatos, Piscatores cum rebus fidei ad mare hujus sæculi paucissimos misit, & ita ex omni genere multos pisces. & tanto mirabiles quanto rariores etiam ipsos Philosophos cepit. Jam ergo tria sunt incredibilia, quæ tamē facta sunt. Incredibile est, Christum Resurrexisse in carne & in Cælum ascendisse cum carne. Incredibile est, mundum rem tam incredibilem credidisse. Incredibile est, homines ignobiles, imos, paucissimos, imperitos rem tam incre-

*incredibilem tam efficaciter mundo. Et in illo etiam doctis, persuadere potuisse. Horum trium incredibilium primum nolunt infideles credere. secundum coguntur & cernere, quod non inveniunt unde sit factum si non credunt tertium. Resurrectio certe Christi, & in Cælum in carne, cum qua resurrexit, ascensio, toto jam mundo predicatur, & creditur: si credibilis non est, unde jam toto orbe credita est? Hinc deducit August. Christi Resurrectionem, ejusque divinitatem, propterea mundum credidisse, quia Apostoli hanc doctrinam predicantes ejus veritatem signis & miraculis ostendebant. Eloquentia namque persuadentium (inquit) que dicebant, miras fuerunt facta, non verba. Qui enim Christum in carne resurrexisse, & cum illa Cælum ascendisse non viderant, id se vidisse, narrantibus, non loquentibus tantum, sed etiam mirifica facientibus signa credebant. Si verò per Apostolos Christi, & ut eis crederetur, Resurrectionem atque Ascensionem predicantibus Christi etiam ista miracula facta esse non credunt hoc unum nobis grande miraculum sufficit, quòd eam terrarum orbis sine miraculis credidit.*

LXXXVI. Ex qua doctrina hoc conficitur dilemma: vel Apostoli, prædicantes hominem crucifixum à Judæis, esse Filium Dei & mundi Salvatorem, verèque resurrexisse, & in Cælum ascendisse, mundo persuaserunt hanc doctrinam mediis signis, & miraculis, vel sine miraculis? Si primum, convincitur, illam doctrinam esse veram, Deumque habere Authorem, quia Deus nequit facere miracula in

confirmationem doctrinæ falsæ. Si secundum? Hoc ipsum certis convincitur, quia solus Deus potuit dare efficaciam nudis piscatorum verbis ad persuadendam veritatem doctrinæ, quæ humanæ rationi divina luce destitutæ videbatur omnino incredibilis, & ut permoverent homines ad tam arduam, & moraliter impossibilem morum mutationem.

LXXXVII. Sed querunt infideles apud August. lib. 22. de Civitat. Dei cap. 8. *Cur modò non fiant illa miracula, qua facta esse predicamus?* Cui interrogationi secundo loco respondet: *Nec modò deesse miracula*, quorum aliqua ipse narrat, quæ suo tempore acciderant. Sed primo loco respondet: *Miracula necessaria fuisse prius, quàm crederet mundus ad hoc ut crederet. Nam qui (qui) adhuc prodigia, ut credat inquirat, magnum est ipse prodigium, qui mundo credente non credit.* Additque, illam interrogationem ab infidelibus fieri, quia non credunt extitisse miracula, eòque red reguens subjungit. *Unde ergo tanta fide Christus usquequaque cantatur in Cælum cum carne sublati? Unde temporibus eruditis & omne, quod fieri non potest, respondentibus, sine ullis miraculis nimis mirabiliter incredibilia credit mundus?* An fortè credibilia fuisse, & ideo credita esse, dicturi sunt? *Cur ergo ipsi non credunt?* Unde breve hoc dilemma conficit: *Aut incredibili rei, qua non videbatur alia incredibilia, qua tamen fiebant & videbantur fecerunt fidem: aut certè res sua credibilis, ut nullis, quibus persuaderetur, miraculis indigeret, ists*



vum nimiam redarguit incredulitatem. Hoc ad resellendos vanissimos dixerim. Nam facta esse multa miracula, quæ attestarentur illi uni grandi, salubrique miraculo, quo Christus in Cælum in carne, in qua surrexit, ascendit, negare non possumus. In eisdem quippe veracissimis libris cuncta conscripta sunt, & quæ facta sunt, & propter quod credendum facta sunt. Hac ut fidem facerent, innotuerunt, hæc per fidem, quam fecerunt, multò clariùs innotescunt. Leguntur quippe in populis, ut credantur, nec in populis tamen nisi credita legerentur.

LXXXV. II. Est autem hoc argumentum, à conversione mundi peti- tum, tam efficax ad persuadendum, Christum esse Deum, ut Chryost. in

orat. Quòd Christus sit Deus, initio as- ferat, hoc argumento convinci posse Gentilem, quantumvis idiotam. Nenuquam enim (inquit) contradiceret, quòd omnes undequaque Ecclesias orbis Christi fundavit. Hinc faciemus demon- strationem virtutis Christi, & ostende- mus ipsum Deum. Etenim non est puri hominis, in tantis rebus orbem terræ ma- rique tam brevi tempore comprehendere, & tam absurdis moribus, tantisque ma- lis irretitum liberare humanum genus: insuper quòd hæc confecit nullis usus ar- mis, nullis faciens sumptus, nullos movens exercitus, nulla prælia committens, sed per undecim viros principio ignobiles vi- les rudes, idiotas, inermes calcamentis nudos, unicà tunicà lectos &c.

## CAPUT NONUM.

*Septimum caput probandi Divinitatem Christi ex per- manentia Christiana Ecclesia, quam fundavit.*

LXXXIX. MATTH. 16. v. 18. di- xit Christus: Tu es Petrus, & super hanc Petram ædificabo Ecclesiam meam, & porta inferi non prævalebunt adversus eam. Hoc sanè Christus nec affirmare nec adimplere potuit, nisi esset Deus omnipotens: hujusque proculdubio dicti verus exitus ipsum quoque summè veracem sum- mèque potentem indicat. Ex hoc loco nervosè, & eloquentissimè probat Chryost. Divinitatem Christi in orat. sæpè citat: Quid igitur (inqu.) Chri- stus dixit, & orbe toto ferme impieciat

detento prædixit: Super hanc petram; &c. Examina, ut libet, quid sibi hoc verbum vult & videbis perspicuam eius veritatem. Nam non solum hoc mirum est, quòd ædificavit eam per totum mun- dum, sed quòd invictam fecit, & invi- ctam, licet ita bella insurgant. Hoc enim est, quod porta inferi non prævalebunt adversus eam. Vidisti prædictionis veri- tatem? Vidisti eventus certitudinem ac robur? Vidisti verba in operibus relu- centia & virtutem abique armis omnia facile conficientem? Nec ideo quia pau- cis dicitur: Ædificabo Ecclesiam;

transcurrat obiter, sed considera, & cogita tecum, quid sit in tam brevi tempore omnem sub sole terram tantis Ecclesiis impleri, tantas gentes ad fidem transferri, populos persuaderi, ut proprias leges abrogent, consuetudinem stabilitam & radicatam evellant, imperium voluptatis, nequitia vim tanquam pulverem abiciant Altaria Tempia & Statuas & Sacrificia, & profana festa, & immundum odorem, sicut finum aliquem aboleant, & exstent Altaria ubique gentium.

XC. Magna res plane, & supra modum magna, divinaque virtus, etiam si nemo inturbaret, esseque pax summa & multis simul aduentibus, & reluctante nullo, posse intra tam breve tempus totum orbem a consuetudine mala sua, qua praecipitatus fuit, liberari, & ad aliam induci; verum hoc multò majus, quod non solum in aliam inducitur, sed in multò fideliorē: Non solum enim diversa consuetudo erat sed & voluptate firmata: duo violentia; qua enim acceperat à Patribus, avis & proavis, aliisque superioribus progenitoribus, & Philosophis, & Rectoribus, ea respicere docebatur, quod sanè difficillimum erat: at difficilium, novam accipere consuetudinem, qua nuper irrepererat, illamque valde laboriosam. Abduxit enim Christus à voluptate, & induxit ad jejunium: abduxit ab amore opum, & induxit ad amorem pauperum: abduxit à luxu, & induxit ad temperantiam: abduxit ab ira, & induxit ad mansuetudinem: abduxit ab invidia, induxit ad benignitatem: abduxit à via lata & spatiosa, & induxit in angustam & arctam. & praeruptam, & induxit assuetos via lata; nec

enim alios homines extra hujus mundi consuetudinem viventes assumpsit, sed illos ipsos, qui in talibus vitis compinguerant, & luto molliores erant iussit, ut angustam & arctam viam, asperamque illam, & durā ambularent, & persuasit eis.

XCI. Quot autem perituit? Non duobus vel decem, vel viginti; vel centum, sed omnibus ferme sub sole habitantibus. Et per quos persuasit? Per Viros undecim illiteratos, privatos, ineloquentes obscuros, pauperes, patria facultatibus robore corporis praeclentia gloria, dignitate progenitorum, vehementia Rhetorices eminentia scientia carentes. per piscatores, per Tabernaculorum opifices, per barbaros. Nec enim eadem illis, & audioribus vox: sed extraneum planè, & peregrinum sermonem à linguis eorum, quibus praeedicabant, sortitus erat: Hebraicum disco; atque per hosce adificavit Ecclesiam hanc, qua à finibus usque ad finem extensa est.

XCII. Neque hoc solum mirabile, quod privati, & pauperes illi & pauci, & ignobiles, & illiterati, & viles, & exoticis sermonis, & contemptibiles, totius orbis correctionem attentarunt sed & quod ad longe difficiliora opera ipsum ducere iussit: quodque non hoc in pace fecerunt sed in finis bellis hinc inde excutatis. Nam in via quaque, gente, & civitate, & quid dico gente, & civitate: in singulis domibus peragebatur bellum. Radicata enim hac doctrina, & puerum saepe à patre divisit, & nurum à socro, & fratrem à fratre, & servum à Domino, & subditum à Principe, & virum ab uxore, & uxorem à viro, & patrem à filio; neque enim simul omnes crediderunt.

XCIII. Ad

**XCIII.** *Adhac, quotidianas inimicitias continua bella, multaque ipsis morces attulit, & fecit, ut Apostolos, quasi communes hostes & inimicos, plerique averfarentur, abigerentque eos à se omnes Reges, principes, privati, liberi, servi, populi, & urbes: & non solum ipsi, sed & (quod gravius) novissimos fide, & eos, qui ab ipsis instruebantur; eodem enim bello premebantur, & discipuli, & Magistri. Videbatur enim doctrina hac contraria edictis Regis, & consuetudini, & Patriis moribus. Et tamen Apostoli orbi persuaserunt, hominem crucifixum esse Deum, & sic Ecclesiam edificaverunt. Sed quo pacto, & quare? virtute scilicet Christi omnipotentis Dei, qui eos ad prædicandum misit. Ille dixit: fiat Cælum, & monstravit opus. Fundetur terra, & illius substantia producta est: Fulgeat Sol, & indicavit astrum, omniaque verbo operatus est. Eodem modo ille, & Ecclesias plantavit: & verbum hoc: ædificabo Ecclesiam meam, hac omnia operatum est.*

**XCIV.** *Verbum Dei condidit operam mirabilia; & hoc verbum Christi, Ecclesiam meam ædificabo, Ecclesiam indicavit, & in æternam duraturam plantavit, etiam contra illam Tyrannidem armantibus, & millibus arma moventibus, populis plus valido igne insipientibus, & obliuente consuetudine, etiam oratoribus, & sophistis, & divitibus, & principibus insurgentibus, sermo Dei, velut ignis validus adveniens spinas consumpsit, agros repurgavit, seminavit Verbum prædicationis. Et licet ij, qui crediderunt, in carceribus servarentur, in*

*exilium relegarentur, despectui essent, amitterent substantias, occiderentur, traderentur igni, submergerentur aquis & omne tormentorum genus sustinerent, cum summa ignominia, & persecutio nem paterentur ut hostes publici, plures tamen semper accrescebant: non solum nihil ex afflictionibus aliorum facti ad credendum segniores, sed & multo alacriores, ad hanc pulchram piscationem affliciebant, sicque à piscatoribus capiebantur non coacti, non vim passi, sed sponte accurrentes, gratiamque habentes adducentibus. Et quamvis viderent, fluere torrentes sanguinis credentium, ferventiores tamē reddebantur in fide, & fidentiores: Non Discipulis solum, sed & Magistris victis, fugatis, flagellatis, aliisque mille mala passi Discipuli plures fiebant, & magis studiosi; habebant enim adiutricem, & commilitantem invictam virtutem ejus, qui dixerat: super petram hanc ædificabo Ecclesiam meam, & porta inferi non prævalerunt adversus eam.*

**XCV.** *Numeram, quot Tyranni ab illo tempore adversus ipsam instruxerunt acies, quot gravissimas persecutiones moverunt, quomodo toto priore tempore; quando novitia erat fides, & nuper plantata, teneraque hominum mentes, Gentiles regnabant, Tiberius, Caius, Nero, Vespasianus, & Titus, & post illum omnes usque ad Constantini tempora, & omnes illi, alij minüs, alij savius infestabant Ecclesiam, infestabant tamen omnes: veruntamen insidia, & machinationes illa omnes levius, quàm aranearum tela discepta sunt, & ea, quibus nos invadebant, & ea, quibus infestabantur, citius fumo dissoluta, pulvere præ-*

præterierunt infirmiora. Magnum enim numerum martyrum impleverunt, immortalesque illos Ecclesia Thesauros reliquerunt: & columnas, & turres, & eos qui non solum viventes, sed & mortui po-

steriū magna utilitatis materia facti sunt Vides prædictionis robur: Et postea inferi non prevalebunt adversus eam? Ab his, & de futuris crede, quod nullus obstitet.

## CAPUT DECIMUM.

*Octavum caput probandi Divinitatem Christi ex testimonio Martyrum, & ex mirabili conversione multorum infidelium ad amplectendam eam fidem, pro qua videbant, eos tam dira tormenta pati.*

**XCVI.** EX hoc capite sumitur validum argumentum, ut enim inquit Aug. lib. 22. de Civitate cap. 6. *Quis enumeret, quàm multos quantalibet servitiū crudelitatis occidi, quàm Christum Deum negare maluerunt? Ligabantur, includebantur, cadebantur, torquebantur, urebantur, trucidabantur, & multiplicabantur.* P. Franciscus Arias 1. part. de imit. Christi tract. 3. cap. 35, in fine cum Genebrardo reputat verisimile, tantam usque ad sua tempora extitisse Martyrum multitudinem, ut, si illorum festa per totius anni dies distribuerentur, singulis diebus occurrere possint celebrandi triumphi triginta millium, qui vitam pro Christo Domino obtulerunt. Inter quos reperiiebantur pueri, & teneræ Virgines, à quibus, ut inquit Lactantius lib. 5. divinarum institutionum cap. 13. *Expri- mere gemitum nec ignis potuit.* Et sanè morum integritas in Sanctis Martyribus reperta, invicta eorum patientia, nec non in medio tormentorum ineffa-

bilis consolatio, lætitiæque mortem obcundi pro tuenda Crucifixi Divinitate, veritatis argumentum est insigne.

**XCVII.** Mirabilis etiam conversio multorum infidelium, spectantium Martyrum atrocissima tormenta ad eam fidem amplectendam, pro qua tam dira videbant tormenta homines pati, clarissimum est veritatis Christianæ Religionis argumentum. Quis enim, nisi Deus omnipotens, potuit subito cor infidelium ita mutare, ut eam Religionem amplecterentur, pro qua videbant homines igne torreri, liquefacto plumbo aduri, uncis ferreis dilaniari, & alia atrocissima tormenta tolerare? Hujusmodi autem conversiones passim leguntur in actis Martyrum. Talis fuit conversio S. Romani militis, qui videns Angelum abstergentem sudorem Beati Laurentij in craticula positi clamavit: *Video ante te juvenem pulcherrimum, festina me baptizare.* Et ut testatur Martyrologium Romanum die 9. Augusti propter Baptis-

Baptismum publicè petitur, *fustibus casus, ad ultimum decollatus est.* Talis quoque fuit conversio illius felicitis Janitoris, qui, cum quadraginta milites Cappadoces tempore Licinij Imperatoris post vincula & carceres teterrimos, post casus lapidibus fucies, in rigens stagnum missi essent, ubi gelu constricta eorum corpora distrumpebantur, solus vigilabat, cæteris custodibus somno deditis, & videns Angelos cælo descendentes cum coronis triginta novem, sic secum ratiocinabatur: *Quadragesima hi sunt,* quadragiesimi corona ubi est? *Quæ* dum cogitaret, unus ex illo numero, cui animus ad frigus ferendum defecerat, in proximum patefactum balneum descilens, sanctos illos summo dolore affecit. Verùm Deus illorum preces irritas esse non est passus, quorum omnium una fuerat oratio: *Quadragesima in stagnum ingressi sumus, quadragesima item Domine, coronâ denuemur, nec una quidem huic numero desit.* Nam rei eventum admiratus janitor, mox custodibus è somno excitatis, detrahitque sibi vestibus, ac se Christianum esse clara voce professus, Martyribus se adjunxit, & cum illis martyrio coronatus est, ut habes in Breviario Romano die 9. Martij.

XCVIII. Talis etiam extitit conversio S. Genesij, celebris inter Romanos mimi seu comædi faciet & lepidissimi, cujus vitam habes apud Petrum de Ribadeneyratom. 2. Floris Sanctorum extravagentium, die 17. Augusti, de quo Martyrolog. Romanum ad illum diem: *Roma Sancti Genesij Martyris,* qui primùm sub gentilitate mimus, cum

in theatro, spectante Diocletiano Imperatore, mysteriis Christianorum illuderet, à Deo inspiratus, repente conversus ad fidem, & Baptizatus est; mox Imperatoris jussu fustibus crudelissimè cæsus; deinde in equuleo suspensus, & ungularum diutissima laceratione vexatus, lampadibus etiam inflammatus, cum in fide Christi peristeret, dicens: non est Rex præter Christum, pro quo si milles occidat, ipsum mihi de ore, ipsum mihi de corde auferre non poteritis; martyrij palmam, capitis obtruncatione promeruit. Idem Martyrologium, die 14. Aprilis memoriam colit S. Ardelionis mimi, qui, cum sacris Christianorum in theatro illuderet, derepente mutatus eam non solum verbis, sed testimonio sui sanguinis comprobavit. Item die 15. Septemb. memoriam facit Sancti Porphyrij mimi, qui coram Juliano Apostata per jocum Baptismum suscipiens, Dei virtute derepente mutatus, Christianum se esse professus est, ac mox jubente eo secuti percussus martyrio coronatus est.

XCIX. Cum præfens adesset martyrio Sanctorum Chrysanthi, & Dariae Claudius Tribunus, qui eos torquebat, cum sexaginta militibus, animadvertens quanta lætitiâ Sancti Martyres perferrent atrocissima tormenta, quousque viventes terrâ & lapidibus obruti sunt, ipse cum militibus illis ita firmiter Christo adhæsit, ut pro Christo omnes mortui sint, ut habes apud Surium tom. 5. Octo crudelissimi milites, qui sub Alexandro Severo Sanctam Martinam Virginem diversis tormentorum generibus cruciârunt, & tandem gladio ju-



gulârunt, Sanctæ Virginis constantiâ, & sanctitate ita permoti sunt, ut Christi fidem amplexi pro ipso vitam martyrio dederint, ut habes apud Suerium tom. 1. Martyrologium Romanum, die 21. Augusti memoriam celebrat Anastasij Cornicularij (id est in castrensi militia nobilis equitis) qui, cum videret B. Agapitum constanter tormenta perferentem, conversus est ad fidem, & pro confessione nominis Christi jubente Aureliano Imperatore, Martyr migravit ad Dominum. Et die 20. Septembris celebrat memoriam S. Evilsij idolorum Sacerdotis, qui intuitus constantiam, qua S. Fausta Virgo crudelissima tormenta sub Maximiano Imperatore pertulit, in Christum credidit, & unâ cum Sancta Virgine martyrio coronatus est.

C. Denique ut alia omitam, milles, qui S. Paulum Apostolum jugulavit, & triginta quatuor ejus Socij, videntes spectaculum illud admirabile, quod nimirum Sanctus Apostolus tam hilariter pro Christo cervicem gladio supposuerit, & quod loco sanguinis lac è vulnere fluxerit, libentissimè fidem amplexi pro Christo martyrium subierunt. Celebrat hanc conversionem S. Joannes Chrysostomus, meritò admiratus, quod animus ferox illius militis tam celeriter factus sit melle suavior, & dulcior. Has & alias conversiones expendere poterit Christi minister coram Mahumetanis, & ab illis quærat, an unquam in sua secta simile quid contigerit? Inde concludat, non posse non esse veram Fidem illam, quæ Christum crucifixum ut

Deum adoret, & Trinitatem Personarum in DEO colit; quandoquidem solus Deus potuit hanc fidem internè persuadere ijs, qui videbant, Christianos tam crudeliter torqueri pro confessione illius: Deus autem fidem falsam inspirare non potest, ergo verissima est hæc fides.

CI. Audiamus S. Justinum Philosophum & Martyrem, qui ex alacritate, qua Christiani pro Christo patiebantur tormenta, optimè intulit, eos esse viros probos & sanctos, & veram Religionem profiteri. Sic enim ait in Dialogo cum Triphone apud Baronium anno Dom. 130. *Ego ipse (inquit) Platonis disciplina sectator, cum calumniose audirem Christianos deferri, intrepidè autem ad mortem, & alia, quæ terribilia censentur, omnia adire conspicerem, statim ipse mecum, fieri handquaquam posse, ut illi vitij & voluptatibus servirent. Quis enim voluptatum sectator, aut per animi impotentiam obtemperans in humanarum carnis dapes, pro bono ducens mortem amplecti queat, ut bonis suis seipsum prioret, ac non potius bonis omnibus, ne hanc sibi perpetuò vitam agere, & cessare Principes, & Magistratus fallere liceat, operam navet, nedum per denuntiationem, & indicium seipsum cedi offerat?*

CII. Finio materiam hanc exemplo admirabili, quod scribit Nicephorus Calixtus lib. 17. Eccles. Hist. cap. 6. *In civitate (inquit) cui Nigra nomen est, egregium virilis animi specimen dedit quidam puer Martyr, muliercula unius ex ijs, quæ ad pyram accensam rapiebantur pro Christo, filius.*

*Hunc*

*Hunc etenim tenerum adhuc tyrannus retinens distrahere à matre conabatur, demulcens illum, & quidquid ad animum adolescentuli alliciendum faceret, obijciens. Ibi verò matrem puer aspiciens, femur Tyranni momordit, atque ad illam procurrit, atque ita unà cum*

*matre sacrificium suaveolens per litationem ad Deum est transmissum. Quis hîc non agnoscat omnipotentiam Dei, internè moventis puerum ad moriendum pro fide, quæ Christum ut Deum adorat?*

## CAPUT UNDECIMUM.

*Reliqua capita probandi Divinitatem Christi  
brevisiter insinuantur.*

CIII. **C**Apud nonum, probandi Divinitatem Christi sumitur ex miraculosa Sauli conversione ex persecutore Christi in prædicatorem Divinitatis ejus, & omnis sanctitatis Magistrum. Decimum ex sanctitate Apostolorum, aliorumque Virorum similium, qui Divinitatem Christi mundoperfuaserunt. Undecimum ex sanctitate vitæ, quam hæc fides generat: fides enim falsa veram sanctitatem generare non potest, neque ad Deum ducere Religio, quæ à Deo non descendit, neque ad Cælum evehere, quæ ab orco originem traheret: unde tot sunt manifesta testimonia Divinitatis Christi, quot in Ecclesia homines floruerunt insigni sanctitate, qui eò fuerunt virtute clariores, quò ardentius Christum dilexêre.

CIV. Duodecimum: gloria miraculorum, quæ semper in omnibus sæculis floruit Ecclesia Catholica, ut ostendit Bellarm. tom. 1. lib. 4. de notis Ecclesiæ cap. 14. Consulatur P.

Salmer. tom. 6. tr. 2. ubi egregiè probat veritatem miraculorum Christi Domini, non solùm ex autoritate Evangelicæ historiæ, sed etiam ex ipsius gentibus, & illarum Prophetijs: ea enim narrantur à Sybilla Libica, & à Pilato in duplici Epistola ad Tyberium Cæsarem, à Philostrato, & à Mahumeto.

CV. Decimum tertium, atque efficacissimum sumitur ex miracula, quam Christus Crucifixus ostendit in trahendo ad se homines, opere complens, quod promiserat: *Ego, si exaltatus fuero à terra, omnia traham ad me*; non potuisset enim Christus tantam potentiam ostendere mortuus, nisi esset Deus: majora enim facere post mortem, quàm in vita, argumentum est Divinitatis. Audiamus Chrysostomum in orat. quòd Christus sit Deus: *Ante Crucem in lucem reserant, Judas prodidit, Petrus negavit, reliqui profugerunt, Iesus inter amicos comprehensus est, multi, qui crediderant,*

tant, retrorsum abierunt. Caterum ubi occisus est, & mortuus, nō discas, quod non sit purus homo, non solum res ejus non interciderunt, sed multo clariores, & sublimiores sunt reddita. Nam ante Crucem Princeps Apostolorum nec ostiaria minas tulit, & post tantam eruditionem aiebat, se nescire, quis esset. At post Crucem orbem terrarum peragravit. & infiniti Martyrum populi occisi, malentes mori, quàm dicere, quod Princeps ille Apostolorum formidans unius ostiaria minas.

CVI. Decimum quantum caput sumitur ex Testamento veteri, in quo sæpe significabitur, Messiam futurum esse Deum: ut probant Burgenf. 1. part. Scrutinij dist. 10. P. Suarez disp. 2. de Incarn. sect. 2. & 3. Chyloftom. in Orat. *Quod Christus sit Deus.*

CVII. Expectabant Judæi Messiam ut potentissimum Regem, qui ipsos à servitute corporali redimeret, & magnâ bonorum temporalium copiâ cumularet, ut docent Rabbinî Hebræorum apud Burgensem 1. part. Scrutinij dist. 4. cap. 2. & ideo Nazarenum pauperem, & humilem ut Messiam recipere noluerunt. Manifestè tamen decepti sunt; nam Isaiæ 42. & Zachariæ 9. promittitur Messias, qui cum summa humilitate, & mansuetudine gentes doceat, & legem ferat: ejusque redemptio spiritualis promittitur, nimirum à servitute peccati, ut patet Danielis 9. 24. ubi dicitur, septuaginta hebdomadas superesse: *Ut finem accipiat peccatum, & deleatur iniquitas, & adducatur justitia sempiterna.* Et hæc res planè Deo indigna, ut

tantus apparatus miraculorum, tam magnificæ promissiones Messie, tam insignes de eo prophetiæ, tanta mundi expectatio, tot antiquorum Patrum suspiria, tot signa in ejus Conceptione, & Nativitate prænuntiata, tot denique prodigia promissa, desinerent in Rege temporali, qui filios Israël ab hostibus visibilibus liberaret, & terrenis opibus locupletaret. Messias ergo promissus erat ad destruendum regnum peccati, ad eripiendos homines à potestate diaboli, ad docendas justitiæ vias, ad persuadendam veram sapientiam, & Dei imitationem; & ad hæc bona obtinenda debuit Messias esse Deus. Ut enim inquit Augustin. lib. de utilit. cred. cap. 5. *Sapiens quantum datum est, imitatur Deum: homini autem stulto ad imitandum salubriter, nihil est homine sapiente propinquius; cum igitur & homo esset imitandus, & in homine non spes ponenda: quid potius indulgentius, & liberalius divinutis fieri, quàm ut ipsa Dei sincera, æterna, incommutabilisque sapientia, cui nos habere oportet, suscipere hominem dignaretur?* Et ut ait sermone quodam de Nativit. *Homo sequendus non erat, qui videri poterat; Deus sequendus erat, qui videri non poterat: ut ergo exhiberetur homini, & qui videretur ab homine, & quem homo sequeretur, Deus factus est homo.* Detulit item hominum Redemptor, & Salvator esse Deus & Homo, tum quia, ut inquit S. Leo serm. de Nati. *Nisi esset verus Deus, non afferret remedium, nisi esset verus homo, non praberet exemplum.* Tum quia, ut expendit Athanasius,

nasius,

nasius, si Creator, & Redemptor essent personæ diversæ. homo divideret cor amando Redemptorem, & Creatorem, cum tamen totum cor Deus sibi deposcat.

CVIII. Rursus cum homo tendat in Deum per fidem, spem, & charitatem, Redemptor hominum debuit esse Deus & Homo, ut sic virtutes Theologales promoveret, firmando fidem, erigendo spem, & accendendo charitatem: firmatur enim fides, dum homo Deo sibi visibiliter loquenti credit: unde August. lib. 11. de Civit. cap. 2. *Ut homo fidentiùs ambularet ad veritatem, ipsa veritas Dei Filius homine assumpto constituit, atque fundavit fidem.* Erigitur spes, quia ex hoc mysterio discit homo, quantum diligit nos Deus, nihilque est, quod non possit sperare à Deo: *Qui proprio Filio suo non pepercit, sed pro nobis omnibus tradidit illum.* Accenditur charitas: quodnam enim efficacius motivum ad excitandum amorem, quam sic amari? *Sic enim Deus dilexit mundum, ut Filium suum unigenitum daret.* Quare, ut inquit August. *Si amare pigeat, saltem redamare non pigeat.* Sanè ut Messias hominibus persuaderet, ut per exercitia virtutum ad Deum tenderent, debuit omnium exemplar se exhibere: quomodo enim paupertatem spiritus persuaderet, si veniret dives? quomodo humilitatem, si veniret cum superbia, & fastu? Et sic de reliquis virtutibus. Non ergo talem se debuit exhibere, qualem expectabant Judæi, sed qualem se mun-

do præbuit, in præsepio nascens, & in Cruce moriens.

CIX. Ultimum denique caput probandi Divinitatem Christi sumitur ex testimonio tot Doctorum, sapientia & sanctitate illustriuni, qui examinatis diligentissimè omnium hominum scriptis, tam evidens censuerunt, Religionem Christianam esse veram, quam evidens est, Deum providentiam hominum habere, eorumque æternam salutem verè procurare. Unde merito dixit sapientissimus Richardus de S. Victore lib. 1. de Trinit. cap. 22. *Domine, si error est, quod credimus, à te decepti sumus.* Quia non minùs impossibile est, Religionem Christianam esse falsam, quam impossibile sit, Deum homines decipere. Reddiderat rationem paulò antea: *Mysteria namque nostræ fidei tam multis, tam magnis, tam miris prodigijs divinis sunt confirmata, ut genus videatur esse dementia in his vel aliquantulum dubitare.* Consonat Chrylost. qui postquam expendit argumenta probantia Christi Divinitatem, sic concludit: *Nullus ergo his contradixerit, nisi, qui valde insanus, & totus stupidus, naturæ sensu privatus.* Propterea Deum alloquens David Psal. 92. aiebat: *Testimonia tua credibilia facta sunt nimis, id est, magis quam prima principia scientiarum, ut explicat ibi Lycr.* Unde August. lib. 10. confes. cap. 10. dixit: *Facilius dubitarem, me vivere, quam vera esse, quæ audivi.* Consultatur Bellarminus ad illum Psal-

lum.

## CAPUT DUODECIMUM.

*Infertur ex dictis , veritatem Religionis Christiana  
esse evidenter credibilem , & omnes sectas ipsi oppositas  
esse evidenter incredibiles.*

CX. **T**unc aliqua res est evidenter credibilis , quando evidens est , debere , seu posse credi , vel esse dignam creditu. Potest autem res esse evidenter credibilis, quin sit evidenter , imò absolute vera. Nam hoc ipso, quòd multi viri graves testentur , se aliquid vidisse, & ego nihil habeam in contrarium , neque ullum fundamentum mihi suppetat ad credendum, vel illos deceptos fuisse, vel me decipere voluisse, evidens est , me posse evidenter credere, rem ita esse. Nec tamen evidens est, quòd res ita sit; sed potest contingere, ut sit falsa. Unde meritiò Caietanus 2. 2. q. 1. art. 4. §. *Ad evidentiam*, notat differentiam inter videre, aliquid esse scibile; & videre, aliquid esse credibile. Scibile enim est aliquid ex se; credibile autem ex testimonio; ac per hoc si constat, aliquid esse scibile, constat illud esse verum; si autem constat, aliquid esse credibile, non constat propterea, esse verum, sed solum constat, testimonia esse talia, ut possit propter illa credi. Non sunt itaque idem, aliquid esse evidenter credibile, & esse evidenter verum. Nam evidenter verum (inquit sapienter Bellarm. lib. de notis Ecclesiæ cap. 3.) dicitur, quod vel in se, vel in suis

principijs videtur: evidenter credibile illud dicitur, quod non videtur, nec in se, nec in suis principijs, habet tamen tot & tam gravia testimonia, ut quilibet vir sapiens meritiò id credere debeat: ut si Judex videat, hominem à latrone vulnerari lethali ter, & postea mori, habet evidentiam veritatis, quòd ille latro sit homicida: si autem eadem non videat, sed habeat viginti testes viros gravissimos, qui dicunt, se vidisse, habet evidentiam credibilitatis. Est ergo Religio Christiana evidenter credibilis, quia tot sunt argumenta suadentia, Deum esse authorem illius, ejusque mysteria revelasse, ut, qui hæc argumenta penetraverit, evidenter cognoscat, se posse, imò & debere ejusmodi mysteria cum summa adhæensione, & firmitate credere.

CXI. Quòd autem res ita se habeat, & quòd Religio Christiana Catholica Romana sit evidenter credibilis, probatur in hunc modum. Evidens est, dari aliquod primum principium, quod sapienter omnia ex nihilo condidit, & in esse conservat. Evidens quoque est, hoc primum principium esse ultimum finem, & omnia propter se ipsum operatum esse, & usque modò operari; ac proinde evidens



dens est ; hoc primum principium, seu Deum optimum maximum, hominem propter semetipsum creasse, ut scilicet eum colat, & super omnia diligit. Hinc evidens est etiam, hoc primum principium, sive Deum, habere in mundo aliquam religionem, in qua, & per quam ab hominibus coli velit. Et sicut evidens est, unum solum esse Deum, ita evidens est, unam solam esse veram Fidem, & religionem in mundo, reliquas autem ipsi oppositas esse falsas.

CXII. Ex his verò necessariò inferitur, solam Religionem Christianam & Catholicam esse veram. Religiones enim, vel sectæ in mundo existentes sunt Paganismus, Mahometismus, Judaismus, & Christianismus: & in hoc sunt variz Hæreticorum sectæ, quæ Christum, ut verum Deum, & hominem adorant, & tamen Romano Pontifici obedire nolunt, nec omnia credere, quæ Romana Ecclesia, tanquam à Deo revelata, credenda proponit: & insuper est Ecclesia Catholica Romana, per totum orbem dispersa, quæ Pontificem Romanum, ut verum Christi Vicarium, & legitimum Petri successorem veneratur, & indubitanter credit, tanquam articulos fidei, ea omnia, quæ in Concilijs generalibus legitimè congregatis, & à Romano Pontifice approbatis, credenda proponuntur, vel quæ à Romanis Pontificibus à Cathedra Petri toti orbi Christiano, tanquam dogmata vera, vel in Scripturis contenta, vel ex ijs, quæ in Scripturis continentur, necessariò deducta, omnibus fidelibus

repræsentantur, & credi jubentur. De Paganismo manifestè constar, non esse à Deo, cum idolis eum cultum deferat, qui ipsi Deo soli debetur. Mahometismus verò, & Judaismus nunc stantem post Christi Domini adventum, non esse à Deo, probatur manifestè his omnibus argumentis, quibus in hoc lib. Divinitatem Christi ostendimus. Nam perfidi Judæi, & Mahometani conveniunt in neganda Divinitate Christi, licet ex diversis causis: unde argumenta omnia, quibus innititur basis hæc, & primum fundamentum Religionis Christianæ; nempe quòd Christus Dominus sit verus Deus & Homo, manifestè concludunt, Mahometismus, & Judaismus nunc extantem esse religiones falsas, & à diabolo inventas.

CXIII. Porro argumenta illa sunt adeo conspicua, ut stupidus sit, qui illis non vincatur, & eis penetritis non experiatur in se evidens dictamen conscientiz, quo judicet, se obligatum esse ad suscipiendam Religionem Christianam Catholicam, si extra Ecclesiam sit, vel in illa firmiter perseverandum, si intra gremium sanctæ Ecclesiæ existat. Ea verò argumenta latè in hoc libro proposita, nunc in brevem epilogum redacta sunt hæc. Primum sumitur ex miraculis, quæ Christus fecit in hujus veritatis confirmationem; palam enim dixit, se esse Deum, & in hujus doctrinæ confirmationem mortuos suscitavit, hominem à nativitate cæcum luto super oculos imposito illuminavit, & alia opera mirabilia fecit, quæ evidens est, solum

solum Deum posse habere authorem. Evidens autem est, Deum non posse facere miracula in confirmationem doctrinæ falsæ. Secundum sumitur ex vindicta, quam Deus sumpsit de Judæis: nam illi eo præcipuè titulo, & ea de causa Christum crucifixerunt, quia dixit, se esse Deum, & tamen illos Deus propter necem Christo illatam severissimè punivit, & usque modò punit: quod argumento manifestum est, Christum, dum se ipsum appellavit Deum, non blasphemiam protulisse, sed veritatem certissimam. Tertium ex mira correspondentia inter vetus, & novum Testamentum; nam omnia, quæ Prophetæ prædixerant de Messia venturo, ad litteram adimpleta sunt in Christo Domino. Quartum ex ejus Resurrectione; nam Christum eo nomine crucifixum, quia Filium Dei se fecit, Dominus tertia die suscitavit à mortuis, hoc opere evidenter manifestans, illum verè dixisse. Quintum ex mirabili mundi conversione; siquidem Apostoli innumeris miraculis mundo persuaserunt rem humanæ sapientiæ penitus incredibilem, nempe hominem crucifixum esse verum Deum. Sextum ex mirabili permanencia Ecclesiæ Catholicæ adversus mundi potestates, & adversus omnes Hæresarchas, & sæculi Principes hæreses afflatos. Septimum ex eo, quod Christus majora operatus est, postquam à Judæis crucifixus est, quam dum viveret. Octavum ex eo, quod Apostoli, & innumerabiles Martyres variisque sexus, & in omni ætate, constanter & alacriter mortem acerbissi-

mam pertulerunt in testimonium Divinitatis Christi, Divinæque illos manifestis illustravit miraculis. Nonum ex eo, quod fides falsa veram nequit generare sanctitatem, fides autem hæc de Divinitate Crucifixi innumerabiles reddit Sanctos. Hæc, & alia argumenta in hoc libro expensa Divinitatem Christi reddunt evidenter credibilem, & omnino incredibiles omnes sectas illam negantes.

CXIV. Restat probandum, inter sectas adorantes Christum, solam Religionem Catholicam esse veram: hæc autem veritas faciliè demonstratur, reducendo omnes controversias cum hæreticis ad unam, an scilicet Ecclesia Catholica Romana sit illa ipsa, quam Christus fundavit, & de qua dixit, *portas inferi non prevalebunt adversus eam*: hoc enim semel posito, convincetur, veros esse omnes articulos, quos erediendos proponit: nam vera Christi Ecclesia est *Columna, & Firmamentum veritatis*, teste Apostolo 1. ad Timotheum 3. quia nimirum est columna firma & stabilis, quæ à veritate deflectere non potest, & sua firmitate ac stabilitate sustentat suos filios, ne à veritate aberrant, ut expleat cum Patribus Becanus; vel, prout exponit apud ipsum Theodorus Beza, dicitur Columna, & Firmamentum veritatis, quia non alibi habitat veritas Dei, quam in Ecclesia Christi, vel quia Ecclesia est fidei custos veritatis Dei, ut interpretatur Calvinus: unde etiam ex confessione ipsorum hæreticorum vera Christi Ecclesia nequit esse magistra errorum; atqui sola

Eccle-

Ecclesia Catholica Romana est vera, & germana Christi Ecclesia: ergo veri sunt omnes articuli, quos filii suis credendo proponit. Ergo verum est, dari Purgatorium, dari septem Sacramenta, Christum esse presentem in Eucharistia, peccata exponenda esse in confessione auriculari, & omnia alia dogmata, quæ Ecclesia Romana jubet credi.

CXV. Minorem dilucidè & nervosè probat P. Lessius in opusculo de vera Religione capessenda ex multiplici consideratione. Primò ex studio perfectionis, ad quod Religio Catholica inducit. Secundò ex eo, quòd licentiam peccandi excludat. Tertiò ex satisfactate Cultorum. Quarto ex miraculis eorumdem. Quintò ex gentium conversione. Sextò, ex nomine *Catholica*, & re ipsa hoc nomine signatâ. Septimò, ex successione. Octavò, ex consensu Doctorum veterum, & controversiarum decisione, & quia extra illam nulla soliditas. Nonò, ex variis causis, ob quas Lutheranismus, & Calvinismus, & aliæ sectæ convincuntur, non esse Ecclesia Christi. Primò, ex novitate. Secundò, ex defectu successionis. Tertiò, ex defectu missionis. Quarto, ex defectu miraculorum. Quintò, ex vitæ, & morum conditione. Sextò, ex erroribus, & inconsistentia doctrinæ. Septimò, ex dolo malo, & fraudibus, quibus utuntur. Octavò, ex eversione bonorum operum. Nonò, ex licentia vitæ, quam tribuunt.

Decimò, ex eo, quòd hæreses antiquas renouent. Undecimò, ex defectu regulæ credendi. Hæc fusè prosequi nostri instituti non est. Consulantur Bellarm., tom. 4. lib. 4. de Ecclesia Militante, Bal. tom. 3. disp. 1. quæst. 1. punct. 4. Suarez disp. 4. de fide sect. 3. & 4. Becanus, & alij. Duodecimò, & ultimò, hoc ipsum convincitur ex absurdo: nam si Ecclesia Calvinistica, vel Lutherana esset Christi vera Ecclesia, sequeretur, omnes Catholicos, qui à tempore Apostolorum hætenus extiterunt, damnatos esse: nam juxta harum Religionum primum dogma, caruerunt fide justificante, ac proinde permanserunt in peccatis suis, & in illis sunt mortui: fides enim necessaria ad justificationem juxta hæc sectas est illa, qua homo firmiter credit, se esse justum coram Deo propter Christi satisfactionem, quæ ipsi per hanc fidem imputeretur, & applicetur: constat enim, hanc ignotam orbi fuisse usque ad Lutheri tempora, qui gloria- tur, se illam mundo patefecisse: quis autem sanæ mentis hoc absurdum devorare audeat? Unde in veritates Catholicas convenit celebris illa sententia Richardi Victorini lib. 1. de Trinit. cap. 2. *Dominus, si error est, à te decepti sumus*: ista enim nobis sunt tantis signis & prodigiis confirmata, & talibus, quæ non nisi per te fieri poterunt.

## CAPUT DECIMUMTERTIUM.

*Brevis discursus, quo Cardinalis Sfortia evidentiam  
credibilitatis nostræ fidei proponit.*

CXVI. **H**æc evidentia creditilitatis clarissima, inquit, est, & maxima in fide Catholica, ex multis capitibus, quæ breviter indicat in libello de fide cap. 7. Primum certum est ex Syn-  
derezis, quam omnes experiuntur, & ex consensu omnium ferè gentium, dari aliquid Numen optimum, & benevo-  
lum erga creaturas rationales, cui ali-  
qua nostra opera placeant, alia displice-  
ant; idcircoque Numen illud esse colen-  
dum, & amandum. Nec huic ratio-  
ni adversatur experientia frequens, & calamitatis in probis, & prosperitatis in  
pravis, quasi contraria providentiæ: nam hæc ipsa est summa providentia, ut  
possimus exercere virtutem, & proba-  
re aliam solidiorem felicitatem: quæ  
enim virtus esset, ea sectari, quæ etiam  
in hac vita semper, vel ferè semper, as-  
ferrent delectationem, & prosperita-  
tem? Porro si id eveniret, nullum esset  
discerniculum inter virtutis, ac volupta-  
tis amatores. Certum ergo est, dari ali-  
quod Numen providum, & colendum.  
Cum verò sint varij cultus, & religio-  
nes erga hujusmodi Numen, quarum  
religionum quælibet damnat alias, tan-  
quam impias, & huic Numini invitas,  
non potest inter hujusmodi sectas in-  
vicem pugnantes esse plusquam una,  
quæ sit vera, & huic Numini accepta.  
quamvis possit evenire, ut aliqui propter

ignorantiam invincibilem, eo inoffenso,  
alias religiones sectentur.

CXVII. Hoc posito, videtur in-  
dignum hoc Numine, si permittat, ali-  
quam religionem falsam habere pro se  
argumenta sine ulla comparatione ma-  
jora, & graviora, quam quælibet alia,  
ac proinde, quàm ea, quæ sit vera: quis  
enim prudens, & bonus hoc faceret?  
at nostra religio habet pro se plurima, &  
gravissima argumenta, quibus præstat  
cæteris omnibus religionibus; ergo ipsa  
solum est vera religio.

CXIX. Ultima minor, quæ so-  
lum negatur ab adversariis, probatur ex  
hujusmodi argumentorum enumera-  
tione: Primum enim nulla religio ha-  
buit, vel habet tot sectatores sapientes  
ac nostra: sapientes autem voco illos,  
qui præcindendo à re controversa,  
hoc est, à veritate Religionis, procul  
dubio ingenio, eruditione, & doctri-  
nâ cæteris præstant omnium consensu.  
Sectæ enim distinctæ à Christiana vix  
ullum nominabunt sapientem, cum no-  
stris Patribus, Theologis, & Philoso-  
phis comparabilem, quæ eas re ipsa, &  
ex animo secutus sit, quantum ex ejus  
vita, & scriptis constare potest. Plato-  
nem quippè, Aristotelem, Tullium,  
Senecam, aliisque veteres philosophos  
patet ex eorum libris fuisse à creden-  
dis gentilium commentis alienissimos.

CXX. Se-

CXIX. Secundò : Nulla religio habuit tot sectatores insignes , & terè suprahumana virtute præditos. Tertiò nulla fuit , pro cujus defensione , non solùm fortiter , sed alacriter tot millia millium in quolibet sexu. ætate , & fortunâ sanguinem ac vitam profuderint. Quartò nulla , quæ habuerit tot contemptores omnium bonorum sensibilibum & humanorum , ex sola spe illorum , quæ talis religio pollicetur. Quintò nulla , quæ habuerit tot ferventissimos Dei amatores , qui omnes suas cogitationes , affectiones & curas sibi per totam vitam dicaverint supra omnem amorem , quo unquam , vel mater filium , vel maritus uxorem , vel quilibet homo quodcumque objectum sibi ca-

rissimum dilexerit. Sextò nulla religio est , in cujus explicatione tot sapientes vitam , ac studia impenderent , cum tanto admirabilium contemplationum fructu ; nulla siquidem scientia humana tantundem ingenij , consonantiæ , ac mirabilitatis ostentare potest , quantum Christiana Theologia. Septimò nulla est , cujus veritatem testentur tot prodigia supra omnes naturales virtutes effecta , & innumeris , ac gravissimis historiarum ac testium Authoribus confirmata , quæ omnia testimonia falsa esse , perinde videntur incredibile , ac si quis contenderet , non extitisse Julium Cæsarem , & omnes traditiones de illius existentia mentiri.







## PRIMÆ PARTIS LIBER SECUNDUS.

*IN QVO OSTENDITVR, RELIGIONEM Christianam non solum esse evidenter credibilem, sed evidenter veram, evidentiâ in attestante, quatenus evidenter demonstratur, Deum esse Authorem illius. Ubi natura nostra fidei laud exponitur, & ostenditur, ad credendum Fide Divina & obscura, mysteria nostra fidei, non debere prius fide obscura credi Authoritatem Dei loquentis, & existentiam revelationis; sed posse fide obscura, & libera credi mysterium ab homine, evidenter cognoscente Deum illud revelasse. Vbi etiam pro dignitate explicatur ultima fidei nostra resolutio sine circulo, & mutua prioritate.*

### CAPUT PRIMUM.

*Praambula quadam ad probandum, Religionem Christianam non solum esse evidenter credibilem, sed evidenter veram, evidentiâ in attestante.*

#### §. I.

*Supponitur, persinere ad excellentiam vera Fidei, quod contineat mysteria, quae seclusa revelatione Dei, nequeant per rationem naturalem probari.*

- I. **C**UM Religio Christiana contineat mysteria altissima, quæ ex se ita sunt obscura omni intellectui creato, & creabili, ut suis viribus, & proprio discursu nullus intellectus creatus possit assequi, quomodo illa Deo convenient: v. g. quomodo inter se cohereant, Deum esse unum in natura, & Trinum in personis, & Deum, qui est omnino immutabilis, ita uniri naturæ humanæ, ut verè Deus fiat homo, & homo fiat Deus: impossibile est,

est, quòd Religio Christiana sit evidenter vera evidentiâ mysteriorum in se ipsis, & per principia intrinseca. Cùm enim ejus mysteria sint ex se essentialiter obscura omni intellectui creato secundum se considerato, non possunt in se esse evidentiâ; & cùm sint supra omnem rationem, non possunt per rationem naturalem demonstrari, & ideo Doctor Christianus, & Prædicator Evangelicus, ut inducat infideles ad Fidem Christi amplectendam, non debet niti rationibus, quibus conetur probare mysteria Religionis Christianæ esse in seipsis vera, quasi per rationem naturalem possit eorum veritas persuaderi: ut enim meritò D. Thomas dixit 1. part. quæst. 32. art. 1. *Impossibile est, per rationem naturalem ad cognitionem naturalem Trinitatis personarum pervenire: homo enim per rationem naturalem ad Dei cognitionem pervenire non potest, nisi ex creaturis; creatura autem non ducunt in cognitionem Dei quatenus Trinus est, sed quatenus unus; quia non quatenus Trinus, sed quatenus Unus, id est non ratione relationum, sed ratione Essentie est principium creaturarum: istæ verò solùm ducunt in cognitionem Dei, tanquam effectus in cognitionem suæ causæ. Quare stultè procederet Prædicator Evangelicus, qui ratione naturali vellet probare infidelibus veritatem mysterij Trinitatis, Incarnationis, Eucharistiæ, & aliorum, quæ sunt supra omnem discursum naturalem creaturæ, ut probat ibi S. Thomas: Primò enim derogaret Fidei, quantum ad ejus dignitatem. Nam dignum, & excellentiâ Fidei est, quòd*

*sit de rebus invisibilibus, quæ rationem humanam excedunt, ut constat ex Apostolo ad Hebræos 11. dicente, quòd Fides est de non apparentibus. Secundo derogaret Fidei, quantum ad utilitatem trahendi alios ad ipsam. Cùm enim proferre non possint rationes, quæ convincant, Deum esse Trinum v. g. sanè qui ratione conaretur probare mysterium Trinitatis coram infidelibus, occasionem ipsis praberet, irridendi Fidem nostram. Quæ igitur Fidei sunt (concludit ibi D. Thom.) non sunt tentanda probare nisi per auctoritates, his, qui auctoritates suscipiunt; apud alios verò sufficit ostendere, non esse impossibile id, quod prædicat Fides.*

## §. II.

*Quomodo Prædicator Evangelicus debeat persuadere infidelibus, vera esse mysteria nostræ Fidei, quæ per rationem naturalem eis probare non potest.*

II. Quamquam autem Doctor Christianus, vel Prædicator Evangelicus non debeat intendere, probare per rationem naturalem veritatem mysteriorum nostræ Fidei, nec per auctoritatem Scripturarum apud eos, qui Scripturas non suscipiunt, potest tamen, ac debet coram infidelibus adducere argumenta, & rationes, quæ persuadeant, Deum esse Authorem Religionis Christianæ, in medium proferendo ea credibilitatis argumenta, quibus ornata est Religio Christiana, & quòd hæc argumenta vividius proponentur, eò facilius, Divina aspiciente gratia, infideles adducuntur ad fidem. Ad hoc enim à Deo data sunt, ut per illa

homines inducantur ad credendum, & fideles, qui jam Fidem habent, per illa in Fide firmentur, quatenus semel per illa argumenta convicti, quod Deus sit Author Religionis Christianæ, hinc assurgant ad firmissimè assentiendum mysteriis propter summam authoritatem Dei dicentis, & revelantis; & ideo Petrus epist. 1. cap. 3. v. 15. hortatur fideles, ut in promptu habeant rationes, quibus prudens quisque persuaderi possit, Religionem Christianam esse à Deo: *Dominum* (inquit) *Christum sanctificare in cordibus vestris*, parati semper ad satisfactionem omni poscenti vos rationem de ea, qua in nobis est, spe. Quæ verba sic ad litteram exponit noster Justinianus in paraphrasi ejus loci: *Deum, ac Dominum toto pectore religiose veneramini, vosque adversus impios ita comparate, ut, quoties res posculet, facile possitis Fidei*, atque spei vestra rationem reddere, & ac explicare. Ut enim idem Author postea in commentario illius versiculi num. 18. inquit: *Quod ait Petrus, rationem de ea, qua in vobis est spe, non perinde accipiendum est, quasi unius tantum, nimirum spei reddenda ratio sit, omnia Fide alisque Religionis nostræ capitibus, sed cum spes, seclusa Fide, nulla prorsus esse queat, eo nomine universam Religionem intelligit. Quocirca Syrus interpretes transtulit de spe Fidei, hoc est de spe, quam beneficio Fidei concepistis, & Fulgentius lib. 1. ad Trasimundum constanter legit de Fide, & spe; idque indicant verba illa: Dominum Deum sanctificare in cordibus vestris: ut enim exponit Cajetanus, Tunc in cordibus*

*sanctificatur Deus, cum creditur absque immunditia alicujus erroris, atque peccati.*

## §. II.

*Ante assensum Fidei præstitum mysteriis ob auctoritatem Dei revelantis, debet præcedere evidentia credibilitatis, fundata in certitudine de eo, quod Deus ea mysteria revelaverit.*

III. Quare licet assensus Fidei non niteatur rationibus, sed unice auctoritate Dei revelantis, quia qui assentitur mysterio, quia rationibus probatur, non habet assensum Fidei Divinæ, sed assensum opinativum, si rationes conciliantes assensum sint duntaxat probabiles; vel assensum scientificum, si rationes illæ sint evidentes: tamen ante assensum Fidei præstitum mysterio propter auctoritatem Dei revelantis debent præcedere motiva; & argumenta, quæ ita inducant ad judicandum, quod Deus revelaverit illa mysteria, & consequenter quod illa sint credibilia, ut nullatenus sinant prudenter dubitare de eo, quod Deus illa revelaverit. Tantumque abest, ut rationes istæ, & argumenta prævia, quibus ostenditur, Deum revelasse mysteria, officiant Fidei, ut potius impossibile sit, ut quis Fide supernaturali, & Divina firmiter credat mysterium propter auctoritatem Dei revelantis, quin præcedant talia motiva suadentia, Deum revelasse mysterium, ut non sinant virum prudentem dubitare de hoc: qui enim certus non est, quod Deus revelaverit mysterium, non potest pro-

propter auctoritatem Dei revelantis as-  
sentiri mysterio: nam ut docet D. Tho-  
mas 2. 2. q. 1. art. 4. ad 2. *Omnis, qui  
credit, debet evidenter discernere credi-  
bilitatem mysteriorum, & ea videre sub  
ratione communi credibilis: non enim  
crederet, nisi videret, ea esse credenda,  
vel propter evidentiam signorum, vel pro-  
pter aliquid hujusmodi.* Ut autem ex-  
ponit ibi Cajetanus, S. Thomas loquitur  
de *Visione propria*, ejusque sensus  
est, quod, verè & virtuosè credere, exi-  
git evidentiam, quod illud sit credibile,  
ita quod nullus verè, hoc est absque for-  
midine alterius partis, & virtuosè, hoc  
est prudenter credit, nisi evidenter co-  
gnoscat, illud esse credibile. Quomodo  
autem potest quis evidenter cognosce-  
re, aliquid esse credibile, quin adsint ar-  
gumenta evidentia credibilitatis? *Vid-  
ent autem Christiani* (inquit Cajeta-  
nus ibi §. *Ad objecta*) credentes, credi-  
bilis ea esse, qua sunt Fidei, audientes  
à fide dignis, mundi scilicet conversio-  
nem ad Christum pauperem per paupe-  
res piscatores, idiotas, inter tot persecu-  
tiones, tormenta, & mortes, & postmo-  
dam à tot doctissimis viris cum vita pro-  
pria castigatione, mundique hujus con-  
sempni approbata, innumerisque mira-  
culis confirmata.

IV. Unde Prædicator Evangelicus, ut  
Gentilibus Fidem Christi persuadeat,  
debet priùs rationibus demonstrativis  
probare, dari unum Deum Creatorem  
Cœli & terræ, qui omnia ex nihilo  
condiderit, & sapienter gubernet: &  
probare providentiam Dei erga homi-  
nes, & animæ immortalitatem persua-  
dere; & subinde probare, Deum

homines condidisse, ut illi serviant,  
eum colant, & diligant, & inde con-  
cludere, necessarium esse, quod Deus  
tradiderit hominibus aliquam legem,  
per cujus observationem pervenire pos-  
sint ad felicitatem æternam, ad quam  
animæ immortales creatæ sunt. Et hinc  
gradum facere ad probandum, Deum  
esse Authorem Legis Christianæ: &  
postquam hoc probaverit, non debet  
probare veritatem mysteriorum in se-  
ipsis, sed persuadere rationibus, ho-  
minem obligatum esse firma Fide cre-  
dere omnia, quæ Deus dicit, quamvis  
discursu suo comprehendere nequeat  
illa mysteria, ut patebit ex his, quæ  
infra latè explicabo, quando narra-  
vero colloquium, quod habui cum Mahu-  
metano arguto, & ingenioso,

## §. IV.

*Quomodo se gesserit S. Petrus cum  
Simone mago, ut ipsum pertraheret ad  
credenda mysteria nostræ*

*Fidei?*

V. **H**Unc agendi modum observavit  
S. Petrus cum Simone Mago,  
qui antequam cum Apostolo de vera  
Religione disputaret, volebat ante om-  
nia disputationem instituere de animæ  
immortalitate, quia, nisi priùs statueretur,  
animam esse immortalem, frustra  
postea laborarent inquisitione veræ Re-  
ligionis. At Petrus hanc disputationem  
detrexit: *Non metu, sed jure, utque  
utiliter negotium conversionis ageret,* ut  
inquit Clemens Romanus lib. 3. Re-  
cognitionum. Quamquam enim ani-  
mæ immortalitas possit optimis ratio-  
ni-

nibus probari, tamen quia Religio Christiana inter veritates credendas proponit quoque animæ immortalitatem, sanè si Apostolus, ut induceret Magum ad credendam immortalitatem animæ, prius rationibus probare debuisset animæ immortalitatem; pariter Magus ad credendum mysterium Trinitatis, & Incarnationis postularet, ut prius probarentur rationibus; quæ cum non possint per rationem probari, non posset Apostolus hac via Magum convertere. Unde Apostolus ad persuadendum, vera esse Religionis Christianæ mysteria, solum probare voluit, Deum esse ejus Authorem, & se esse à Deo missum ad veritatem Religionis Christianæ persuadendam: quo semel probato, consequens erat, ut Magus deberet credere, vera esse mysteria Religionis Christianæ, quia Deus falsum testificari non potest, atque adeo Deo aliquid testificanti tenemur cum summa adhesionem credere, quantumvis id, quod testificatur, non possimus ratione naturali assequi; imò quamvis nobis videatur, secluso testimonio Dei, penitus impossibile: quia lumine naturæ notissimum nobis est, Deum neque fallere, neque falli posse, & ex notissima experientia evidens quoque nobis est, nos multa vera ignorare, & propterea nostram ignorantiam nobis apparere aliqua impossibilia, quamvis possibilia sint, atque adeo evidenter cognoscimus, stultum esse, nolle credere Deo aliquid mysterium testificantem, eo præcisè nomine, & ea de causa, quia illud mysterium apparet nobis difficile, & rationi naturali impossibile. Et idem

(dicebat Petrus Simoni Mago) ante omnia fidem Prophetæ omnium examinatione oportet probari: quem, cum cognoveris, esse Prophetam, de reliquis cunctis ei credere oportet, nec ultra eum discutere per singula, quæ docet, sed habere firma, & sancta, quæ dicis; quæ quamvis fide suscipi videantur, antehabita tamen ratione creduntur: cum enim semel ab initio veritas Prophetæ examinata constiterit, reliqua Fide audienda sunt, & tenenda.

VI. Quod hic fecit Petrus, omnibus Christi cultoribus facere suadet illis verbis: Dominum Christum sanctificate in cordibus vestris, parati semper ad satisfactionem (id est defensionem, ut habet textus Græcus) omni poscenti rationem de ea, quæ in nobis est, fide. In quibus verbis non suadet Apostolus fidelibus, ut parati sint ad reddendam rationem, quæ probentur mysteria, sed ad reddendam rationem, cur crediderint, seu cur sibi persuaserint, Legem Christi à Deo descendisse, & propterea inducti sint ad credenda mysteria Fidei cum tanta firmitate. Quæ ratio redditur per motiva credibilitatis, quæ reddunt Fidem Christianam evidenter credibilem, id est, quæ evidenter probant, mysteria omnia Religionis Christianæ posse firmiter credi propter auctoritatem Dei testificantis. Et hæc motiva credibilitatis faciliè Christiani penetrare possunt: nam cum, ad credendum Fide supernaturali mysteria, debeat præcedere evidentiā credibilitatis, seu judicium evidens, quod mysteria illa possint, ac debeant propter auctoritatem Dei credi cum summa adhesionem, ut ostensum est

est cap. 1. hujus libri, & cum præceptum credendi omnes communiter obliget, possibile est omnibus, habere judicium illud evidens credibilitatis; Deus enim impossibilia non jubet. Et hinc deduces, valde, conveniens esse, quòd Prædicatores Evangelici motiva hæc credibilitatis è suggestu populo explacent.

VII: Ut enim cum Cajetano, Aragon, & Zumel, tanquam quid sibi omnino certum, statuit noster Eximius Doctor Suarez disp. 4. de Fide sect. 5. n. 8. nullus homo præbet verum, & perfectum assensum Fidei, nisi prius aliquomodo assequatur, vel participet evidentiam credibilitatis: nam judicium credibilitatis debet esse certum, ut ad Fidem certam, & indubitam inducat: *Nam si quis (inquit) potest prudenter dubitare, vel formidare de credibilitate objecti, poterit etiam de ipsa Fide dubitare, aut formidare, & ita non erit Fides perfecta, & Christiana; iudicium autem credibilitatis non potest esse certum, nisi sit evidens. Ergo in unoquoque verè credente debet supponi tale iudicium. Quo circa si quis credat ante iudicium certum, & evidens credibilitatis, concipiet quidem fidem humanam de rebus Divinis, qua interdum potest esse prudens, & honesta; non tamen concipiet propriam fidem Christianam, id est omnino certam, & immutabilem; quia stante sola probabilitate, & prudentiâ in illa fundata, posset quis propter maiorem probabilitatem de novo apparentem iudicium prudentiâ mutare, & consequenter Fidem, vel de illa prudenter dubitare, quod de vero assensu Fidei nullo modo admittendum est.*

Huc usque Eximius Suarez, cujus doctrina certa reddita est per Bullam Innocentij Undecimi, in qua anno 1679. sexaginta quinque propositiones tanquam scandalosas, & in praxi perniciosas damnavit, & prohibuit, inter quas vigesima prima est hæc: *Assensus Fidei supernaturalis, & nilis ad salutem stat cum notitia solum probabilis revelationis, imò cum formidine, qua quis formidet, ne non sit loquutus Deus.* Ergo nullus potest credere mysterium per actum fidei supernaturalis, & utilis ad salutem, nisi antecederet ad illum assensum sit omnino certus, seu certificatus saltem moraliter, quòd Deus illud revelaverit. Supposita autem hac certitudine potest ac debet formare iudicium evidens, quòd illud mysterium possit ac debeat credi: evidens enim est, unumquemque posse cum summa adhæsiōe credere mysterium illud, de quo certus est fuisse à Deo revelatum.

## §. V.

*Quomodo in hominibus indoctis reperitur evidentiâ credibilitatis ante assensum Fidei Divina?*

VIII. **N**OTAT autem optimè Eximius Suarez ibidem, hanc evidentiam credibilitatis, prærequisitam ad Fidem supernaturalem, non esse æqualem in omnibus, nec eodem modo esse postulandam in simplicibus credentibus, ac sapientibus: *Nam isti (inquit) per se illam percipiunt, penetrando ejus media & principia; illi verò in Fide, & traditione Ecclesiæ, & sapientum illam participant: nam illis satis est, quòd videant,*

H



deant, sapientissimos viros, & multitudinem Christianorum hanc Fidem amplecti ut indubitatam, & infallibilem; & quod audiant, illam esse confirmatam multis miraculis, & quod hoc fiat illis moraliter, & humano modo certum; ac denique quod intelligant, talem doctrinam esse consentaneam rationi, nihilque contrarium in illa inveniant: nam hæc sufficiunt, ut respectu illorum fiat doctrina Fidei evidenter credibilis.

IX. Addit verò Eximius Doctor, & probat ex D. Thoma quodlib. 2. art. 6. si contingat, exteriorum prædicationem Fidei, & propositionem non esse sufficientem ad formandum iudicium ita firmum, & evidens de credibilitate Fidei, & homo faciat, quod in se est, non defuturam Divinam inspirationem, quia Deus non deficit in necessariis, & tunc illuminationis interior necessaria est: atque adeo tunc per Divinam inspirationem & vocationem internam posse completi huiusmodi credibilitatem. Quare licet simplices homines per se non sint capaces illius evidentie immunitatis, ut sic dicam, & speculativè deducæ ex suis principiis & motivis, sunt capaces illius, mediante fide humana de miraculis, & aliis testimoniis, & testibus huius Fidei, & juvari possunt interna illuminatione, quæ nunquam deerit facienti, quod in se est. Et ob hanc causam (subjungit Magnus Suarez) Prædicatores Evangelici, qui versantur inter infideles, & catechizant adultos noviter conversos, non malè faciunt, illos admittendo ad Baptismum post sufficientem instructionem: debent autem imitari Philippum, qui Act. 8. post-

quam instruxit Eunuchum, & ille interrogavit, an liceret se baptizari, respondit: Si credis ex toto corde, licet. Pondero enim ibi particulam ex toto corde, per quam postulavit fidem super omnia; iuxta phrasim Scripturæ, atque adeò omnino certam. Hanc ergo Fidem debent postulare huiusmodi Prædicatores à noviter conversis, & illos ita instruere, partim docendo, partim excitando ad postulandum Divinum auxilium, ut possint illam concipere; & tunc credere possunt & debent illis dicentibus, se ita credere, & consequenter illos baptizare, sicut Philippum fecit.

X. Dum autem Prædicatores catechumenos instruunt, & per argumenta credibilitatis efficaciter persuadent, Religionem Christianam esse à Deo datam hominibus, admonere illos debent, ut mysteria altissima Religionis Christianæ firmissimè, & cum summa adhæensione credant, non jam propter autoritatem ipsorum prædicantium, nec propter rationes humanas, vel etiam propter signa supernaturalia, quæ persuadent, Deum esse Authorem Religionis Christianæ, sed unice ob summam autoritatem Dei revelantis, illos paulatim pertrahendo, ut altissimam æstimationem concipiant de Dei autoritate, & in præstando assensu mysteriis non innitantur rationibus, tanquam motivo assentiendi mysteriis, sed ut per illas sibi firmiter persuadeant, Deum revelasse hæc mysteria, & postquam sic persuasi sunt, jam unice ob autoritatem Dei credant mysteria revelata, quæ Religio Christiana credenda proponit.

S. VI.

*Quomodo se gerere debeat Catholicus rusticus cum hæretico, petente ab ipso rationem suæ Fidei, & interrogante, cur credat: v. g. Purgatorium, vel præsentiam Christi in Eucharistia?*

XI. **N**OSTER Cornelius à Lapide exponens verba illa D. Petri nuper expensâ: *Paratis semper ad satisfactionem omni poscenti vos rationem de ea, quæ in vobis est, Fide*, notat, perperam hæreticos ex hisce verbis urgere laicos indoctos, ut secum de Fide disputent: *Hoc enim ad Sacerdotes, & Doctores pertinet*, redditque rationem ex ipso textu: *Nam responsionem exigit S. Petrus, non disputationem, eamque dandam infidelibus in origine Ecclesiæ, non hæreticis, confirmata jam Fide, omnium sæculorum consensu*. Laici ergo rogati ab hæreticis, cur credant, v. g. Christum esse præsentem in Eucharistia? respondeant: quia id credit, & credit Ecclesiæ omni sæculo, quæ est Columna, & Firmamentum veritatis, utpote Sponsa Christi, gubernata & protecta à Spiritu Sancto: quare stolidum esse, hoc post tot sæcula in dubium revocare. Ita Tertullianus lib. de præscript. adversus hæretic. cap. 17. ubi addit rationem: *Quoniam, inquit, nihil proficiet congressio Scripturæ, nisi planè ut aut stomachi quis ineat eversionem, aut cerebri* Respondeat cum Augustino epist. 165. *Tenet me in Ecclesiâ ab ipsa Sede Petri Apostoli, cui pascendas suas oves Dominus commendavit, usque ad*

*præsentem Episcopatum successio Sacerdotum.*

XII. Respondeat cum Hieronymo in Dialogo contra Lucifer. in fine: *Brevem tibi apertamque animi mei sententiam proferam, in illa Ecclesiâ esse permanendum, quæ ab Apostolis fundata in hanc diem durat*. Respondeat Ego credo, quod mihi credendum proponit Ecclesiâ illa, de qua Christus dixit: *Tu es Petrus, & super hanc petram ædificabo Ecclesiâ meam, & porta inferi non prævalebunt adversus eam*. Hæc enim alia esse non potest quàm Ecclesiâ Catholica Romana, quæ per totum orbem dispersa, continuata serie Pastorum, usque ad hanc diem perseveravit, & secundum promissionem Christi in æternum durabit. Credo illud, quod credit illa Ecclesiâ, intra quam vixerunt tot Martyres, tot Virgines, tot Confessores, & tot Doctores; in qua floruerunt Augustinus, Hieronymus, Ambrosius, Gregorius, Nazianzenus, Basilus, Chrysostomus, Athanasius, Thomas, Bonaventura, & alij innumeri, in qua vixerunt Martinus, Nicolaus, Gregorius Taumaturgus, Benedictus, Bernardus, Dominicus, Franciscus, Ignatius, Franciscus Xaverius, Franciscus de Paula, Theresia à Jesu, & alij innumeri viri sanctissimi, & scæminæ: stultum enim est, existimare, quod Spiritus Sanctus huic Ecclesiæ veritatem tam necessariam occultaverit, & permiserit, tot illustres Sanctos, & Doctores, & tot Sanctissimas Virgines in continuo & perpetuo errore versatos fuisse, & quod post tot sæcula uni Calvino, vel Zvinglio, vel aliis ejusmodi

di novatoribus veritatem aperuerit. Omnino ridiculum est, dicere, Spiritum Sanctum non adfuisse Ecclesię in Conciliis Generalibus congregatę, in quibus definitum est, in Eucharistia ex vi Consecrationis destrui substantiam panis, & ejus loco succedere Corpus Christi; adfuisse verò Calvino, qui oppositum pertinaciter asseruit. Stultissimum enim est, iudicium unius hominis privati, qui nullis miraculis claruit, nec virtutibus magnis pręditus fuit, sed magnis vitiis fœdatus, pręferre iudicio totius Ecclesię, iudicio tot Doctorum litteris & sanctitate pręstantium, & qui in omni sæculo miraculis claruerunt, & sibi persuadere, Calvinum accepisse à Deo Spiritum interpretandi Scripturas, & hunc Spiritum non accepisse tot Ecclesię Patres illustrissimos, qui unanimi consensu constanter semper docuerunt, verba illa Christi: *Hoc est Corpus meum*, intelligenda esse in sensu literali, & proprio, & vi illorum poni Corpus Christi sub speciebus panis; quod Calvinus contra communem totius Ecclesię sensum, & Patrum sententias ausus est negare.

XIII. Ita Catholicis rusticus nullam aliam cum hæretico disputationem admittat, sed unice persistat in illa ratione, quę veritatem Christi in Eucharistia reddit evidenter credibilem, quia nimirum id semper tenuit, & credidit Sancta Ecclesia, quę ab Apostolo appellatur *Columna, & Firmamentum veritatis*: & incredibile sit, quodd Deus suam Ecclesiã deseruerit, ut idololatriam per errorem committeret, adorandum purum panem tanquam Christum.

Si autem hæreticus voluerit adducere argumenta, quę ostendant, impossibilem esse præsentiā Christi in Eucharistia; ipse minimè argumenta audiat, sed argumentantē ad Doctores Ecclesię remittat, qui ei scient respondere, & dicat: Doctores sapientissimos, & acutissimos, ut Augustinum, Thomam, & alios hoc mysterium firmissimè credidisse, quod non fecissent, si argumenta ejusmodi non essent fallacia; sibi sufficere, credere, quod illi crediderunt, & tota Ecclesia semper credidit; se certum esse, Ecclesiam non posse credendum proponere aliquid falsum, & impossibile, & hoc sibi abundè sufficere, ut firmissimè hoc credat, quāvis ratione naturali non possit assequi, quomodo hoc fiat; sibi satis esse, scire, quodd Christus dixerit: *Hoc est Corpus meum*, & Fide firmissima credere, Christum esse Deum omnipotentem, qui multa potest facere, quę homo non valet intelligere; se non esse obligatum, reddere rationem de mysteriis, quę fides docet, quia sunt supra rationem, & esse omnino injustum, velle probare, quodd Fides sit falsa, ed quodd habet mysteria, quę lumini naturali videntur summè difficilia, imò & repugnantia; siquidem evidens est, Deum plura posse facere, quàm homo valeat comprehendere. Unde stultum est, arguere, quodd Fides sit falsa, quia habet mysteria difficillima, quę lumine naturali, destituta luce Fidei, videntur impossibilia: nam Fides juxta Apostolum est *argumentum non apparentium*, id est de mysteriis obscuris, quę per rationem naturalem non

apparent, & illa ratio contra veritatem Eucharistiæ formata potest in argu-tem retorqueri, quia simili argumento impugnare posset mysterium Trinitatis, & mysterium Incarnationis, & contendere, nihil esse verum, nisi id, quod ratione naturali comprobati valet; quod est planè Fidem supernaturalem de medio tollere.

XIV. Notat insuper Cornelius à Lapidè, cautè S. Petrum monuisse fideles, ut semper sint parati ad dandam rationem suæ Fidei; non autem ut semper dent: quia semper nos paratos esse oportet; at non semper actu dare rationem Fidei, & spei nostræ: v. g. cum irrisores poscunt rationem, ut irrideant eam, incapaces sunt, cum per hocrogantibus vel alii damnum, aut periculum creatur, juxta illud Christi, *Nolite sanctum dare canibus, neque mistis margaritas vestras ante porcos.* Matth. 6. v. 7.

### §. VII.

*Quomodo Doctor Catholicus agere debeat cum hæreticis, ut evincat, vera esse omnia dogmata, quæ credenda proponit Ecclesia Catholica Romana?*

XV. **N**EUQUE solùm Catholicus indoctus debet sic respondere hæretico, petenti ab ipso rationem suæ Fidei, & impugnare conanti veritatè mysteriorum, in quibus Catholici ab hæreticis dissident; sed etiam ut rectè admonet Caramuel in Theologia fundamentali fundament. 3. omnes controversiæ, quæ sunt inter Catholicos & hæreticos, ad unam possunt re-

duci, nimirum ad hanc: *Quanam sit vera Christi Ecclesia?* Addiderim ego, Doctorem Catholicum, qui certamen publicum vult cum hæretico inire de Religione, si velit de adversario triumphare, & strenuè pugnare, debere omnes controversias ad hanc unam reducere: *Quanam sit vera Christi Ecclesia?* Nam si semel demonstraverit, solam Ecclesiam Catholicam Romanam esse veram Christi Ecclesiam, facile inde convincet, vera esse omnia dogmata, quæ credenda proponit: quia cum vera Christi Ecclesia sit *Columna, & Firmamentum veritatis*, nequit errores tanquam veritates certissimas sustentare, ac proinde nequit aliquid falsum, tanquam articulum Fidei, fidelibus proponere.

XVI. Imò universaliter P. Michael de Elizalda in aureo illo, & fundatissimo opere de forma veræ Religionis quærendæ, & inveniendæ q. 8. solidissimè probat, veram Religionem nec quæri debere, nec inveniri posse per examen rerum, quas docet: tum quia res ista longissima foret; quicumque enim veram Religionem per examen rerum quærere instituit, necesse est, ut non unam, sed omnes Religionem, resque illarum examinet, discutiat, & judicet, quamdiu saltem veram non invenit: at hoc nemo mortalium præstare valet; nullus enim vel sola nomina novit sectarum, Religionumque omnium: de Christianorum solùm divisionibus jam pridem agens Augustinus lib. de Hæresibus faretur, nec à se, nec ab alio quoquam, nec à doctissimo quidem Hieronymo hæresum omnium

H 3

habe-

haberi noticiam, & Celsum quemdam sex non parva volumina implevisse se his dumtaxat Philosophorum. Tum quia doctrina veræ Religionis naturâ suâ est de rebus altissimis, & mysteriis difficillimis, quæ per rationem naturalem non possunt efficaciter probari: unde ad examen rerum vocata, difficilius & obscurior erit, quàm falsæ Religio, proindeque ab examine isto non victrix forsan, sed victa evadet. Quærenda ergo est, & invenienda per examen fundamentorum, quæ concludant, illam esse à Deo datam. Hoc ubi constiterit, debet omnia illius mysteria intellectus firmissimè amplecti, illis assentiendo propter auctoritatem Dei, quem novit esse ejus Religionis Authorem, quamvis mysteriorum rationem nullatenus assequi possit.

XVII. Hinc rectè probat, formam quærendi, & inveniendi veram Religionem contineri in illis verbis Apostoli 2. ad Timoth. 1. *Scio, cui credidi*, in quibus scientiam, & Fidem Apostolus conjungit, quia nimirum veræ Religionis cultores, *et scire, et credere debent; credere* quidem, quia doctrina tota veræ Religionis à Deo data, & revelata est, ac proinde tota sine examine, sine discussione, & sine disputationibus credenda est, ejusque proinde mysteria potius, sicut pilula amara, uno haustu integra deglutienda sunt, quàm sicut cibis atterenda, ruminanda, & comminuenda. *Scire* autem, quia veræ Religionis cultores non debent ejus mysteria, tanquam à Deo revelata, firmissimè credere, quin priùs sciant, Deum esse autorem talis Religionis,

omniaque proinde ejus mysteria revelasse. Hanc autem scientiam habere non possunt, quin videant, talia adesse fundamenta ad judicandum, illam Religionem esse à Deo, ut prudenter de hoc dubitare non possint. Proinde debent habere evidentiam saltem moralem de eo, quòd Deus sit Author talis Religionis, ejusque mysteria revelaverit, ac proinde debent evidenter judicare, mysteria illa esse credibilia Fide Divina, id est posse ac debere credi cum summa adhesionem, qualis Deo loquenti debetur. Et hac de causa omnes professores falsæ Religionis, per se loquendo, sunt inexcusabiles, quia sine fundamento suscipiunt dogmata illius Religionis, tanquam à Deo revelata: siquidem Religio falsa nequit habere evidentia credibilitatis argumenta, id est talia, quæ virum probum & sapientem ea expendentem convincant, & cogant judicare, illam Religionem esse à Deo. Hinc inexcusabiles sunt Mahumetani, qui Mahumetum tanquam Dei Prophetam venerantur, & totam doctrinam Alcorani ut à Deo datam credunt, quin habeant, non dico evidentiam moralem, sed neque prudens, & probabile fundamentum ad judicandum, Mahumetum fuisse verum Dei Prophetam. Similiter Lutherani, & Calvinistæ inexcusabiles sunt, quia doctrinam Calvini, & Lutheri tanquam à Deo revelatam credunt, quin habeant evidentiam, nec probabile quidem fundamentum ad sibi persuadendum, homines istos fuisse missos à Deo ad reformandam Ecclesiam, sed potius, nisi meridiana in luce caligare velint, evi-

den-

dentissimè deprehendere possunt, viros illos à Deo missos non fuisse, sed à spiritu superbiæ, ambitionis, & consequenter à diabolo seductos esse: quia nullum signum veri Apostoli, veri Prophetæ, & nuntij à Deo missi illis adaptare possunt; cum evidentissimè constet, fuisse homines carnales, ambitiones, novatores, nulla insigni virtute præditos, nullis signis, & virtutibus conspicuos.

XVIII. Professores ergo veræ Fidei debent habere scientiam, & fidem; scientiam de eo, quod Deus sit Author talis Religionis, Fidem de mysteriis: quia Deus veram Religionem talibus notis, privilegiis, signis, & argumentis veritatis vestivit, atque ornavit, ut dubitare prudenter non sinat, ipsum esse ejus Authorem; aliunde verò mysteria aliqua veræ Religionis debent esse talia, ut ratione naturali non possint efficaciter probari, proindeque nemo prudens possit assensum firmum illis præbere, nisi per Fidem, id est nisi propter auctoritatem Dei revelantis, & non propter rationem naturalem manifestantem ipsam veritatem.

XIX. Hac de causa, ut suprà dicebamus, S. Petrus disputans cum Simone Mago, cum ab illo urgeretur, ut prius, quam ultra procederent in examine veræ Religionis, probaret, animam esse immortalem, quia frustra in quærenda vera Religione fatigaretur, si anima mortalis sit, noluit cum Mago hanc viâ procedere; & quidem prudentissimè: quia, quamvis animæ immortalitas, quam Fides Christiana credit, ratione quoque probari possit, sunt tamen in ea

multa mysteria omnino supra rationem; unde abstinens ab examine mysteriorum, totum se Petrus convertit ad probandum, Religionem Christianam esse à Deo, ut sic Magum compelleret, credere omnia Religionis Christianæ mysteria, quia Deus illa revelavit, quamvis ratione naturali probari non possint.

XX. Hinc sapienter S. Thomas in 3. dist. 24. quæst. 2. art. 3. observavit, notandum discrimen inter fidem præstandam Deo, & fidem præstandam hominibus nobis loquentibus. Nam hominibus aliqua nobis narrantibus credere non debemus sine examine rerum, quas nobis dicunt, & inspicendum nobis est, quæ, & qualia sint, quæ dicunt, an possibilia, an absurda, an coherentia? cum enim homines vel per ignorantiam falli, vel per malitiam fallere possint, non satis est ad illis credendum, quod sciamus, eos nobis loqui; sed attendere debemus ad id, quod loquuntur, & examinare, an verisimile sit, &c. At cum evidens nobis sit, Deum nec fallere, nec falli posse; ut Deo aliquid affirmanti certissimè credamus, non debemus examinare, quale sit illud; an possibile, an impossibile; sed totum nostrum studium sistere debet in examinando, an Deus sit, qui nobis loquitur? Postquam autem per argumenta evidentia credibilitatis nobis innotuerit, Deum esse, qui nobis loquitur, statim clausis oculis discretus humani, firmissimè debemus credere omnia, quæ dicit, quamvis difficillima sint, & quamvis secluso ejus testimonio, nobis impossibilia appareant:

de-



debemus enim captivare intellectum in obsequium Dei testificantis, quamvis ea, quæ nobis testatur, in se inspecta, & per rationem naturalem examinata, videantur nobis impossibilia: quia evidens est omnino, Deum non posse fallere, nec falli in iis, quæ dicit: & non est evidens, non posse falli discursum humanum in iis, quæ evidentia putat; sed potius multiplici experientia constat, homines sæpe postea falsa deprehendisse ea, quæ prius evidenter vera esse existimabant.

XXI. Ad hunc ergo modum procedendum est Doctori Catholico in disputatione, & certamine cum hæretico: non enim debet permittere, ut certamen ineatur, examinando veritatem singulorum mysteriorum, quæ Religio Catholica Romana credenda proponit; hæc enim disputatio multos dies, imò & menses consumet, & per illam nihil comperietur, nec alius fructus colligetur, quam capitis vertigo, & fractio. Et ut sapienter dicebat Tertullian, lib. de præscription, c. 15. Doctores hac via incedens, nunquam quicquam absolvet; sed ipse, *quantumvis fortis, congressu fatigabitur, infirmici-pientur, medicum scrupulo dimittentur.* Melior quippe erit adversarii causa: nam offeret fortiora, vel verisimiliora, clariora, & faciliora, magisque popularia. Quare hæreticum ad hoc punctum controversiæ debet trahere, quænam scilicet sit vera Ecclesia, quam Christus supra Petrum fundavit: nam hæreticus cum Catholico Doctore disputans fatetur, Christum supra Petrum fundasse Ecclesiam, fatetur Christum

dixisse: *Tu es Petrus, & super hanc Petram ædificabo Ecclesiam meam, & porta inferi non prævalerebunt adversus eam;* & ne blasphemus sit, fateri debet, Christum verè promississe, & promissionem suam opere complevisse. Rursus fatetur, Ecclesiam illam, quam Christus supra Petrum fundavit, esse *Columnam, & Firmamentum veritatis*; quia hoc Apostolus Paulus expressè docet, & in promissione Christi manifestè continetur. Sic ergo illum Doctor Catholicus aggrediatur: inter nos convenit, Christum Dominum veram Ecclesiam fundasse; convenit rursus, veram Christi Ecclesiam, cum sit Columna, & Firmamentum veritatis, non posse esse Magistrum errorum: ergo inter nos convenire debet, vera esse omnia dogmata, quæ vera Christi Ecclesia credenda proponit. Et tunc subsumat: at hæc vera Christi Ecclesia non est Ecclesia Calvinistica, nec Lutherana, sed sola Ecclesia Catholica Romana. Ergo vera sunt omnia dogmata, quæ credenda proponit Ecclesia Catholica Romana. At hæc credenda proponit præsentiam realem Christi in Eucharistia, septem Sacramenta, Purgatorium, &c. Ergo hæc omnia vera sunt, Ad probandam autem illam primam minorem subsumptam, suppetunt Doctori Catholico argumenta demonstrativa, quæ apud eos, qui admittunt Scripturas, ac Historias, & veterum Patrum scripta, non solum faciunt evidentiam credibilitatis, sed etiam evidentiam veritatis, ut latè ostendit Bellarminus lib. 4. de Ecclesia Militante, qui est de notis Ecclesiæ cap. 3. Valentia

tom. 3. disp. 1. q. 1. punct. 4. Suarez disp. 4. de Fide sect. 3. & 4. Lessius in opusculo de vera Religione capessenda, &

Becanus in manuali controversiarum, & novissimè Richardus Arfdekin tom. 1. Theologiæ tripartitæ tract. 1.

## CAPUT SECUNDUM.

*Stabilituriam, Religionem Christianam non solum esse evidenter credibilem, sed evidenter veram, evidentiâ extrinsecâ, & in attestante, quatenus evidenter probatur, Deum esse Authorem illius.*

## §. I.

XXII. **H**ANC Veritatem solidissimè probant duo Authores moderni: alter recentissimus, nimirum Petrus Daniel Hæzius, Serenissimi Delphini, seu Primogeniti clarissimi Regis Galliz Ludovici Decimiquarti Magister, qui egregium edidit opus anno 1682. cui titulus: *Demonstratio Evangelica*, in cuius præfatione fidenter assent, & constanter affirmat, veritatem Religionis Christianæ probari posse eo genere demonstrationis, quod non minus certum sit, quàm demonstrationes ipsæ Geometrix: & hæc demonstratio scopus est illius operis duobus tomis distincti. Summam autem hujus demonstrationis proponit Author in fine operis; nam ad pauca contrahens, quæ fusè in toto opere scripserat, demonstrationem ob oculos æqui Lectoris proponit his verbis: *Libri Novi & Veteris Testamenti his temporibus scripti sunt, quibus feruntur scripti, & ab his scripti, quibus tribuuntur. Hinc sequitur, totam Jesu Nazareni historiam in veteri Testamento longè antè prædi-*

*ctam esse, quàm eveniret in novo. His porrò concessis, libros nimirum veteris, & novi Testamenti his temporibus esse scriptos, quibus feruntur esse scripti, & ab his scriptos, quibus tribuuntur, & Prophetias veteris Testamenti de Jesu Nazareno completas esse in novo, consequens est, veraces esse libros novi, & veteris Testamenti. Quòd si prophetia veteris Testamenti de Jesu Nazareno completa sunt in novo, & veraces sunt libri novi, & veteris Testamenti, ex eo efficitur, Jesum Nazarenum esse Messiam. Quo posito, veraces nempe esse libros novi, & veteris Testamenti, & Jesum Nazarenum esse Messiam, satendum omnino est, veram esse Religionem Christianam. Hactenus ille.*

XXIII. Alter est aliquantulum antiquior, videlicet P. Michael de Elizalda nostræ Societatis, & meus in Metaphysica Magister, vir subtilissimi, atque profundissimi ingenij, & solidam doctrinam amantis, ut probant ejus monumenta de recta doctrina morum, quæ subanagrammate Antonij de Cella

Dei omnium manibus teruntur, & præclarum illud, & fundatissimum opus *de forma vera Religionis querenda*, & *invenienda*, quod in lucem edidit anno 1662. Hic Author quæst. 19. illius operis, tanquam fundamentalem, & capitalem conclusionem statuit, esse manifestum, ac de rebus moraliter evidentibus, *quamam inter omnes sit vera, ac Dei Religio*: Moralem autem evidentiam appellat, non quia careat connectione infallibili cum veritate, sed quia illam evidentiam pariunt loca, principia, seu fundamenta pertinentia ad moralem scientiam. Asserit ergo, veram Religionem, quæ non est alia, quam Christiana, & inter Christianas Catholica Romana, talibus ac tantis fundamentis esse communitam, quæ omnem perfectè dispositum audientem convincant, quæ omnem probabilitatem à cæteris Religionibus adimant, & quæ nullum illius cultorem dubitare sinant, ac proinde docet, tam evidens esse, quòd Religio Christiana sit vera Religio, & quòd Ecclesia Catholica sit vera Christi Ecclesia, quam evidens est, quòd detur Roma, & India: quæ appellatur evidentia moralis, non quia hæc evidentia fallibilior, aut incertior sit, quam physica; sed quia est diversæ naturæ, ac conditionis. Similia videtur tradere Coninch disp. 11. de Fide: nam ibi num. 72. hanc conclusionem statuit: omnino tanquam certum statuendum est, posse clarè demonstrari, quæ sit vera Christi Ecclesia, ac recta Fides.

XXIV. Ego hanc doctrinam verissimam cenſeo: nam attentè sæpe medi-

tatus, dum conciones haberem contra Mahumetanos, contra Judæos, & hæreticos, luce meridiana clarius semper judicavi, Deum esse Authorem Religionis Christianæ, ac proinde, falsas esse omnes sectas ipsi oppositas; inter Religionem autem Christianam, solam Catholicam Romanam esse veram Christi Ecclesiam; omnes autem hæreticorum sectas esse synagogas sathanæ, & certam ad æternam mortem viam. Hac de duplicem disputationem distavi in hac schola Salmanticensi in tractatu Selectarum disputationum de Fide in cursu Theologico anni 1588. alteram, in qua probavi, Religionem Christianam non solum esse evidenter credibilem, sed etiam evidenter veram, evidentiam in attestante, & per principia extrinseca atque reflexa: alteram, in qua ostendi, supposita fide in Christum, veritatem Religionis Catholicæ Romanæ non solum esse evidenter credibilem, sed etiam evidenter demonstrabilem. Ex his verò, quæ fuso calamo, & secundum scholæ stylum disputavi, pauca seligam, quæ hic subjungam.

## §. II.

*Ex eo, quòd evidens sit, Deum existere, & providentiam hominum habere, necessario inferitur, existere veram aliquam Religionem in mundo. & hanc non esse aliam, quam Christianam, quæ præ reliquis credibilis redditur.*

XXV. **E**XISTERE Supremum Aliquod Numen, quod sit primum principium, & ultimus finis omnium, evidens est, ut passim demonstrant

strant Philosophi, atque Theologi, inter quos Lessius in opusculo de Providentia Numinis quindecim dilucidis rationibus id manifestè ostendit. Hoc autem Numen providentiæ hominum habere, evidens quoque est: cum enim stupidissimæ etiam pecudes suorum fœtuum curam gerant, Deus Optimus Maximus cognitione exquisitissima, potentiâ firmissimâ, & voluntate optima præditus, curam hominum, quos ad imaginem, & similitudinem suam creavit, prætermittere non potuit. Unde S. Job. cap. 34. v. 13. hanc providentiam ex munere creatoris, ut rem manifestam, deducit: *Quem, inquit, constituit alium super terram? aut quem posuit super orbem, quem fabricatus est?* Et ideo Dominus ipse Isaïæ 49. num. 14. inquit: *Nunquid oblivisci potest mulier infan-tem suum, ut non misereatur filio uteri sui? Et si illa oblita fuerit; ego tamen non obliviscar tui.* Unde in repentinis periculis, naturæ quodam instinctu, absque deliberatione, omnes homines ad Deum recurrunt, ejusque opem implorant: ò Deus! lucente, ò Deus! adjuva me, ò Deus! misere.

XXVI. Evidens quoque est, Deum homines creasse, ut ipsum cognoscant, ament, & colant: *Homo creatus est*, inquit Augustinus, *ut summum bonum intelligeret, intelligendo amaret, amando possideret, possidendo frueretur.* Hinc Paulus Act. 17. cum Atheniensibus loquens, & eis notitiam ingereus Creatoris, & finis, ad quem homines destinavit, occasione sumpta ex altari, quod ignoto Deo dicaverant, dixit: *Quod ignorantes colitis, hoc ego*

*annuntio vobis. Deus, qui fecit mundum, & omnia, qua in eo sunt, hic cæli & terra cum sit Dominus, non in manus factis templis habitat, neque manibus hominum colitur, indigens aliquo, cum ipse det omnibus vitam, & inspirationem & omnia, fecitque ex uno omne genus hominum inhabitare super universam faciem terra, definies statuta tempora, & terminos habitationis eorum, quarete Deum, si fortè attrectent eum, aut inveniant, &c.* Quasi diceret, ut explicat noster Cornelius, *hoc sine homines ita distribuit, & moderatur per tempora, & loca Deus, ut eum investigent, & quærant, & cognoscant, & ament, & colant.* Mundus enim est quasi animal, cujus spiritus & veluti anima est Deus, oculi sunt Luna & Sol, hepar, venæ, sanguis, & phlegma sunt fontes, aquarum venæ, & flumina; proles sunt arbores, herbæ, flores, animalia, homines; quæ omnia vivificat, vegetat, fovet atque Deus. Unde ex his faciliè inveniri, cognoscique potest.

XXVII. *Si fortè attrectent eum*, id est palpent, ut exponunt Pagninus, Vatablus, & alij. Significat Apostolus, Deum à nobis in hac vita videri, & clarè cognosci non posse, nõque quasi cæcos, palpando vestigia Dei, puta creaturas, ad ejus notitiam pervenire. Sicut enim cæcus palpando pervenit ad locum, quò tendit, ita nos palpando, & vestigando creaturas, pervenimus ad Deum earum Creatorem.

XXVIII. Sensus ergo est, *si fortè homines Deum attrectent*, non tactu corporeo, sed metaphorico, & mentali, id est *si mente attingant*, inveniant, & cog-

noscant, inquam, ex ejus operatione, & productione rerum omnium. Sicut enim cæcus, si in silvis densissimis, vel in domo plenissima sit, si vel leviter se commoveat, in arbores, parietes, resve alias impinget: sic ubique homini occurrat, imò incurrat Deus. Quis enim, si penitus suum corpus, ejusque membra, & organa tot, tamque varia, si suam animam, ejusque sensus, potentias, motus, & actiones, si suum esse tam mirum & multiplex consideret, maxime cum, qua ratione hæc facta sint, & fiant, illico non colligat, esse Numen intra se, quod fabricam hanc instar horologii tot machinis & organis instructam fabricaret, ordinaverit, tueatur & moderetur; quod admirabiles illos modos cieat; quod harmoniam illam stupendam corporis & animæ, sensuumque & membrorum, mentis & carnis inter se Divina arte misceat, contemperet, & arctissime in unum compositum confociet? Ita Gaspar Sanchez. In omni re namque, motuque ad aliquod principium immobile, tanquam ad primam causam, est deveniendum.

XXIX. Et sanè tam exquisito artificio singulæ partes hominis sunt conformatæ, & ad suas functiones & fines aptatæ, ut nulla ars, nulla sapientia vel minimum possit adiciere, aut emendare. Et hinc evidens conficitur argumentum: ista omnia à sapientissima quadam mente sunt excogitata, quæ singula distinctissime consideraverit, & stupenda arte exterius curiosissime effecerit; tot enim proportionum quoad longitudinem, latitudinem, crassitiem, & extensionem inter partes hominis ad

invicem, & in ordine ad totum considerant Philosophi, ut P. Lessius lib. 1. de Providentia Numinis num. 36. affirmet, plusquam centum milia proportionum in solius hominis fabricâ reperiri, quarum si aliqua deficeret, non esset corpus omnino proportionatum, & pulchrum: nam in hac partium inter se, & cum toto symmetriâ consistit totius corporis pulchritudo.

XXX. Evidens ergo est, dari supremum Numen, infinitamque mentem, quæ curam hominum habeat, quos tam artificiosè creavit, velisque ab ipsis amari, & coli. Cum verò varij sint cultus, & Religiones erga hujusmodi Numen, nimirum Religio Christiana, Judaica, & Mahumetana, ad quas revocantur sectæ omnes, quæ nunc unum Deum, supremumque hujus mundi rectorem agnoscunt; & cum quæ libet ex his damnet alias, tanquam impias & Deo invisas, & illæ sint inter se à diametro oppositæ quoad præcipua dogmata, & articulos, quos de Deo credunt, evidens est, ex illis tribus unam solùm esse veram, & à Deo datam; reliquas verò esse falsas, & à diabolo in mundum inventas post Christi adventum.

XXXI. Ex his tribus evidens est unam solùm esse veram, alias verò duas esse falsas. At hæc una nequit esse alia, quàm Religio Christiana, quæ ita est evidenter credibilis, ut omnes teneantur illam credere cum summa adhesionem, ut veram: implicat enim, ut Deus permittat, Religionem falsam, ipsius nomine promulgatam, ita præeminere Religioni veræ in notis & signis veritatis ut omnes rectè dispositi & sinceræ veri-

tatis

tatis amatores teneantur eam amplecti cum summa adhæfione, tanquam veram: possent enim omnes de Deo conqueri, tanquam de deceptore, si permitteret, ut Religio falsa, eique displicens proponeretur cum tanta apparentia veritatis, ut humano discursu nequeat deprehendi, eam non esse à Deo, sed omnes tenerentur, ipsius articulos, ut veritates revelatas à Deo, cum summa firmitate credere: ergo evidens est, evidentiâ extrinsecâ in attestante, & per principia reflexa, Religionem Christianam esse veram. Argumenta enim, quæ ipsam reddunt evidenter credibilem, unum è tribus compertum & evidens faciunt, nimirum, vel Deo nullam esse curam de rebus hominum, vel ipsi placere, quòd illi in ejus cultu decipiantur, vel Religionem Christianam esse veram. Cum ergo duo priora sint evidenter falsa, tertium debet esse evidenter verum.

## §. III.

*Ex anima immortalitate, & ex providentia Numinis evidenter inferatur, dari in mundo aliquam veram Religionem, per cujus cultum homines pervenire valeant ad æternam felicitatem: evidensque est hanc non esse aliam quàm*

*Christianam Catholicam.*

XXXII. ¶ D ipsum aliâ viâ ostendere libet. Evidens est, animam rationalem esse immortalem, ac proinde cum corpore non extingui: evidens quoque est, hominem à Deo fuisse creatum ad aliquam beatitudinem, & supremam felicitatem, ad quam in hac vita pervenire non potest. Ergo evidens est, Deum, quantum est ex se, sufficien-

ter providisse hominibus viam, qua pervenire possint ad illam felicitatem. At via perveniendi ad felicitatem hominibus à Deo præstitutam, est vera Religio, vel àque lex: ergo evidens est, Deum semper in mundo habuisse, & nunc habere aliquam veram Religionem, seu legem, per cujus observantiam homines possint pervenire ad supremam felicitatem. Sicut enim vera lex est vera via, per quam homines ambulare debent, ut perveniant ad terminum suæ felicitatis, ita legem observare, est, per hanc viam ingredi ad felicitatem, & beatitudinem. At evidens est, hanc veram legem, à Deo datam hominibus, neque esse legem Mahumetanam, neque Judaicam, quæ modo tenetur à perfidis Judæis, Christum Dominum blasphemantibus: ergo evidens est, esse Religionem Christianam.

XXXIII. Singula seorsim probanda sunt, & in primis quòd animus rationalis sit immortalis, demonstratur à P. Lessio viginti duabus rationibus lib. I. de Provid. Numinis; nobis nunc sufficiat illa, quâ utitur D. Chrysostomus homil. 4. de provid. dicens: Si nihil est post hanc vitam, id est, si anima cum corpore extinguitur, ergo nec Deus est: nam si Deus est, justus est; si justus est, juxta merita unicuique distribuet; si autem nihil est post hanc vitam, ubi accipient singuli pro suis meritis? Multi hæc benè habent, & in honore degunt, licet mali; alij verò affliguntur, licet justè vivant. Si ergo post hæc nihil est, emigrabunt justè affecti injuriâ, & injusti immerita felicitate potiti.



potiri. Ubi manebit ergo justitia? Si enim nemo, quæ meritis est, accipiat, nec Deus secundum se justus est; si autem Deus non est justus, neque Deus est, &c. Et infra: Atqui Deum esse, creaturæ clamitant; igitur & justus est: quod si justus est, tribuit unicuique, quod justum est; si unicuique, quod justum est, tribuit, necesse est, post hanc vitam esse tempus, in quo singuli juxta merita accipiant. Huc usque ille. Ergo sicut evidens est, Deum esse justum, evidens est, animam rationalem esse immortalem.

XXXIV. Unde nullum est argumentum, quod contra providentiam Dei erga homines desumitur ex frequenti experientia calamitatis in probis, & prosperitatis in pravis: nam potius hoc ipsum summa providentia est, ut possimus exercere virtutem, & mereri aliam solidiorem felicitatem. Quæ enim virtus foret, ea se dari, quæ etiam in hac vita semper vel ferè semper afferrent delectationem, & prosperitatem? Porro si id eveniret, nullum esset discipuliculus inter virtutis, & voluptatis amatores, ut supra dicebamus ex Cardinale Pallavicino.

XXXV. Remuneratur quandoque Deus in hac vita virtutem, & vitia castigat, ut experientiâ discamus, Deo virtutem placere, & displicere vitium, & sic experiamur ejus erga nos providentiam. Non tamen semper hoc facit: quia, si semper ita faceret, occasio daretur hominibus exercendi virtutem, non propter ejus honestatem, sed propter commodum, certò ex illa proveni-  
turum in hac vita; occasio etiam dare-

tur suspicandi, post hanc vitam non superesse aliam, in qua Deus unicuique pro meritis redderet præmium, vel supplicium: cum viderent, semper Deum in hac vita virtutem præmiare, & vitium punire. Sicut ergo ad certificandum nos de providentia sua erga homines sæpe in hac vita virtutes remuneratur, & castigat vitia, ita ad certificandum nos de immortalitate animæ sæpe in futurum reservat præmium virtutis, & vitij supplicium.

XXXVI. Deinde quod homo sit creatus ad aliquam beatitudinem, & felicitatem, constat ex naturali desiderio, omnibus à natura inuito, perveniendi ad beatitudinem. Ut enim inquit Augustinus lib. 13. de Trinit. cap. 8. *Omnes beatos esse velle veritas clamat, naturæ compellens, cui summe bonus, & immutabilis Creator hoc indidit.* Impossibile autem est, inquit D. Thomas statim citandus, naturale desiderium esse inane: natura enim nihil facit frustra; esset autem inane naturæ desiderium, si nunquam posset impleri: est igitur implebile naturale desiderium hominis, perveniendi scilicet ad felicitatem, & beatitudinem. Quod autem hæc beatitudo in hac vita obtineri non valeat, demonstrat evidenter S. Thomas multirationibus 3. contra gent. cap. 48. quæ apud ipsum videri possunt.

XXXVII. Et sanè per se manifestum est, non posse beatitudinem, & ultimam felicitatem animæ immortalis curam vitæ corporis finiti, alioquin anima hominis justis ita ardentem Creatorem diligens, ut præ amore ipsius, & ne ipsum vel leviter offendant, tormenta

acer-

acerbissima & mortem ipsam sustineret, foret in æternum misera, quod est manifestè absurdum. Probâque egregiè Cardinalis Pallavicinus 1.2. quæst. 2. art. 1. Deum in præmium virtutis debuisse assignare creaturæ rationali felicitatem æternam: nam finis, ad quem ordinata est à Deo, debet esse talis, ut non possit sine magna temeritate contemni; alioquin Deus proposuisset præmium, & supplicium leve & contemptibile, ac proinde non sufficienter allexisset ad bonum, neque absterruisset à malo. Omne enim temporaneum potest sine magna imprudentia contemni, & ideo ait Christus: *Nolite timere eos, qui occidunt corpus, neque amplius habent, quid faciant: cuius rei exemplum dedit ipse, qui temporales cruciatus pro nostra salute contempsit; solum verò æternum sine magna imprudentia contemni non potest; nam omne temporale est tale, ut tempus illud, pro quo est malum, vel bonum, se habeat ut instans in ordine ad illud tempus, pro quo non est ampliùs malum, vel bonum, & respectu cuius est purè præteritum: nam de purè præterito neque gaudemus, neque dolemus, nisi quatenus ex illo præterito remanet aliquod bonum, vel malum præsens: quare bonum, vel malum purè temporale non habet simpliciter rationem boni, aut mali, sed secundùm quid: homo enim respiciens totum tempus futurum, videt, quod ipse æterno tempore perinde se habebit, si nascatur hoc vel illud malum temporale, ac si eo careat: ergo hoc ipso, quod Deus voluerit allicere ad virtutem per ingentia*

bona, & arcere à vitiis per ingentia mala, debuit constituere præmium, & pœnam æternam: hæc enim sunt, quæ nemo, nisi insigniter temerarius, despicere possit.

XXXVIII. Quod ulteriùs confirmo: nam cum motus, & desiderium anxium naturæ rationalis tendat in beatitudinē, tanquam in terminum & requiem, impossibile est, ut motus duret semper: Ergo necesse est, ut motui temporali hujus vitæ succedat in probis & iustis æterna requies, æternæque felicitas alterius. Præterea cum meritum ex natura rei præcedat præmium, impossibile est, ut tempus merendi sit æternum, quia alioquin nunquam perveniretur ad præmium: ergo necesse est, ut meritum sit temporale: ergo præmium merito succedens debet esse æternum: ergo evidens est, beatitudinem, quam ingenito desiderio omnes homines vehementer appetunt, debere esse æternam, ut illius spe laborent, & per viam mandatorum Dei ad suam felicitatem tendant.

XXXIX. Evidens ergo est, Deum habere in mundo aliquam veram Religionem, veramve legem, per cuius observationem homines ad æternam felicitatem tendant, quia evidens est, illos Deum non creâsse ad quærendas delectationes gustûs & tactûs, sicut creavit bestias; quibus proinde dedit vultum in terram pronum, quia tota earum felicitas in delectatione sensuum consistit; sed ad ipsum colendum, & amandum, & per exercitia virtutum, & dominationem passionum perveniendi ad sempiternam in Cœlis felicitatem, & propterea

pterea illis dedisse vultum sursum erectum. At evidens est, hanc Religionem neque esse Judaicam, neque Mahumetanam: ergo evidens est, esse Christianam. Minor subsumpta facile probatur: nam ut ostendit Bellarminus 11. libro de notis Ecclesiæ cap. 11. nulla est in mundo secta, opposita Religioni Christianæ Catholicæ, quæ non contineat aliquos exploratos errores, & rectæ rationi manifestè contrarios; quod probat discurrendo per singulas. Et quidem Judæorum secta post Christi Domini adventum adhuc Messiam expectat, Libros Talmud tanquam suum novum Testamentum veneratur: illi autem sunt erroribus, & fabulis Rabbiorum referti, ut ibi ostendit; Alcoranus verò, in quo lex Mahumetana continetur, habet evidentissimos errores contra lumen rationis, & innumeras contradictiones, uclatè in hoc opere ostendemus: & Alcorani fabricator Mahumetus fuit seductor impurissimus, qui, ut se Regem faceret, se Prophetam finxit, &, ne Alcorani mendacia & contradictiones à Christianis & Judæis detegerentur, omnem suis de lege disputationem interdixit; estque inter omnes mundi Religiones Mahumetana secta, quod olim inter scholas Philosophorum Epicurea, & sic omnium spurcissima, ac propterea potius contemnenda quàm impugnanda, & jure dicta lex porcorum, cum ultimam felicitatem hominis constituat in cibo, & potu, & uxorum multitudine, quasi homines solùm ad comedendum, & bibendum, & delectationes venereas quærendas fuissent creati,

XL. In speciali autem falsam esse sectam Judæorum, Christum Dominum blasphemantium, & adhuc Messiam expectantium, facillè demonstratur: Adsumt enim evidentia argumenta à Scripturis petita, probantia Christum Dominum esse Messiam in lege Mosaica promissum: siquidem in ipso ad litteram impletæ sunt Prophetiæ omnes veteris Testamenti, ut ostendi supra, & ideo ipse Joan. 4. Judæis dicebat: *Scrutamini Scripturas; illa enim testimonium perhibent de me: quia nimirum non solùm continebant promissionem Messie ipsius, sed signa & indicia manifesta, ad cognoscendum tempus adveniûs ejus, quæ in Christo ad litteram verificata sunt: & propterea Joan. 5. ipse agebat: Si crederetis Moysi, crederetis utique & mihi: ille enim de me scripsit.* Quod intelligendum est, non solùm quia Deuteronom. 18. habetur expressa promissio Messie, *Prophetam suscitabo eis de medio fratrum suorum, &c.* sed etiam quia tota lex Moysi fuit quædam Prophetia & figura Christi, ut dixit Augustinus lib. 16. contra Faustum cap. 22. Atque hoc modo, persuadendi Fidè de seipso, usus est Christus Dominus Lucæ ultimo: *Incipiens enim à Moysè, & omnibus Prophetis interpretabatur illis in omnibus Scripturis, quæ de ipso scripta erant.* Et paulò interius: *Necesse erat impleri omnia, quæ scripta sunt in lege, & Prophetis, & Psalmis de me.*

XL1. Et sanè Prophetia Danielis supra expensa cap. 6. evidenter probat, Messiam jam venisse, & hunc esse Jesum Nazarenum, ob cujus necem Deus Ci-

Civitatem Hierusalem, & Templum destruxit per Titum & Vespasianum, tanquam per instrumentum suæ justitiæ. Quomodo autem lex nova, & vetus non sint inter se contrariæ, nec comparentur, tanquam duæ leges specie diversæ, & invicem oppositæ, sed tanquam duæ leges respicientes eundem finem, quarum altera imperfectæ, & altera perfectæ illū attingit, vel potius tanquam una lex secundum statum perfectum & imperfectū, & quæ inter se differant, sicut differt vir à seipso, dum erat puer, explicabimus infra suo loco, cum D. Augustino lib. de vera Religione cap. 17. & cum Div. Thoma 1. 2. quæst. 97. artic. 1. & 4. contra gentes cap. 55. num. 9.

## §. IV.

*Cum evidens sit, Religionem Christianam habere evidenter majora veritatis indicia, & credibilitatis argumenta, quam ullam aliam, evidens est, esse à Deo, & consequenter esse veram, quia evidens est, Deum non potuisse Religionem falsam talibus veritatis novis, & insignibus vestire.*

**XLII. P**RÆTEREA dicitur id ipsum demonstratur: nam cum evidens sit, Deum habere aliquam Religionem in mundo veram, & sibi placentem, in qua, & per quam velit coli, eaque non possit esse plusquam una, evidens est, Deum, quatenus est ex se, velle, ut homines Religionem illam amplectantur: ergo evidens est, illis providisse media ad dignoscendum, quænam sit illa vera Religio. At hoc non præstitisset, nisi Religionem illam

ornasset majoribus indiciiis veritatis, quam habeat ulla Religio falsa: ergo evidens est, Deum ornasse Religionem veram majoribus indiciiis veritatis, quam habeat ulla Religio falsa; cum certum & evidens sit, Religionem Christianam habere majora indicia veritatis, quam ullam aliam Religionem: siquidem ex confessione omnium Catholicorum Religio Christiana est evidenter credibilior omni alia Religione, & non utcumque, sed ita ut omnis alia Religio comparative ad illam sit incredibilis: evidens ergo est, evidentiâ in attestante, & per principia extrinseca ac reflexa, Religionem Christianam esse veram.

**XLIII.** Et sanè quod Religio Christiana habeat evidenter majora veritatis indicia, seu majora credibilitatis argumenta, constat ex iis, quæ supra adduximus ad probandum, Religionem Christianam esse evidenter credibilem, præsertim ex iis, quæ ex Cardinale Sforcia Pallavicino enumeravimus. Qui autem animo tranquillo super illa credibilitatis argumenta reflexionem fecerit, comperiet, illa non solum reddere Religionem Christianam evidenter credibilem; sed evidenter veram, evidentiâ in attestante, & per principia extrinseca ac reflexa, ac proinde comperiet, immerito Cardinalem Pallavicinum libello de Fide cap. 3. num. 49, pronuntiâsse, evidentiâ in attestante non componi cum Fide. Etenim argumenta nuper ab ipso proposita evincunt oppositum: cumulus enim rationum, quæ Religionem Christianam reddunt ita evidenter credibilem, &

K

præ-

præminentem reliquis Religionibus in apparentia veritatis, non alium, quam Deum potuerunt habere auctoritatem: Deus autem non potuit reddere ita credibilem Religionem Christianam, si foret falsa; quia alioquin seduceret homines, & convinceretur, non sincere desiderare eorum æternam salutem: siquidem per argumenta mira illos induceret ad amplectendam, ut summè veram, Religionem falsam, in qua, & per quam salvati non possent: Religio enim falsa, quæ non à Deo, sed à diabolo est, ad Deum ducere non potest.

XLIV. Præterea sic argumentor: evidens metaphysicè est, vel Deum tanquam specialem Authorem, vel saltem ut Authorem universalem causasse cumulum illum argumentorum reddentium Religionem Christianam sic evidenter credibilem; at evidens est, Deum neutro modo id causare potuisse, si Religio Christiana esset falsa: ergo evidens est, evidentiâ in attestante, illam esse veram. Major, & Consequentia liquet; Minor quoad primam partem constat, quia evidens est, Deum non posse positivè inducere ad credendam falsitatem, tanquam veritatem infallibilem à se revelatam. Quoad secundam verò probatur: quia cum evidens sit, Deum sincere, & quantum est ex se, seriò desiderare æternam felicitatem hominum, ad quam eos creavit, & evidens sit, non posse homines salutem æternam promereri, profitendo & observando legem falsam: evidens est, Deum, quantum est ex se, desiderare, ne homines inducantur à

diabolo ad professionem, & observantiam legis falsæ: ergo impossibile est, Deum permittere, ut per cumulum argumentorum evidentiæ credibilitatis inducantur homines à diabolo ad Religionem falsam, cum tanta apparentia veritatis, ut omnes penetrantes ejusmodi argumenta evidenter obligentur ad illam Religionem suscipiendam tanquam infallibilem, & à Deo datam, quin ullus, quantumvis Dei amator, & diligentissimus veritatis investigator, possit fraudem & deceptionem diaboli deprehendere, sed quilibet teneatur tantæ apparentiæ succumbere, & diabolum seducentem audire, tanquam Deum revelantem.

XLV. Probatur consequentia: si Deus id permitteret, nulli hominum providisset medium sufficiens ad salutem; nec haberet modum, obligandi homines ad credendam veritatem à se revelatam, si posset permittere, ut diabolus falsitatem proponeret cum tanta evidentiâ credibilitatis, cum quantâ proponitur doctrina Religionis Christianæ. Si enim Deus velit obligare homines, ad credenda cum summa firmitate mysteria altissima, & creditu difficilia, relinquendo locum libertati & fidei obscuræ; quæ poterit majora veritatis indicia exhibere, quam ea, quæ mundus expertus est, ad credenda mysteria nostræ Fidei: ergo credibilitatis argumenta, inducentia ad Religionem Christianam, essentialiter connexa sunt cum veritate, ac proinde repugnat, ut falsitas aliqua cum tanta credibilitatis evidentiâ mundo proponatur: ergo illa evidentiâ credibilitatis reflexè confide-



siderata evidenter probat, Religionem Christianam esse veram.

XLVI. Demum ratio illa, qua Doctores Catholici demonstrant, Religionem Christianam esse evidenter credibilem, pariter evincit, esse evidenter veram, evidentiâ in attestante. Rationem illam proponit Eximius Doctor disp. 4. de Fide sect. 3. num. 11. nam enumeratis argumentis credibilitatis, concludit, ex his omnibus conglobari demonstrationem, qua credibilitas nostræ Fidei evidenter ostenditur in hunc modum: Doctrina, quæ per se est valde consentanea rationi, Majestati, ac excellentiæ Divinæ, bonisque moribus, innumerabilisque habet testes fide dignissimos, qui non solum humana, sed etiam Divina virtute per signamirabilia illam confirmârunt, credibilis est; sed talis est doctrina Fidei Christianæ: ergo est credibilis. Consequentia est evidens; præmissæ etiam sunt evidentes: ergo & conclusio evidens est. Et quidem de Minori, quod sit evidens, ex ipso facto & experimento constat: neque obstat, quod multa ex his, quæ diximus, ad nos pervenerint per historiam & traditionem humanam: nam illa est tam constans, tamque universalis & nota, ut sufficiat ad evidentiam humanam in testificante faciendam, qualis est de hac propositione *Roma est*, & similibus: illa ergo multò magis sufficit ad evidentiam credibilitatis. Prima etiam præmissa est evidens ex terminis, & ex definitione ipsius credibilitatis.

XLVII. Addit verò Eximius Doctor ad majorem illius confirmatio-

nem, naturaliter evidens esse, Deum habere providentiam rerum humanarum, & ideo non deferere hominem, in his maximè, quæ ad ipsius notitiam & cultum, & ad æternam felicitatem pertinent. Unde incredibile est, inquit, Deum suâ providentiâ destituisse homines hanc fidem amplectentes, ut permittat, eos decipi cum tanta credibilitatis evidentiâ, maximè cum inter eos sint multi, qui toto corde Deum ipsum, ejusque veritatem quærunt. Propter quod dixit Chrysostomus in quadam homilia de providentiâ, sine magna injuria providentiæ Divinæ non posse hanc fidem falsam reputari, & quodd, si per impossibile falsa esset, non posset hominibus imputari, quia prudentissimè illam credunt. Accedit denique, quodd, cum hæc doctrina sub Divina autoritate proponatur, ad ipsius etiam Dei autoritatem, & veritatem spectat, non permittit, ut sub ejus nomine, & testimonio homines cum tanta credibilitate decipiantur. Hæc Eximius Doctor.

XLVIII. Quæ sanè pariter probant, non solum esse incredibile, sed penitus impossibile, Deum suâ providentiâ destituisse homines hanc fidem amplectentes, ut permittat, eos decipi cum tanta credibilitatis evidentiâ: Rursus, si absque magna injuria providentiæ Divinæ non potest reputari falsa Christiana fides, ergo impossibile metaphysicè est, illam esse falsam: omne enim illud, quod providentiæ Divinæ opponitur, ejusque injuriosum est, est prorsus impossibile. Denique si ad veritatem Dei spectat, non permittit, ut homines sub



sub tanta credibilitatis evidentiâ ejus nomine decipiantur, sanè id metaphysicè repugnat veritati Divinæ. Ergo non solum est evidenter credibile, sed etiam evidenter verum, evidentiâ in attestante, & per principia extrinseca atque reflexa, Religionem Christianam esse veram. Falluntur ergo Doctores illi, qui putant, evidentiâ in attestante oppositi cum Fide, præsertim si loquantur de evidentiâ, comparatâ per reflexionem supra conglobationem argumentorum credibilitatis.

## §. V.

*Argumenta illa, quibus Christus suam Divinitatem mundo persuasit, efficaciter probant, Religionem Christianam non solum esse evidenter credibilem, sed evidenter veram, evidentiâ in attestante.*

**XLIX.** CUM præcipuum fundamentum nostræ fidei sit Christi Divinitas, quæ semel probata, evidenter inferitur, esse vera omnia, quæ Christus docuit, qualia sunt omnia mysteria nostræ Fidei, si semel probemus, Divinitatem Christi non solum esse evidenter credibilem, sed evidenter veram, evidentiâ in attestante, id evincemus de tota Religione Christiana: Illud ergo in hac sectione probandum nobis est.

**L.** Pro quo sic argumentor: evidens est evidentiâ facti, fuisse in mundo virum mirabilem Jesum Nazarenum nomine, quem Christiani ut verum Deum, verumque hominem, & Mahumetani ut virum sanctum adorant, Judæi verò ut seductorem blasphemant.

Rursus evidens est evidentiâ facti, illum de seipso dixisse, se esse Filium Dei naturalem, verumque Deum, & hanc ejus assertionem acceptam esse, tanquam insignem blasphemiam, propter quam illum immaniter persecuti sunt, & tandem cruci affixerunt. Id patet, tum quia in hoc affirmando conveniunt Judæi cum Christianis, tum quia id testatur historia Evangelij, cujus autoritas, etiam humana, superat authoritatem cujuscumque alterius historiz. Assumptum patet ex Joan. 9. v. 31. & colloquio cum cæco à nativitate, quem Jesus illuminaverat: ex Joan. 5. v. 10. ex Joan. 19. v. 7. ex Matth. 26. v. 63. & Marci 14. v. 61. Tandem evidens est evidentiâ facti, illum in confirmationem istius doctrinæ evidentiâ fecisse miracula: nam in hunc finem Lazarum quatrduanum suscitavit, ut constat ex Joann. 11. v. 4. & cæcum à nativitate imposito luto super oculos illuminavit Joan. 9. Imò omnia miracula, quæ Christus patravit, direxit ad persuadendum Judæis suam Divinitatem, suumque Messiatum, ut constat ex Joan. ultimo: *Multa quidem, & alia signa fecit Jesus, quæ non sunt scripta in libro hoc: hæc autem scripta sunt, ut credatis, quia Jesus Christus est Filius Dei, & ne credentes vitam habeatis in nomine ejus,* Ut autem demonstravimus supra in hoc libro cap. 3. evidens est, Deum non posse facere miracula in confirmationem doctrinæ falsæ: ergo evidens est evidentiâ in attestante, Jesum Nazarenum esse Deum.

**LI.** Et sanè, qui attentè contemplatus fuerit capita illa, quibus in hoc libro pro-

probavimus Divinitatem Christi, planè competet, ea argumenta non solum probare, quòd sit evidenter credibile, Christum esse Deum, sed evidenter veram, evidentià extrinsecà, & in attestante. Et ad hoc demonstrandum hoc nunc conficio argumentum. Evidens est evidentià facti, Christum de seipso palàm dixisse, se esse Deum, & ob hanc causam crucifixum fuisse; ergo vel seductor fuit, vel Deus est. Patet consequentia, quia vel falsum, vel verum dixit; si primum, ergo seductor fuit; si secundum, ergo Deus est; at evidens est, evidentià in attestante, non fuisse seductorem; ergo evidens est evidentià in attestante, esse Deum. Probatur minor: quia evidens est, non potuisse Deum hominem seductorem ornare tam mirà potentià, & tot argumentis Divinitatis, & Messiatùs, qualia sunt ea, quæ nunc breviter insinuavimus, & latè proposuimus lib. de Divinitate Christi; nec potuisse permittere, ut in homine seductore concurrerent omnia signa, quæ Deus per Prophetas dederat ad dignoscendum verum Messiam; omnia autem, quæ de venturo Messia fuerant à Prophetis prænuntiata, ita ad litteram in Christo Domino adimpleta sunt, ut nullus prudenter dubitare potuerit, illum esse Messiam in lege promissum; & ideo Petrus Act. 2. testimoniis Prophetarum ita clarè probavit, Jesum Nazarenum, paulò antè à Judæis crucifixum, esse verum Christum, & Messiam in lege promissum, ut in prima concione ex ipsis Judæis ad Christi Fidem conversus fuerit; circiter tria millia. Act. 4.

vers. 5. in alia concione quingules mille; & Saulus miraculosè à Christo conversus Act. 9. vers. 20. continuò in Synagogis prædicabat Jesum, *Quoniam hic est Filius Dei*; idque vincebat testimoniis Prophetarum, suis argumentis Judæos confundens. Et similiter reliqui Apostoli, per Judæam, & universum Orbem dispersi, testimoniis Prophetarum clarè ostendebant, Jesum Nazarenum esse Messiam in lege promissum, verumque Dei Filium, & mundi Redemptorem.

LII. Præterea quis non videat, omnino impossibile esse, quòd Deus, misso Spiritu Sancto sub forma ignis, cælesti sapientia & fortitudine, dono linguarum & gratia miraculorum Apostolos atmaverit, ut per orbem dispersi mundo persuaderent, hominem seductorem & blasphemum esse Filium Dei naturalem? Quis item non videat, omnino repugnare, quòd Deus post mortem ita Jesum Nazarenum exaltaverit, & quòd ille seductor & blasphemus fuerit? Homini à nativitate claudò dixit Petrus Act. 3. v. 6. *In nomine Jesu Nazareni surge, & ambula &c. Et protinus consolidata sunt bases ejus, & plantæ*; Postmodum verò v. 13. ad Judæos conversus dicebat: *Deus Patrum nostrorum glorificavit Filium suum Jesum, quem vos quidem tradidistis, &c. quem Deus suscitavit à mortuis, cujus nos testes sumus. & in fide nominis ejus hunc, quem vos vidistis, confirmavit nomen ejus: & Fides, quæ per eum est, dedit integram sanitatem istam in conspectu omnium vestrum*. Evidens est, Deum non potuisse hæc signa facere in con-

firmationem blasphemie & mendacij, & ad exaltandum hominem seductorem, qui sibi falso Divinitatem arrogasset: hoc enim nihil aliud foret, quàm Deum homines decipere, & trahere ad Fidem falsam per vera miracula, ac proinde se indignum præbere, cui aliquid testificanti crederemus: ergo evidens est, Jesum Nazarenum de se ipso testificantem, se esse Filium Dei, non fuisse seductorem: ergo evidens est, evidentiâ in attestante, illum esse verum Dei filium, verumque Deum.

## §. VI.

*Ecclesia Patres non tam solliciti fuerunt de credibilitate, quàm de veritate Religionis Christiana: ac proinde ex ipsorum mente hac est evidenter vera, evidentiâ in attestante.*

LIII. **R**Ectè admonet Elizalda, Ecclesie Patres longè aliâ viâ processisse, ac Theologos illos Scholasticos, qui arbitrantur, solum posse fieri evidentiâ de credibilitate Religionis Christiane, non autem de veritate: Patres namque ferè omnes, inquit ille, Apologiis, Orationibus, libris compositis pro veritate Christiana decertarunt, errores omnes impugnarunt Gentilium, Judaeorum, hæreticorum: intentio porro & scopus fuerat, veritatem Christianam concludere; de evidentiâ credibilitatis nulli sunt tituli, nisi ipsam illa cura legatur, distinguendi evidentiâ credibilitatis Religionis nostra ab evidentiâ veritatis; cui tamen uni distinctioni jam hodie à multis insistitur: nimis autem temerarium foret, dicere, neminem Sanctorum Patrum scopum attingisse; omnes impo-

bilis intentasse; rem porro conclusam probatam fuisse à nemine: supponebant ergo omnes, Religionis veritatem concludi certò posse; nec ut opinarentur solum, sed ut convincerent, tantis, credo, voluminibus concurrarunt. Hæc ille.

LIV. Quæ quàm verè dicta sint, constabit legenti eloquentissimam Orationem D. Chrysostomi, cui hunc titulum præfixit: *Adversus Gentiles demonstratio, quòd Christus sit Deus*: ubi ex ipso titulo dignoscitur, scopum Chrysostomi non fuisse, tantum credibilitatem Christiane Religionis, sed ejus veritatem demonstrare. Ad hoc autem demonstrandum, argumentum sumit ex his, quæ Philosophus Gentilis Christum fecisse non negat: Nentiquam enim, inquit, contradicit, quòd omnes undequaque, Ecclesias Orbis Christus fundarit: hinc autem faciemus demonstrationem veritatis Christi, & ostendemus, ipsum esse Deum. Et enim non est puri hominis, in tantis rebus Orbem mari, terraque tam brevi tempore comprehendere, & tam absurdis moribus præventum, tantisque malis irretitum liberare humanum genus, &c. Quod validissimè probat, & tandem tam clarè sibi visus est Divinitatem Christi demonstrasse, ut meritò dixerit: Nullus itaque his contradicerit, nisi qui valdè insanus, & totus stupidus, naturaque sensu privatus. Idemque demonstrat in quinque Orationibus adversus Judæos, quæ omnes habentur tom. 5.

LV. Secundò veritatem nostræ Fidei, & non solum ejus credibilitatem, probat Augustinus lib. 22. de Civitat. cap. 57. cui titulus est, quòd mundus in

Chri-

Christum crediderit, virtutis fuisse Divinæ, non persuasionis humanæ, cujus verba suprà lib. I. cap. 8. dedimus. Ibi enim præclare ostendit, fieri non potuisse, ut non solum populus, sed multi ex sapientibus crediderint Resurrectionem Christi, atque in Cælos ascensionem, aliæque mysteria, quæ mens humana respicere, nisi ea fieri potuisse, atque facta esse Divinitas ipsius veritatis, vel veritas Divinitatis, constantique miraculorum signa monstrarent. Quod argumentum latè prosequitur, Divinitatem Christi demonstrans ex mirabili mundi conversione, quam Christo adscribit.

LVI. Hinc S. Th. I. contra gent. c. 6. dixit, hanc tam mirabilem mundi conversionem ad Fidem Christianam indicium certissimum esse præcedentium signorum, ut ea ulterius iterare necesse non sit, cum in suo effectu appareant evidenter. Effet autem, inquit, omnibus signis mirabilis, si ad credendum tam ardua, & operandum tam difficilia, & sperandum tam alta mundus absque mirabilibus signis inductus fuisset à simplicibus & ignobilibus hominibus. Sumpsit hoc argumentum S. Thomas ex Augustino lib. 22. de Civit. cap. 5. ubi subtiliter redarguit eos, qui credere nolunt carnis resurrectionem, sumitque argumentum à mundo jam credente resurrectionem Christi, ejusque in Cælos ascensionem, formatque hoc dilemma: vel mundus; hoc credendo, credit rem credibilem, & sic inexcusabiles sunt, qui rem credibilem, credere nolunt, vel credit rem incredibilem; & sic jam admittit aliquid in-

credibile, nempe mundum tam firmiter credidisse id, quod erat incredibile. Si ergo jam factum esse videmus unum duorum incredibilem, cur non credemus futurum alterum, nempe nostrorum corporum resurrectionem?

LVII. Et argumentum hoc subtiliter prosequens concludit, Apostolos narrantes, quæ viderant, & prædicationem suam confirmantes signis & miraculis, mundum traxisse ad credendam Christi resurrectionem, & in Cælos ascensionem. Unde tandem concludit: si verò per Apostolos Christi, & ut eis crederetur, resurrectionem, atque ascensionem prædicantibus Christi, etiam ista miracula facta esse non credunt, hoc unum nobis grande miraculum sufficit, quòd eam terrarum Orbis sine miraculis credidit.

LVIII. Unde Augustinus conficebat hoc dilemma: vel Apostoli prædicantes Divinitatem hominis Crucifixi, ejusque resurrectionem, atque in Cælos ascensionem, mundo persuaserunt hanc doctrinam, mediis signis & miraculis, vel sine miraculis? Si primum, convincitur, illam doctrinam esse veram, quia Deus nequit facere miracula in confirmationem doctrinæ falsæ. Si secundum, hoc ipsum certius convincitur, quia solus Deus potuit dare efficaciam nudis piscatorum verbis ad persuadendam veritatem doctrinæ, quæ humanæ rationi Divina luce destituta videbatur omnino incredibile, & ut moverent homines ad tam arduam, & moraliter impossibilem morum mutationem, nisi Deus ipse suâ omnipotentia interius corda mutaret. Ergo mani-



n festum est, D. Augustinum non solum probasse, quodd n ystera nostræ Fidei sint credibilia, sed quodd sint vera, & in hunc scopum argumenta ejus collimasse: unde libro de vera Religione dicebat: *Christianis temporibus, quamnam Religio sit potissimum tenenda, & qua ad veritatem, & beatitudinem via sit, non esse dubitandum.* Similiter Arnobius lib. 2. contra gentes ait, *incredulum genus humanum doctrina Christi non*

*fuisse consensurum, nisi aperta res esset; & luce ipsa, ut dicitur, clarior.* Eodem modo loquuntur S. Leo Papa serm. 1. de Ascensione, & Origines homil. 30. in Math. Ex dictis concluditur, veritatem Religionis Christianæ demonstrabilem esse, & à nobis demonstratum, Deum esse Authorem illius, & evidens est, Deum non posse esse Authorem Religionis falsæ.

## CAPUT TERTIUM.

*An, & quomodo cum Fide libera & obscura mysteriis possit componi evidentia in attestante*

LIX. DOCTORES affirmantes, Argumenta credibilitatis, quibus Religio Christiana fulcitur, solum evincere, illam esse evidenter credibilem, eo potissimum fundamento nituntur, quodd existimant, Fidem non componi cum evidentia in attestante, seu non posse esse Fidem in eo, qui evidenter cognoscit, Deum esse, qui testificatur. Qui autem hoc existimant, multi, gravetque sunt, nimirum Durandus, Bannez, Victoria, Aragon, & Cano apud Suarez disp. 3. de Fide sect. 8. num. 14. At sententia affirmans evidentiam in testificante non opponi cum Fide, est valde communis, inquit Suarez ibi, pro ea citans Alensem, Scotum, Carthusianum, Cajetanum, Ferraram, Mendozam, Vegam, Zumelium, Vasquium, & Valentiam; quibus adde Medinam, Gabrielem,

Torres, Meratum, & Coninck apud Ripaldam disput. 12. sect. 1. qui eos sequitur, & amplius dicit, nempe assensum evidentem revelationis posse esse elicitum per Fidem. Item P. Amicus disp. 2. sect. 5. num. 131. ubi asserit, eundem actum posse esse evidentem in attestante, & simul obscurum respectu rei revelatæ. Et hanc sententiam egregie promovet P. Ægidius Elstrix, olim Lovanii magni nominis Theologiz Professor, & nunc Provinciæ Flandrobæ Societatis nostræ Provincialis, in Diatriba Theologica assert. 32.

LX. Hi tamen Authores inter se divisi sunt in modo tuendi hanc sententiam. Nam Thomistæ, nimirum Cajetanus 2.2. quæst. 1. art. 4. & quæst. 5. art. 1. Ferrara 3. contra gent. cap. 40. Medina 1.2. quæst. 90. art. 1. ad 6. Item Vasquez 1. part. disput. 135. cap. 3. & 3. part.

part. disp. 53. cap. 1. Torres hic disput. 9. dub. 4. Meratius disp. 3. sect. 4. in 2. conclus. & Amicus, atque Ægidius Estrix, ubi nuper, existimant, evidentiam in attestante non esse absolute & simpliciter evidentiam rei attestatæ, atque adeo ea, quæ creduntur propter attestationem evidentem, non esse absolute evidentia, atque scita. Reddiſque rationem P. Estrix n. 148. quia assensus præstitus mysterio ob testificationem Dei evidenter cognitam, *Non nititur argumentis petitis ex natura ipsa rei credite, sed solo testimonio Dei affirmantis, quæ est ratio quadam prorsus extranea rei creditæ, rem ipsam relinquens circumfusam obscuritate quadam, & tenebris, non nisi in beata vita depellendis.* At reliqui censent, evidentiam in attestante esse simpliciter, & absolute evidentiam rei attestatæ, ut Coninck, Hurtadus, & Ripalda eos referens, & sequens disp. 12. num. 9. Eatonusque Anthonis isti dicunt, evidentiam in attestante componi cum Fide, quatenus censent contra Thomistas, non esse conditionem necessariam ad Fidem, quod obiectum creditum non sit scitum.

LXI. Itaque licet omnes Thomistæ conveniant in asserendo, non posse dari Fidem de eo, quod aliunde scitur; tamen Cajetanus, Ferrata, Medina, & alii docent, Fidem componi cum evidentia in attestante, ac proinde hæc duo rectè coherere, nimirum me evidenter cognoscere, Deum revelasse aliquod mysterium, & tamen Fide Divina illud credere: unde Cajetanus 2. 2. quæst. 1. art. 4. §. Respondetur 2. monet, distinguendum esse inter cognitionem

certam ex evidentia rei cognitæ, & certam ex evidentia testimoniorum ejus: *Hac enim, inquit, in tantum distat, ut prima repugnet Fidei, secunda autem repugnet fidei testimonij; sed non fidei verum, quæ sunt attestata.* Et hinc concludit, quod licet ea, quæ sunt Fidei, nequeant esse visa in seipsis, possunt tamen esse visa in ratione credibilis, quia scilicet simul possunt esse ab eodem credita secundum se, & visa in ratione credibilis. Quæ est doctrina D. Thomæ eo art. 4. ad 2. ubi inquit: *Ea, quæ sunt Fidei, dupliciter considerari possunt; uno modo in speciali, & sic non possunt esse simul visa, & credita; alio modo in generali, scilicet sub communi ratione credibilis, & sic sunt visa ab eo, qui credit: non enim crederet, nisi videret, ea esse credenda, vel propter evidentiam signorum, vel propter aliquid hujusmodi.*

## §. I.

*Ostenditur, evidentiam in attestante, saltem illam, quæ comparatur penetrando motiva evidentia credibilitatis Religionis Christianæ, componi cum fide obscura mysteriorum.*

LXII. MIHI certissimum est, componi cum Fide eam saltem evidentiam in attestante, quæ comparatur per penetrationem argumentorum credibilitatis, quibus insignita est Religio Christiana, & per reflexionem supra providentiam Dei, impotentis velle, imò & permittere, quod Religio falsa proponatur cum tanta apparentia veritatis, quantam habet Religio Christiana.



stiana. Ratio à priori est : quia quòd quis per penetrationem illorum argumentorum certus sit certitudine scientiæ de eo, quòd Deus mysteria nostræ Fidei revelaverit, non tollit, quòd suppositâ illâ scientiâ præcisè ut applicante auctoritatem Dei revelantis, intellectus noster illuminatus lumine Fidei ex imperio voluntatis cum summa firmitate assentiatur mysterio de se obscuro, unicè ob auctoritatem Dei testificantis; sic autem assentiri abs dubio est actus Fidei Divinæ. Probatur assumptum; quia quòd quis evidenter cognoscat, Deum loqui, & aliunde evidenter sciat, Deum non posse loqui falsum, non est impedimentum, ut unicè ab auctoritate Dei moveatur ad credendum, quod Deus dicit; quòd enim cognoscatur evidenter motivum assentiendi, non impedit, neque retardat assensum, unicè innitentem tali motivo, sed potius juvat, quatenus fortius impellit ad assensum illum eliciendum. Sic quòd ego evidenter sciam, Petrum mihi dicere aliquid ex se difficile creditu, & quòd aliunde sciam, ipsum in dictis suis esse veracem, non impedit, quòd illi credam rem illam, imò quòd certior fuerim de ejus veracitate, & evidentius cognovero, eum mihi loqui, eò firmius credam id, quod mihi dicit.

LXIII. Sed respondebis, in eo Fidem Divinam ab humana discriminari, quòd hæc potest niti testimonio dicentis evidenter noto, non autem illa, quia testimonium humanum, cum sit fallibile, licet evidenter notum, non cogit intellectum ad præbendum assensum rei attestatæ; cogit autem testimoni-

um Dei evidenter notum, utpote infallibile; de essentia autem Fidei est, ut sit actus liber credenti. Sed contrà: quia hoc discrimen gratis assumitur, nam si- cur, me evidenter cognoscere, Petrum mihi loqui, non est impedimentum, ut ipsi credam, sed potius juvat, neque hoc cognoscere, est munus Fidei humanæ, sed scientiæ, ita me evidenter cognoscere, Deum mihi loqui, nequit Fidem dandam dictis ejus impedire, neque cognitio illa, vi cuius certus sum, Deum mihi loqui, ad Fidem Divinam pertinet, sed ad scientiam humanam, juxta illud Pauli, *scio, cui credidi*: ad Fidem enim solum spectat, assentiri his, quæ à loquente dicuntur, quia ab illo dicuntur; & non quia aliunde mihi nota sunt. Quòd autem ego per principia naturalia evidenter noverim, Deum in omnibus suis dictis esse veracem, quod de homine evidenter cognoscere non possum, solum probat, Deum dignum esse, ut sibi loquenti multò firmius credamus, quàm ulli hominum; non probat autem, quòd per fidem dictis ejus non adhæreamus.

## §. II.

*Explicatur, quo pacto libertas fidei  
cohæreat cum evidentiâ attestatio-  
nis divinæ.*

LXIV. **N**EQVE obstat libertas Fidei Divinæ; primò, quia homo liberè & meritorie ex desiderio credendi applicat intellectum ad expendenda argumenta credibilitatis, quæ persuadent, Deum loqui, & saltem denominativè à libertate illius applicationis, assensus Fidei evadit liber. Secun-

dò,

dò, quia, licet motiva credibilitatis rite penetrata sufficiant ad iudicium certum, & evidens, quòd Deus mysteria nostræ Fidei revelaverit, tamen quia simul intellectu videt illorum arduitate, motiva illa proposita per apprehensionem suaviorem eum non rapiunt ad assensum, sicut rapiunt ea, quæ sunt ex terminis nota. Unde opus est, ut voluntas mota per gratiam vel imperet assensum de existentia revelationis, vel saltem illum permittat, quatenus intellectum non applicat ad considerandam difficultatem mysterij: unde illa motiva rectè pensata sufficiunt quidem, ut quis agnosceat, illa esse metaphysicè connexa cum veritate, experietur evidentissimam obligationem assentiendi existentie revelationis, & captivandi intellectum ad assensum mysterij ob auctoritatem Dei loquentis, quamvis illud videat esse valde arduum, & supra omnem humanam rationem; non tamen sufficiunt, ut rapiatur in assensum sine consensu voluntatis; nam hæc potest illum impedire ob difficultatem mysterij, & postmodum omnino avertere intellectum à consideratione illorum motivorum, ipsum applicando ad difficultatem mysterij ponderandam, donec in hæresim prolabitur.

LXV. Tertiò: quia adhuc, postquam intellectus convictus argumentis credibilitatis, annuente voluntate, assensum præstitit existentie revelationis, non cogitur ad assensum mysterij, nisi accedat aliud iudicium, quo evidenter iudicet, Deum esse summè veracem. Quamvis autem posito utroque iudicio, necessitetur ad iudicandum

mysterium esse verum, non propter necessitatem ad actum Fidei, quia tunc facit hunc discursum: Deus est summè verax, ac proinde non potest revelare, nisi verum; at revelavit Trinitatem: ergo Trinitas est vera. Conclusio autem ista non est actus Fidei Divinæ: siquidem hæc non est discutiva, quia actus Fidei debet unice niti auctoritate Dei revelantis; conclusio autem illa hoc non habet: siquidem rationes probantes, Deum esse veracem, & argumenta persuadentia, Deum revelasse mysterium, & insuper bonitas illationis cognita per se influunt in illam conclusionem, & sunt illius motivum: præmissa enim objectiva non movet, nisi quatenus probata, & probatione ipsa movente, quousque deveniamus ad prima principia per se nota, quibus innititur certitudo conclusionis scientificæ. Demum quia, cum præmissæ illæ sint evidentes, evidencia quadam naturali, conclusio non habet maiorem certitudinem, quam præmissæ: actus autem Fidei certior est actu evidenti, ut contra Durandum docent communiter Theologi ex Scripturis, & Patribus apud Suarez disp. 6. de Fide, Sect. 5. num. 6. ergo illa conclusio non est actus Fidei: ergo ex eo, quòd posito utroque illo iudicio sit necessitatus intellectus ad assensum mysterij, non sequitur, esse necessitatum ad actum Fidei. Ratio autem à priori, cur Fides sit certior, quam scientia, sumitur, inquit ibi Suarez, ex altioribus causis, quibus innititur certitudo Fidei: fundatur enim in prima veritate, quam fallere vel falli impossibile est, quam natura-

lem scientiam hominis errare: item pendet certitudo Fidei ex lumine infuso, & Divino, quod longè excellentius est, quàm lumen naturale intellectus: huiusmodi ergo lumen etiam confert excellentiorem certitudinem. Unde sæpè corrigimus naturale lumen per lumen Fidei, etiam circa illa, quæ videntur esse principia prima, ut patet in illo: *Quæ sunt eadem unitertio, &c.* quod in materia de Trinitate limitamus ad res finitas, & in aliis materiis, præsertim Incarnationis, & Eucharistiæ multa alia limitamus, ut Fidei non repugnent: quod signum est, lumen Fidei certius esse.

LXVI. Ex ipsa etiam ratione formalis certitudinis probatur excessus alius Fidei supra actum scientiæ: nam certitudo assensus intellectus, quatenus præcindit ab evidentia, & certitudine Fidei, est firma adhesio intellectus circa verum, ut definit D. Thomas in 3. dist. 16. quæst. 2. art. 4. & quatenus certitudo est accidens distinctum ab evidentia, in hoc propriè consistit, quodd, quamdiu certus assensus in intellectu viger, aut retinetur, nequit aliquis deliberatè vereri, ne non sit verum, quod per talem assensum sibi persuadet, ut explicat optimè P. Valentia; at is, in quo viger actus Fidei Divinæ, quo credit mysteria, propter auctoritatem Dei revelantis, multò minùs dubitare potest de illorum veritate, quàm de ullis veritatibus evidentibus, & faciliùs has negaret, quàm veritates Fidei, quamdiu actum Fidei retinet: ergo certior est actus Fidei, quàm actus scientiæ.

LXVII. Et quamvis certitudo actus Fidei componatur cum vehementi tentatione contra Fidem, & cogitationibus indeliberatis, inclinantis ad dissentiendum mysteriis, hoc non minuit certitudinem Fidei, sed potius illam commendat: nam quodd certitudo Fidei non admittat deliberatam dubitationem in intellectu, etiam si mille argumenta occurrant, quibus homo satisfacere nesciat, nisi recurrendo ad Fidem, hoc est apertum signum maioris certitudinis. Nec mihi placet distinctio, qua utuntur Cajetanus 1. part. quæst. 1. art. 3. & Capreolus in 3. dist. 25. asserentes, certitudinem Fidei dupliciter considerari posse, scilicet secundùm se, & quoad nos; & primo modo esse certiorẽ, secundo autem minùs certam, quàm scientiam. Non placet, inquam; nam actus Fidei non solum in se est certior actus scientiæ, sed etiam reddit nos certiores de veritate credita, quàm reddat actus scientiæ de veritate scita: ut enim inquit P. Suarez, quid prodesset nobis maior certitudo Fidei in se, si nos etiam non redderet magis certos? vel quomodò posset nobis constare de hac maiori certitudine Fidei in se, si in nobis illam non efficeret? Solum ergo potest dici in alio sensu actus Fidei minùs certus quoad nos, quàm actus scientiæ, quia potest componi cum illo aliqua imperfectio indeliberatæ formidinis, vel dubitationis, propter obscuritatem suam, quæ non potest componi cum actus scientiæ.

LXVIII. Potest ergo bifariam homo doctus assentiri veritati mysterij, faciendo discursum, & assentiendo in vi eviden-



evidentiæ præmissarum; & tunc assensus ille non est Fidei; vel prætermisso discursu. Postquam enim homo certificatus est, Deum summè veracem illud revelasse, ex affectu captivandi intellectu in obsequium Dei loquentis, imperat ei, ut unicè ob Autoritatem Dei loquentis firmiùs assentiatur mysterio, quàm assentitur ulli veritati ob rationem sibi evidentem. Et respectu hujus assensus evidentia illa in attestante non se habet per se, ut causa influens, sed ut mera conditio applicans motivum Fidei sub prædicato sibi communi cum cognitione moraliter certa, qua quilibet fidelis ante assensum mysterij debet sibi firmiter persuadere, Deum illud revelasse: illa namque evidentia est paucorum, & minimè necessaria ad Fidem; sufficit enim iudicium moraliter certum, excludens omne dubium prudens de eo, quodd Deus revelaverit mysterium, ut quis illustratus lumine Fidei imperet assensum multò firmiorem circa mysterium, quàm fuerat ille, quem formaverat de existentia revelationis ob motiva credibilitatis. Sicut ut quis propter Augustini auctoritatem cum magna firmitate assentiatur ejus dictis, fat est, quodd per motivum inferioris ordinis, nempe ob testimonium hominis fide digni sibi persuadeat, tale dictum esse Augustini.

LXIX. Quare iudicium de eo, quodd Deus sit summè verax, & quodd revelaverit mysteria nostræ Fidei, non pertinent ad illam, tanquam præmissæ, quibus innitur, & commensuretur certitudo Fidei; sed sunt præambula, & conditiones præviæ, applicantes motivum

Fidei; quibus præsuppositis, Incipit Fides ex imperio voluntatis assentiri cum summa adhesionemysteriis, unicè ob auctoritatem Dei revelantis, & non propter rationes, quibus certificatur homo, Deum revelasse mysteria, & esse summè veracem, ac proinde incipit assentiri cum certitudine superioris ordinis ad illam, quam habet homo de existentia revelationis, & de veracitate Divina.

LXX. Diversaque valde est natura & indoles Fidei à natura & indole scientiæ. Nam scientia facit scire, & intelligere, id est, quasi intus legere, ut explicat S. Thomas: at fides facit credere, & rem magis devorat, quàm mandit, & rebus assentitur, non quia capit, & rationem earum assequitur, sed quia à Deo dicuntur: unde scientia est oculata; Fides est cæca. Scientia comparatur visui, & fertur ad objecta; in quantum apparent, & evidentia videntur, & tota illius certitudo & adhesio evidentæ objectorum, exequatur; & cum objectorum illorum in indivisibili consistat veritas, tamen cognitiones scientiarum sunt magis, vel minùs certæ pro majori, vel minori evidentia eorum. Fides autem magis auditui comparatur ab Apostolo, dicente: *Fides ex auditu*, & quidem propriissimè: audimus enim non solum clara, sed obscura etiam, & obscurissima, & prorsus inintelligibilia, estque auditus potiùs absentium loco & tempore, quàm præsentium, ac proinde Fides est ex auditu, ac primariò saltem, rerum non apparentium, ejusque certitudo unicè commensuratur auctoritati Dei dicentis, non autem rationibus, quibus induci

inducti sumus ad judicandum, Deum dixisse mysteria, illaque revelasse. Ad Fidem itaque tantum attinet, credere ea, quæ à Deo dicuntur, quia ab eo dicuntur, quantumvis difficilia, & supra omnem rationem humanam sint. Sic iudicium illud, quo mihi persuadeo, Petrum esse veracem in dictis suis, & iudicium, quo scio, Petrum mihi loqui, non pertinent ad fidem humanam, qua credo Petro loquenti. Antequam autem quis credat Deo loquenti, prius scire debet, Deum loqui; nam *qui citò credit, levis est corde*, & ideo Paulus aiebat: *Scio, tui credidi*; nec potest prudenter credere rem, tanquam à Deo revelatam, nisi antecederet per argumenta gravia, & rationes efficaci sibi firmiter persuadeat, Deum revelasse rem illam, & evidenter videat, eam esse credibilem, ut docet D. Thomas 2. 2. quæst. 1. art. 4. ad 2. ubi ait, quòd, licet ea, quæ creduntur, non possint esse simul visa in speciali, id est, in se ipsis, debent tamen esse visa in generali, id est, sub ratione communi credibilis ab eo, qui credit: *Non enim crederet, inquit, nisi videret, ea esse credenda, vel propter evidentiam signorum, vel aliquid huiusmodi*: atque adedò, ut explicat ibi Cajetanus, verè & virtuosè credere, exigit evidentiam, quòd illud sit credibile, ita quòd nullus verè, id est, absque formidine alterius patris, & virtuosè, hoc est, prudenter, credit aliquid, nisi evidenter cognoscat, illud esse credibile.

## §. III.

*Quomodo cum evidentia attestacionis cohereat fides mysterij.*

LXXI. **A**T obijciens 2. evidentiam in attestante opponi cum Fide: nam Fides juxta Apostolum ad Hebræos 11. *Est argumentum non apparentium*; evidentia autè illa facit apparere veritatè mysterij: nam si mihi evidens est, Deum non posse fallere, aut falli in his, quæ revelat, & aliunde mihi evidens est, Deum revelasse Trinitatem, evidens mihi erit, Deum esse Trinum: ac proinde mysterium ipsum apparebit evidenter: ergo non potero de illo habere Fidem.

LXXII. Huic objectioni bifariam respondere possumus: primò juxta sententiam asserentem, evidentiam attestacionis Dei reddere evidentem rem attestatam; & huic sententiæ inhærendo, dicere possumus, Fidem debere esse de non apparentibus per se, id est, de his, quæ per principia naturalia non sunt nobis evidenter nota: ac proinde opponi cum Fide, quòd quis credat propter testimonium Dei illud ipsum, quod aliunde independentè à tali testimonio vel per sensum videt, vel per intellectum evidenter cognoscat; non opponi autem cum Fide, quòd quis ob autoritatem Dei credat illud ipsum, quod ex villius testimonij sibi evidenter noti, & ex vi alterius præmissæ evidenter quoque cognoscit cognoscat per discursum, esse verum.

LXXIII. Idque deduco ex principiis S. Thomæ: ut enim ille inquit hæc quæst. 1. art. 4. in Corp. assentitur intellectus alicui dupliciter: uno modo quia ad hoc movetur ab ipso objecto, quod est per se ipsum cognitum, sicut patet in primis principiis, quorum est intellectus; vel

est

est per aliud cognitum, sicut patet de conclusionibus, quarum est scientia: alio modo intellectus assentitur alicui, non quia sufficienter moveatur ab objecto proprio, sed per quandam electionem voluntariè declinans in unam partem magis quàm in aliam; & siquidem exit cum dubitatione & formidine alterius partis, erit opinio; si autem sit cum certitudine absque formidine, erit Fides. Illa autem videri dicuntur, quæ per se ipsa movent intellectum nostrum, vel sensum ad sui cognitionem. Hinc deducit Sanctus Doctor, quòd nec Fides, nec opinio potest esse de ipsis visis, aut secundum sensum, aut secundum intellectum. Et art. 5. probat, non posse quem credere per Fidem illud ipsum, quod cognoscit evidenter per scientiam, & reddit rationem, quòd omnis scientia habetur per aliqua principia per se nota, & per consequens visa; & ideo oportet, quæcumque sunt scita, aliquomodo esse visa: non est autem impossibile, quòd idem ab eodem sit visum, & creditum; unde etiam possibile est, quòd idem ab eodem sit scitum, & creditum. Hæc S. Thomas.

LXXIV. Ex quibus probatur, eum, qui assentitur mysterio Trinitatis, non quia ab ipso sufficienter movetur, neque quia movetur ab aliquo principio per se noto, ex quo per evidentem consequentiam deducitur, Deum esse Trinum, sed unice ex electione voluntatis assentitur ob auctoritatem Dei dicentis, assentiri per Fidem; quamvis aliunde evidenter cognoscat, Deum loqui, & hanc evidentiam conjungendo cum alia de Dei veracitate, per discursum possit

evidenter deducere, Deum esse Trinum. Quod confirmatur: quia, ut inquit S. Thomas hic quæst. 5. art. 1. in Corp. intellectus credentis assentitur rei creditæ, non quia ipsam videat, vel secundum se, vel per resolutionem ad prima principia per se visa; at qui assentitur mysterio unice ob testimonium Dei sibi evidenter notum, assentitur rei creditæ, non quia ipsam videat secundum se, vel per resolutionem ad prima principia per se nota: ergo assentitur per Fidem.

LXXV. Secundò respondere possumus ex eodem S. Thoma, Cajetano, Vazquez, & aliis, evidentiam illam Dei, ut attestantis mysterium Trinitatis, non inferre evidentiam ipsius Trinitatis attestanti; sed optimè componi, quòd alicui sit evidens, Deum esse veracem, & revelasse Trinitatem, quin hæc sit illi evidens absolute in se; sed solum sit evidens secundum quid, nempe evidentiā in attestante, & absolute maneat obscurum ipsum mysterium. Quamvis enim ex evidentia præmissarum legitime inferatur, conclusionem esse veram; non inferitur tamen, ex terminis & in omni materia conclusionem esse evidentem: quia, quamvis ex vero nunquam possit sequi falsum, tamen ex evidenti non semper sequitur evidens: unde quamvis alicui forent evidentes istæ præmissæ: *Quidquid Deus revelat, est verum; sed Deus revelat Trinitatem*, non foret evidens ista conclusio, evidentiā consequentis: Ergo Trinitas est vera; sed solum evidentiā consequentis, quia licet sit evidens, veritatem istius conclusionis inferri ex veritate præmissarum, non



non redditur illa veritas in se evidens, quia præmissæ illæ non faciunt, ut pateat mysterium Trinitatis, & detegatur convenientia prædicati cum subiecto, nempe Trinitatis cum Deitate; sed adhuc manet clausum, & obscurum ipsum mysterium, totaque evidentia sistit in præmissis, & in bonitate illationis, & non transit ad conclusionem illatam.

LXXVI. Et hanc existimo esse apertam sententiam D. Thomæ, qui 2. 2. quæst. 5. art. 2. hæc habet: *Si aliquis Prophetam præannuntiaret in sermone Domini, aliquid futurum. & adhiberet signum, mortuum suscitando, ex hoc signo convinceretur intellectus videntis, ut cognosceret manifeste, hoc dici à Deo, qui non mentitur, licet illud futurum, quod prædicatur, in se evidens non esset; unde per hoc ratio Fidei non tolleretur.* Ergo juxta S. Thomam stat, quod aliquis evidenter cognoscat, Deum testificari mysterium Trinitatis, & tamen quod Fide obscura illud credat. Ratio est, quia non habet scientiam de Trinitate Personarum, qui non assequitur rationem, ob quam una essentia possit identificari cum tribus personis: hanc autem rationem non assequitur quis ex eo, quod evidenter sciat, Deum testificari, se esse Trinum: unde identitatem Deitatis cum Trinitate non scit, sed credit, nec sibi persuadet, Deum esse Trinum, quia hujus mysterij rationem capit; sed quia evidenter scit, hoc à Deo dici, & obligatorium judicat, subicere intellectum Deo loquenti.

LXXVII. Et sanè qui existimant, evidentiâ in attestante non componi cum Fide, coguntur asserere, neque Moysen, neque Apostolos, neque B. Virginem, &

Prophetas, qui viderunt manifesta miracula, quæ Deus in ipsis, vel per ipsos, vel in aliis coram ipsis operatus est, non habuisse evidentiam Dei testificantis: siquidem omnes illi Fide Divina crediderunt, quæ Deus testificabatur per illa signa; at falsum est, nullum ex his habuisse evidentiam Dei ut testificantis; ergo falsum est, hanc evidentiam opponi cum Fide. Profectò non videtur dubitari posse, Beatam Virginem evidenter cognovisse, in ipsa complectam esse prophetiam Isaïæ: *Ecce virgo concipiet, & pariet filium*: cognovit ergo evidenter, filium suum, quem virgo concepit, & virgo peperit, esse Messiam in lege promissum, esse Doctorem veritatis, & Filium Dei naturalem: ergo cognovit evidenter, Deum loqui per os Christi; ac Christus testificatus est, Deum esse Trinum, futurum esse diem judicii, carnis resurrectionem, & alia hujusmodi: ergo si evidentia in attestante opponitur cum Fide, B. Virgo non credidit per Fidem mysteria illa, quæ Christus Ecclesie suæ revelavit: quod constat esse falsum, & contra omnium mentem. Omitto argumentum petatum à cognitione Angelorum, qui in via habuerunt Fidem mysteriorum nostræ Fidei, ut docet communis sententia Theologorum cum D. Thoma 2. 2. quæst. 5. art. 1. & tamen evidenter cognoverunt, Deum sibi loqui, ut rectè probat Coninck disp. xi. num. 53.

LXXVIII. Quomodo autem evidentiâ in attestante componatur cum Fide obscura mysterij, explicat optimè idem Author: nam hæc duo multum inter se distant, hæc res, v. g. Quod Deus

Deus sit Trinus & unus, est mihi in se evidens: & evidens mihi est, quod Deus dicat, se esse Trinum, & quod hac ejus assertio sit vera: nam in prima propositione significatur, naturam subje&i & prædicati, aut saltem naturam & qualitatem connexionis, quæ inter illa est, mihi esse clare cognita, sive me clare scire, qua ratione prædicatum conveniat subje&to. In secunda verò solum significatur, me evidenter cognoscere, dari à parte rei assertionem essentialiter veram, quod illud prædicatum conveniat subje&to; stat autem, me hoc evidenter scire, licet omnino ignorem, qua ratione illi conveniat. Quod duplici exemplo illustrat: nam ex eo quod videam magnetem attrahentem ferrum, clare colligo, & scio à posteriori, eum habere in se vim attrahendi, & consequenter clare scio, hanc esse veram: *Magnes habet vim attrahendi ferrum*; ignoro tamen, qualis sit hæc vis, aut quomodo hæc attractio fiat: & consequenter illa veritas est mihi in se inevidens, & solum evidens in effectu.

LXXIX. Quod adhuc clarius est, quando videmus, rem aliquam ex alia aut semper, aut ferè semper sequi, & ignoramus, an id fiat vi aliqua ipsi rei inherens, an verò virtute Divina, aut etiam dæmonis, ut contingit in occiso emittente sanguinem, præsentem occidere; quod nobis evidens est fieri, cum tamen sit obscurissimum, quomodo id fiat: atque adeo evidens est, præsentiam occisoris habere vim causandi emissionem sanguinis; qualis tamen sit hæc vis, & unde eam habeat, obscurissimum est. Ergo optimè componitur, Angelum,

vel Prophetam evidenter scire, Deum testificari ipsi, se esse Trinum, quin propterea illi evidens sit mysterium Trinitatis in se, quia nimirum non assequitur vi testificationis Divinæ rationem, ob quam Trinitas personarum cohzreat cum unitate essentiz.

LXXX. Idque alio exemplo explicatur: nam si aliquis Mathematicus coram me faciat demonstrationem, vi cujus quasi ad oculum videam veritatem antea mihi ignotam, & postea, oblitus medium demonstrationis, evidenter tamen meminetim, me olim vidisse demonstrationem de tali veritate, evidens nunc mihi erit, rem illam ita se habere, sicut Mathematicus olim demonstravit; tamen nunc non erit res illa mihi evidens, quia nunc non habeo demonstrationem illam Mathematicam, siquidem nunc non recordor illius rationis, quam Mathematicus adhibuit pro medio suæ demonstrationis.

LXXXI. Ratio autem à priori est, quia testimonium Dei de Trinitate, quamvis essentialiter sit conexum cum veritate affirmata, tamen quia nec illam supponit, tanquam effectus perfectionem causæ, quam participat & explicat; nec illam continet, tanquam causa effectum, & aliunde est medium prorsus extrinsecum, quamvis evidenter cognoscatur, nequit detegere convenientiam prædicati cum subje&to; sed semper illa manet omnino occulta, & quasi sub velo, ac proinde objectum illud manet obscurum, & proportionatum Fidei. Quare testimonium Dei non solum est medium extrinsecum rei attestatz in essendo, sed etiam in cognoscendo.

scendo, ad differentiam effectus essentialiter supponentis causam, & explicantis ejus perfectionem, qui licet sit medium extrinsecum cause in essendo, est tamen intrinsecum in cognoscendo, ut explicat P. Amicus disput. 2. num. 150.

## §. IV.

*Inferitur ex dictis, non militare contra nostram sententiam, doctrinam Cardinalis Bellarmini, asserentis, notas Ecclesie, seu argumenta credibilitatis, non facere evidentiam veritatis simpliciter.*

LXXXII. Sapientissimus Cardinalis Bellarminus, lib. 4. de Ecclesia Militante, seu lib. de notis Ecclesie, cap. 3. merito pronuntiat: *Ecclesiam Catholicam esse quasi solem quemdam, qui radios lucis clarissimos ex omni parte effundit, ut facillime per eos cognosci possit.* Habet enim plurimas notas, sive testimonia ac signa, quæ eam discernant ab omni falsa Religione Paganorum, Hæreticorum.

LXXXIII. Addit tamen, hæc testimonia seu signa non efficere evidenter verum, quod ipsa sit vera Dei Ecclesia, atque Religio, sed solum id efficere evidenter credibile; & postquam explicuit, quomodo non sit idem, evidenter verum, & evidenter credibile; prout nos ipsius verbis supra explicavimus, libro 1. subjungit: Dicimus ergo, notas Ecclesie non facere evidentiam veritatis simpliciter, quia alioqui non esset articulus Fidei, hanc Ecclesiam esse veram Ecclesiam, neque ulli inventeretur, qui id negarent, sicut nemo invenitur, qui neget sententias, quas Mathematici

demonstrant; sed tamen efficere evidentiam credibilitatis, juxta illud Ps. 92. *Testimonia tua credibilia facta sunt nimis.* Apud eos autem, qui admittunt Scripturas Divinas, ac Patrum veterum scripta, faciunt etiam evidentiam veritatis: tamen enim articulorum Fidei veritas non potest nobis esse evidens absolute; tamen potest esse evidens ex hypothesi, id est supposita veritate Scripturarum; quod enim Scriptura evidenter deducitur, est evidenter verum, suppositis Scripturis. Hæc ille.

LXXXIV. Nos hanc secundam partem accipientes, quam verissimam esse existimamus, ut postea lib. 3. ostendemus; ad primam respondemus, hoc argumentum dumtaxat probare, Religionem Christianam non esse evidenter veram, evidentiam simpliciter tali, seu evidentiam rei in se, & per principia intrinseca: Nam evidenter verum dicitur, quod vel in se, vel in suis principiis videtur, ut inquit ibi idem Cardinalis. Veritas autem mysteriorum nostræ Fidei, nec in se, neque in suis causis videtur, quia non dantur ullæ causæ naturales, vel ulla principia naturalia, ex quibus veritas mysteriorum Fidei necessario inferatur, vel quæ manifestent prædicatum hujus propositionis v.g. *Deum esse Trinum*, convenire subjecto; sed veritas illa est omnino obscura, & clausa: non probat autem illud argumentum, non esse Religionem Christianam evidenter veram, evidentiam in attestante respectu eorum, qui reflexè penetrant vim argumentorum, quæ illam reddunt evidenter credibilem; quæ est evidentia solum secundum quid, cum sit per rationem prorsus extraneam rei cre-

creditz, eam relinquens circumfusam obscuritate quadam, & tenebris, non nisi in beata vita depellendis; & est evidentia, quæ non comparatur, nisi liberè applicando mentem ad considerationem millorum motivorum, & ad multa alia, quæ à paucis penetrantur: quæ

proinde relinquit locum merito Fidei, & ut quis liberè avertendo mentem ab iis motivis, & illam figendo in difficultatem mysteriorum, possit à Fide deficere: non enim est evidentia Mathematica, & quasi ex terminis, quæ facile omnes convincit.

## CAPUT QUARTUM.

*Solvitur gravis obiectio contra dicta, & ostenditur, ad credendum Fide Divina obscura mysterium revelatum, propter auctoritatem Dei revelantis, necessarium non esse, quod Fide Divina credatur ipsa auctoritas; sed satis esse, quod supponatur aliunde cognita per discursum evidentem, vel per Fidem humanam moraliter certam.*

## §. I.

*Proponitur obiectio.*

LXXXV. **C**ONTRA dicta oppones, neminem posse propter auctoritatem Dei revelantis, seu propter ejus Sapientiam & veracitatem credere mysterium Fide obscura & Divina, quin credat eadem Fide Divina veracitatem ipsam, quæ est motivum Fidei. Id latè contendit Eximius Doctor Franciscus Suarez, disp. 3. de Fide, Sect. 6. num. 5. ubi pro conclusione statuit, solam evidentem cognitionem, quod Deus sit prima veritas, non sufficere pro fundamento, & objecto formali Fidei, sed necessariam esse Fidem infusam ejusdem veritatis; redditque rationem potissimam, & fundamentum talis assertionis, num. 6. *Quia fieri, inquit, non potest, ut assensus altioris ordinis per se fundetur in assensu ordinis inferioris, neque*

*major certitudo potest fundari in minori.* Atqui assensus Fidei est altioris ordinis, & magis certus, quàm assensus naturalis, & evidens. Ergo fieri non potest, ut assensus Fidei ex parte sui objecti formalis fundetur in assensu tantùm naturali, & evidenti. Major est per se nota ex terminis, & pater ex illo Aristotelis: *Propter quod unumquodque tale, & illud magis: tota enim perfectio effectus est ex causa, & firmitas ædificij ex fundamento: ergo impossibile est, ut certior sit cognitio fundata in alia, quàm sit illa, in qua fundatur.* Et inde probatur consequentia: quia certitudo Fidei tota nititur in suo objecto formali, atque adeo in cognitione ejus; nam ut cognitum movet ad credendum.



## S. II.

*Statuitur nostra conclusio.*

LXXXVI. **N**ihilominus nobis dicendum est cum Cardinali de Lugo, disp. 1. num. 82. cum Egidio Conink, Puente, Hurtado, Ariaga, Altiſiodorenſi, & aliis, quos citavimus in tractatu de Fide, auctoritatem Dei revelantis non esse motivum ad credendum mysterium, ut cognitam per Fidem, seu ut creditam, sed ut cognitam aliunde independentem à testimonio, & revelatione Dei. Pro qua sententia stat etiam Cajetanus hic art. 1. quatenus dicit, Fideles non differre ab infidelibus in asserendo, vera esse, quæ Deus dicit; sed in hoc quod fideles credunt, quod infideles non credunt: sentit ergo, non esse necessarium, illud prius per Fidem credere. Item D. Thomas, quatenus dicit, ea, quæ realiter demonstrari possunt de Deo, per accidens revelari propter eos, qui revelationem non assequuntur, ut patet hic quæst. 1. art. 5. & 8. ad primum, & in 3. dist. 24. quæst. 1. art. 2. quæstione. 2. ubi etiam Capreolus ad argumenta, & Hispalensis notab. 3. & Richardus art. 5. & Carthusianus quæst. 1. & denique Albertus dist. 23. art. 13. ad argumenta: hi namque Doctores sentiunt, eum, qui evidenter cognoscit, Deum esse veracem, non assentiri mysteriis propter veracitatem Fide creditam, sed evidenter aliunde cognitam. Unde idem sentit Scotus: quandoquidem in 3. dist. 24. quæst. unic. §. *ad questionem*, & §. *sed aliter loquimur*, negat, Fidem esse de objecto evidenter aliunde cognito.

LXXXVII. Sententiam meam probō. Potest dari assensus Fidei Divinæ innitens auctoritati, & veracitati Divinæ, quæ supponi debeat aliunde cognita independentem à testimonio Dei dicentis: ergo non est de conceptu Fidei, nisi auctoritate Divina, ut cognita per Fidem, sed potest nisi illā, ut cognita per rationem naturalem. Probatum antecedit: nam sicut Deus potest testari, se esse summè sapientem, æternum, immutabilem, &c., ita potest testari, se esse summè veracem, atque adeo nunquam posse aliquem fallere: ergo possumus credere Deo dicenti, se esse veracem; motivum autem huius assensus est Dei veracitas; at non ut credita: ergo ut aliunde sufficienter cognita: ergo veracitas, ut cognita per lumen rationis, potest esse ratio credendi mysteria. Probatum minor: quia stultum est, credere, aliquem esse veracem, præciue quia ipse hoc dicit, id est, nisi aliunde nobis constet, illum esse virum probum, & dignum fide: ergo respectu assensus, quo credimus, Deum esse veracem, non movet veracitas, ut credita Deo testificanti, se esse veracem, sed movet, ut cognita independentem à testimonio Dei dicentis: postquam enim per discursum naturalem sæpe illustratum lumine gratiæ cognoscimus, Deum existere, & esse summè bonum, & probum, Deus de se ipso testatur, se esse summè veracem, & tunc possumus, ac debemus per assensum Fidei multò certiozem credere id ipsum; tunc verò motivum ad credendum, Deum esse veracem, est veracitas ipsa, non ut credita Deo dicenti, sed ut cognita per lumen rationis.

LXXXVIII.



LXXXVIII. Quod confirmatur, & explicatur : nam quamvis stultum sit, firmiter credere , aliquem virum nobis ignotum esse veracem , præcisè quia ipse hoc de se ipso dicit, quin aliunde habeamus argumentum prudens, quo id ipsum nobis persuadeamus; tamen quando vit aliquis, cujus prudentia, & probitas est mihi aliunde nota, testatur, se ita esse amantem veritatis, ut propter nullam mundi rem unquam ausus fuerit mentiri, prudenter possum, illum esse veracem, credere propter ipsius testimonium, præsertim si sit meus superior, cui omnem reverentiam debeo, & quidem possum credere illi fide atque judicio firmiore , quàm ex aliis circumstantiis colligere possem : nam honor & reverentia, quam ei debeo, & superioritatem & probitatem exigunt, ut ipsi, testanti se esse veracem, credam firmiter hoc ipsius dictum : cum ergo lumine naturæ nobis constet , Deum esse summè veracem atque sapientem, si nobis sufficienter constet, ipsum dixisse, se esse summè veracem, debemus id credere assensu firmiori quovis alio, quem ob rationes naturales possumus elicere.

LXXXIX. Et hoc est pulchrum argumentum , ad probandum contra Thomistas, posse assensum Fidei circa aliquam veritatem componi cum evidentia ejusdem veritatis : nam Theologus evidenter cognoscens ; Deum esse summè veracem, potest etiam sufficienter cognoscere, ipsum de se testari , se esse summè veracem, & illi sic testificanti credere ; at tunc cum cognitione evidenti de summa Dei veritate, con-

jungeret Fidem de eadem veracitate, siquidem vi veritatis evidenter aliunde cognitz moveretur ad credendum Deo, dicenti se esse summè veracem,

XC. Quod si repugnet, actum Fidei componi cum evidentia ejusdem veritatis, hinc sumitur optimum argumentum , ad probandum veracitatem Dei non debere cognosci per Fidem, ad hoc ut quis propter illam assentiatur mysteriis revelatis. Nam qui cognoscit evidenter, Deum esse summè veracem, in sensu composito hujus judicii potest credere Deo , dicenti se esse Trinum; atqui hoc foret falsum, si simul ad assensum Fidei circa mysteria deberet dari assensus ejusdem Fidei circa veritatem : siquidem iste assensus, cum sit obscurus, nequit juxta Thomistas componi cum assensu evidenti ejusdem veritatis : ergo ad hoc, ut propter veracitatem Dei quis eliciat assensum Fidei circa mysterium, non requiritur, quòd per Fidem obscuram credat Dei veracitatem. Reliqua constant ; Major probatur : quia aliqui Theologus sapiens esset deterioris conditionis, quàm rusticus ignorans : siquidem non esset capax credendi Fidei Divinà mysteria Religionis Christianæ, quandoquidem per se non potest credere mysteria, quin credat Deo loquenti veracitatem, & hanc credere non potest, qui illam aliunde evidenter cognoscit.

XCI. Unde veracitas Dei in his, qui habent de illa evidentiam , non attinet ad Fidem, tanquam res credita, sed tanquam principium, & præambulum credendi , ut expresse docet D. Thomas 2. 2. q. 1. art. 5. ad 3. his verbis :

*Statuitur nostra conclusio.*

LXXXVI. **N**ihilominus nobis dicendum est cum Cardinali de Lugo, disp. 1. num. 82. cum Egidio Conink, Puente, Hurtado, Ariaga, Alifiodorensi, & aliis, quos citavimus in tractatu de Fide, auctoritatem Dei revelantis non esse motivum ad credendum mysterium, ut cognitam per Fidem, seu ut creditam, sed ut cognitam aliunde independentem à testimonio, & revelatione Dei. Pro qua sententia stat etiam Cajetanus hic art. 1. quatenus dicit, Fideles non differre ab infidelibus in asserendo, vera esse, quæ Deus dicit; sed in hoc quodd fideles credunt, quod infideles non credunt: sentit ergo, non esse necessarium, illud prius per Fidem credere. Item D. Thomas, quatenus dicit, ea, quæ realiter demonstrari possunt de Deo, per accedens revelari propter eos, qui revelationem non assequuntur, ut patet hic quæst. 1. art. 5. & 8. ad primum, & in 3. dist. 24. quæst. 1. art. 2. quæstiunc. 2. ubi etiam Capreolus ad argumenta, & Hispalensis notab. 3. & Richardus art. 5. & Carthusianus quæst. 1. & denique Albertus dist. 23. art. 13. ad argumenta: hi namque Doctores sentiunt, eum, qui evidenter cognoscit, Deum esse veracem, non assentiriysteriis propter veracitatem Fide creditam, sed evidenter aliunde cognitam. Unde idem sentit Scotus: quandoquidem in 3. dist. 24. quæst. univ. §. ad quæstionem, & §. sed aliter loquimur, negat, Fidem esse de objecto evidenter aliunde cognito.

LXXXVII. Sententiam meam probabo. Potest dari assensus Fidei Divinæ innitens auctoritati, & veracitati Divinæ, quæ supponi debeat aliunde cognita independentem à testimonio Dei dicentis: ergo non est de conceptu Fidei, nisi auctoritate Divina, ut cognita per Fidem, sed potest nisi illa, ut cognita per rationem naturalem. Probatur antecedens: nam sicut Deus potest testari, se esse summè sapientem, æternum, immutabilem, &c. ita potest testari, se esse summè veracem, atque adeo nunquam posse aliquem fallere: ergo possumus credere Deo dicenti; se esse veracem; motivum autem huius assensus est Dei veracitas; at non ut credita: ergo ut aliunde sufficienter cognita: ergo veracitas, ut cognita per lumen rationis, potest esse ratio credendi mysteria. Probatur minor: quia stultum est, credere, aliquem esse veracem, præcisè quia ipse hoc dicit, id est, nisi aliunde nobis constet, illum esse virum probum, & dignam fide: ergo respectu assensus, quo credimus, Deum esse veracem, non movet veracitas, ut credita Deo testificanti, se esse veracem, sed movet, ut cognita independentem à testimonio Dei dicentis: postquam enim per discursum naturalem sæpe illustratum lumine gratiæ cognoscimus, Deum existere, & esse summè bonum, & probum, Deus de se ipso testatur, se esse summè veracem, & tunc possumus, ac debemus per assensum Fidei multò certiorè credere id ipsum; tunc verò motivum ad credendum, Deum esse veracem, est veracitas ipsa, non ut credita Deo dicenti, sed ut cognita per lumen rationis.

LXXXVIII.

LXXXVIII. Quod confirmatur, & explicatur : nam quamvis stultum sit, firmiter credere , aliquem virum nobis ignotum esse veracem , præcisè quia ipse hoc de se ipso dicit, quin aliunde habeamus argumentum prudens, quo id ipsum nobis persuadeamus; tamen quando vit aliquis, cujus prudentia, & probitas est mihi aliunde nota, testatur, se ita esse amantem veritatis, ut propter nullam mundi rem unquam ausus fuerit mentiri, prudenter possum, illum esse veracem, credere propter ipsius testimonium, præsertim si sit meus superior, cui omnem reverentiam debeo, & quidem possum credere illi fide atque iudicio firmiore, quam ex aliis circumstantiis colligere possem: nam honor & reverentia, quam ei debeo, & superioritatem & probitatem exigunt, ut ipsi, testanti se esse veracem, credam firmiter hoc ipsius dictum: cum ergo lumine naturæ nobis constet, Deum esse summè veracem atque sapientem, si nobis sufficienter constet, ipsum dixisse, se esse summè veracem, debemus id credere assensu firmiori quovis alio, quem ob rationes naturales possumus elicere.

LXXXIX. Et hoc est pulchrum argumentum, ad probandum contra Thomistas, posse assensum Fidei circa aliquam veritatem componi cum evidentia ejusdem veritatis: nam Theologus evidenter cognoscens; Deum esse summè veracem, potest etiam sufficienter cognoscere, ipsum de se testari, se esse summè veracem, & illi sic testificanti credere; at tunc cum cognitione evidenti de summa Dei veracitate, con-

jungeret Fidem de eadem veracitate, siquidem vi veracitatis evidenter aliunde cognitæ moveretur ad credendum Deo, dicenti se esse summè veracem.

XC. Quod si repugnet, actum Fidei componi cum evidentia ejusdem veritatis, hinc sumitur optimum argumentum, ad probandum veracitatem Dei non debere cognosci per Fidem, ad hoc ut quis propter illam assentiat mysteriis revelatis. Nam qui cognoscit evidenter, Deum esse summè veracem, in sensu composito hujus judicii potest credere Deo, dicenti se esse Trinum; atqui hoc foret falsum, si simul ad assensum Fidei circa mysteria deberet dari assensus ejusdem Fidei circa veracitatem: siquidem iste assensus, cum sit obscurus, nequit juxta Thomistas componi cum assensu evidenti ejusdem veritatis: ergo ad hoc, ut propter veracitatem Dei quis eliciat assensum Fidei circa mysterium, non requiritur, quod per Fidem obscuram credat Dei veracitatem. Reliqua constant; Major probatur: quia alioqui Theologus sapiens esset deterioris conditionis, quam rusticus ignorans: siquidem non esset capax credendi Fidei Divinæ mysteria Religionis Christianæ, quandoquidem per se non potest credere mysteria, quin credat Deo loquenti veracitatem, & hanc credere non potest, qui illam aliunde evidenter cognoscit.

XCI. Unde veracitas Dei in his, qui habent de illa evidentiam, non attinet ad Fidem, tanquam res credita, sed tanquam principium, & præambulum credendi, ut expressè docet D. Thomas 2. 2. q. 1. art. 5. ad 3. his ver-

bis: *Deum esse, Deum esse unum, & alia huiusmodi, quæ demonstrativè probari possunt inter credenda numerantur, non quia de illis simpliciter sit Fides apud eos, sed quia praesignantur ad ea, quæ sunt Fidei.*

XCII. Itaque tam in sententia affirmante, quàm in negante posse componi Fidem cum evidentiâ, evincitur, veracitatem debere supponi aliunde cognitâ, ut ob illam credamus mysteria. In sententia affirmante: quia Deo revelanti, se esse veracem, possumus firmiter credere, non possumus autem, si aliunde nobis notum non esset, illum esse veracem; in sententia verò negante, quia qui cognoscit evidenter, Deum esse veracem, potest propter veracitatem credere Trinitatem, & alia mysteria obscura; non potest autem illa credere propter veracitatem, ut cognitâ per Fidem obscuram; ergo debet credere unicè ob veracitatem, ut cognitâ per notitiâ evidentem.

XCIII. Deinde universaliter probò, primam veritatem debere aliunde cognosci, quàm ex sola revelatione, ut possit ad aliorum articulorum assensum movere; quia si ex sola revelatione debet cognosci, ut possit movere, incidimus in gyrum inexplicabilem: inquirenti enim, cur credis mysterium Incarnationis? Respondere debes: Quia Deus summè verax & sapiens illud revelavit; inquirenti autem rursus, unde tibi constet, Deum esse summè veracem? Respondebis: Quia ipse dixit, se esse summè veracem: si autem iterum interrogeris, unde tibi constet, Deum affirmantem se esse veracem, verum di-

cere, & in hac assertione non fallere, respondebis: quia Deus est summè verax, & non potest falsum loqui: ergo rem inexplicatam relinquis, & incidis in circulum vitiosum: siquidem dicere: *Est verax, quia id de se affirmat, & verè affirmat, quia est verax*, idem est ac dicere: *Est verax, quia est verax*: ergo ut veracitas Dei possit movere ad credendum mysterium Incarnationis v. g. debet supponi aliunde cognita, independentè à testimonio Dei dicentis, se esse veracem.

XCIV. Respondent adversarij cum P. Suarez disp. 3. de fide sect. 6. num. 8. hoc esse magnum Fidei mysterium, quodd, licet non videat clarè objectum, nec res creditas, nihilominus non accipiat objectum suum, ut in illo per se nitatur, tanquam cognitum per aliud lumen; sed sua virtute, & efficacia credat illud; sicut D. Thomas dixit, eodem actu nos credere Deo, & Deum, & ideo talem actum supernaturalem esse, & si ne speciali auxilio gratiæ haberi non posse, additque, hoc magnum Fidei mysterium esse valde consentaneum rationi; nam tota hæc certitudo intrinsecè sequitur ex qualitate Divini testimonij, quatenus omnino infallibile est, & obligare potest ad credendum ea, quæ dicit, tanquam infallibilia: dicendo enim aliquid, eo ipso dicit, se esse veracem in eo, quod affirmat: nam hac ratione inducit ad credendum, illud dictum esse verum, & consequenter etiam dicit, ita se esse veracem, ut mentiri nullo modo possit: nam hoc titulo obligat ad credendum illud, tanquam infallibile, & ideo ex intrinseca ratione talis

talis Fidei & talis objecti nascitur, ut idem testimonium, quod sufficit ad credendum rem revelatam, sufficiat ad credendum, ipsum revelantem esse veritatem, quæ fallere non potest.

XCv. Hinc deducit Suarius, non repugnare Fidei hunc modum resolutionis: Credo, Deum esse Trinum, quia ipse dicit; credo autem illi dicenti, quia est verax; credo autem illum esse veracem, quia ipse etiam dicit. Semper enim fatendum est, inquit, resolutionem fieri ex objecto materiali ad formale: ipsum autem objectum formale non in aliud resolvitur, sed per se ipsum creditur, quia potest de se ipso testificari, & ita in se ipsum reflectitur, & tali modo de se testificatur, ut faciat evidenter credibile non solum alia, quæ dicit, sed etiam quæ de se ipso testificatur. Additque, hoc pertinere ad infinitam excellentiam Divinæ veritatis, & ideo non esse hanc cognitionem cum aliis comparandam.

XCvi. Cæterum mihi falsum apparet illud magnum Fidei mysterium, à P. Suarez assertum, quodd scilicet Fides non accipiat suum objectum formale, ut cognitum alio lumine, sed sua virtute, & efficacia illud credat: id enim esse falsum, ostendit nostra ratio, & inde ulterius probatur: quia potest Deus revelare mysterium Trinitatis, & Incarnationis, & reliqua omnia, quæ per discursum naturalem assequi non possumus, quin revelet illas suas perfectiones, quæ aliunde possunt evidenter cognosci: ergo potest testificari, se esse Trinum, quin testificetur, se esse veracem; ergo possumus Fide Divina cre-

dere, Deum esse Trinum, quin Fide Divina credamus, esse veracem: ergo potest veracitas movere, ad credendum mysterium obscurum, quin ipsa credatur per eandem Fidem, sed aliunde supponatur cognita.

XCvii. Confirmatur: nam quando Apostoli faciebant miracula ad persuadendum gentibus, Religionem Christianam esse veram, seu Deum revelasse ejus mysteria, non patrabant hæc miracula ad persuadendum gentibus, Deum esse veracem, seu verum esse, quod Deus dicit; nam ad hoc non erant necessaria miracula, cum ratione naturali facile demonstretur, neque id à gentilibus negabatur: ergo solum patrabant miracula ad persuadendum, Deum revelasse ea mysteria obscura, & difficillima, quæ ipsis prædicabant ut dicta, & revelata à Deo, ut sic eos traherent ad Fidem illorum: ergo ad fidem non attinet necessarium, credere suum objectum formale, sed potest ob illud aliunde cognitum assentiri mysterio revelato.

XCviii. Unde Fidei præcones, dum infideles ad Fidem pertrahere tentant, rationibus ad eorum intelligentiā accommodatis, prius persuadere debent, Deū esse, eundemque & summè sapientem & summè veracem esse, atque adeo dignū, cui loquenti per suos ministros firma fides adhibeatur: sic enim fecerunt Paulus, & Barnabas Act. 14. qui cum Lycaoniis agentes, eos sic alloquuti sunt: *Annuntiamus vobis, ab his vanis converti ad Deum vivum, qui fecit cælum, & terram, & mare, & omnia quæ in eis sunt, qui in præteritis generati-*  
bus



*bus dimissi omnes gentes ingredi vias suas, & quidem non sine testimonio semetipsum reliquit, beneficiens de celo, dans pluvias, & tempora fructifera, implens cibo, & lactia corda nostra.*

XCIX, Quare falsum est, prærogativam illam Fidei assertam à Suatio intrinsecè sequi ex qualitate Divini testimonij. Etenim quamvis hoc dicat, Deum esse Trinum, & sufficienter propositum obliget ad id credendum; non tamen dicit, Deum esse veracem, sed id aliunde supponit certum: unde non obligat ad credendum mysterium affirmatum, quia pariter affirmat, Deum esse veracem; sed quia id aliunde supponitur horum. Et quamvis affirmaret, Deum esse veracem, non redderet certum mysterium revelatum, nisi aliunde certum foret, Deum non posse loqui falsum: quia si id per impossibile posset, fas nobis esset dubitare, an diceret falsum, quando affirmat, se esse summè veracem, & quamvis faceret miracula in confirmationem eorum, quæ nobis revelat, non mereretur summam Fidem, nisi aliunde nobis constaret, eum non posse facere miracula in confirmationem doctrinæ falsæ. Etenim per miracula solum ostenderet Deus, se esse, qui loquitur; non autem ostenderet, se esse veracem: nam si per impossibile posset mentiri, posset miraculum facere in confirmationem mendacij: ergo assensus Fidei, præstitus mysteriis ob auctoritatem Dei revelantis, per se supponit auctoritatem illam aliunde sufficienter cognitam: ergo non est necessarium ad Fidem, quòd per illam creda-

tur auctoritas Divina, quatenus est ratio movendi ad assensum mysterij.

## §. III.

*Solvitur fundamentum contraria sententia, ubi ostenditur, certitudinem assensus credentis mysterium propter revelationem, majorem esse, quam sit certitudo assensus de existentia revelationis; nec assensum Fidei Divina circa mysterium fundari in assensu circa existentiam revelationis; sed illum supponere, ut conditionem applicantem motivum Fidei, ac proinde ostenditur, motivum credendi Fidei Divina non debere credi, ut quod, per lumen Fidei; sed debere supponi certò cognitum per aliud lumen.*

C. **A**D fundamentum Patris Suarez respondemus, certitudinem assensus Fidei erga mysterium non fundari in certitudine assensus, quo antecederet judicamus, Deum esse veracem; sed in ipsa veracitate, tanquam in motivo, & ratione formali; in cognitione autem illa proponente veracitatem, tanquam in conditione. Cognitionis autem inferioris ordinis, potest esse prærequisita ad illam. Sic juxta P. Vazquez 1. part. disput. 5. numer. 7. & juxta M. Canum, & Andream de Vega ab ipso citatos, quamvis Fides humana non possit fundare Divinam, tamen non potest esse prærequisita, & conditio necessaria ad illam: nam ut credatur Fide infusâ aliqua propositio, quæ definita est ab Ecclesia, opus est primò credere, definitam fuisse aut in Concilio, aut à Pontifice; quod tamen sola fide humana notum est: eodem modo Prædicatori pro-

proponenti articulos Fidei prius credimus Fide humana, & hac fide supposita, statim præbemus superiorem assensum ex lumine Fidei supernaturalis, ob authoritatem infallibilem Dei identificantia.

CI. Quare quamvis evidentia naturalis de veracitate Divina non sit essentialiter prærequisita, ut propter authoritatem Divinam credamus mysteria revelata (nam illa evidentia est paucorum) est tamen sufficiens, præsertim si sit orta ex illustratione gratiæ, qua Deus ex fine inducendi hominem ad Fidem excitat in illo cognitionem evidentem de sua veracitate; nec oppositum evincit argumentum Patris Suarez: non enim dicimus, assensum Fidei fundari in illa evidentia; sed illam tanquam applicationem & dispositionem præsupponi, ut non propter ipsam, sed propter authoritatem Divinam credamus mysterium: Quare Fides mysterij unice fundatur in authoritate Dei revelantis: postquam enim homo persuasus est, si ve per evidentiam, si ve per fidem humanam moraliter certam, Deum esse summè veracem, & revelasse mysterium, cum cognoscat, authoritatem Dei aliquid revelantem dignam esse, cui credatur super omnia, id est assensu certiore & firmiore, quàm sit ullus assensus Fidei humanæ vel scientiæ, tunc ex affectu supernaturali, adhærendi testimonio Dei super omnia, & præstandi illi obsequium per imperium voluntatis, elicit unice ob authoritatem & revelationem sibi propositas assensum Fidei infallibilem, sine respectu aut attentione ad motiva, quibus inductus est ad

judicandum, Deum esse summè veracem, seu quin illa firmitas assensus fundetur in evidentia naturali, vel fide humana, qui inductus est intellectus ad judicandum, Deum esse summè veracem.

CII. Deinde quamvis daremus, evidentiam naturalem de veracitate Divina non esse sufficientem, ut credamus mysteria Fide Divina ob authoritatem Dei revelantis, inde non sequitur, veracitatem debere credi Deo, revelanti se esse veracem, ut exerceat manus motivi: dicere enim quis poterit cum Cardinale de Lugo, disp. I. num. 82. veracitatem Divinam debere quidem aliunde cognosci, quàm ex sola revelatione, ut possit ad aliorum articulorum assensum movere; tamen cum eodem ibidem à num. 104. usque ad 109. asserere, veracitatem cognosci posse per actum evidentem, elicito ab habitu Fidei: quia cum Fides nequeat elicere assensum obscurum circa mysterium, quin ille assensus respiciat ut motivum intrinsicum veracitatem Dei, nequit elicere assensum circa mysterium, quin eliciat circa veracitatem: Perinde enim est, credere Incarnationem, inquit, propter veracitatem Dei, ac dicere: Verbum est homo, quia Deus est summè verax, qui quidem actus, quatenus tendit ad asserendam veracitatem de Deo, aliquomodo est evidens, totus tamen est supernaturalis, totus elicito ad habitum Fidei, qui non potuit per se ordinari ad actum circa mysteria revelata, quin habeat virtutem eliciendi assensum circa rationem formalem assentiendi, seu circa motivum formale Fidei; & denique

totus ille actus elicitor ex imperio voluntatis inclinantis per ipsam affectionem ad adhaerendum toti illi objecto *super omnia objecta*. Hactenus ille.

CIII. Ex qua doctrina responderi potest ad fundamentum Patris Suarez; fieri quidem non posse, ut assensus, praestitus mysterio super omnia, fundetur in assensu tantum naturali, licet evidenti; posse tamen fundari in assensu evidenti supernaturali elicitio à Fide, qui non sit minus certus, quam assensus mysterij. Sed quamquam hæc doctrina probabilis sit, illa tamen non indigemus ad solvendum argumentum. Et in primis falso videtur Cardinalis supponere, assensum illum, qui affirmat mysterium ob anthropositatem Dei revelantis, hoc ipso affirmare existentiam veracitatis Divinæ: hoc enim tantum abest à certitudine, ut potius videatur falsum: motivum enim intrinsecum actus affirmantis aliquid, non est necesse, ut affirmetur per ipsummet actum, si pro priori supponitur affirmatum; nec debet per actum Fidei attingi directè veracitas, ut objectum quod, sed sufficit, ut attingatur indirectè, ut objectum quo.

CIV. Sic licet conclusio intrinsecè moveatur objecto præmissarum, non est necesse, ut illud iterum affirmet: secundum regulam Logicæ; Licet ex vero nunquam possit sequi falsum; aliquando tamen ex falso sequitur verum: ergo potest conclusio esse vera, quamvis aliqua ex præmissis sit falsa; hoc autem salvari non potest, si conclusio iterum affirmet objectum præmissarum: nam conclusio affirmans objectum falsum, falsa est: ergo licet conclusio at-

tingat intrinsecè objectum præmissarum, non propterea iterato affirmat illud objectum, sed essentialiter innititur illi, ut affirmato per præmissas, eaque essentialiter supponit hoc titulo, ut fert communis, & vera sententia. Quod amplius probò: nam Deus à sua bonitate movetur intrinsecè ad intendendum finem creatum per suum decretum liberum, & tamen illa intentio non intendit bonitatem Divinam: non enim Deus intendit per decretum liberum id, quod necessariò ante omne decretum possidet.

CV. Id confirmo egregià doctrinà Eximij Doctoris, tom. 1. in 3. part. disp. 54. sect. 5. ubi probat, dari posse internum actum adorandi imaginem propter exemplar, quin adoretur illo actu exemplar: idque probat ex generali modo operandi nostri intellectus, & voluntatis: *Nam potest, inquit, qualibet ex his facultatibus tendere in aliquod materiale objectum, propter aliud, ut quo, seu ne formale, etiam si actus non tendat in illam rem, quæ est formale objectum, tanquam in rem, seu materiam, circa quam propriè versetur, quæ solet dici objectum quod; ergo etiam intentio adorandi potest versari circa imaginem, ut objectum quod, seu rem adoratam propter exemplar, ut rationem adorandi, quamvis directè non intendat adorare ipsum exemplar. Antecedens probatur primò exemplis, tum intellectus: nam infidelis assensitur veritatibus Fidei nixus Divino testimonio, & veritati infallibili ejus, ut rationi formali, quamvis eo actu, quo credit rem revelatam, non credat vel Deum esse primam veritatem, vel Deum hoc*

revelasse: idem dicunt Dialectici de actu scientiæ quæ nitiuntur præmissis, ut rationi assentiendi, quamvis non feratur directè in ipsas, tanquam in objectum scitum, seu judicatum per illum actum: tum etiam in actibus voluntatis, ut in amore, quo amatur unusquisque propter aliam, ut propter rationem amandi, qualis est amor, quo amatur proximus propter Deum; item in electione mediæ puræ propter finem, quæ non versatur circa finem, ipsum volendo, sed tantum in obliquo ipsum respicit, tanquam rationem volendi mediæ. Hæc ille.

CVI. Unde obiter infero, Cardinalem de Lugo, disp. 1. num. 104. & Ripaldam, disp. 2. num. 33. ex eo quod actus Fidei attingat intrinsecè veracitatem Divinam, ut rationem formalem assentiendi, frustra deducere, quod illam affirmet: ex eo enim id non sequitur; sed solum sequitur, quod vel illam affirmet, vel quod titulo affirmandi mysterium, de se occultum, & impotens exercere munus motivi, supponat essentialiter alium actum proponentem illam auctoritatem, à qua moveatur. Itaque quando auctoritas supponitur affirmata ante assensum mysterij, propterea est motivum intrinsecum, & non merè extrinsecum illius, quia actus ille titulo affirmandi objectum obscurum, & omnino latens, essentialiter supponit judicium, vel saltem apprehensionem suavisimam testimonij Divini, & implicat, ut existat ille assensus mysterij, non prælucente repræsentatione talis motivi; quando autem aliquid movet tantum extrinsecè ad actum, vel potest iste absolute existere, non prælu-

cente illo motivo (sicut potest existere actus misericordiæ, non repræsentatæ pro priori bonitate Divina, amatæ per actum charitatis; & actus charitatis, non repræsentatæ existentia præcepti urgentis ad amandum; & ideo bonitas Divina solum extrinsecè movet ad actum misericordiæ, & præceptum ad actum charitatis) vel licet non possit existere actus, quin præcedat illud motivum, id non provenit ex tendentia ipsius in suum objectum proprium, & peculiare, sed ex perfectione suppositi, in quo existit: sic actus virtutum moralium, si dentur in Deo, essentialiter postulant imperari à charitate, non ratione sui objecti, sed ratione subiecti, nempe Dei exigentis omnia ad semetipsum referre.

CVII. Dicimus ergo, per assensum Fidei, quo credimus existentiam Incarnationis, non debere credi, ut quod, veracitatem Divinam, seu non debere affirmari; sed posse supponi aliunde affirmatam, & nihilominus ab illa intrinsecè moveri assensum Incarnationis: assensus autem veracitatis, qui essentialiter supponitur ante assensum mysterij, non debet esse actus elicitus à Fide, utpote cui essentialis est, credere Deo dicenti, & moveri ab ejus testimonio, sed debet esse elicitus ab alio lumine. Unde sicut assensus conclusionis scientificæ, & assensus principiorum pertinent ad diversos habitus, ita assensus mysteriorum ob veracitatem Divinam, & assensus veracitatis pertinent ad diversa lumina. Quod si necesse foret, ut is, qui assentitur objecto materiali propter formale, eodem actu affirmaret utrumque, tunc assen-



assensus mystetij ob veracitatem Divinam affirmaret quidem veracitatem Divinam, & esset elicitus à lumine Fidei, non tamen foret obscurus, quatenus terminatur ad veracitatem, sed quatenus terminatur ad mysterium, & quatenus terminatur ad veracitatem, supponeret essentialiter illam aliunde cognitam, independentem à testimonio Dei dicentis: ac proinde ille assensus, quatenus affirmat veracitatem ob testimoniū Dei, supponeret illam aliunde cognitam.

CVIII. Nec obstat firmitati & certitudini Fidei, superanti certitudinem scientiæ, quoddam motivum Fidei supponatur aliunde cognitum per scientiam: quia certitudo Fidei non fundatur in certitudine scientiæ præcedentis de veracitate Dei, sed in ipsa veracitate representata per talem scientiam, propter quam veracitatem intellectus confortatur lumine Fidei, accedente imperio voluntatis, certissime credit mysteria revelata. Pro quo nota cum P. Coniok, disp. 9. num. 56. ante omnem assensum Fidei necessariò præcedere duplex judicium: primum, quod credens judicat, Deum esse summè veracem, ita ut nequeat ulla ratione mentiri, quod lumine naturæ notum est: & hoc judicium est etiam necessarium, ut credam Fide Divina, Deum esse primam veritatem; nam nisi prius lumine naturæ scirem, Deum esse summè veracem, id de se testanti tanta firmitate non crederem: secundum, quo judicet, res sibi propositas esse verè firmissima Fide credibiles, id est tales, quas meritò quis credat, esse à Deo revelatas, & propter ipsius auctoritatem firmissimè credendas; quod

judicium, etiam si sæpè supponat aliquam Fidem humanam, qua credimus variis historiis, progressum nostræ Fidei narrantibus, aut communi hominum sensui, aut prudentium, aut sanctorum virorum testimonio, de initio & progressu Fidei nobis multa narrantium, aut testificantium, hæc autilla in scripturis & authenticis historiis contineri, & à tota Ecclesia ab initio fuisse credita. Etsi, inquam, illud judicium ejusmodi Fidem frequenter supponat, non est tamen actus Fidei, sed evidens & certa moraliter cognitio, concepta ex evidentia notarum Fidei, quæ morali evidentia nobis demonstrant, res Fidei esse tales, quas meritò judicemus à Deo esse revelatas: simile quid invenitur etiam in fide humana, nam ut Petro aliquid affirmanti credam, primò necessarium est, ut sciam, illum mihi loqui; secundò, ut judicem, illum esse virum bonæ fidei, cui meritò credi possit.

CIX. Posita hac rei credendæ propositione, ita ut intellectus clarè videat, hanc rem esse talem, quam meritò sibi persuadeat à Deo revelatam, voluntas statim ex pio erga primam veritatem affectu mota, ex ipsius reverentiâ magno conatu impellit intellectum, ut vehementer apprehendat illam majestatem, & auctoritatem, eamque hic & nunc exgere, ut propter ipsam firmissimè credat id, quod tanquam ab ea revelatum tam evidentè proponitur: atque ita partim illa apprehensione, partim imperio & impulsu voluntatis, sine ulla discursu movetur divina auctoritate, & testimonio, ut propter illa immediatè mysterium revelatum credat firmitus, quam



quàm ulli rei naturaliter cognitæ possit assentiri. Ita paucis mutatis, rem explicat P. Coninck ea disp. 9. num. 73. utrum autem assentiat etiam existentæ revelationis ob auctoritatem Dei dicentis; an ob motiva illa, quæ reddunt evidenter credibile, Deum revelasse mysteria nostræ Fidei, dicemus disp. sequenti.

## S. IV.

*Illud axioma, propter quod unumquodque tale. Et illud magis, non habet locum in Fide, sed in scientiis.*

**CX.** Illud autem axioma, *Propter quod unumquodque tale, &c.* solum habet locum in scientiis, & in voluntate, non autem in Fide, quæ longè aliter procedit, ac scientia: nam Fides assumit, tanquam principium, à quo moveatur, Divinum testimonium, quin assumat, ut principium, motivum illud, quo inducti sumus ad credendum, Deum revelasse mysterium; ac scientia nihil assumit ut principium, nisi vel sit per se notum ex terminis, id est notum sine probatione, vel legitime deductum ex per se notis, quatenus ex his deductum, ita nimirum ut non moveatur ad conclusionem scientificam, nisi quatenus probatum ex per se notis: est enim regula, & lex inviolata scientiarum, ut incipiant ex per se notis & acceptis; deinde autem procedant ex aliis deducendo, & probando, neque in progressu liceat quidquam assumere, nisi ut probatum, & probatione ipsa movente, & ideo nihil est virtutis in medio, quod non fuerit in principio, & inde sit derivatum: unde cessante primo cessat to-

tum, cuiusque totus progressus: & quia virtus, quod remotior, eò influit remissius, conclusiones, quò à principiis remotiores, eò sunt minus certæ, ut multi philosophantur: vel saltem, ut omnes fatentur, nequit plus certitudinis esse in progressu vel conclusione, quàm sit vel fuerit in principiis seu præmissis: atque adeo si aliquid claudicat in medio, claudicat in fine, & propterea conclusio sequitur debiliorem partem. Fides autem longè aliter procedit, ut se & ione sequenti explicabimus cum P. Valentia, quia principia sua assumit, non probat, neque habet præmissas, ex quibus incedat, sed præambula, quæ præsupponat, in quibus Fides se non ingerit, sed illis constitutis incipit, eliciendo assensum certiores & firmiores, quàm sit ille, qui versatur circa præambula: siquidem hæc, cognita cognitione inferiore, deregunt auctoritatem Divinam, quæ meretur assensum firmiorem, quàm meruerint ipsa præambula. Aliter ergo procedit scientia quàm Fides: sicut enim scientia non probans non est scientia, ita fides probans non est fides: nam Fides assentitur mysterio, non quia rationibus probetur, esse verum; sed quia Deus dicit, esse verum, propter cuius auctoritatem assentitur firmius, quàm assentitur scientia propter suas probationes.

**CXI.** Cum ergo cognitio veracitatis Divinæ sit præambulum ad assensum Fidei, hic non supponit illam cognitionem, tanquam fundamentum, cui innitatur, vel tanquam regulam, cui commensuretur, sed tanquam conditionem præviam representantem motivum, cui

N 3 Fides

Fides inniti debet: habitus enim Fidei simulcum habitu pietatis affectionis (quæ est specialis virtus moralis distincta ab aliis, ut probat P. Suarez disp. 7. sect. 2.) inclinat intellectum ad assentiendum mysteriis, quæ proponuntur, ut evidenter credibilia, tanquam dicta à Deo, per assensum firmum super omnem assensum: videns enim homo evidens esse, quod possit, ac debeat aliquod mysterium credi, tanquam dictum à Deo, per habitum pietatis affectionis, vel per inspirationem supernaturalem suppletem ejus vices, elicit imperium, quo determinat intellectum, ut propter auctoritatem Divinam, sibi aliunde sufficienter cognitam, assentiatur Deo testificanti mysterium. Unde certitudo actus Fidei commensuratur cum habitu Fidei, & cum habitu pietatis affectionis, & cum auctoritate Divina ut revelante, non autem cum rationibus naturalibus, quibus inducti sumus ad judicandum, Deum esse summè veracem, & revelasse illud mysterium; e contra verò certitudo conclusionis scientificæ debet commensurari cum motivis, quibus intellectus inductus est ad assentiendum præmissis, quia scientia procedit, inferendo unum ex alio, & tota ejus certitudo cœquatur evidentiz objectorum, & evidentiz illationis unius ex alio, quia scientia facit scire, & intelligere, id est quasi intus legere, ut explicat D. Thomas, & ideo est oculata, & comparatur visui, quia, sicut visus, fertur in objecta sua, quatenus apparent & patent per motiva, & principia evidentia; at Fides non est discursiva, sed cœca, quia veritatem non eruit ex natura ipsius veritatis cre-

dendæ, ejusque causis, & effectis, sed ex testimonio, & auctoritate Dei, & ideo non visui, sed auditui comparatur à Paulo, quia non videmus, nisi clara; audimus autem non solum obscura, sed obscurissima, & prorsus inintelligibilia, & ideo Fides dicitur *argumentum non apparentium*. Quam doctrinam accipio ex D. Thoma 1. 2. quæst. 1. art. 2. ubi ait: *Dicendum, quod intellectus credentis assentiunt res credita, non quia ipsam videt, vel secundum se, vel per resolutionem ad prima principia per se visa; sed quia convincitur per auctoritatem Divinam, assentiri his, quæ non videt; & propter imperium voluntatis moventis intellectum, & obedientis Deo.*

CXII. Ex dictis patet ad fundamentum Patris Suarez, ad cujus explicationem dico, dum quis credit mysterium, quia Deus revelavit, per hunc actum non credere formaliter, Deum esse veracem; sed essentialiter supponit illam veritatem aliunde cognitam; & quamvis per illum actum affirmaret, Deum esse veracem, non tamen sumendo pro motivo testimonium Dei, sed rationem naturalem detegentem Dei veracitatem; unde ille actus non esset Fidei obscuræ, quatenus affirmat veracitatem, sed quatenus propter illam affirmat mysterium.

## §. V.

*Proponuntur alia instantia contra nostram sententiam.*

CXIII. **R**ationem supra propositam §. 1. hujus capituli variè confirmat P. Suarez, primò: quia *duobus*, inquit, *modis intelligi potest, ho-*

hominem, qui credit revelata à Deo, credere etiam, Deum esse veracem; primo eodem assensu, quo credit rem revelatam, secundo diversis assensibus: in utroque autem modo necessarium est, ut Fides de ipsa veritate Dei sit supernaturalis & infusa; in primo quidem, nam qui credit aliquid, quod, dicit Deus, quia ipse dicit, necessario credit, Deum in illo actu esse veracem: in hoc ergo modo credendi, qui fortasse est per se necessarius ad Fidem, ratio formalis objecti Fidei non per evidentiam, sed per Fidem cognoscitur eodem actu, quod ipsa credita: in secundo etiam modo necessarium est, ut Fides de veritate Dei sit infusa, nam si per distinctos actus aliquis credat, Deum esse veracem, & esse unum & Trinum, tunc vel unus actus fundatur in alio, vel tantum concomitanter se habent: hoc secundum quamvis admittatur possibile, nihil refert ad præsentem casum, quia tunc actus evidens non fundat Fidem, ac proinde Deus non est objectum formale Fidei, præcisè quatenus cognitus per actum illum evidentem; si autem unus actus fundatur in alio, impossibile est, actum evidentem fundare assensum Fidei, quia actus minus perfectus & minus certus non potest per se sufficere ad actum excellentiorem & certiores.

CXIV. Confirmat primò: quia tunc illi duo actus consuevunt quandam discursum, quatenus unus causatur ex alio, & est ratio alterius; atqui in discursu impossibile est assensum rei cognite esse certiores, quàm sit assensus principij, seu rationis assentiendi: ergo etiam inter illos actus impossibile est,

quod assensus certus tantum per lumen naturale sit principium sufficiens assensus Fidei. Quapropter vel talis modus discursus in Fide locum non habet, ut multi volunt, vel certè si talis discursus admittitur, necessarium est, quod objectum formale præcedat, ut cognitum Fide infusa, & non tantum naturaliter.

CXV. Confirmat secundò: nam hæc veritas: *Deus non potest dicere falsum*, non est tam evidens naturaliter, quàm ab aliquibus negari potuerit, etiam doctis & Catholicis: siquidem Gabriel. Adamus, Olco, & Joannes de Aliaco Episcopus, & Cardinalis docuerunt. Deum de potentia absoluta posse falsum dicere, ut refert ipse Suarez eà disp. 2. sect. 5. num. 3. ergo impossibile est, ut illa veritas tantum naturaliter cognita sit sufficiens, ad assentiendum ratione illius alteri propositioni certitudine Fidei infusæ: quia sicut motivum Fidei non inducit ad assensum certum & infallibilem, nisi ut cognitum tanquam certum & infallibile, ita non movet ad modum & gradum certitudinis, nisi juxta gradum & modum, quo ipsummet cognoscitur ut verum & infallibile.

CXVI. Quia vero huic rationi posset aliquis respondere, cognitionem illius principij, quatenus est actus hominis, non esse causam per se assensus Fidei, neque rationem assentiendi, sed meram applicationem objecti formalis, & ideo ratione objecti applicati posse sufficere ad certiores assensum, quàm sit cognitio ejusdem principij: Contra insurgit Eximius Doctor: quia hoc non enervat vim rationis, quia si actus naturalis hoc tantum modo concurrat, neces-

cessaria erit alia cognitio perfectior ipsius objecti formalis, ut possit intellectum movere ad assensum Fidei, quia non movet nisi ut cognitum, & hoc est per se necessarium, ut possit inducere intellectum ad assensum, & ideo oportet, ut in eodem ordine, & cum eadem certitudine cognoscatur per alium actum, distinctum ab actu naturali, sive ille sit etiam distinctus ab actu, quo creditur res alia revelata, sive idem cum illo.

CXVII. Confirmat tertio, & ultimo ex generali doctrina D. Thomæ 1. 2. quæst. 63. art. 3. in Corpor. & ad testimonium, quod ratio naturalis non potest esse sufficiens regula virtutum per se infusarum, ut explicat late idem eximius Doctor, lib. 2. de grat. cap. 16. est ergo magis necessarium in virtutibus Theologicis, quia sunt perfectiores in eodem superiori ordine: mensura autem, seu regula debet esse homogenea cum regulato, vel certe non potest esse inferioris ordinis: ergo actus Fidei infusus non potest regulari per actum rationis naturalis, neque per Deum ipsum ut cognitum ratione naturali, quia ut sic etiam continetur in inferiori ordine. Hæc est sententia Eximij Doctoris, pro qua citat D. Thomam, Scotum, Capreolum, atque Marfilium.

## §. VI.

*Solvuntur illa instantia, & exponitur natura assensus Fidei; & probatur, Fidem non esse discursivam, neque esse actum Fidei hanc conclusionem: Trinitas est vera: prout deducitur ex his præmissis. Quidquid Deus revelat, est verum; sed Deus revelat*

Trinitatem.

CXVIII. **A**D primam confirmationem fundamenti Patri Suarez, respondeo, assensum veritatis, præsuppositum ad actum Fidei, quo credo mysterium propter veritatem, non facere discursum cum actu Fidei, quia non præsupponitur ad illum tanquam præmissa ad conclusionem, sed tanquam applicatio motivi, ob quod ex Imperio voluntatis tribuo assensum firmiorem & certiore, quam sit assensus veritatis: sicut quando credo veritatem aliquam, quia definita est in aliquo Concilio, assensus iste Fidei summè certus supponit actum Fidei humanæ minus certum, quo credo, Concilium definiisse illam veritatem. Quare, ut docet P. Valentia, disput. 1. quæst. 1. punct. 2. si qui assensus priores necessarii sunt, antequam eliciatur assensus Fidei infusus, hi tantum sunt conditiones requisitæ ad assentiendum rebus Fidei, ob naturam intellectus nostri, qui obscura & difficilia persuadere sibi non potest absque motivis distinctis: unde non antecedunt assensum Fidei Divinæ, tanquam præmissa in vero discursu, sed solum tanquam conditio quædam requisita, sine qua non eliceretur ille actus: Fides enim nullo modo mediante discursu elicit suos assensus; sed sicut visus immediatè fertur in objecta sua sub ratione lucidi, ita etiam Fidei habitus in sua sub ratione Divinæ revelationis. Additque, id pro certo supponere omnes Theologos; citat vero Scotum, Capreolum, Cajetanum, & Andream de Vega. Idemque docent Eximius Doctor, disput. 6. sect. 4. Turrianus, disput. 6. dub.



dub. 1. Conink, disp. 9. a num. 9. Granadus, tract. 9, disput. 1. num. 7.

CCIX. Sed tamen assensum Fidei posse per discursum generari, affirmat Cardinalis de Lugo, disp. 7. num. 2. citans pro hac sententia Okamum, Gabrielem, Almainum, atque Marsilium, & è nostris Patrem Vazquez, Becanum, Hurtadum, & Ripaldam, qui asserunt, conclusionem elicitam ex his præmissis, & contentam in hoc discursu: *Quid quid Deus revelat, est verum; sed Deus revelat Trinitatem: ergo Trinitas est vera*, esse actum elicatum ab habitu Fidei. Nos verò cum Authoribus primæ sententiæ dicimus, licet omnes veritates Fidei possint per discursum agnosci, non tamen esse actus Fidei sub hac ratione, sed in quantum sine discursu ob Dei auctoritatem creduntur. Rationem assignat P. Conink: quia ut quis assentiat alicui propositioni per discursum, non sufficit, quòd ei assentiat propter aliam rem distincto actu cognitam, sed debet illi assentiri propter cognitionem illius rei, ita ut cognitio sit causa objectiva assensus consequentis; hoc autem in Fide non fit: neque enim credo, Deum esse, Trinum, quia credo, Deum id revelasse, sed simpliciter, quia ipse hoc revelavit. Et hoc ipsum docet Granadus, ubi supra, & tract. 1. disp. 5. n. 32. ubi ait, conclusionem resolvit, non solum in præmissas objectivas, sed etiam in formales.

CCX. Quòd autem res ita se habeat, probat P. Conink: quia aliàs non possemus credere, Deum esse, nisi antè crederemus, eum hoc revelasse, & consequenter, nisi priùs crederemus, Deum esse: nam hæc propositio, *Dens hoc re-*

*velavit*, includit hanc, *Dens est*, quia est idem cum hac, *Dens est hoc revelans*: atque ita priùs crederemus, Deum esse, quàm crederemus, eum esse, quod repugnat. Ut ergo huiusmodi absurda vitemus, dicendum est, nos non credere, Deum esse, aliàque revelata, quia credimus, ea esse revelata, sed immediatè, quia revelata sunt. Verùm hæc probatio non concludit: nam quamvis quis per Fidem crederet, Deum existere, quia credidit, Deum id revelasse, non propterea crederet existentiam Dei, quia pro priori credidit existentiam Dei: nam hæc propositio; *Dens est revelans sui existentiam*, est de materia contingenti, & hæc, *Dens est*, est de materia necessaria, ac proinde sunt diversæ, nec secunda includitur in prima: quamvis autem hæc: *Dens est revelans*, supponat cognitam existentiam Dei aliunde, non tamen supponit creditam per Fidem, ac proinde non crederet quis existentiam Dei, quia illam priùs credidit, sed crederet per Fidem, quia priùs cognovit per rationem.

CCXI. Melius potest id ipsum suaderi: quia ut conclusio sit scientifica, non sufficit, objectum præmissarum esse in se evidens, sed requiritur, quòd evidenter cognoscatur per præmissas: nam objectum evidens potest cognosci per cognitionem duntaxat probabilem; si autem præmissæ objectivæ evidentes cognoscantur per præmissas duntaxat probabiles, conclusio evadit solum probabilis: ergo ut conclusio sit evidens, debent præmissæ formales esse evidentes: ergo evidentia præmissarum formalium ipsius in evidentiam



conclusionis : ergo præmissæ formaliter movent objectivè , & ut *quod* ad conclusionem , ac proinde ista vel formaliter , vel virtualiter reflectit supra præmissas. Non ita res se habet in Fide mysteriorum , quæ æquè certa est , sive veracitas supponatur cognita per cognitionem metaphysicè evidentem , sive per iudicium solum moraliter certum , quo quis sibi persuadet , Deum esse summè veracem , & revelasse illud mysterium.

CXXII. Alia etiam ratione probatur, Fidem non esse discursivam : quia in discursu formali nequit conclusio certior esse, quàm præmissæ , sed potius est minùs certa, & sequitur debiliorem partem : unde quamvis altera ex præmissis sit evidens, si altera sit solum probabilis, conclusio evadit solum probabilis ; atqui actus Fidei est certior , quàm ullus actus scientiæ : ergo conclusio in discursu formali nequit esse actus elicitus à lumine Fidei. Minorem contra Durandum docent communiter Theologi ex Patribus , & Scripturis apud P. Suarez disp. 6. sect. 5. numer. 10. & apud P. Valentiam disp. 1. quæst. 4. punct. 8. ubi etiam temerariam appellat sententiam Durandi. Rationem à priori, cur Fides certior sit, quàm scientia , supra reddidimus ex P. Suarez c. 3. §. 2. nam conclusio scientifica certior esse non potest, quàm sint præmissæ , sed semper est minùs certa ; at actus Fidei assentiens mysterio propter autoritatem Dei revelantis certior est, quàm actus scientiæ , præcedens tanquam præambulum , quo nimirum quis evidenter cognoscit, Deum esse summè veracem, & per argumenta cre-

dibilitatis convincitur, revelasse mysteria Religionis Christianæ , ut supra ostensum est.

CXXIII. Si autem quæras rationem , cur in discursu formali conclusio sit minùs certa , quàm præmissæ ? illa est ; quia ut conclusio sit certa , debet utraque præmissa esse certa , & insuper debet esse evidens illatio conclusionis ex præmissis , atque adeo debet cognosci evidenter : quantumcumque enim præmissæ sint certæ , si tamen consequentia sit dubia , aut duntaxat probabilis , assensus conclusionis erit dubius, aut solum probabilis : ergo conclusio minùs infallibilis est, quàm præmissæ , quia, ut infallibilis sit , requirit, ut neque major, neque minor syllogismi , neque illatio fallax sit , & illusoria ; at quælibet ex præmissis , ut sit vera & infallibilis, solum requirit , quòd ejus motivum non sit fallax , ac proinde unicuique sufficit sua evidentia , ut sit certa & infallibilis ; facilius autem est magisque contingens, ut ex tribus , vel duabus evidentiis aliqua illusoria sit, vagè & confusè loquendo, quàm una ex illis determinatè ; difficiliusque est , nullam ex illis fallere , quàm non fallere aliquam : ergo præmissæ longius abunt à fallacia, quàm conclusio , siquidem paucioribus indigent ad sui veritatem & certitudinem , quàm conclusio , atque adeo sunt magis certæ , quàm illæ ; ergo cum actus Fidei sit magis certus , quàm ullus actus evidens, implicat, ut sit actus Fidei conclusio, deducta ex duplici præmissa , altera evidenti , & altera de Fide.

CXXIV. Ex dictis patet, quid sit dicendum ad secundam confirmationem

argumenti Patris Suarez, propositam ad finem. Dum enim dicitur, auctoritatem Dei ut revelantis non movere, nisi ut cognitam, *lyne* non reduplicat rationem formalem movendi, sed conditionem, sine qua auctoritas Divina non moveret: unde certitudo actus Fidei non commensaturatur cum certitudine illius cognitionis præviæ, sed cum auctoritate Divina per illam proposita. Ad tertiam & ultimam confirmationem desumptam ex eo, quod ratio naturalis nequit esse sufficiens regula virtutum per se infusarum, respondeo, inde non probari, quod veracitas, & revelatio Divina debeant præsupponi cognitione per actum Fidei Divinæ; sed satis est, quod supponantur cognitione per actum supernaturalem evidentem, vel moraliter certum elicitedum viribus gratiæ: quando enim Deus homini confert actum Fidei supernaturalis, hoc ipso vult conferre illi auxilium gratiæ, quo cognoscat auctoritatem & revelationem Dei, modo proportionato ad eliciendum actum Fidei supernaturalem: quamvis enim per actum naturalem posset cognoscere auctoritatem & revelationem, tamen quando eliciendus est actus Fidei supernaturalis, illas cognoscit per actum supernaturalem. Præterea quamvis actus, quo prius ad actum Fidei quis cognoscit, Deum

esse summè veracem, foret merè naturalis, posset pro posteriori elici actus Fidei supernaturalis circa mysterium, quia illa cognitio esset dispositio merè physica & remota ad actum Fidei supernaturalis; non autem dispositio moralis, movens Deum ad dandum actum Fidei supernaturalis, illūve merens de congruo, & aliunde per actum merè naturalem potest representari motivum Fidei Divinæ.

CXXV. Nec faver sententiæ Patris Suarez D. Thomas eo loco, quem pro se citat, nempe 2.2. quæst. 1. art. 5. ad 1. & 3. solū enim ibi docet, non posse credi per Fidem id, quod cognoscitur per scientiam, dum sic cognoscitur: unde potius infertur, eum, qui habet evidentem demonstrationem de veracitate Divina, non posse assentiri mysterio propter veracitatem, ut cognitam per fidem, sed ut cognitam per scientiam. Nec item faver ipsi, quod S. Doctor docet quæst. 2. art. 4. ibi enim solū probat, ut citius & firmius homines Dei notitiam assequerentur, necessarium fuisse illis, non solū suscipere per Fidem, quæ supra naturalem rationem sunt; sed ea, quæ naturali lumine investigari possunt: hoc autem non probat, non posse veracitatem, ut cognitam lumine naturæ, movere ad Fidem mysteriorum.



## CAPUT QUINTUM.

*Obiiciuntur nobis varia fundamenta, quibus probari solet, non posse Fide Divina credi mysterium propter revelationem, quin Fide Divina credatur existentia revelationis propter se ipsam.*

## §. I.

**CXXVI.** Pater Suarez consequenter ad ea, quæ disp. 3. sect. 6. dixerat de veracitate, sect. 12. asserit, non posse aliquem credere Fide Divina mysterium ob testimonium Dei dicentis, quin Fide Divina credat existentiam ejusdem testimonij. Eandem sententiam tuentur P. Vazquez 1. 2. disp. 201. cap. 2. quatenus ait, primum, & per se credendum in assensu cujuscumque mysterij esse, illud dixisse Deum. P. Copinck disp. 9. num. 11. citans D. Thomam, Cajetanum, Valentiam, & Turrianum. Granadus tract. 1. disp. 5. numer. 21. Esparza quæst. 16. & denique P. Elizalde in manuscriptis de Fide, citans pro eadem P. Tannerum, licet postea in tractatu de forma veræ Religionis inveniendæ eam doctrinam retractaverit. Fundamentum hujus sententiæ propositum à P. Suarez est; quia necesse est, inquit, ut, qui credit res revelatas à Deo, credat etiam ipsam revelationem: idemque manifestè constat ex fide humana; quomodo enim intelligi potest, quòd quis credat sententiam aliquam ob Augustini auctoritatem, nisi credat, Augustinum illam docuisse? ergo necesse est, ut utrumque

credat, saltem æquali certitudine, quia nullus potest prudenter firmius credere rem dictam, quia dicta est, quin credat esse dictam, ut experimento constat, & ratione, quia hoc est fundamentum illius, & non potest firmius esse ædificium, quàm fundamentum. Idque patet à contrario; nam si quis dubitaret, aut formidaret, an mysteria nostræ Fidei essent dicta à Deo, consequenter necessariò vacillaret in Fide ipsorum mysteriorum, ergo necesse est, ut utrumque eadem Fide teneat, scilicet & rem dictam, & Deum illam dixisse: supponimus enim non dari evidentiam, præsertim supernaturalem, hujus revelationis, qua seclusa, nequit esse æquè certa, nisi per eandem Fidem Divinam teneatur. In confirmationem hujus sententiæ adducit omnia argumenta, quibus cap. præced. §. 5. contendebat, veracitatem debere cognosci per Fidem, idque demùm explicat: nam qui per Fidem credit aliquam veritatem, credit illam, quia dicta est à Deo: ergo necessariò, & intrinsecè per illum actum credit, illam dictam esse à Deo. Probatur consequentia: quia hæc causalis: *Hoc creditur, quia dictum est à Deo:*

includit veritatem hujus propositionis : *Hoc dictum est à Deo* , quæ est fundamentum credendi alia ; ergo non potest assensus terminari ad veritatem rei creditæ , quin simul terminetur ad hanc veritatem , quodd illud sit dictum à Deo. Idque declarat Capreolus exemplo visus , cujus actus non potest terminari ad colorem , quin simul per illum videatur lumen , quia ita est ratio videndi colorem , ut sit etiam visibile , & necessariò simul videndum ; ita etiam dictio comparatur ad rem dictam , quia est ratio credendi , & talis , ut sit etiam medium , & motivum credendi.

CXXVII. Fundamentum verò ejusdem sententiæ , prout propositum à P. Coninck , ubi suprà , est hujusmodi : nam Fide Theologica credimus , non solum articulos Fidei esse veros , sed etiam eos esse à Deo revelatos ; esset enim verè hæreticus , qui hoc negaret ; atqui Fides Theologica necessariò habet pro objecto formali testimonium Dei , sicut fides humana testimonium hominis ; ergo assensus ille , quo credimus , eos articulos esse à Deo revelatos , habet pro objecto formali Dei testimonium. Quod confirmat : quia quando Deus nobis aliquid revelat , simul etiam simpliciter testatur , se ea revelare : ergo sicut propter ejus testimonium credimus , ea esse vera , ita ob idem testimonium simul credimus , ea esse à Deo revelata. Antecedens suadetur ex fide humana : nam cum Petrus mihi dicit , *Joannes est mortuus* , non solum significat , Joannem esse mortuum ; sed etiam se judicare , hoc ita esse , seque velle hoc mihi indicare ; atque adeo , se id facto face-

re : unde facerem eundem mendacem , non solum si negarem , Joannem esse mortuum , sed etiam si dicerem , eum hoc non scire , aut contrarium in animo judicare ; ergo idem significat Deus , cum dicit : *Verbum caro factum est* , &c. Quare ut docet P. Granadus tract. 1. disp. 5. num. 21. cum veracitas , & revelatio pertineant ad objectum formale Fidei , quando quis credit mysterium ob authoritatem Dei revelantis , & credit , Deum esse veracem , & credit , mysterium fuisse ab eo revelatum. Quo etiam pacto id ipsum explicat P. Valentia disp. 1. q. 1. punct. 1. in octava difficultate in secunda responsione.

CXXVIII. Ejusdem sententiæ fundamentum proponit Puente Hurtado disp. 7. §. 28. ubi contendit , authoritatem humanam Ecclesiæ , proponentis existentiam revelationis , non esse motivum assensûs , quo credo existentiam revelationis : quia alioqui non essem certus de existentia mysterij revelati. Quod explicat exemplo : nam si mihi proponatur à Prætoris promissio jurata Regis de mihi donando munere , non sum certus de munere , quamvis certissimus sim de Regia fidelitate , quia non sum certus de veracitate Prætoris proponentis. Rationem à priori reddit : quia de articulo revelato , & objecto materiali non habeo majorem certitudinem , quàm de revelatione , & objecto formali : ergo si respectu assensûs , quo credo existentiam revelationis , authoritas humana Ecclesiæ est objectum formale , de revelatione non habeo majorem certitudinem , quàm de authoritate humana , & de mysterio , quàm de

de eadem revelatione , & autoritate : ergo in credendis mysteriis deficit fortitudo solatii , quamvis immediatè quis credat mysterium propter testimonium Dei : quemadmodum conclusio est minus certa, quàm Fides, quia deducitur ex principio naturali minus certo. Hoc autem est contra Paulum ad Hebræos 6.v.18. qui, ut nos redderet certos hæreditatis futuræ, duplicem rationem adducit, & utramque infallibilem, nempe promissionem, & juramentum , *ut per duas res immobiles, quibus impossibile est mentiri Deum, firmissimum solacium habeamus.*

CXXXIX. Si autem ab his Authoribus quæras , quodnam, sit motivum, quo per Fidem creditur existentia revelationis, jam ferè omnes docent, ad assensum existentiz revelationis movere immediatè ipsam revelationem, ut testatur Ripalda disp. 3. num. 41. citans pro hac sententia Suarezium, Turrianum, Hurtadum, Valentiam, & Lorcam.

§. 11.

*Impugnantur illa fundamenta, & ostenditur, quòd cum nobis non minùs obsecrum sit, Deum revelasse mysteriũ Trinitatis, v.g. quàm Deũ esse Trinum, sicut fieri non potest, ut assentiamur existentia revelationis propter ipsã, ita fieri non posse, ut assentiamur existentia revelationis aliis facta propter ipsam; sed necessarium esse, ut intrinsecè moveamur ab aliquo alio motivo, persuadente, Deum revelasse mysterium.*

CXXX. **A**sserendum nobis est, ad credendũ mysterium propter revelationem, seu propter auctoritatem Dei dicentis, non esse necessari-

um, ut existentiam revelationis credamus propter testimonium Dei, seu ut credamus Fide infusa & obscura existentiam revelationis. Probatur autem assertio : quia licet summa Dei auctoritas essentialiter connectatur cum eo, quòd assertio, seu loquutio Divina sit vera, ex suppositione quòd existat, non tamen connectitur cum eo, quòd existat : ergo motivum sufficiens ad credendam existentiam revelationis Divinæ non est sola auctoritas Dei ; at neque est ipsa, ut conjuncta cum ipsa revelatione : ergo non credimus existentiam revelationis propter auctoritatem Dei, testificantis existere revelationem.

CXXXI. Probatur minor : quia si ob aliquam rationem revelatio ipsa conjuncta cum auctoritate Dei posset movere ad assensum de sui existentia, maxime ob illam, quam expendit Eximius Doctor disp. 3. sect. 12. quia nimirum in actu exercito, dum Deus aliquid dicit, quasi per intrinsecam reflexionem ejusdem actus in se ipsum dicit, se dicere, sicut eodem actu, quo Deus aliquid scit, necessariò etiam scit, se scire : quod etiam de scientia demonstrativa attingit Aristoteles 1. posterior. cap. 2. & inter homines etiam, quamvis, qui loquitur, per expressum actum reflexum non dicat, se loqui, loquendo id satis dicit in actu exercito : & hac ratione quando aliquid sufficienter proponitur, ut dictum à Deo, eo ipso loquutio ipsa sufficienter proponitur, ut verbum Dei ; & ideo non tantùm res dicta, sed etiam loquutio ipsa accipienda est & credenda, ut verbum Dei, juxta illud Pauli 1. ad Thessalonicenses 2.



les, 2. *Cum accepissetis à nobis verbum auditus Fidei, accepistis illud, non ut verbum hominum, sed, ut verè est, verbum Dei*; hoc ergo modo Divinum verbum, & rem dictam, & se ipsum dicit, & hæc ratione per Fidem infusam creditur, non per resolutionem in aliud verbum, sed per se ipsum. Hæc Eximius doctor, ad quam solutionem recurrunt etiam P. Valentia disp. 1. q. 1. punct. 1. §. 5. in octava difficultate, P. Coninck disp. 9. n. 71. P. Granadus tract. 1. disp. 5. n. 11. & 12. & Recentiores communiter,

CXXXII. At hæc ratio non satisfacit; nam cum fideles credunt mysteria, revelatio non est facta ipsis immediate, sed credunt propter revelationem aliis factam, sibi verò sufficienter propositam; unde quamvis Deus per revelationem dicat, se revelare mysterium; cum hoc non dicat, neque manifestet homini nunc credenti, iste non potest credere existentiam revelationis præteritam, nisi assignetur motivum, inducens ad credendum, revelationem extitisse; & quamvis Dei veracitas postulet, ut sit vera revelatio, quatenus affirmat sui existentiam, sicut postulat, ut sit vera, quatenus affirmat existentiam mysterij; non tamen postulat, ut existat ejusmodi revelatio: ergo impossibile est, ut quis credat existentiam revelationis præteritæ, eò quòd illa supra se reflectebat, quando existebat.

CXXXIII. Ad conficiendum secundum argumentum suppono, quòd, sicut Fide Divina credimus, Deum esse Trinum, quia ille de seipso id revelavit, ita Fide Divina credimus, Deum revelasse mysteria Religionis Christianæ:

atque adeo ipsa revelatio mysteriorum potest proponi, ut mysterium credendum ut quod; per Fidem infusam: *Hæc est veritas certa*, inquit P. Suarez disp. 3. lect. 12. num. 8. *quia sapissime*, & variis modis est in Sacra Scriptura revelata; quoties nempe Scriptura Sacra dicit *factum esse verbum Domini ad Prophetas*, & quoties Prophetæ dicunt: *Hæc dicit Dominus*: sic testatur D. Petrus epist. 2. cap. 1. *Quòd Spiritu Sancto inspirante, loquenti sunt sancti Dei homines*, & Ecclesia in symbolo canit de Spiritu Sancto, quòd *loquutus sit per Prophetas*, & Christus ipse Joann. 7. dicebat: *Alia doctrina non est mea, sed ejus, qui misit me*. Hoc posito.

CXXXIV. Sic argumentor: quando credimus existentiam revelationis mysteriorum Fide Divina, motivum hujus Fidei est revelatio reflexa, habens pro objecto revelationem directam; at non est revelatio reflexa, ut credita Deo, dicenti & revelanti, se revelasse revelationem reflexam, quia sic daretur processus in infinitum; siquidem ad credendam secundam revelationem reflexam esset necessaria tertia, & ad tertiam quarta, & sic sine termino: ergo motivum Fidei reflexæ, qua credimus Deum revelasse mysteria Religionis Christianæ, est revelatio reflexa, ut cognita aliunde, quàm per fidem obscuram, innitentem testimonio Dei dicentis: ergo potest dari actus Fidei, qui moveatur à revelatione, non cognita per Fidem ejusmodi: ergo universaliter ad credendam aliquam veritatem revelatam ut quod, non est necesse, ut revelatio illius veritatis credatur

tur per Fidem obsecram, innitentem testimonio Dei.

CXXXV. Nec satisfacies, si dicas, revelationem illam reflexam per se ipsam credi, & sic vitari processum in infinitum: etenim illa non minus obscura est, quam revelatio directa, & proposita per sui apprehensionem non magis conciliat assensum illa, quam ista: ergo non magis potest movere ad sui assensum una quam alia: ergo impossibile est, ut quis firmiter judicet, illam revelationem existere, quin ad ita iudicandum inducatur ab aliquo motivo distincto ab ipsa; ubi enim obiectum affirmatum, ex terminis suis propositum, non conciliat assensum sui, necesse est, ut iste nitatur in alio motivo, quia intellectus nequit aliquid affirmare, nisi sub ratione veri.

CXXXVI. Dices ex P. Valentia disp. 1. quæst. 1. §. 5. in responsione ad octavam difficultatem, non esse opus, ut in universum omne obiectum, cui Fides assentitur, sit revelatum, sed satis esse, ut sit revelatum, vel ipsa revelatio: sicut non est necesse ut omne obiectum, in quod potentia visiva fertur, sit lucidum, sed satis est, ut sit lucidum, vel ipsa lux, quam etiam videmus. Ac suaderetiam potest, inquit, ex ipsa natura rationis *sub qua*, sive fundamento assensus: habet enim illa, ut sit veluti regula quædam potentie, vel habitus; regulam autem non oportet attingere, ut regulatum aliquid, sed ut regulam. Sic ergo in proposito rectè potest intelligi, naturam Fidei esse talem, ut ex se habeat ordinem, & ad ea, quæ sunt extrinsecè revelata, & ad ipsam etiam revelatio-

nem; sic ut non solum in revelata possit ferri, tanquam in obiectum, sed etiam in ipsam revelationem, quæ similiter fulciatur, ac sustentetur, ac proinde ipsa revelatio non modò sit obiectum *quod*, sed etiam exerceat munus obiecti *quo*, sive rationis formalis *sub qua* respectu sui ipsius.

CXXXVII. Sed contrà: quia cum proprium sit Fidei, præbere assensum veritati ob auctoritatem Dei revelantis, non potest ad ipsam attingere, præbere assensum existentie revelationis, cui innititur: quia vel illa revelatio est evidens, sive ipsam evidenter manifestans, sicut lux, & tunc assensus ille est evidens, & non pertinet ad Fidem; vel revelatio est omnino latens & obscura, sicut mysterium, & tunc motivum assentiendi existentie revelationis nequit esse ipsa revelatio, sed aliquid extrinsecum, nimirum auctoritas proponentis existentiam revelationis, vel miracula, vel aliquid huiusmodi. Unde dispar est ratio de luce, quæ per se ipsam innotescit, ac proinde & est ratio videndi colores, quia isti, seclusa luce, omnino laterent, & est ratio, cur ipsa videatur.

CXXXVIII. Argumentor tertio: quia cum revelatio sit quid contingens, ex terminis suis est indifferens ad existendum, & non existendum, & proposita ex terminis non magis conciliat assensum de sui existentia, quam de non existentia, nec minùs nobis obscurum & occultum est, Deum revelasse Trinitatem Apostolis & Prophetis, quam Deum esse Trinum; sed quia mysterium est de se occultum, & propositum ex terminis non conciliat sui assensum, nec possu-

possumus assentiri mysterio propter se ipsum; sed propter motivum distinctum: ergo quia revelatio de se est occulta nobis, & proposita ex terminis non conciliat assensum de sui existentia, non possumus assentiri ipsi propter ipsam, sed propter motivum distinctum. Responder P. Elizalde in manuscriptis de Fide, mysteria quidem indigere motivo, non quia obscura sunt, sed quia se ipsa neque obscure affirmant: quapropter neque ad se, neque ad alia credenda Fidem movent; constat autem, revelationem saltem movere ad alia credenda, eò quòd illa asserat: cum ergo revelatio etiam se ipsam affirmet, etiam movebit ad se ipsam credendam. *Est etiam* inquit, *specialis ratio*, ne mysteriis propter se credat Fides; credat autem revelationi: quia Fides, ut Fides, alicui dicenti necesse est credat; ac per mysterium nihil dicitur, dicitur autem per revelationem: ergo &c.

CXXXIX. Sed contrà: quia quòd revelatio, si semel existit, se ipsam significet, sicut significat mysterium, deservit quidem, ut ego credam, illam esse veram in significando, quia Deus nequit falsum loqui, non deservit autem, ut ego credam, illam existere, quia illa non probat sui existentiam magis quàm mysterium illi intellectui, respectu cuius est omnino absens, & præterita, ut est respectu nostri, qui nunc credimus, Deum olim revelasse mysterium Trinitatis v.g. Prophetis & Apostolis, & per ipsos illud nobis credendum tradidisse. Unde quòd revelatio seipsam affirmet, deserviet, ut intellectus, qui in se experitur revelationem affirmantem sui exi-

stentiam, & existentiam mysterij, propter revelationem credat existentiam mysterij, & existentiam ipsius revelationis, quam experitur, ut intellectus meus, qui illam non experitur, affirmet ejus existentiam, quia revelatio illa proposita per sui apprehensionem non magis conciliat assensum de sui existentia, quàm ipsum mysterium; dum autem quis credit revelationi, affirmanti sui existentiam, quia hanc experitur, jam independentem à Fide cognoscit existentiam revelationis; ergo ut quis propter revelationem credat mysterium, debet independentem à Fide cognoscere existentiam revelationis.

CXL. Hinc reicienda est solutio magis acuta, quàm solida, qua idem Elizalde, Valentiam sequutus, usus est in manuscriptis de Fide, ad solvendum argumentum suprà à nobis propositum: dicebat enim, omnem loquutionem in semetipsam reflectere, & omnem affirmationem, & objectum & se ipsam affirmare: & ideo illam ad objectum credendum, & ad seipsam credendam pariter movere, & ducere; Divinam autem loquutionem, cum Divinæ cognitionis, & conceptus sit manifestatio, qui est veluti infinita quædam in seipsam reflexio, & sine fine omnium quæribilium solutio, & responsio, esse similiter infinitam quamdam reflexionem, affirmantem se & sui affirmationem, & affirmationis affirmationem sine fine. Unde quærenti: cur credis incarnationem? respondebitur: quia Deus dicit; & quærenti: cur credis, Deum dixisse? respondebitur: quia

ipse dixit, se dixisse; & querenti: cur hoc ipsum credis? semper, & sine fine respondetur, idem quidem re, sed diversum ratione, quia illæ reflexiones differunt ratione. Dicebátque, hanc distinctionem satis superque esse ad evitandam petitionem principij.

CXLI. Hæc tamen subtilitas Authori ipsi postea displicuit in opere de forma veræ Religionis inveniendæ; & ex dictis rejicitur: quia cum in ipsa loquutione, & assertione Divina duplex sit veritas; alia in essendo, consistens in ejus entitate, vi cujus est vera & realis loquutio, & non ficta, quam veritatem haberet, etiam si per impossibile falsum enuntiaret; alia in representando, consistens in eo, quod objectum se habeat, sicut per loquutionem affirmatur; sanè prior veritas in essendo est non minus obscura nobis, quam veritas mysterij: quia cum ex terminis omnis revelatio sit indifferens ad existendum, vel non existendum, non magis potest, secluso alio motivo, persuadere assensum de sui existentia homini, in quo non existit, vel cui immediate facta non est, quam mysterium Trinitatis, quod ex terminis suis non potius persuadet sui possibilitatem, quam impossibilitatem.

CXLII. At revelatio Divina ex terminis persuadet sui veritatem in representando, quia, etiam si Deus non sit determinatus ad revelationem ponendam, ex suppositione tamen quod ponat, nequit ponere revelationem falsam. Unde si semel quis assentitur existentie revelationis Divinæ, prudentissime assentitur mysterio revelato pro-

pter veritatem revelationis in significando, & illa, quæ persuadent, Deum revelasse mysterium, hoc ipso persuadent assensum mysterij, quia aliunde supponitur, Deum non posse revelare falsum; & ideo revelatio potest esse motivum ad credendum mysterium; istud verò nequit esse motivum ad Fidem sui, vel Fidem alterius, quia non habet veritatem in significando, & dicendo. Cæterum veritas in essendo ipsius revelationis ad sui assensum non movet, quia eatenus assensum meretur, quatenus constat; at illa non constat ex terminis suis proposita intellectui, siquidem termini isti: *Revelatio mysterij Incarnationis*, nullam habent connexionem cum existentia talis revelationis, neque ad illam affirmandam inclinant; nec item constat quasi per experientiam, & intuitionem ad instar sensibilem, cum ipsa in se non conspiciatur; ergo ut affirmemus ejus existentiam, hæc debet nobis constare, vel per testimonium Ecclesiæ illam proponentis, vel per argumenta moraliter evidentia, aut valde probabilia, suadentia ejus existentiam; ergo impossibile est, ut revelationem obscuram credamus propter ipsam.

CXLIII. Quod confirmo: nam sicut impossibile est, ut credam Deo, dicenti se existere, & se esse veracem, nisi aliunde, & independenter ab ipsius testimonio sciam, illum existere, & esse veracem, ita impossibile est, ut credam revelationi, affirmanti se existere, nisi independenter ab ejus affirmatione cognoscam ipsam existere. Hoc autem cognoscere non possum, nisi vel revelatio sit intrinseca meo intellectui, & per

se ipsam mihi experimentaliter innotescat, vel per sensus meos illius existentiam percipiam, vel per motivum extrinsecum mihi persuadeam, existere, vel exstitisse revelationem illam, quæ ex terminis suis proposita non conciliat assensum de sui existentia. In nostro autem casu, in quo credit existentiam revelationis ille, cui ipsa immediatè facta non est, hæc non est intrinseca ejus intellectui, neque per sensus percipitur ejus existentia: ergo solum per medium distinctum potest induci, ad affirmandum, talem revelationem exstitisse, v.g. quia id testatur Ecclesia, quæ magnam habet auctoritatem humanam, vel quia miracula, & alia argumenta evidentiæ, aut per se valde probabilia persuadent, ipsam existere.

CXLIV. Respondebis ex P. Puente, Hurtado, disput. 15. §. 3. & disput. 7. §. 89. ex P. Valentia, disput. 1. quæst. 1. punct. 1. §. 6. ex P. Suarez, disput. 3. sect. 12. num. 14. & ex aliis communiter, auctoritatem Ecclesiæ, ejusque propositionem, miracula, & alia hujusmodi, esse conditionem *sine qua non*, ut intellectus credat existentiam revelationis propter ipsam, quia per propositionem Ecclesiæ, aliæque argumenta redditur existentia revelationis evidenter credibilis, & inde moveretur voluntas ad imperandum per piam affectionem intellectui, ut assentiatur revelationi propter ipsam, & mysterio propter revelationem.

CXLV. Itaque communiter Doctores assentes, existentiam revelationis debere credi per Fidē Divinam, ut propter illam credamus mysteria,

dicunt, posse intellectum nostrum immediatè assentiri per habitum Fidei omnino infallibilem objecto, quod ex terminis suis neque est per se notum & evidens, neque evidenter probabile & verisimile, sed omnino obscurum. Rationem reddunt: quia licet ex terminis non constet, objectum esse verum in re, potest tamen constare, esse prudenter credibile: ubi autem constat, objectum esse prudenter credibile, potest intellectus ipsi immediatè assentiri prudenter, quia credit id, quod est prudenter credibile. Quare quando intellectus assentitur existentia revelationis, juxta sententiam communem duo judicia existunt in intellectu credentis: primum, quo dicit: *Revelatio est prudenter credibilis*; secundum, quo dicit: *Revelatio existit*: assenti que illa sententia, hoc secundum judicium esse actum Fidei, & intrinsecè non moveri ab alio motivo, sed immediatè ferri in revelationem propter ipsam; primum autem judicium non esse actum Fidei, sed appellari judicium credibilitatis objecti, & esse evidens, ejusque motivum esse auctoritatem humanam Ecclesiæ, miracula, & alia argumenta credibilitatis.

CXLVI. Sed contrà: quia pariter dici posset, supposito judicio credibilitatis mysteriorum, intellectum assentiri mysterio immediatè propter ipsum, & non propter revelationem: quia licet mysterium sit omnino obscurum, tamen ubi intellectus evidenter cognoscit, esse credibile, poterit voluntas illi imperare, ut credat mysterium immediatè propter ipsum. Unde sic arguo: quia mysterium de se est obscurum, &



ex terminis suis propositum nullatenus inclinatur ad sui assensum, implicatur, ut voluntas imperet intellectui, ut assentiatur mysterio propter ipsum, sed necesse est, quod imperet, ut assentiatur propter aliquid extrinsecum, suadens ejus existentiam. At revelatio mysterij, quæ mihi immediatè facta non est, ex terminis suis non minùs est mihi obscura, quàm ipsum mysterium: ergo non potest voluntas imperare intellectui, ut assentiatur existentiz revelationis propter ipsam, sed propter aliquid extrinsecum, à quo intrinsecè moveatur assensus. Ratio à priori est: quia cùm intellectus sit potentia rationalis, nequit voluntas imperare ipsi, ut assentiatur immediatè veritati omnino obscuræ, & quæ ex terminis suis nullatenus conciliatur assensum sui; sed solum potest imperare, ut assentiatur propter rationem suadentem existentiam objecti: alioqui posset voluntas imperare intellectui, ut judicet, astra esse paria, quamvis nulla adsit ratio id suadens. Nec satisfacies, si respondens, ideo non posse voluntatem hoc imperare; posse autem imperare, ut credat existentiam revelationis, quia hoc, & non illud supponitur prudenter credibile. Non, inquam, satisfacies: quia si semel ad assensum veritatis de se occultæ non requiritur essentialiter motivum distinctum, intrinsecè actum ab assensu, poterit voluntas, saltem imprudenter & temere, imperare assensum paritatis stellarum: quia si intellectus potest assentiri veritati omnino occultæ, quin moveatur intrinsecè ab ulla ratione suadente ipsam, nulla erit ratio, cur saltem temere nequeat voluntas

ipsi imperare, ut judicet, astra esse paria, quamvis nulla adsit ratio suadens paritatem illam.

CXLVII. Quare eatenus auctoritas Ecclesiæ, miracula, & alia argumenta reddunt mysteria nostræ Fidei evidenter credibilia, quatenus intellectum movent, ut judicet, existere revelationem mysteriorum, quæ ex terminis suis proposita nullatenus conciliatur sui assensum, ac proinde illa mysteria reddunt mediatè credibilia, quatenus suadent existentiam revelationis, illamque reddunt immediatè credibilem; implicatur autem, ut reddant revelationem immediatè credibilem, & quod non moveat immediatè, dum creditur: quia dum credit intellectus existentiam revelationis omnino obscuræ, & de se non conciliantis sui assensum, debet intrinsecè moveri ab aliqua ratione suadente mysterium; alioqui si sola voluntas haberet rationem ad imperandum, & intellectus non haberet rationem ad assentiendum, sola voluntas esset potentia rationalis, non autem intellectus, nec iste tunc tenderet sub ratione veri, quod pugnat cum ipsius natura. Quod confirmatur: quia si revelatio esset evidens, & per se innotesceret credenti, non indigeret intellectus motivis extrinsecis credibilitatis ad præstandum assensum revelationi, quia tunc illa per se ipsam moveret: ergo si indispensabiliter sunt necessaria motiva credibilitatis extrinseca, quando revelatio est obscura, id ideo est, quia tunc intellectus nequit assentiri existentiz revelationis, nisi ob illa motiva, vel saltem aliquod illorum.

CXLVIII. Dices: etsi non appareat, re-

revelationem existere ex terminis ipsius, sed ex argumento extrinseco, vi cuius redditur credibilis, tamen revelationem habere veritatem distinctam à veritate illius argumenti, atque adeo posse credi immediate propter se ipsam. Ratio à priori videtur esse: quia cum objectum intellectus sit veritas apparens, quodcumque objectum verum apparens, veritate propria distincta à veritate cuiuslibet alterius, potest movere ad assensum sui ratione veritatis propriæ apparentis. Quod potest à paritate confirmari: siquidem objectum non apparens in se ipso bonum, sed in alio bono, si tamen appareat bonum bonitate distincta, potest movere ad amorem sui, quin moveat bonum illud, in quo apparet bonum: ergo objectum, distincta veritate apparens verum, in alio potest movere ad assensum sui, quin moveat objectum aliud, in quo apparet verum. Antecedens videtur certum: nam cognoscenti creaturas in Deo, si nullam aliam haberet cognitionem, repræsentantem eas in se ipsis, creaturæ in se ipsis non apparerent bonæ, sed tantum in Deo, quia non repræsentarentur in se ipsis, & tamen quia non apparerent bonæ bonitate Dei, sed bonitate distincta, possent movere ad amorem, non Theologicum, quatenus ratione propriæ bonitatis movere possunt ad amorem sui, quin ad illum amorem moveat bonitas Dei: unde tunc beatus posset exercere actus virtutum moralium, & amare objecta creata propter eorum bonitatem. Consequentia patet: quia supposita cognitione in Deo, repræsentante beato, creaturam habere bonita-

tatem distinctam à bonitate Divina, manet indifferens voluntas beati, ut amet bonitatem creaturæ, vel propter bonitatem Divinam amore charitatis, vel propter se amore alterius generis, scilicet virtutis moralis: ergo similiter, cum in propositione Ecclesiæ appareat vera existentia revelationis veritate distincta, non manebit intellectus necessitatus, ut assentiatur existentie revelationis propter authoritatem Ecclesiæ illam proponentis, sed poterit assentiri propter veritatem ipsius revelationis.

CXLIX. Verum hæc responsio non satisfacit: quod enim mysterium habeat veritatem distinctam à testimonio Dei, non probat, posse intellectum illi immediate assentiri propter ipsam: nam illa veritas mysteriorum est omnino latens & obscura, quatenus proposita ex terminis suis: unde, ut repræsentata per sui apprehensionem claram & distinctam, non habet vim movendi & inclinandi ad sui assensum, sed præcisè movet, ut apparens in revelatione, & ratione revelationis, seu Divini testimonij; hoc enim, ut repræsentatum, est, quod unice movet ad assentiendum mysterio. Nec urget paritas: nam bonitas creaturarum cognita, tanquam in medio, non ideo præcisè movet, quia est bonitas distincta, sed quia est bonitas, quæ ratione sui proposita habet vim inclinandi ad sui amorem: quamvis enim cognitio illius bonitatis creaturæ nihil aliud repræsentaret, sufficienter moveret ad illius amorem.

CL. Unde dum beatus videt bonitatem creatam in Deo, duplex illi motivum proponitur ad amandam illam

bonitatem, nempe bonitas Divina, quæ movet ad amandum objectum creatum propter Deum, & bonitas ipsius creaturæ, quæ ut repræsentata per cognitionem sui, sufficienter movet ad sui amorem, quia quamvis cognitio illa nullum aliud objectum repræsentaret præter bonitatem creatam, proponeret sufficiens motivum ad amandum: patet ergo evidenter disparitas, nam apprehensio Trinitatis (& idem est de apprehensione revelationis omnino obscuræ, & latentis) si præcisè repræsentaret unitatem essentialis, & Trinitatem personarum, nullatenus moveret ad sui assensum: unde infertur, solam apprehensionem, vel affirmationem revelationis movere ad assentiendum mysterio omnino obscuræ & latentis: ac proinde solam revelationem Dei, ut distinctam à mysterio, esse motivum adæquatum assentiendi mysterio; & similiter infertur, solam apprehensionem, vel affirmationem autoritatis Ecclesiæ, & aliorum motivorum credibilitatis movere ad assentiendum existentis revelationis omnino obscuræ, & latentis.

CLI. P. Ripalda videns ex una parte impossibile esse, ut quis assentiatur existentis revelationis obscuræ, quin moveatur à motivo extrinseco tali revelationi, & ex alia parte agnoscens, non posse esse assensum Fidei illum, qui non movetur à testimonio Dei, asseruit disp. 3. de Fide sect. 4. num. 54. revelationem immediatè movere ad assensum Fidei, non præcisè apprehensam secundum prædicata intrinseca, sed etiam secundum prædicata extrinseca nobis nota, qualia sunt miracula, au-

thoritas humana Ecclesiæ, & aliæ notæ, quæ revelationem credibilem reddunt, ac proinde asserit, motivum adæquatum assensus terminati ad revelationem consisti ex revelatione ipsa, & ex motivis extrinsecis, quæ illam hic & nunc reddunt credibilem.

CLII. Sed contrà primo: quia, ut ostendimus contra hunc authorem disp. 2. sect. 1. non minùs repugnat Fidei, respicere auctoritatem humanam, quæ fallibilis sit, tanquam motivum partiale, quàm tanquam totale. Contrà secundò: quia ratio probans, revelationem non posse movere ad assensum sui adæquatè, probat, nec posse inadæquatè, ut ibi ostendi. Contrà tertio: quia sicut mysterium ipsum, quia obscurum & latens est, nullatenus movet ad sui assensum, ita nec revelatio obscura, &c.

CLIII. Denique respondebis ex Michaële de Medina lib. 5. de recta in Deum Fide, distinguendum esse inter Fidem Apostolorum, aliorumque, qui immediatè à Deo per revelationem, aliòve modo Fidem didicerunt, & inter nostram Fidem: & motivum quidem prioris Fidei esse testimonium Divinum; motivum verò posterioris esse auctoritatem Ecclesiæ, quatenus à Spiritu Sancto dirigitur, & habet assistentiam infallibilem ejus, ad non errandum in his, quæ credenda proponit Fidelibus, ut constat ex illis verbis, Matth. 16. num. 18. *Tu es Petrus, & super hanc petram ædificabo Ecclesiam meam, & porta inferi non prævalebunt adversus eam*, & ex illo Matth. 18. *Si Ecclesiam non audierit, sis tibi sicut Esau-nichis, & publicanus*, & ex illo Joan.

14. *Ego rogabo Patrem, & alium paraclytum dabit vobis, ut maneat vobiscum in aeternum, spiritum veritatis, & denique ex illo 1. ad Timoth. 3. Vt scias, quomodo te oporteat conversari in domo Dei, qua est Ecclesia Dei vivi, Columna, & Firmamentum veritatis.* Juxta hanc sententiam, quam etiam videtur approbare Bannez hîc q. 1. art. 1. dub. 4. credimus mysterium, quia illud Deus revelavit; Deum verò revelasse, credimus, quia Ecclesia, cui Deus assistit, ut errare non valeat, id credendum proponit.

CLIV. Sed contrà: quia hæc sententia incidit in circulum vitiosum, dum ad credendam existentiam revelationis non recurrit ad autoritatem humanam Ecclesiæ, quatenus est congregatio hominum, sanctitate & sapientia illustrium, miraculis, & Martyrum sanguine, aliisque notis illustrata, sed ad autoritatem Divinam, quam habet ex assistentia Spiritûs Sancti. Si enim inquiramus à Fidei, cur credat, Deum revelasse mysterium Incarnationis, respondere debet juxta hanc sententiam: quia Ecclesia Christi, quæ assistentiam habet Spiritûs Sancti, ita credendum proponit: si autem ulteriùs queramus, unde sciat, Ecclesiam habere illam assistentiam Spiritûs Sancti? sanè cum id non videatur ex terminis notum, respondebit, se id scire, quia Ecclesia ita docet, quæ errare non potest. Ubi committitur manifestus circulus, dum probat existentiam revelationis ex autoritate Ecclesiæ, & autoritatem Ecclesiæ ex existentia revelationis.

CLV. Nec satisfaciunt aliqui Au-

thores, contententes, illum circulum non esse vitiosum, cum habeamus illum modum assentiendi in alijs casibus: nam si Regis minister afferat Regis Epistolam, qua jubeat, haberi fidem ipsius nuntio, tunc credimus, Epistolam esse Regis, quia nuntius dicit; nuntio autem credimus, quia Rex jubet ipsi credi. Non, inquam, satisfaciunt: siquidem in casu proposito non credimus, litteras esse Regias, præcisè quia nuntius dicit; sed quia aliunde ex alijs indicijs id cognoscimus, v. g. ex sigillo, & subscriptione. Quod si non esset alia via ad credendum, litteras illas esse Regias, quàm testimonium nuntij, impossibile foret credere, litteras esse Regias propter autoritatem nuntij, ut Regia autoritate firmatam; sed vel non posset credi, vel crederetur ob autoritatem nuntij secundum se sumptam: pariter ergo si non esset alia via ad cognoscendum, Deum revelasse mysteria, nisi testimonium Ecclesiæ, impossibile foret, credere ob autoritatem Ecclesiæ, ut munitam autoritate Divina, & assistentiâ Spiritûs Sancti, Deum revelasse mysteria, sed vel id non posset credi, vel certè crederetur ob autoritatem humanam Ecclesiæ, quatenus est cæteris hominum, sanctitate & sapientia illustrium, inter quos miracula viguerunt omni sæculo, & constantia in subeundo Martyrio, conjuncta cum puritate & innocentia vitæ; quæ autoritas sufficiens est ad fundandam fidem humanam moraliter certam; non videtur autem sufficiens ad fundandam Fidem Divinam, quæ essentialiter nititur testimonio Dei.

CLVI.

CLVI. Ratio à priori desumitur ex doctrina Aristotelis in libris posteriorum, & ex communi omnium Philosophorum, quòd omnis assensus intellectus, vel debet esse immediatus, id est affirmans rem immediatè propter ipsam, & non aliam, vel debet reduci ad aliquem assensum immediatum, cui ultimò innitatur: sicut omnis actus voluntatis tendit in finem, seu in bonum propter se appetibile, vel in medium, seu in bonum, quod appetitur propter aliud: & ne in infinitum progressus fiat, debemus sistere in aliquo bono, quod immediatè propter se amatur. Quare sicut non posset amari medicina præcisè propter sanitatem, si sanitas præcisè amaretur propter medicinam: ita intellectus non potest assentiri uni veritati propter aliam, si huic alteri solùm propter priorem assentiretur; alioqui eadem propositio faceret fidem sibi ipsi, & esset antecedens, ex quo ipsamet inferretur: unde esset certior, & incertior se ipsa; certior, quia esset antecedens; minùs certa, quia esset consequens: omnis enim propositio debet esse certior, quàm illa, quæ ex ipsa inferitur.

### §. III.

*Ex dictis contra alias sententias concluditur, motiva ipsa credibilitatis non solùm inducere ad imperandum assensum de existentia revelationis; sed esse motivum intrinsecum talis assensus.*

CLVII. **D**ico ergo, motiva ipsa credibilitatis, quæ in senten-

tia communi movent voluntatem, ut per piam affectionem imperet assensum firmum circa existentiam revelationis, movere quoque immediatè ad assensum de tali existentia, sicut motiva evidenter probabilia, moventia voluntatem ad imperandum assensum opinativum circa veritatem objecti, movent etiam immediatè ad ipsum assensum: quando enim dubitatur, an aliquis contractus sit licitus, & post diligentem quæstionis discussionem, factam citrà omnem passionem, & ex sincero affectu inveniendi veritatem, in actu primo occurrunt rationes validæ, suadentes, illum contractum esse licitum, & præponderantes rationibus in contrarium, intellectus evidenter experitur vim majorem illarum rationum, & reflexè potest evidenter judicare, esse sibi certò probabile, seu certò prudenter judicabile, illum contractum esse licitum, & insuper ex vi illarum rationum præponderantium potest in omnium sententia elicere judicium certò prudens, quòd ille contractus sit secundùm se licitus; quamvis enim non sit certum, quòd intellectus possit prudenter assentiri ob rationes minùs, vel æquè probabiles, est tamen extra controversiam, quòd saltem ob rationes probabiliore, & urgentiores sic apparentes, potest prudenter assentiri: similiter ergo in nostro casu.

CLVIII. Hæc sententia constat ex impugnatione sententiæ communis, exhibitæ in hoc capite, §. 2. pro ea citat Cardinalis de Lugo, disp. 1. num. 52. Scotum, Durandum, Gabrielem, Okamum, & Medinam, & refert aliquos testam-



resistentes, Patrem Vazquez multum in hanc sententiam inclinasse: & ut vidimus supra, illa coincidit cum sententia Recentiorum, quos suppresso nomine citat, & sequitur Cardinalis Sfortia, num. 56. & 58. in re est ipsa sententia Cardinalis de Lugo rectè explicata, & sine incommodis, quæ ille cogitur admittere, dum asserit, nos credere ipsa mysteria propter loquutionem mediatam Dei, & dum ait, propositionem Parochi esse loquutionem Divinam, & immediatè movere ad assentiendum Fide Divina existentie revelationis præteritæ, quod nos in tractatu de Fide probavimus esse falsum. Coincidit etiam cum sententia Patris Ripaldæ, quatenus disput. 3. num. 69. docet, Fidem Divinam quoad assensum revelationis resolveri in motiva extrinseca, quæ reddunt credibilem existentiam illius; licet falsò asserit, partim etiam resolveri in veritatem intrinsecam ipsius revelationis; cum enim veritas existentie revelationis sit omnino latens, & obscura, nullo pacto, nec in adequatè movet ad assensum sui, sed est objectum purè materiale illius, ut fusi ostendimus in præsentii capite. Eandem doctrinam nervosè descendit P. Eliza de in opere de forma veræ Religionis querendæ, & invenientidæ, quæ sit, ultima, & P. Ægidius Estrix in Diatriba Theologica, assert. 25.

## §. IV.

*Solvuntur fundamenta contententia, non posse Fide Divina credi mysterium propter revelationem, quin Fide Divina credatur existentia revelationis.*

CLIX. **E**X dictis facilè responderetur ad fundamenta, quibus §. 1. P. Suarez, P. Coninck, & P. Puente Hurtado suadebant, existentiam revelationis credendam esse Fide Divina. Ad fundamentum Patris Suarez, respondeo, neminè propter Dei testimonium credere mysterium, quin vel per scientiam, vel fidem aliquam sibi firmiter persuadeat, Deum revelasse mysterium; necessarium tamen non esse, quodd Fide Divina, ob testimonium scilicet Dei, quis credat, Deum revelasse mysterium; sicut ut quis propter Dei veritatem credat mysterium, non requiritur, quodd Fide Divina credat veracitatem; sed satis est, quodd per scientiam id assequatur, ut probavi capite 4. Fides enim mysterij non fundatur in scientia, vel fide, qua persuademur, Deum summè veracem revelasse mysterium, nec illi commensuratur, sed fundatur in ipsa veracitate, & revelatione Divina; nam postquam quis cognitione ordinis inferioris persuasus est, Deum esse summè veracem, & revelasse mysterium, statim resultat iudicium evidens, quo cognoscit, se posse, ac debere credere ob auctoritatem Dei cum summa firmitate mysterium, quia lumine naturæ notum est, reverentiam Deo loquenti debitam postulare, ut, ubi quis sibi persuadet, Deum loqui, cum summa firmitate credat ei, sicut ubi quis prudenter iudicat, aliquam actionem esse peccaminosam, etiam si illud iudicium speculativum sit tantum probabile, statim resultat iudicium practicum reflexum omnino evidens, quo censet, sibi illicitum esse, hic & nunc exercere contractum illum,

Q

quia

quia lumine naturæ notum est, reverentiam Deo præcipienti debitam postulare, ut quis absteineat à contractu illo, quem speculativè judicat, esse secundum se prohibitum, dum ita judicat; neq; potest judicare oppositum, etiam si illud judicium speculativum sit tantum probabile. Quare cognitio, proponens revelationem mysterij, est mera conditio, & applicatio motivi Fidei Divinæ, & cum illa minimè proportionatur assensus Fidei, qui firmior multò est: illud namq; axioma: *Propter quod unumquodque tale, &c.* solum habet locum in scientiis, & in voluntate, ut exposui.

CLX. Et sanè quòd non requiratur, eadem certitudine credere existentiam revelationis, quàm propter revelationem credimus existentiam mysterij, persuadet ipsum exemplum adductum à Patre Suarez; quamvis enim nemo possit credere sententiam aliquam ob authoritatem Augustini, quin sibi persuadeat, Augustinum protulisse illam sententiam, vel quin sibi persuadeat, esse Augustini librum continentem illam sententiam; tamen non requiratur, quòd fides illa, quàm credit librum esse Augustini, sit ejusdem firmitatis cum illa, quàm credit veritatem illius sententiæ ob authoritatem Augustini: nam satis est, quòd authoritare inferioris ordinis sibi persuadeat, illum librum esse Augustini, nimirum ob authoritatem viri gravis, ad hoc ut pro posteriori ob authoritatem Augustini eliciat assensum superioris ordinis. Pariter ergo sufficiet, quòd fide humana moraliter certà sibi quis persuadeat, Deum revelasse mysteria,

ut Fide Divina propter authoritatem Dei firmissimè credat rem revelatam.

CLXI. Verum quidem est, quòd si quis dubitet de existentia revelationis, hoc ipso dubitabit de existentia mysterij; id tamen non probat, quòd revelatio debeat credi Fide Divina, sed quòd vel debeat cognosci per scientià, vel per fidem aliquam, qua quis sibi persuadeat, Deum revelasse mysterium, sive illa fides sit Divina, sive humana moraliter certa, qualis est omnis assensus opinativus unius partis ob motiva gravia & urgentia, quando non adest fundamentum pro parte opposita prudens dubitandi, an assensus ille sit falsus.

CLXII. Nec est necesse, ut is, qui credit mysteriū aliquod, quia dictum est à Deo, credat eodem actu, illud dictum esse à Deo, attingendo revelationem Dei, ut objectum *quod*, illamve affirmando, ut ostendi suprà capite 4. quia non est necesse, ut assensus objecti materialis attingat directè rationem formalem assentiendi, sed sufficit, quòd illam essentialiter supponat, attacke directè, & affirmatam per actum priorem, & quòd ipse eam attingat indirectè. Sic conclusio respicit intrinsecè objectum præmissarum, nec tamen illud iterum affirmat, siquidem ex falsis præmissis aliquando sequitur vera conclusio, quod non posset verificari, si per conclusionem deberet iterum affirmari objectum præmissarum.

CLXIII. Ad fundamentum Patris Coninck fateor, Fide Theologica non solum credi, quòd articuli Fidei sint veri, sed quòd sint à Deo revelati, non quia sit necessarium ad credendum mysteri-

um

um Fide Divina, ut Fide Divina prius credamus, Deum illud revelasse; sed quia in Scriptura Sacra Deus reflexè revelavit, se revelasse mysteria nostræ Religionis; unde qui Fide Divina credit, Deum revelasse mysterium, innitur testimonio Divino ad hoc credendum; non tamen est necesse, ut omnis credens actu mysterium, Fide Divina actu credat existentiam revelationis. Hinc fateor, futurum hæreticum, qui negaret, Deum revelasse mysteria nostræ Religionis, tum quia opponeretur Scripturæ id testanti, & definitionibus Conciliorum, tum quia, qui negaret mysteria fuisse à Deo revelata, negaret Fidem ipsorum mysteriorum, quia hæc subsistere nequit sine revelatione, vel scitâ, vel creditâ, sive Fide Divina, sive saltem fide humana: unde omnis, qui tenetur credere mysteria Fide Divina, tenetur non negare, quod illa sint à Deo revelata, licet non semper teneatur Fide Divina credere, quod sint revelata: ut enim teneatur credere Fide Divina mysterium, satis est, quod teneatur credere existentiam revelationis, sive Fide Divina, sive fide humana; evidens enim est, quod teneatur credere Fide Divina mysterium is, qui fide humana moraliter certâ credit, Deum illud revelasse, quia habet motivum Fidei Divinæ, sufficienter applicatum per fidem humanam, ratioque evidens dicit, credendum à nobis esse Fide Divina mysterium, quoties prudenter censemus illud esse à Deo revelatum, sicut ratio evidens dicit, evitandum nobis esse contractum, quoties prudenter censemus, illud esse prohibitum.

CLXIV. Nec urget confirmatio adhibita à Coninck: nam licet, quando Deus revelat aliquod mysterium immediatè Prophetis, simul revelet virtualiter, se illud revelare, atque adeo revelatio possit credi immediatè propter se ipsam à Propheta, illam suscipiente, & experimentaliter illam cognoscente; tamen respectu nostri, qui illam revelationem non suscepimus, ejus existentia est penitus ignota, non minùs quàm existentia mysteriorum, ut satis ostendi.

CLXV. Ad fundamentum Patris Hurtado respondeo, negando sequelam: nam ut ego sim certus certitudine Fidei Divinæ, respicientis ut motivum intrinsicum infinitam Dei auctoritatem, satis est, quod sim certus certitudine fidei humanæ de existentia revelationis, quia per fidem purè humanam, moraliter tamen certam, proponentem mihi auctoritatem Divinam, sufficienter mihi applicatur motivum Fidei Divinæ. Unde falsum est, quod non possim habere majorem certitudinem de articulo, & mysterio revelato, quàm de existentia revelationis, ut cernitur in homine credente veritatem aliquam, quia definita est in Concilio, qui magis certus est de veritate illa, quam credit Fide Divina, quàm de existentia talis definitionis, quam solùm credit fide humana. Falsò præterea supponit hic Author, auctoritatem summam Ecclesiæ, proponentis existentiam revelationis, esse purè humanam, ut inde inferat, actum, credentem existentiam revelationis propter auctoritatem summam Ecclesiæ, non esse Fidei Divinæ: jam in tractatu de Fide ad finem sectionis 6.

ostendimus ; auctoritatem Ecclesiæ, quatenus miraculosè fundatæ, & mirabiliter permanentis, & tot mirabilibus notis ornata, esse auctoritatem Divinam : unde qui animadvertit , Ecclesiam tot signis illustratam aliquid credendum proponere, hoc ipso apprehendit ejus testimonium ut Divinum , & credit Fide Divina existentiam revelationis, quamquam ad credendum Fide Divina mysterium propter revelationem, non requiratur , credi Fide Divina existentiam revelationis, sed satis est, vel illam cognoscere per scientiam, vel per Fidem humanam moraliter certam, ut ostendimus.

CLXVI. Ad exemplum adductum ab Hurtado respondeo, eum, qui ob testimonium Prætoris credit, Regem sub juramento promississe donum sibi, certius esse intra genus fidei humanæ de bono sibi dando à Rege, quàm sit de veritate testimonij Prætoris : quantum enim dignitas Regis excedit dignitatem Prætoris, tantum fides innixa auctoritati ejusdem Regis excedit fidem innixam auctoritati Prætoris ; utraque tamen fallibilis est. Requiritur quidem, ut miles, cui proposita est promissio jurata Regis, non dubitet de veritate Prætoris narrantis, nec dubitet de præmio sibi concedendo ; at postquam securus est de veritate Prætoris, potest ob fidelitatem Regis securior reddi de dono sibi à Rege concedendo. Pariter ergo, ut quis ob auctoritatem Dei dicentis certus sit de re revelata, debet esse securus de eo, quòd Deus revelaverit ; hæc tamen securitas non debet esse necessariò securitas Fidei Divinæ, sed suffi-

cit, quòd sit vel securitas scientiæ ; vel fidei humanæ moraliter certæ, & quæ dubitationem prudentem excludat. Unde summopere expedit ad perseverantiam in Fide, ut quis ritè expendat motiva credibilitatis, quibus evidenter, saltem evidentiâ morali, probatur, Deum esse authorem Religionis Christianæ : qui enim voluntariè admiserit dubitationem de eo, quòd Deus revelaverit mysterium, hoc ipso dubitabit de veritate mysterij. Unde Christiani rustici, in captivitatem redacti à Mahumetanis, qui non penetrarunt argumenta, quibus persuademur, Deum esse authorem Religionis Christianæ, faciliùs possunt seduci, & ad Mahumetisimum trahi, quàm qui illa motiva perspecta habent. Et præterea summopere expedit in oris maritimis, in quibus passim Christiani captivi ducuntur, in Africam, à Prædicatoribus Evangelicis inculcari motiva credibilitatis, & populo pro dignitate exponi.

CLXVII. Neque auctoritas Pauli adducta ab Hurtado quidquam contra nos probat : solum enim probat, Deum, ut nos redderet omnino certos de remuneratione æterna, non solum adhibuisse promissionem, sed etiam juramentum ; ut enim quis firmissimum solatium habeat de futuritione rei promissæ, non requiritur per se, & ex terminis, quòd Fide Divina credat, Deum promississe, & jurasse : nam qui audiret Deum jurantem, & evidenter cognosceret, Deum sibi loqui, firmissimum solatium haberet, credens futurum esse, quod Deus promissit, & juravit ; similiter qui per argumenta moraliter evidentiâ sibi

per-

persuaderet, Deum promississe, & jurasse, se daturum mercedem æternam, etiam haberet firmissimum solatium ob gloriam sibi promissam; & pariter dicendum est de eo, qui fide humana moraliter certâ crederet, Deum ita promississe, & jurasse, nam promissio, & ju-

ramentum Dei sufficienter applicantur per illam fidem humanam moraliter certam, ut accedente imperio supernaturali piz affectionis, & lumine Fidei, eliciatur actus Fidei Divinæ firmissimus circa futuritionem rei promissæ.

## CAPUT SEXTUM.

*Ad credendum Fide Divina mysterium propter revelationem, nec sufficit, quòd pro priori assentiamur existentia revelationis assensu opinativo cum formidine, nec requiritur, quòd assentiamur assensu metaphysicè evidenti, nec assensu omnino certo & infallibili, sive assensu Fidei Divinæ, sed satis est, quòd assensu fidei humanæ moraliter certo, vel ob rationes adeò probabiles, ut non sinant prudenter dubitare, judicemus, Deum illud revelasse.*

## §. I.

CLXVIII. **Q**UOD non sufficiat assensus opinativus cum formidine, jam omnino certum est post Bullam editam à Sanctissimo D. N. Innocentio Undecimo anno 1679. in qua quinque supra sexaginta propositiones, ut minimùm *tangquam scandalosæ, & in praxi perniciosæ damnari atque prohiberi*: certum enim est, Summum Ecclesiæ Pastorem habere auctoritatem infallibilem ad declarandum Christi ovibus, quænam sint pascua nociva, & venenosa, à quibus cavere oporteat; quænam salutifera, quæ oporteat sedulò quærere. Inter illas autem propositiones vigesima prima est hæc: *Assensus Fidei supernaturalis, & nullus ad salutem stat cum noticia solùm*

*probabili revelationis, imò cum formidine, quâ quis formidet, ne non sit loquutus Deus.*

CLXIX. Quod non requiratur evidenti metaphysica de existentia revelationis, patet, quia quamvis viri sapientes, penetrantes motiva evidentiæ credibilitatis, quibus Deus insignivit Religionem Christianam, evidenter judicare possint, Deum esse Authorem illius, quia evidens est, Deum non posse tot signis veritatis ornare Religionem falsam, tamen hæc evidentiæ est paucorum: unde si illa foret necessaria ad credendum Fide Divina mysteria nostræ Fidei, rustici & indocti excluderentur à Regno Cælorum, quod



sine Fide adquiri non potest : hoc autem est evidenter falsum.

CLXX. Quod verò non requiratur, quòd Fide Divina, & propter auctoritatem Dei dicentis credamus existentiam revelationis, abunde à nobis probatū est in capitibus præcedentibus.

CLXXI. Dicendum ergo nobis est cum Scoto, cum Gabriele, cum Okamo, & aliis apud Ripaldam disp. 3. n. 28. cum Egidio Estrix in diatriba Theol. assert. 33. à n. 153. ad 158. inclusivè, ad credendum Fide Divina mysterium propter revelationem, satis esse, quòd assensu Fidei humanæ moraliter certo, vel ob rationes adeò probabiles, ut non sinant prudenter dubitare, judicemus, Deum illud mysterium revelasse. Probatur primò: quia ut ego credam veritatem aliquam definitam in Concilio, propter auctoritatem infallibilem Concilij definientis, satis est, quòd firmiter credam, Concilium definiisse illam veritatem; hoc autem non credo Fide Divina, sed fide humana, quia scilicet video, id testari homines sapientes, & historias fide dignas; ergo sufficit, credere fide humana existentiam revelationis, ut propter revelationem Fide Divina credam mysterium revelatum.

CLXXII. Ut secundam probationem conficiam, suppono, sufficere motiva humana, ut quis prudenter iudicet, Deum revelasse mysterium, quia nimirum id multi viri sapientes, & probè uniformiter testantur, de quibus nulum habes prudens fundamentum ad suspicandum, eos vel per malitiam velle decipere, vel per ignorantiam decipi: evidens enim est, posse intellectum ac-

cipere ut verum id, quod multi probi, & sapientes palam, & constanter, ut verum, sine ulla hæsitacione affirmant, quando non adest fundamentum ad iudicandum, illos vel decipere, vel decipi: ergo satis est, quòd quis sciat, omnes Episcopos & Doctores Christiani Orbis docere, Deum revelasse mysterium Incarnationis, ut prudenter sine hæsitacione credat, hoc esse verum; id autem potest scire, quin advertat ad miracula, & insignia mirabilia, quibus fulget Ecclesia Catholica, & quæ ostendunt, illam esse os, per quod Deus hominibus publice, & sensibilibiter loquitur, & consequenter quin advertat ad Divinam ejus auctoritatem, sed sistat in auctoritate humana, quæ in hoc genere est omnium maxima.

CLXXIII. Hoc supposito, sic argumentor secundò: ut quis Fide Divina credat Deo loquenti, sufficit, quòd prudenter, & sine ulla hæsitacione iudicet, Deum loqui; at fide humana potest sic judicare, Deum loqui: ergo ut quis credat Fide Divina Deo loquenti, sufficit, quòd fide humana prudenter, & sine hæsitacione iudicet, Deum loqui: ergo ut quis Fide Divina credat mysterium Trinitatis v. g. propter auctoritatem Dei revelantis, sufficit, quòd fide humana credat, Deum illud revelasse. Cætera constant; sola Major indiget probatione.

CLXXIV. Ea autem faciliè suadetur: nam qui prudenter, & sine ulla hæsitacione iudicat, Deum esse loquentem, evidenter potest judicare, sibi hinc & nunc honestum esse, credere Deo loquenti, imò, se hic & nunc tenet credere:

re:

res: est enim evidenter illicitus hic actus: *Ego quidem prudenter, & sine hesitatione judico, Deum revelasse mysterium Trinitatis; nolo tamen illud credere, sed dubito, an sis verum:* esset enim manifesta injuria contra summam Dei auctoritatem in testificando: ergo supposito illo judicio fidei humanæ, quo quis sine hesitatione prudenter judicat, Deum revelasse mysteriū Trinitatis, potest voluntas prudenter imperare intellectui, ut propter infinitam Dei auctoritatem firmissimè, & super omnia credat, illud esse verum, ut patet ex dictis, c. 4. §. 6. ubi explicuimus, quomodo certitudo Fidei sit super omnia, & cur possit esse major, quàm certitudo actūs, quo cognoscimus motivum credendi: quantum enim testimonium Dei excedit testimonium hominum, tantundem proportionaliter potest actus, quo credo mysterium propter auctoritatem Dei revelantis, excedere actum, quo propter auctoritatem hominum credo, Deum revelasse mysterium: Fides enim non est discursiva, & ideo certitudo assensus circa mysterium non debet commensurari cum certitudine assensus circa existentiam revelationis. Unde auctoritas Divina exigit, ut assensus præstus propter illam, tanquam propter motivum, sit firmior, quàm assensus exhibitus propter auctoritatem ultimam creatam, humanam vel Angelicam.

CLXXV. Idque explicatur primò: nam si ego ob auctoritatem viri gravis credo, talem librum esse Augustini, & postea librum legens credo, verum esse, quod ibi dicitur, quamvis à me non ca-

piatur, certe tantum excedit fides, quàm credo dictis Augustini, fidem, quàm credidi testimonio illius viri gravis, quantum auctoritas illius excedit auctoritatem istius: ergo pariter in nostro casu, &c, Explicatur secundò: nam si mihi occurrant fundamenta valde verisimilia, & urgentia ad judicandum, aliquem contractum esse illicitum, & nulla ratio occurrat in contrarium, & ob illa fundamenta eliciam assensum speculativum, quo judicem, illum contractum esse secundum se malum, & prohibitum, sanè supposito judicio illo, quod metas probabilitatis non excedit, possumus formare judicium metaphysicè evidens, quo judicem, me hîc & nunc teneri ad abstinendum ab illo contractu: evidens enim est, me non posse licitè exequi id, quod prudenter judico secundum se malum, & prohibitum.

CLXXVI. Quamvis enim aliqui cum P. Vazquez, & Thoma Sanchez dicant, eum, qui per principia intrinseca judicat, aliquem contractum esse malum, & prohibitum, posse nihilominus in sensu composito talis judicii formare dictamen practicum, quod hîc & nunc sibi liceat operari illum contractum, nimirum ob auctoritatem gravium Doctorum affirmantium, contractum illum esse licitum, tamen nullus est, qui dicat, nec dicere valeat, posse formati illud dictamen practicum in sensu composito illius judicii speculativi, quando nulla datur opinio probabilis in contrarium.

CLXXVII. Adde, sententiam illam communiter impugnari à Theologis,

legis, non solum ab his, qui censent, licitum non esse, sequi sententiam minus probabilem, & minus tutam in occurso tutoris, & sibi probabilioris; sed etiam ab ipsis Probabilistis, qui cum ejusmodi Doctoribus censent, licitum esse, sequi partem minus tutam ei, qui agnoscit majus pondus auctoritatis, & rationis in parte tutiore, dummodo pars minus tuta nitatur motivo gravi, licet inferiori motivo opposita: ut ostendunt duo gravissimi Patroni usus liciti sententiae minus probabilis, & minus tutae, nimirum P. Esparza in Appendice, art. 143. cum duobus sequentibus, & P. Tirillus, tom. de probabilitate, quaest. 30. cum Castro Palao, Brilleto, Aversa, & communiori sententia etiam inter ipsos Probabilistas, quam ego semper verissimam censui, etiam antequam ab illorum castris discederem.

CLXXVIII. Explicatur tertio: quia ut quis teneatur adorare hostiam adoratione latrae, sufficit, ut judicio opinativo prudenti judicet, illam esse consecratam, quin occurrat ratio dubitandi in contrarium: ergo pariter, ut quis teneatur credere Deo aliquid revelanti, sufficit, quod judicio opinativo prudenti judicet, Deum illud revelasse: sicut enim suprema Christi majestas contenta in speciebus postulat, ut, qui credit ejus existentiam sub speciebus, teneatur hostiam adorare adoratione latrae propter Christum ibi contentum, ita suprema Dei loquentis auctoritas postulat, ut, qui fide humana credit, Deum revelasse mysterium Trinitatis, teneatur illud credere super omnia, id

est fide firmiore, quam sit ulla fides exhibita propter auctoritatem humanam, vel Anglicam.

CLXXIX. Probatur deinde principaliter nostra assertio: quia nisi dicamus, satis esse ad credendum Fide Divina mysterium, quod quis credat fide humana, Deum illud revelasse, cogimur asserere, pueros audientes a parentibus, Deum revelasse mysterium Trinitatis, & Incarnationis, & rusticos audientes hoc ipsum a Parocho, non habere Fidem Divinam de mysterijs, ac proinde carere Fide salutari: nam pueri, & rustici communiter solum inducuntur ad credendum, quod Deus revelaverit mysteria, ab auctoritate Parochi & parentum, neque habent vim penetrandi, loquutionem Ecclesiae esse loquutionem Dei, neque aliud considerant, quam parentes vel Parochum hoc dicere, & credunt, Deum revelasse, quia audiunt: neque enim parentes instruentes filios ipsis narrant argumenta illa credibilitatis, quae ostendunt, Ecclesiam Catholicam esse Ecclesiam Dei, & os, per quod nobis loquitur, nec Parochi instruentes rusticos; sed simpliciter dicunt, Deum revelasse haec mysteria, ac proinde, illa esse firmiter credenda, tanquam dicta a Deo: ergo credunt propter testimonium humanum Parochi, & parentum. Idque denotant verba Pauli Roman. 10. *Fides ex auditu; auditus autem per Verbum Christi, & specialiter interrogatio illa, quae subjungitur, nunquid non audierunt?* satis probat, audientes praedicationem Evangelij posse credere utiliter, nimirum,

fi

si vita & auctoritas prædicantis præbeat sufficiens fundamentum ad prudenter judicandum, illos vera nuntiare, dum dicunt, Deum revelasse illa mysteria, & miracula fecisse in confirmationem ejus doctrinæ. Sic Dionysius, & Damaris, audientes Paulum concionantem in Areopago, cum paucis alijs utiliter crediderunt, ut constet ex illis verbis, Actor. 17. vers. 34. *Quidam autem viri adhaerentes ei crediderunt: in quibus & Dionysius Areopagita, & mulier nomine Damaris, & alij cum eis; & tamen non viderunt miracula, vel alia signa supernaturalia credibilitatis: ergo inducti sunt ad credendum, Deum esse Authorem Religionis, quam prædicabat Paulus, seu ad credendum, Deum revelasse mysterium Incarnationis, & Christum resurrexisse, & venturum esse ad judicandum orbem in æquitate, quæ Paulus prædicabat, moti ab auctoritate & sanctorum Apostoli, & à rationibus, quas adduxit: ergo auctoritas hominis prædicantis, & argumenta ab ipso adducta reddiderunt prudenter credibilem doctrinam Apostoli; & deinde ob auctoritatem Dei, quam Paulus proponebat, moti sunt ad credenda mysteria, quæ annuntiabat.*

CLXXX. De hominibus simplicibus, qui vivacitatem non habent ad penetranda argumenta evidentiæ credibilis, quibus fulget Religio Christiana, notum est illud Augustini dictum in libro contra Epistolam fundamenti, cap. 4. *In Catholica Ecclesia ad sincerissimam sapientiam pauci spirituales perveniunt in hac vita; ceteram*

*quippe turbam non intelligendi vivacitas, sed credendi simplicitas tantissimam facit: facit etiam illud, quod dixit idem Augustinus, Epist. 102. ad Evodium: Si propter eos solos Christus mortuus est, qui certà intelligentiâ possunt ista discernere, penè frustra in Ecclesia laboramus; si autem, quod veritas habet, infirmi populi credentium ad medicum currunt, sanandi per Christum, & hunc crucifixum, ut, ubi abundavit peccatum, superabundet gratia, mirus sit modus per altitudinem divitiarum sapientia, & scientia Dei, ut multi in cruce Christi gloriantur, etiam si ista, quæ subtilissime differuntur, ignorent, ad eandem perveniant eternitatem, veritatem, charitatem, &c. Ergo ut rustici, & simplices credant Fide Divina mysteria revelata, satis est, quòd videant, Parochum & sapientes affirmare, Deum revelasse hæc mysteria, quin habeant fundamentum ad dubitandum, illos falsum dicere: hoc enim posito, prudenter credunt fide humana, Deum revelasse hæc mysteria; hac autem fide instructi, jam propter auctoritatem Dei revelantis credunt veritatem mysteriorum.*

CLXXXI. Dices, non posse rusticos Fide Divina credere mysteria, quin ab auctoritate Divina moveantur ad credendum, quòd Deus ea revelaverit, ac proinde non posse sic credere, quin Parochus prius ipsis persuadeat, Ecclesiam Catholicam, tot prodigijs, signisque, ac notis miris, planèque Divinis ornatam, hoc docere: hac autem posita instructione, jam crederent, Deum revelasse mysteria, non quia Parochus

R

dicit,



dicat, sed quia Ecclesia Catholica universa id docet.

CLXXXII. Sed contrà: quia cùm rustici Ecclesiæ monumenta non adæant, neque historias evolvant, neque sermones omnium passim hominum conferant, ut certi sint, ita se habere illa, quæ narrat Parochus, certè sola fide humana ob auctoritatem Parochi credunt, præcessisse illa prodigia, quæ ostendunt, Ecclesiam Catholicam esse Ecclesiam Dei: ergo ut auctoritate Divina Ecclesiæ credant, Deum revelasse mysteria, prius auctoritate humana credunt, Ecclesiam Catholicam ornata esse miris illis notis, quæ ostendunt, esse Ecclesiam Dei, ejusque organum, & os: ergo non est opus, ut credatur Fide Divina illud, quod est motivum credendi Fide Divina aliquid aliud: cur ergo revelatio mysterij credita sola fide humana non poterit esse motivum credendi Fide Divina mysterium? si enim semel auctoritas Ecclesiæ, sola fide humana credita, potest esse motivum credendi Fide Divina existentiam revelationis, nulla potest esse ratio, cur existentia revelationis, credita sola fide humana, nequeat esse motivum credendi Fide Divina mysterium revelatum: ergo possunt rustici credere Fide Divina mysteria ob revelationem creditam fide humana. Ratio à priori est, quia hoc ipso quòd quis prudenter sibi persuadeat, Deum summe veracem aliquid revelasse, habet auctoritatem Divinam sibi sufficienter applicatam, ut propter illam credat super omnia mysterium revelatum.

CLXXXIII. Præterea impugnatur:

quia Parochi & parentes proponunt rusticis & filijs, Deum revelasse mysteria, quin proponant miracula, & alia signa, quibus propositio Ecclesiæ constituitur in ratione loquutionis, & tunc illi credunt: durum est autem dicere, illos tunc carere Fide Divina, & salutare: ergo ad credendum mysterium Fide Divina satis est, credere fide humana, Deum illud revelasse.

CLXXXIV. Et confirmatur ex verbis Augustini postea citandis: *Tenent me in Ecclesia Catholica gremio consensus populorum, & gentium*: quibus significatur, Augustinum inductum fuisse ad credendum, Religionem Christianam esse à Deo, & consequenter ab ipso revelata fuisse ejus mysteria, ex eo quòd videret, tot populos & gentes, inter quos debebant viri sanctissimi & sapientissimi, hanc Fidem tam uniformiter firmissimè amplecti: quamvis enim ibi adjungat alia motiva, id non probat, S. Augustinum illis omnibus simul sumptis indiguisse, ut crederet, Religionem Christianam esse à Deo; alioqui nec miracula, facta in confirmationem nostræ Fidei, essent juxta Augustinum motivum sufficiens ad credendum, illam esse à Deo: ergo ut quis prædenter credat, Religionem Christianam, quæ nihil contra rationem continet, & mysteria altissima credenda proponit, & præcepta valde difficilia injungit, esse à Deo, satis est, quòd videat, illam summo affectu, & firmitate amplecti viros sapientissimos, & sanctissimos; hoc autem motivum est auctoritas humana: ergo sufficit, quòd quis ob auctoritatem humanam

credat,



credat, Deum revelâsse mysteria, ut subinde ob authoritatem Dei revelantis credat firmissimè, & super omnia mysteria revelatum.

CLXXXV. Confirmatur secundo: quia idem Augustinus lib. 6. confel. cap. 5. testatur, se inductum fuisse ad credendum, Scripturam, in qua continetur Fides Christiana, Deum habere authorem, ex eo quòd vidit, illam tantam in omni terra habere authoritatem: *Cùm essemus*, inquit, *infirmi ad inveniendam liquida ratione veritatem, & ob hoc nobis opus esset auctoritate Sanctorum Scripturarum, jam credere &c.*

## §. II.

*Proponitur contra dicta difficile argumentum, cui succubuit Cardinalis Pallavicinus.*

CLXXXVI. **C**ontra dicta potest formati difficile argumentum: nam quotiescumque tenemur credere Fide Divina aliquod mysterium, tenemur credere, quòd Deus illud revelaverit: implicat enim, ut is, qui potest impunè, & sine peccato negare, quòd Deus revelaverit mysterium, teneatur credere Fide Divina illud mysterium. At motiva, obligantia ad credendum, quòd Deus revelaverit mysterium, debent esse talia, ut conjungi non possint cum falsitate, ac proinde debent esse talia, ut nequeant non esse loquutio Dei: ergo non possunt esse loquutio hominum: ergo non possumus obligari, ad credendum fide humana, Deum revelâsse

se nysterium. Minor probatur: quia, ut inquit Cardinalis Sfortia de Fide num. 63. Patres, & Scholastici dicunt, peccatum infidelitatis in eo consistere, quòd faciat Deum mendacem, & S. Paulus constituit *firmissimum solatium nostrum* in hoc, quòd impossibile est, mentiri Deum; at si motiva, obligantia ad credendum, possent conjungi cum falsitate, ac proinde possent non esse loquutio Dei, hæc sequela esset irrita: incredulus enim diceret, & quidem verè: ego credo, Deum non posse mentiri; sed nego, quam experior, esse Dei loquutionem, quia scio, posse dari totum id, quod experior, quin Deus loquatur: ergo ex eo, quòd ego non credam, hanc esse Dei loquutionem, nullam facio injuriam Divinæ veritati.

CLXXXVII. Propter hoc argumentum Cardinalis Sfortia ibi num. 64. existimat, nunquam exerceri verum actum fidei, nimirum circa mysterium, quin motiva credendi, Deum revelâsse mysterium illud, sint talia, ut essentialiter sint loquutio Dei. Additque, aliquando quidem habere essentialiter hoc prædicatum, quod est, esse loquutionem Dei, etiam sola motiva externa, cujusmodi sunt illa, quæ habet tota Ecclesia, & vir doctus: in quo sensu dictum est à Richardo de Sancto Victore, *si error est, quem credimus*, nos esse deceptos à Deo, cùm ille, & non alius potuerit illa præstare miracula, quibus inducimur ad credendum. Quando verò rusticus credit, si motiva externa, quæ illi proponuntur, non sunt inseparabilia à veri-

tate objecti, asserit, Deum interiori instinctu supplere insufficientiam objecti exterioris. Subdit, hanc sententiam tradere D. Thomam 2. 2. q. 2. art. 9. ad 3. ubi de illo, qui credit, sic habet: *Inducitur auctoritate Divina doctrina miraculis confirmata, & quod plus est, interiori instinctu Dei moventis, ideo non leviter credit.* Et eidem sententiæ favere D. Augustinum ex stimat; quod magis explicans, inquit, Divinam bonitatem semper supplere per hanc interiorē vocem debilitatem motivorum externorum, in ordine ad illos pueros, & rusticos, qui non omitunt culpabiliter aliquam diligentiam in quaerendis motivis exterioribus; præsertim verò id existimat contingere super illis articulis, quorum Fides est necessaria necessitate medijs ad justificationem.

CLXXXVIII. Additque num. 65. hanc sententiam, quæ celebris est inter insignes scholasticos, minimè coincidere cum hæreticis, revocantibus omnem Fidei credibilitatem ad occultum instinctum Dei. Satis enim ab ea absurditate discimus, inquit, dum fatemur, in tota Ecclesiâ esse discerniculum sufficiens exterius, & sensibile, ratione cujus possit probari summa credibilitas Fidei nostræ, & hæreticorum pertinacia; de reliquo nihil necesse est, hoc discerniculum sensibile esse penes omnes privatos & rusticos, qui credunt, quandoquidem est peculiare Dei beneficium, ac proinde non infallibile, nec sufficiens ad convincendam exterius pertinaciam eorum, qui non firmissimè credunt, quoties Deus præstat

concursum supernaturalem, internum, quando exteina apparentia non est talis, quæ reddat inexcusabiles resistentes.

## §. III.

*Solvitur prædictum argumentum.*

CLXXXIX. **R**espondeo tamen ad hoc argumentum, negando minorem, nempe quòd motiva obligantia ad credendum, Deum revelasse mysterium, debeant esse talia, ut conjungi non possint cum falsitate. Ut enim ego teneam credere viro sapienti mihi publicè proponenti, Deum revelasse aliquod mysterium, & Ecclesiam Catholicam obligare omnes ad hoc credendum, falsum est, quòd ego non habeam ullum prudens fundamentum ad judicandum, illum virum vel fallere, vel falli, & quòd mihi appareat valdè verisimile, illum dicere verum, & oppositum non habere apud me ullam verisimilitudinem: totum autem potest contingere, quin illa verisimilitudo sit connexa essentialiter cum veritate. Deinde probatio minoris falsa est: peccatum enim infidelitatis non sic explicatur à D. Thoma Scholasticorum Principe, neque ullam mentionem facit Patrum sic explicantium: nam 2. 2. q. 10. art. 1. explicans peccatum infidelitatis, inquit: *Infidelitas dupliciter accipi potest, uno modo secundum puram negationem, ut dicatur infidelis ex hoc solo, quòd non habet Fidem: alio modo potest intelligi infidelitas secundum contrarietatem ad Fidem, quia scilicet aliquis repugnat audiri Fidei, vel etiam*

*etiam contemnit ipsam ; Et in hoc propriè perficitur ratio infidelis, Et secundùm hoc infidelitas est peccatum.*

CXC. Et art. 3. in quo inquit, utrum infidelitas sit maximum peccatum? non asserit, esse maximum peccatorum, quia Deum facit mendacem, sed quia magis separat à Deo, quam alia peccata: nec Interpretes D. Thomæ peccatum infidelitatis alio modo expli- cant. Infideles ergo dicuntur facere Deum mendacem, non quia existi- mant, Deum mentiri; sed quia, dum negant mysteria à Deo revelata, post- quam eis sunt sufficienter proposita, ar- gueretur, Deum mentitum fuisse, si standum foret eorum iudicio. Et sanè incredulus, apud quem aliquis Aposto- lorum prædicaret mysterium aliquod, & in suæ doctrinæ confirmationem face- ret miraculum, etiam posset dicere: ego credo, Deum non posse mentiri; ce- terum nego, Deum mihi loqui per hunc hominem: & similiter hæreticus, qui scit, totam Ecclesiam Catholicam Romanam proponere, tanquam articu- lum Fidei, præsentiam Christi in Eu- charistia, Purgatorium, & numerum Sa- cramentorum, etiam dicit: ego credo, Deum non posse mentiri; nego tamen Deum mihi loqui per os Ecclesiæ Ro- manæ. Explicet ergo nobis Cardinalis Sfortia, in quo sensu faciat hic hæreticus Deum mendacem, & nos similiter di- cemus, rusticum negantem aliquod my- sterium, quod videt sibi proponi con- stanter à Parocho, tanquam à Deo re- velatum, facere Deum mendacem, si negat, quando habet obligationem cre- dendi, illud esse à Deo revelatum, quia

nimirum moraliter, & æquivalenter pe- rinde est, negare mysterium, quando te- neris credere, illud esse à Deo revela- tum, ac si negares illud, quando credis, esse à Deo revelatum; parumque ad hoc refert, quòd revelationis existentia cre- datur Fide Divina, vel fide humana, si- quidem non minùs faceret Deum men- dacem, qui negaret mysterium, quod fi- de humana credit esse à Deo revela- tum, quam si negaret, quando id credit Fide Divina.

CXCI. Nec necessarium nobis est, redigi ad illas angustias, ad quas reduci- tur Cardinalis Sfortia: ad eas quippe re- ductus est, quia falsò supponit, non posse Fide Divina credi mysterium propter revelationem, nisi Fide Divina credatur existentia revelationis; nos autem ne- cesse non habemus pro explicanda Fide rusticorum, recurrere ad instinctum il- lum; non enim solùm in tota Ecclesia, sed etiam in singulis creditibus red- denda est ratio aliqua exterior, distincta ab instinctu illo purè interno, ad quem tanquam ad asylum unicè confugiant hæretici.

CXCII. Fides ergò rusticorum, simplicium, & puerorum sic resolvenda est: credo, Deum esse Trinum, quia Deus ipse hoc revelavit; credo verò, Deum hoc revelasse, quia meus Pa- rochus, & mei parentes, de quibus suspi- cari non possum, fallere in hoc, vel falli, mihi tanquam omnino certum testan- tur, id revelatum esse à Deo, & ita ab omnibus Christianis credi video. Inspi- ratio verò interna requiritur ex parte subiecti, ut salutariter credat; non pro- ponit tamen motivum aliquod distin-

Quam ab illis, quæ proponuntur per loquutionem externam.

## §. IV.

*Proponitur modus, quo rectè defendi potest, actum illum, quo quis assensum existentie revelationis; non propter ipsam, sed propter motiva extrinseca creditibilitatis, esse actum Fidei*

*Divina.*

CXCIII. Sequendo sententiam communem, quæ docet, argumenta creditibilitatis nostræ Fidei evidenter quidem ostendere, illam esse prudenter credibilem, & posse ac debere credi ejus mysteria cum summa firmitate, sed tamen argumenta illa non ostendere evidenter Fidei nostræ veritatem: sequendo, inquam, hanc sententiam, dici potest, posse intellectum elicere ex imperio prudenti voluntatis assensum sine formidine de existentia revelationis, qui tamen assensus supponit piorem assensum Fidei humanæ, quo quis credit, Deum fecisse miracula in confirmationem doctrinæ Ecclesiæ Catholicæ, & quo credit, Ecclesiam omnibus fidelibus credendum proponere, Deum revelasse mysterium Trinitatis, Incarnationis, &c. Postquam enim quis sibi persuasit, Deum Ecclesiam Catholicam illustrasse miraculis, & aliis prærogativis, & sibi persuasit, illam proponere credendum mysterium illud, ex terminis apprehendit, propositionem factam ab Ecclesia esse loquutionem Dei, qui per illam nobis publicè loquitur, & nos docet veritates necessarias ad salutem; unde tunc voluntas potest imperare intellectui assensum firmum cir-

ca existentiam revelationis, qui assensus erit elicitus ab habitu Fidei: quamvis enim tunc intellectus non judicet, Deum revelasse mysteria ob testimonium Dei, quo expressè revelaverit, se loqui per os Ecclesiæ; tamen hoc iudicat per assensum firmum obsecrum, quo censet, testimonium Ecclesiæ talibus notis insignitæ esse testimonium Dei, quia illæ notæ ostendunt, Ecclesiam Catholicam esse Ecclesiam Dei; Ecclesia autem Dei esse os, qui ipse sensibiliter loquitur: pertinet enim ad Dei perfectionem, quod possit nobis loqui per inter-nuncium, & Legatum, & quod possit loqui loquutione quadam generali & publica, quæ omnes ad credendum obliget, ne cogatur adire singulos, & illis immediate loqui.

CXCIV. Sicut autem, quando Prophetæ aliquid annunciat nomine Dei, & tanquam minister ipsius, atque in confirmationem illius d'cti facit aliquid miraculum, mortuum v.g. suscitando, convincitur, Deum loqui per os illius hominis, ut tradit D. Thomas 2. 2. q. 5. art. 2. corp. ita cum Ecclesia Catholica aliquid credendum proponit, qui attentè considerat, ipsam tot notis mirabilibus esse insignitam, censet, eam esse Magistræ veritatis, ac proinde esse doctrinam Dei illam, quam ipsa tanquam à Deo traditam proponit: unde ex terminis apprehendit, ex parte Dei proponi, quod illa tanquam à Deo revelatum proponit.

CXCV. Confirmatur: quia dum fidelis cognoscit, Ecclesiam aliquid credendum proponere, v.g. qui audit Parochum, aut Concionatorem hoc pub-

publicè docentem, h. e. ipso censet, se non solum peccaturum contra auctoritatem Parochi, aut Concionatoris, si dissentiat doctrinæ, quam nomine Dei proponit, sicut peccaret contra auctoritatem ejus, si dissentiret alius narrationibus, quas nomine proprio coram ipso facit, sed peccaturum contra auctoritatem Dei: ergo hoc ipso censet, Ecclesiam loqui nomine Dei, & tanquam organum ipsius: ergo dum fidelis credit, revelationem existere, quia Ecclesia proponit, credit tanquam doctrinam Divinam, quod Deus revelavit mysteria nostræ Fidei. Quod ulterius probo: nam quando Apostoli proponebant mysterium Incarnationis v. g. tanquam revelatum à Deo, & in confirmationem illius doctrinæ miracula faciebant, sanè illa operabatur Deus, non solum ut crederent, qui ea videbant, sed ut crederent reliqui omnes, quibus illa miracula ritè proponerentur: ergo intentio Dei fuit non solum manifestare mentem suam illis, qui videbant miracula, sed omnibus, qui per testimonia fide digna, vel argumenta verisimilia sibi prudenter persuaderent, ea miracula facta fuisse à Deo in testimonium ejus doctrinæ: ergo Deus mediatè loquitur per Ecclesiam omnibus illis, quibus per illam proponit mysteria, ut à Deo revelata.

CXCVI. Quare habitus Fidei, qui producit assensum circa mysterium propter revelationem præteritam Dei, producit assensum circa revelationem propter testimonium Dei, exhibitum per os Ecclesiæ, quia voluntas ex pia affectione imperat intellectui, ut firmiter credat præcisè revelationem, quam videt

proponi ab Ecclesia, tot notis & signis ornata, & quia prope illam Ecclesiam, ut vellet illis circumstantiis, est testimonium Dei; dum quis credit existentiam revelationis ob testimonium Ecclesiæ, credit ob testimonium Dei: unde non movetur ab auctoritate Ecclesiæ, quatenus præcisè apprehenditur esse auctoritas humana, sed quatenus apprehenditur esse Divina, vel quatenus per argumenta saltem moraliter evidentiā probatur esse talis. Si autem motiva illa credibilitatis non solum evincant, esse evidenter credibile, sed etiam esse evidenter verum, quod Deus sit Author Religionis Christianæ, ut ego verissimum existimo, tunc qui penetraverit hæc argumenta, cognosceret evidenter, Deum revelasse mysteria nostræ Fidei: quomodo autem cum hoc componatur meritum Fidei, explicabimus postea, dum probabimus, posse evidenter demonstrari, quod Deus sit Author Religionis Christianæ.

CXCVII. Hic autem assensus elicitur ab habitu Fidei, ut vult Cardinalis de Lugo, qui etiam admittit, assensum evidentem circa veracitatem Dei esse elicatum à Fide: idque ego quoque verum judico, quoad assensum revelationis propter auctoritatem Ecclesiæ, tot signis & notis illustratæ, quia ejus testimonium apprehenditur, ut infallibile, & loquutio Dei. Et quamvis, ritè penetratis omnibus argumentis credibilitatis, sit omnino certum, Religionem Christianam esse veram, tamen potest hæc veritas potius cognosci per Fidem, quàm veracitas ipsa Divina. Ratio est, quia hæc est ex terminis metaphysicè



physicè evidens, nihilque occurrit, potens intellectum retrahere ab illius assensu; at quamvis sit reflexè evidens, Deum esse Authorem Religionis Christianæ, & consequenter illam esse veram, hæc tamen evidentiæ coalescit ex attenta penetratione plurimarum circumstantiarum, opûque est pia affectione ad applicandum intellectum ad consideranda argumenta credibilitatis, & illum avertendum à consideranda difficultate mysteriorum: qui enim in hanc aciem mentis intendit, validè tenetur, ut credat, illa esse falsa, & ideo multi viri superbi, avertentes intellectum à consideratione argumentorum, quæ evincunt, Deum revelâsse v. g. Eucharistiam, & illum convertentes ad scrutandum mysterium, à Fide defecerunt. Unde meritò dici potest, habitum ipsum Fidei concurrere ad illum assensum, non solum quando est obscurus, sed etiam quando est evidens.

CXCVIII. Dices, communiter Theologos duplicem auctoritatem Ecclesiæ distinguere, alteram humanam, alteram Divinam: & humanam quidem esse absolute fallibilem; Divinam verò, utpote sumptam ab assistentiâ Spiritus Sancti, esse infallibilem. Respondéo, auctoritatem Ecclesiæ esse purè humanam, si sumatur præcisè, quatenus est congregatio hominum; ceterùm si sumatur, quatenus signis & miraculis à Deo illustrata, & mirabiliter fundata, & tanta cum uniformitate & constantia retinens Fidem de mysteriis adeò elevatam, & superantibus creaturæ discursum, sic esse plusquam humanam, & participare firmitatem, & au-

thoritatem testimonij Divini: quia per dissentium naturalem evincitur, habere Deum Authorem, ac proinde esse Divinam doctrinam eam, quam Ecclesia Catholica, tanquam articulum Fidei, omnibus credendam proponit, nec posse sine injuria Dei de ejus veritate dubitari. Itaque Deum loqui per Ecclesiam Catholicam, non solum credimus, quia in Scriptura est revelata assistentia infallibilis Spiritus Sancti, sed etiam scimus, quia argumentis includibilibus id evincimus.

CXCIX. Idque satis clarè docuit Augustinus in libro contra Epistolam Manichæi, quam vocant fundamenti: nam ibi cap. 5. sic ait: *Ego verò Evangelio non crederem, nisi me Catholica Ecclesia commoveret auctoritas: quibus ego obtemperavi, dicentibus, credite Evangelio; cur eis non obtemperabo, dicentibus mihi, noli credere Manichæo?* Ergo motivum, quo inductus est Augustinus, ut crederet, Evangelium, quod legitur in Ecclesia, esse traditum à Deo, fuit auctoritas Ecclesiæ testificantis, illud esse à Deo missum; ergo eadem auctoritas potest me movere, ut credam à Deo revelatum esse id, quod ipsa proponit, tanquam articulum credendum.

CC. Nec satisfacit P. Conink, disp. 9. num. 70. respondens, Augustinum hoc dixisse, non quia putabat, testimonium Ecclesiæ esse obiectum formale illius Fidei, quâ inter cetera credo, Scripturam esse Verbum Dei; sed quia, seclusâ Ecclesiæ auctoritate, illud judicium, quod necessario actum Fidei præcedit, nullum habuisset sufficiens

ciens fundamentum, judicandi tam firmiter, credendum esse, Evangelia Divina autoritate conscripta esse, sive discernendi inter varios libros, qui à multis tanquam Scriptura Sacra fuerunt expositi, quinam sint legitimi, & quinam spurij. Non, inquam, satisfacis, si sic respondes: cum enim, quod Evangelium sit Verbum Dei, non sit per se, & ex terminis notum, ex aliquo motivo debeo firmiter credere, illud esse Verbum Dei; hoc autem motivum nequit esse testimonium ipsius Evangelij: ergo debet esse autoritas Ecclesie, atque ad hoc non solum movet ad impe-

randum assensum de existentia revelationis, sed etiam ad ipsum assensum, qui debet niti aliquo motivo intrinseco, suadente existentiam revelationis de se obscuram & latentem. Sola minor subsumpta probatione indiget; ea autem facile suadetur: quia alioqui committitur circulus vitiosus, siquidem credo, Evangelium esse Verbum Dei, quia Evangelium ipsum hoc dicit, & credo, Evangelium hoc dicens, verum dicere, quia ipsum Evangelium hoc ipsum dicit: qui est manifestus circulus, ut constat ex dictis suprâ.

## CAPUT SEPTIMUM.

*Quo pacto ex dictis explicanda sit analysis, seu resolutio Fidei Christianæ, atque Catholica sine mutua prioritate, & circulo?*

## S. I.

*Quid sit Fidei resolutio, & quanta sit hujus controversie difficultas?*

CCI. **C** Elebris est apud Theologos Scholasticos questio de Fidei nostræ resolutione, quomodo scilicet sit facienda sine circulo vitioso, qui tunc contingit, quando hoc per illud, & illud per hoc probamus apud eum, qui neutrum concedit, & æquè de utroque dubitat; v. g. Si negem, & matrem, & filium esse probum, circulum committes, probando, matrem esse probam, quia filius dicit, & filium probum, quia mater dicit, Quare?

quia utrumque mihi æquè ignotum, & incertum est; probatio autem debet procedere à notis ad ignota, vel à concessis ad inconcessa, ut ex Aristotele, & aliis Philosophis constat. Unde qui apud infidelem, cui ignota est autoritas Divinæ Scripturæ, & cui similiter est ignota autoritas Ecclesie, probaret, Ecclesiam esse infallibilem, quia Scriptura id testatur, & probaret, Scripturam esse infallibilis autoritatis, quia Ecclesia id testatur, & nullam probationem

S

nem

nem adduceret, quâ independenter à testimonio Scripturæ probaret, Ecclesiam esse infallibilem in his, quæ credenda proponit, circulum committeret.

CCII. Cùm autem unaquæque res resolvatur in sua principia, & causas, ex quibus, vel à quibus etiam conficitur, analysis seu resolutio Fidei nihil aliud est, quàm Fidei in sua principia, causæque reductio. Cùm autem Fides instar aliarum rerum sua quatuor vulgata causarum genera sortiatur, in illas omnes potest resolvi; & de tribus quidem, nempe materiali, efficiente & finali, res est facilis, & expedita: si enim quæritur, ubi sit Fides, per quod causa materialis denotatur, respondebis, esse in intellectu; si autem quæritur, à quo sit, seu quam causam efficientem habeat? respondebis, esse à Deo, & ab intellectu creato: quia Deus simul cum intellectu est causa actus Fidei. Si autem quæritur, ad quem finem ordinetur Fides, & cujus gratiâ ex stat? respondebis, ordinari ad perducendos homines ad æternam Dei possessionem, & æternam Dei visionem, tanquam in finem ultimum, & nobis à Deo dari, tanquam *lucernam lucentem in caliginoso loco*, ut nobis ostendat viam, quâ ad Deum veniamus. Similiter si quæritur, quam causam formalem intrinsecam habeat Fides, seu quid sit Fides, facile responderetur, Fidem sumptam pro actu, nihil esse, quàm actum intellectus, quo ex imperio voluntatis firmiter assentimur iis, quæ à Deo reveiata sunt, quia ab ipso dicta sunt; sumptam verò pro habitu, nihil aliud esse, quàm virtutem à Deo infusam ad eliciendū ejusmodi actum.

Si verò ulterius quæritur, quodnam sit motivum intrinsecum illius actus Fidei, facile ex communi sententia Theologorum responderetur, motivum illud esse summam Dei auctoritatem indicendo, consistentem in summa sapientia, & veracitate Dei, ut testificante; est enim Deus infinite dignus, ut sibi aliquid testificanti, firmissimè super omnia credamus, quia est summè sapiens, & ideo per ignorantiam nequit falli in his, quæ dicit, & insuper est summè verax, & ideo per malitiam & dolum neminem potest fallere, ac proinde habet summum jus, ut sibi aliquid affirmanti firmissimè credatur, ubi constiterit sufficienter, ab ipso fuisse affirmatum: proindeque infidelitas est gravissimum peccatum.

CCIII. Hæc omnia facilia sunt, sed ulterius magna restat difficultas in explicanda causa formali extrinseca, seu motivo, & ratione objectiva, atque principio objectivo, ad quod ultimò revocandus sit assensus Fidei, & in quo ultimò quiescit intellectus, cùm ab hoc poscitur ratio Fidei suæ, quin ampliùs debeat interrogari: resolvere enim, est reddere rationem sui assensus; unde resolvere ultimò, est reddere ultimam rationem, quin maneat jus ulterius interrogandi.

## S. II.

*Quomodo P. Gregorius de Valentia exponat nostra Fidei resolutionem?*

CCIV. **H**is suppositis, P. Gregorius de Valentia tom. 3. disp. 1. q. 1.

q. punct. r. §. 10. modum tradidit, quo quis de fide interrogatus debeat respondere: Igitur (inquit) si quis rogatur v.g. quare credat, Deum esse Trinum, & unum? distinguat, utrum sermo sit de causa ipsius Fidei secundum se, cur vide licet firmiter, & infallibiliter credat, vel de causa, ob quam acceptaverit Fidem. Si primum, respondeat, quia Deus revelavit. Si rursus interrogetur: unde cognoscas, Deum revelasse? respondeat, se non id nosse clarè; crederetamen eadem Fide infallibiliter, & id quidem non ob aliam revelationem bene tamen ob infallibilem propositionem Ecclesiæ, tanquam ob conditionem ad id credendum requisitam. Si rursus rogetur, unde cognoscas propositionem Ecclesiæ esse infallibilem? Similiter dicat, se clarè id non nosse; credere tamen Fide infallibili ob revelationem Scripturæ testimonium perhibentis Ecclesiæ; cui revelationi non credis ob aliam revelationem, sed ob ipsam, quamvis ad hoc ipsum opus sit ipsa Ecclesiæ propositione, ne conditione requisita. Si autem quis demum rogetur, cum, & revelatio & propositio infallibilis, obscura & inevidentes sint quid ipsum impulerit, ut hunc quasi labyrinthum rerum obscurissimarum ingressus sit ad Fidem modo dicto acceptandam, hoc est, ad credendam revelationem propter Ecclesiæ propositionem, tanquam propter conditionem requisitam, & hanc vicissim propter revelationem, tanquam propter causam credendi: veniat tum ad illum alterum secundum processum, & rationes, atque motiva clariora exponat, quibus ipse inductus sit, & quibus prudens induci possit ad acceptandam ejusmodi Fidem, quantumvis secundum se ineviden-

tem & obscuram: id quod luculenter demonstrare licebit cognitiis communibus nostræ Fidei, quæ proponemus, & explicabimus punct. 4. Hæc Valentia, qui eo punct. 4. §. 3. latè proponit argumenta credibilitatis nostræ fidei à colum. 74. ad 105.

CCV. Verùm hæc difficulta sunt, & non satis rem explicant. Quamvis enim rectè P. Valentia distinguat inter causam, seu motivum intrinsecum actûs Fidei, & causam, quâ quis inductus est ad credendum, seu quâ inductus est ad sibi persuadendum, Deum revelasse mysterium; falsò tamen supponit, assensum illum, quo quis sibi persuadet, Deum revelasse mysterium Trinitatis, esse assensum Fidei Divinæ, quo quis credat existentiam revelationis, unice ob ipsam revelationem, seu ob testimonium Dei, dicentis per ipsam revelationem mysterij, se revelasse mysterium, præcedente solum propositione Ecclesiæ, ut mera conditione: id enim falsum esse, satis ostendimus suprâ.

## §. III.

*Ostenditur, hunc Authorem non sufficienter viâsse circumulum.*

CCVI. **E**T in hunc labyrinthum ingressi sunt Doctores ex falsa suppositione, quòd nimirum ad credendum Fide Divina mysterium propter testimonium Dei, necesse sit, priùs Fide Divina credere existentiam Divini testimonij, cum tamen abunde nobis probatum sit, satis esse, quòd existentia Divini testimonij cognoscatur per rationes facientes evidentiam moralem, vel per fidem humanam moraliter certam.

CCVII. Nec P. Valentia se potest liberare

liberare à circulo : cùm enim dicit, fidelem rectè respondere , se nòsse , propositionem Ecclesiæ esse infallibilem , ob revelationem Scripturæ testimonium perhibentis Ecclesiæ , restat , ut respondeat ulterius interroganti , unde noverit , Scripturam testimonium perhibentem propositioni Ecclesiæ , seu Scripturam testificantem , Ecclesiam esse infallibilem in proponendo res Fidei , esse Scripturam Dei , à Deo scilicet dictatam , & consequenter veracem ; & non poterit congruè respondere , nisi recurrat ad auctoritatem Ecclesiæ , quæ declaravit tales libros esse Canonicos , & Scripturam Dei . Si autem hanc auctoritatem Ecclesiæ non aliunde quam ex Scriptura probet , circulum committet apud infidelem , vel apud hæreticum , negantem , quòd Ecclesia Romana sit Christi Ecclesia , qui non minùs dubius est de auctoritate infallibili Ecclesiæ , quàm de auctoritate Scripturæ . Committet , inquam , circulum , si quidem probat auctoritatem Ecclesiæ per Scripturam , & auctoritatem Scripturæ per Ecclesiam . & sic rem inexplicatam relinquit . Unde nisi probet auctoritatem Ecclesiæ independentem à testimonio Scripturæ , vel auctoritatem Scripturæ independentem à testimonio Ecclesiæ , nunquam evitabit circulum .

CCVIII. Et sanè doctrina illa Patris Valentis , & aliorum Theologorum videtur causam tribuere Calvinistis , ut Catholicis Romanis exprobrent , ab ipsis in resolutione Fidei committi circulum . Quod specialiter præstat David Parzus Calvinista apud Becanum in Compendio Manualis lib. 3. cap. 9.

nam Catholicis opponit circulum quòd Scripturam probemus per Ecclesiam , & rursus Ecclesiam per Scripturam : cùm enim quæritur , unde scis , Scripturam esse Divinam ? respondemus , quia Ecclesia suà infallibili auctoritate id dicit ; cùm iterum quæritur , unde scis , Ecclesiam , quæ hoc dicit , habere infallibilem auctoritatem ? respondemus , quia Scriptura id dicit .

## §. IV.

*Quomodo Pater Becanus circulum vitet ?*

CCIX. **H** O hæretici argumentum retorqueat in primis rectè Becanus contra ipsum : *Nam ego* , inquit , *vicissim quæro ex illo : unde scis , Scripturam esse Divinam ? respondet : quia privatus meus spiritus hoc dicit . Sed unde scis , privatum suum spiritum esse infallibilem , & Divinum ? Quia scriptura hoc dicit . Certè & hic circulus est , mi Paræ : nam Scripturam probas per privatum spiritum , & rursus spiritum privatum per Scripturam : perinde ac si asseras , mater est proba , quia filius dicit ; & filius est probus , quia mater dicit .*

CCX. Respondet ergo Becanus , circulum quidem fore , si quis Christianus apud Ethnicum , qui nec Ecclesiam , neque Scripturam admittit , probare vellet , Scripturam esse infallibilem , quia Ecclesia dicit , & Ecclesiam esse infallibilem , quia Scriptura dicit ; nam utrumque illi æquè ignotum , æquè incertum est : econtrario verò , non fore circulum , si unum per alterum apud eum probes , qui alterum admittit ,



tit, alterum negat: v. g. Calvinus admittit Scripturam, negat Ecclesiæ infallibilitatem; rectè illum convincam hoc modo: Scriptura, quam tu admittis, dicit, Ecclesiam esse infallibilem: ergo reverà infallibilis est. Similiter, si quis idiota admittit iudiciū Ecclesiæ, & tamen nesciat in particulari, libros Machabæorum esse Canonicos, facile persuadebo illi sine circulo, si sic dicam: Ecclesia, cujus tu auctoritatem agnoscis, asserit, libros Machabæorum esse Canonicos: ergo non debes de hac re amplius dubitare.

CCXI. Statimque ostendit, hunc modum probandi usitatum esse in Scripturis, & Patribus: nam quia Pharisæi adittebant Moysen, & negabant Christum, convicit eos Christus his verbis Joannis 5. 36. *Si crederetis Moysi, crederetis & mihi; de me enim ille scripsit*; contra verò, quia Manichæi adittebant Christum & Evangelium, negabant autem Moysen & Prophetas, convicit illos Augustinus simili argumentandi modo in libris contra Faustum Manichæum, & lib. 1. de moribus Ecclesiæ Catholicæ cap. 1. & sequentibus. Hinc deducit, Catholicos non committere circulum, dum hæreticos, qui negant Ecclesiam, convincunt ex Scripturis, quas non negant. Rectèque monet, Paræum hoc modo excusari non posse: nam spiritus privatus, qui ab ipso fingitur, à nemine admittitur; neminem ergo ex privato spiritu potest convincere: & subinde efficaciter, & lepidè hunc hæreticum exigit, ostendendo, ipsum incidere in circulum inextricabilem;

S. V.

*Ostenditur, hujus Authoris discursum non satis difficultatem componere.*

CCXII. **S**ed quamquam hæc sufficiunt ad convincendum hæreticum, & ad persuadendum, posse nos contra hæreticos, admittentes Scripturas, ex illis arguere efficaciter contra ipsos; in præsentī materia non videtur, ex sola Scriptura probari posse, Catholicam Religionem Romanam esse veram Christi Ecclesiam. Nam ex Scriptura solùm habetur, Ecclesiam Dei esse Columnam, & Firmamentum veritatis, ac proinde non posse veram Christi Ecclesiam proponere aliquam falsitatem aut errorem, tanquam dogma, aut articulum Fidei ab omnibus credendum; cæterum quòd Ecclesia Catholica Romana sit vera Christi Ecclesia, non videtur efficaciter posse ex illo Apostoli testimonio concludi. Respondebunt enim hæretici, verum quidem esse, quòd Ecclesia Christi sit infallibilis, ac proinde hinc rectè inferri, quòd sint vera omnia illa, quæ vera Christi Ecclesia credenda proponit; cæterum hanc veram Christi Ecclesiam non esse Romanam, sed Ecclesiam reformatam Calvinī, vel aliquam aliam. Quapropter ad convincendum, solam Ecclesiam Catholicam Romanam esse veram Christi Ecclesiam, seu illam, de qua Christus dixit, portas inferni non prævalituras adversùs ipsam, & de qua dixit Apostolus, esse columnam & firmamentum veritatis; oportet ad alia  
S 3 argu.

argumenta recurrere, nec ex solo Evangelio, non adjunctis alijs, facile erit evincere, solam Ecclesiam Catholicam Romanam esse veram Christi Ecclesiam.

CCXIII. Quapropter quando hæreticus Calvinista, vel aliquis alius, admittens Evangelia, & Epistolas Pauli, quarit à Catholico Romano, cur credat, dari Purgatorium, & Sacramenta esse septem? & ipse respondet, se id credere, quia Deus hoc revelavit, & hæreticus instat, unde sciat, hoc Deum revelasse, & ipse respondet, quia Ecclesia Catholica Romana, quæ est columna & firmamentum veritatis, id credendum proponit: videtur Catholicus principium petere, supponendo id, quod hæreticus negat, nimirum quod Ecclesia Catholica Romana sit columna & firmamentum veritatis; & ideo hæreticus statim clamabit, hoc gratis à respondente supponi, & neutiquam probari: unde iterum instabit, unde scis, Ecclesiam Catholicam Romanam esse columnam & firmamentum veritatis? si autem tunc Catholicus respondeat, se id non scire, sed credere, quia Apostolus dicit, Ecclesiam esse columnam & firmamentum veritatis; iterum replicabit hæreticus, unde sciat, Ecclesiam, de qua loquebatur Apostolus, esse Ecclesiam Catholicam Romanam, quæ modò existit? certe hic satisfacere non poterit, nisi recurrat ad argumenta illa evidentiâ credibilitatis, quæ ostendunt, Ecclesiam, quam Christus supra Petrum fundavit, non esse aliam, quam Ecclesiam Catholicam Romanam. Non ergo sufficit solus recursus ad Scriptu-

ram, testimonium perhibentem de infallibilitate Ecclesiæ, ut contra hæreticos convincantur, veros esse omnes articulos, quos Ecclesia Catholica Romana credendos proponit.

### S. VI.

*Statuantur aliqua propositiones, deservientes ad explicandam resolutionem Fidei: quarum prima est, evidens esse, dari aliquam veram Religionem in mundo, & inventiri facile posse ab omni homine ritè illam querente.*

CCXIV. **H**anc Fidei resolutionem nullus, quem sciam, aprius, & solidius explicavit, quam P. Michaël de Elizalde in præclaro illo opere de forma veræ Religionis querendæ, & inveniendæ, cujus præcipuus scopus est, probare, cum veræ Religionis professio sit necessaria ad salutem, & Deus velit omnes homines salvos fieri, evidens esse, quod vera aliqua Religio existat in mundo, & hanc sine magno molimine inventiri posse, non solum à doctis & ingeniosis, sed etiam ab omnibus vera ratione utentibus, dummodo illam ritè, & debito modo querant. Et cum latè demonstrasset, Deum impressisse mentibus hominum primam quædam principia, quæ non sunt probanda, sed ulro admittenda, quæ lumine naturæ nota appellantur, quibus homines juventur ad scientias humanas acquirendas; hinc rectè concludit, Deum optimum maximum omnibus hominibus hunc quasi naturalem instinctum, & veluti primum principium

ptum Impreſſiſſe, & naturali lumine illuſträſſe, dari aliquam veram Religionem in mundo, & neſu eſſe ſine Religionem vivere, ut hoc primo principio ſollicitarentur, & ſtimularentur ad querendam veram Religionem; quia ipſo lumine naturæ, quo cognoscitur, unum dumtaxat eſſe Deum, etiam cognoscitur, hunc Deum unam dumtaxat Religionem veram in mundo habere, in qua, & per quam coli velit; cæteras verò huic oppoſitas eſſe falſas. Unde

quæſt. 5. illius operis pag. 69. num. 112. ſic diſcurrit (ſubtilis iſte, & ſolidus Theologus): Si pro diſciplinis alijs præmiſit Deus illarum principia, ex quibus homines poſſent illas invenire, vel excogitare, à fortiori ea, quæ Deus nobis conceſſit de vera Religionem dictamina, & principia, talia ſint neceſſe eſt, quibus poſſint homines Deum, & veram Religionem invenire, ſi velint, cum in hunc dumtaxat finem ea conceſſerit. Et ſtatim ſubdit: Quibus conſideraſis omnibus, aſſerendum indubitanter puto, ex toto rigore Philoſophiæ, vel nullum verum eſſe invenibile, ſed ſenſus, & mentem, & naturam totam fortè errare, vel præ omnibus, ac potiſſimum eſſe invenibilem veram Religionem. Si enim Deus non eſt, neque naturam fecit, nihil tutum eſt, nihil invenibile: ſi DEUS eſt, & naturam fecit, & hominibus prima documenta ingeſſit, quibus proficerent, evidens eſt, in his maximè edoctrum hominem, quæ magis Deum decent, quæ pluris ipſorum quoque hominum interſunt, & quæ maxima, quæ ſumma, & capitalia ſunt; in his autem omnium caput eſt vera Religio: ergo vel hac inveniri poteſt, vel nihil inveniri poteſt. At nulla

inveniri poſſunt, & aſſeri, & probari, & agi, ut contra Academicos demonſtratum eſt cum Auguſtino: ergo vera Religio inveniri poteſt. Hinc num. 115. inquit, veram Religionem in mundo eſſe, ita animis eſt impreſſum noſtris, ex eo unde eſt, ut eſſe non poſſit, unde non eſt. Quæ eſt definitio, quam de vero, vel veri perceptione tradit Zeno Philoſophus.

## §. VII.

*Secunda propoſitio, doctrinam vera Religionis non poſſe humano diſcurſu acquiri, ſed Divinitus eſſe traditam.*

CCXV. **P**ROBAT inſuper ſolidiſſimè totâ q. 6. doctrinam veræ Religionis non humanæ rationis & intentionis eſſe, ſed ſuperiorem & Divinam, non Scholarum aut librorum contentiõibus depromendam, ſed delaplâ à Cælo, traditam à Deo, & credendam ab homine. Quam aſſertionem veriſſimam eſſe, omnes nationes, & omnes Orbis Religionem, & ſectæ fatentur. Id enim inprimis agnoſcunt omnes Chriſtiani veri, id eſt Catholici Romani, omnes falſi, ſcilicet hæretici: id agnoſcunt Judæi, id Mahumetani, quorum falſus Propheta, & verus impoſtor Mahumetus, ut gentes ad ſe traheret, finxit, ſuam Legem ſibi à Deo revelatam. Imò nec Gentiles hoc negabant: nulla enim, nec Gentium, eſt vel fuit tam humanitus inſtituta Religio, quæ oracula, & leges Numinum non quæſerit, non audierit, & quæ in his potiſſimum non ſe ſe fundaverit. Nam, ut Græci ipſi, qui ſapientiam, id eſt,

est, rationem & demonstrationem maxime querebant, oraculis abundarunt. & si quam eorum Philosophi colebant ex animo Religionem, non eam ad scholam unusquisque suam, ejusque sententiam efformabat, sed ad fabulosam illam Numinum doctrinam, & normam. Unde habebant, scholas pugnantes, sed templa communia, ut de illis pulchre dixit Augustinus.

CCXVI. Veritas hujus assertionis fundatur in doctrina Angelici Doctoris, & Scholasticorum Principis D. Thomæ, qui 1. 2. q. 2. art. 3. inquit: *Utrum, credere aliquid supra rationem naturalem, sit necessarium ad salutem?* Et responderet affirmativè, & probat eum autoritate Apostoli dicentis ad Hebræos 10. *Sine Fide impossibile est placere Deo*, tum ratione: *Quia cum natura hominis dependeat à superiori natura, ad ejus perfectionem non sufficit cognitio naturalis, sed requiritur super naturalis*, inquit ibi ad 1. Quod magis explicat in corpore: *quia in omnibus naturis ordinatis invenitur, quòd ad perfectionem natura inferioris duo concurrunt, unum quidem, quòd est secundum motum proprium; aliud autem, quòd est secundum motum superioris nature: sicut aqua secundum motum proprium movetur ad centrum; secundum autem motum luna movetur circa centrum secundum fluxum, & refluxum. Similiter etiam orbes Planetarum moventur motibus propriis ab Occidente in Orientem; motum autem primi orbis ab Oriente in Occidentem: sola autem natura rationalis creata habet immediatum ordinem ad Deum, quia cetera natura non attin-*

*gunt ad aliquid universale, sed solum ad aliquid particulare, participantem Divinam bonitatem, vel in essendo tantum, sicut inanimata, vel etiam in vivendo, & cognoscendo singularia, sicut planta, & animalia. Natura autem rationalis, in quantum cognoscit universalem boni & entis rationem, habet immediatum ordinem ad universale essendi principium. Perfectio ergo rationalis nature non solum consistit in eo, quod ei competit secundum suam naturam, sed in eo, quod ei attribuitur ex quadam supernaturali participatione Divine bonitatis. Unde & supra dictum est (nempe 1. 2. q. 3. art. 8.) quòd ultima beatitudo hominis consistit in quadam supernaturali Dei visione, ad quam quidem visionem homo pertingere non potest, nisi per modum addiscentis à Deo Doctore, secundum illud Iean. 6. Omnis, qui audit à Patre, & didicit, venit ad me. Hujus autem discipline fit homo particeps, non statim, sed successivè secundum statum suam naturam. Omnis autem homo addiscent, oportet, quòd credat, ad hoc quòd ad perfectam scientiam perveniat, sicut etiam Philosophus dicit, quòd oportet addiscentem credere. Unde ad hoc quòd homo perveniat ad perfectam visionem beatitudinis, prærequiritur, quòd credat Deo, tanquam discipulus Magistro docenti.*

CCXVII. Probaverit autem efficaciter S. Doctor 1. 2. q. 3. art. 8. beatitudinem hominis sitam esse in visione Divine essentiae, quia cum Deus sit omnium prima causa, ad cujus essentiam cognoscendam insitum naturaliter est homini effectum cognoscendi desiderium, non nisi in illius essentiae visione

potest

potest ejus beatitudo consistere. Ad quod probandum duo praesupponit principia: primum est, quod homo non est perfecte beatus, quamdiu restat sibi aliquid desiderandum, & querendum: Secundum est, quod uniuscujusque potentia perfectio attenditur secundum rationem sui objecti. Hinc lublunmit: *Ad objectum intellectus est, quod quid est, id est: essentia rei, ut dicitur in 3. de Anima: unde in tantum procedit perfectio intellectus, in quantum cognoscit essentiam alicujus rei.* Si ergo intellectus aliquis cognoscat essentiam alicujus effectus, per quam non potest cognosci essentia causa, nec scilicet cognoscatur de causa, quid est: non dicitur intellectus attingere ad causam simpliciter, quamvis per effectum cognoscere possit de causa, anxi: & ideo remanet naturaliter homini desiderium cum agnoscat effectum, & sic habere causam, ut etiam sciat de causa, quid est: & illud desiderium est admirationis, & causas inquisitionem, ut dicitur in 1. Metaph: cap. 2: putas si aliquis, cognoscens eclipsim Solis, considerat, quod ex aliqua causa procedit, de qua, quia nescit, quid sit, admiratur, & admirando inquit: nec ista inquisitio quiescit, quousque perveniat ad cognoscendum essentiam causae. Si igitur intellectus hominis cognoscens essentiam alicujus effectus creati, non cognoscat de Deo, nisi an sit, nondum perfectio ejus attingit simpliciter ad causam primam, sed remanet ei adhuc naturale desiderium inquirendi causam: unde nondum est perfecte beatus. Ad perfectam igitur beatitudinem requiritur, quod intellectus pertingat ad ipsam essentiam primae causae, & sic perfectionem

suam habebit per unionem ad Deum, sicut ad objectum, in quo beatitudo hominis consistit. Haec tenus S. Thomas.

CCXVIII. Quare S. Thomas eo artic. 3. 12. ex eo, quod ultima hominis perfectio, & beatitudo consistat in clara Dei visione, ad quam naturalis ratio ascendere non potest proprio motu, per legitimam consequentiam intulit, necessarium fuisse ad salutem, aliqui hominibus per disciplinam Fidei credenda proponi. Unde titulum illius articuli tertij explevit, probando, quod necessarium sit ad salutem, credere aliquid supra rationem naturalem. Doctrina ergo veræ Fidei per solum discursum humanum sine Magisterio Dei, per se ipsum, vel per Angelos, vel per alios homines docentis homines, haberi non potest.

CCXIX. Idque à fortiori patet ex ijs, quæ Sanctus Doctor tradit art. 4. in quo inquit: *Utrum credere ea, quæ naturali ratione sciri possunt, sit necessarium?* Ubi probat, ut citius & firmius Dei notitiam homines assequerentur, necessarium fuisse homini, non solum suscipere per Fidem ea, quæ supra rationem naturalem sunt, sed ea etiam, quæ naturali ratione investigari possunt: *Dicendum est, inquit, quod necessarium est homini, accipere per modum Fidei non solum ea, quæ sunt supra rationem, sed etiam ea, quæ per rationem cognosci possunt.* Et hoc propter tria: primo quidem, ut citius homo ad veritatis Divinae cognitionem perveniat: scientia enim, ad quam pertinet, probare, Deum esse, & alia hujusmodi de Deo, ultimò addiscenda proponiuntur (nimirum Me-

raphy.



naphysica, & Theologia) prae-suppositis multis alijs scientijs, & sic non nisi post multum tempus vita sua homo ad Dei cognitionem perveniret. Secundo ut cognitio Dei sit communior: multi enim in studio scientia proficere non possunt, vel propter hebetudinem ingenij, vel propter alias occupationes, vel etiam propter torporem addiscendi, qui omnino à Dei cognitione fraudarentur, nisi proponerentur eis Divina per modum Fidei. Tercio modo propter certitudinem. Ratio enim humana in rebus Divinis est multum deficiens; cujus signum est, quia Philosophi, de rebus humanis naturalis investigatione perscrutantes, in multis erraverunt, & sibi ipsis contraria senserunt: ut ergo esset indubitata & certa cognitio apud homines de Deo, oportuit, quod Divina eis per modum Fidei traderentur, quasi à Deo dicta, qui mentiri non potest.

CCXX. Idem Sanctus Doctor 1.2. q. 91. art. 4. inquit: An fuerit necessarium, esse aliquam Legem Divinam? Et respondet, quod prater legem naturalem, & legem humanam, necessarium fuit ad directionem humanæ vitæ, habere Legem Divinam. Idque probat quatuor rationibus, quarum secunda est hæc: Quia propter incertitudinem humani iudicii, præcipue de rebus contingentibus & particularibus, contingit, de actibus humanis diversorum esse diversa iudicia, ex quibus etiam diversa, & contraria leges procedunt. Ut ergo homo absque omni dubitatione scire possit, quid sit agendum, & quid vitandum, necessarium fuit, ut in actibus proprijs dirigeretur per Legem Divinam datam, de

qua constat, quod non potest errare.

CCXXI. Præterea efficaci ratione suaderetur, doctrinam veræ Religionis non acquiri per discursum & scientiam, sed per Fidem hauriri debere à Deo docente. Nam cum Deus velit, omnes homines salvos fieri, & ad salutem consequendam necessaria sit vera Religio, & Deus nulli hominum neget necessaria ad salutem, consequens est, quod omni homini rationis compoti dedit Deus potestatem, inveniendi veram Religionem: ergo omni homini dedit potestatem adquirendi doctrinam veræ Religionis. At non omni homini dedit potestatem, adquirendi eam doctrinam, quæ per scholarum discussionem comparatur: ergo doctrina veræ Religionis non est doctrina perscholarum discussionem, seu per scholastica certamina, & humanum discursum comparata. Ergo doctrinam veræ Religionis à Deo docente debent homines accipere. Deus autem, ut doctrinam veræ Religionis ad salutem necessariam hominibus traderet, commercium cum illis habere debuit, & loquutione quadam externa mentis suæ consilia illis manifestare: ut enim sciret homo, quem à se cultum Creator deposceret, cum nequeat per se Divinæ mentis arcana intueri, necessarium fuit, ut per signum aliquod sensibile à Deo loquentium cultum addisceret: ut autem homines certificarentur, Deum esse, qui per illa signa ipsis loqueretur, debuit Deus loquutioni suæ talia signa adjungere, quæ non sinerent prudenter dubitare, illum esse, qui loquebatur. Hoc pacto loquutus est Deus cum Moyle,

Moyſe, & per ejus os cum filiis Iſrael : talibus enim prodigiis , & Cœleſtibus ſignis loquutionem illam ornavit , ut non potuerint homines prudenter dubitare , quin à Deo eſſet doctrina illa, quæ talibus notis illuſtrata erat. Hoc pacto loquutus eſt per Prophetas , & noviſſimè loquutus eſt nobis per Filium ſuum Unigenitum Jeſum Chriſtum, qui tali vitæ ſanctitate , talibuſque operibus & miraculis ſe Filium Dei eſſe comprobavit , ut inexcusabiles ſint , qui credere noſunt, doctrinam Chriſti eſſe doctrinam Dei. Doctrinam hanc Chriſtus Eccleſiæ ſuæ commiſſit, quam ſupra Petrum fundavit , & per illam ſenſibiliter loquitur hominibus : & ut eos omnino ſecuros redderet de veritate doctrinæ , quam hæc Eccleſia illis credendam proponit , talibus notis , inſignibus, & ſignis eam illuſtravit , ut cæcus ſit, qui non videat , Eccleſiam Catholicam eſſe os , per quod Deus ſenſibiliter hominibus loquitur , & eis manifeſtat, quæ neceſſaria ſunt, ut ad æternam Dei viſionem perveniant.

CCXXII. Præterea probatur, doctrinam veræ Religionis non per ſtudium humanum acquiri , ſed à Deo per Fidem accipi debere , quia veram Religionem, ejusque doctrinam omnes putant à ſe haberi, & , ſi non haberetur, quaerendam, ſive viri, ſive ſcæminæ, ſive nobiles, ſive plebei, ſive domini, ſervi & ancillæ, ſive docti, ſive ruſtici ſint. At non omnes putant, à ſe haberi ſcientias, vel quaerendas, ſi non habentur. Ergo veræ Religionis doctrina non eſt ſcita, nec habita per ſcientiam, & diſcuſſum; ergo credita. At non credita ho-

minibus: ergo credita Deo. Ergo via unica , habendi doctrinam veræ Religionis, eſt via Fidei Divinæ , ſeu Fidei, per quam homo credit Deo loquenti. per hanc viam homo rudis, & illiteratus, & ſimplex verula plus veræ & ſolidæ ſapientię exiguo tempore comparat, quàm arrogans Philoſophus Gentilis multorum annorum ſtudio. Auguſtiniſtum audiamus ſerm. 187. de tempore id egregiè explicantem : *Quitibi (inquit) videris nihil ſcire, ſi ſcias hoc ipſum; quod neſcias, nonne plus caeteris videris ſcire? Gentilis homo videt lapidem, & Deum putat: Philoſophi vident Cælum, & putant Deum, &c. Tu verò conſidera, quantam ſuper iſtos habes ſcientiam.*

CCXXIII. Ex ipſa etiam natura doctrinæ veræ Religionis, conſtat, eam non eſſe humanæ investigationis, & inventionis, ſed ſuperioris, & Divinitus traditam, ſiquidem doctrina veræ Religionis ea eſſe nequit, quæ circa neceſſaria, & quaſi eſſentialia Religionis maximè deficit, & errat. At talis eſt omnis doctrina, ſolùm fundata in ratione naturali, & naturalis inventionis: ergo nulla doctrina, ſolùm fundata in ratione naturali, & naturalis inventionis , eſt doctrina veræ Religionis. Doctrina ergo veræ Religionis debet eſſe Divinitus à Deo tradita. Minor probatur: quia materia neceſſaria, & quaſi eſſentialis Religioni ſunt Deus, & Divina, cùm veræ Religio ad Dei cultum eſſentialiter dirigatur. At doctrina, ſolùm in ratione naturali fundata, ſeu naturalis investigationis & inventionis, maximè deficit & errat circa Deum: ut enim nuper agebat D. Thomas, *ratio humana in rebus*

*Divinis est multum deficiens* : est enim principij loco à Principibus Gentilium Philosophis, & sapientibus Pytagora, Socrate, Platone, Trismegisto, & aliis traditum, & à Christianis receptum, mentem humanam se habere ad Deum, & Divina sicut noctuam ad lumen solis: idque experientia ipsa est manifestum ex innumeris erroribus, in quos inciderunt Philosophi Gentiles circa naturam Dei, & finem, propter quem homo conditus est, ut patet ex Tullio in libris de natura Deorum, qui postquam lib. 1. retulit multorum Philosophorum pugnantia placita circa naturam, & conditionem Deorum, sapienter subjungit: *Quorum opiniones cum tam varie sint, tamque inter se dissidentes, alterum profecto fieri potest ut eorum nulla, alterum fieri non potest, ut plus una vera sit.*

CCXXIV. Et sane circa hominis beatitudinem, in quo scilicet consistat summum ejus bonum, maximè olim Philosophorum existeret concertationes. Lactantius lib. 3. Divinarum institutionum cap. 7. decem sententiis cum suis Authoribus refert, & cap. 8. ostendit, illos errasse, & luculenter refutat. Marcus Vatro apud D. Augustinum lib. 19. de Civitate cap. ostendit, sectas Philosophorum de summo bono ita posse permisceri, ut ex ea permixtione octoginta octo supra ducentas sententias, seu sectas existant. Totiusque mundus plenus erat erroribus, donec venit Christus, qui tot tenebras dissipavit: ideo quippe Filius Dei in mundum venit, ut nobis veram doctrinam traderet, & viam ad veram felicitatem ostenderet, simulque gratiam suam nobis vires tribueret ad ambulan-

dum per eam: Non enim nos aliter discere poteramus, quæ sunt Dei, nisi Magister noster Verbum existens, homo factus fuisset, ut inquit sapienter D. Irenæus lib. 9. cap. 1.

## §. VIII.

*Tertia propositio: veram Religionem nec queri debere, nec inveniri posse per examen rerum, & dogmatum, quæ tradis.*

CCXXV. **H**anc propositionem breviter stabilivi supra cap. 1. §. 7. eam solidissimè probat P. Elizalde q. 8. & 9. redditque rationem: quia nequit via illa esse apta, & recta ad veram Religionem, per quam melius itur ad falsam, quam ad veram, & in qua deterior futura sit causa veræ Religionis, quam falsæ alicujus. Talis autem est via per examen: doctrina enim veræ Religionis, ut nuper ostendimus, naturam suam est de rebus altissimis & Divinis, & hoc ipso nobis difficilibus, ac parùm notis: est etiam de rebus æternis, atque futuris, quarum nec experientiam, nec usum, nec speciem propriam habemus, neque simile. Unde vera Religio ad examen nostrum vocata difficilior erit, atque obscurior, quam falsa aliqua. Si enim quis sagacissimus Philosophus fabricaret nunc Religionem quamdam, quæ unum Deum mundi conditorem poneret, & tolleretur à Judaismo Messie expectationem, & multa, quæ puerilia apparent, & à Christianismo tolleretur Trinitatem personarum, Incarnationem Verbi Dei, præsen-

sentiam Christi in Eucharistia, & illa omnia mysteria, quæ omnino humanum discursum superant; & ea omnia relinqueret, quæ contra vitia, & in favorem virtutis circa præmium bonorum, & pœnam malorum ratio naturalis approbat, & à Mahumetismo tolleretur spurcitiam, & barbariem, & errores omnes contra rationem naturalem, & contra Mathematicam, & historiam: & hic Philosophus in certamen veniret cum Christiano circa veritatem Religionis, & contenderet, suam esse veram; Christianam verò falsam, & utriusque veritatem vellet explorare per examen articulorum, quæ unaquæque docet; & Christianus hunc modum discutiendi, & examinandi, quænam sit vera Religio, incautè admitteret, evidens est, in hac disputatione Religionem falsam prævalituram, quia assertor falsæ Religionis nihil poneret, quod non probaret, & omnia sibi obiecta contra suos articulos clarè dissolveret; e contra verò Religionis Christianæ & veræ professor poneret articulos, qui ratione naturali probari non possunt, imò qui homini destituto Fidei lumine apparent omnino impossibiles, & quos nemo intelligere poterit, nisi prius eos crediderit, ob auctoritatem Dei dicentis, juxta regulam illam, quam Deus ipse nobis constituit per Isaiam, cap. 7. *Nisi credideritis, non intelligetis.* Tales sunt articuli de unitate Essentia, & Trinitate personarum, de Incarnatione Verbi, de Divinitate hominis crucifixi, & de præsentia reali Christi in Eucharistia. Et quamvis Christianus posset objectiones contra hæc mysteria

factas dissolvere cum probabilitate; tamen non ita liquidò, & clarè dilueret, ut replicari amplius non posset. Unde in hoc certamine vinceret falsæ Religionis assertor. Evidens ergo est, hanc non esse rectam viam ad querendam veram Religionem. Rationem à priori jam dedimus, cap. I. §. 7. quia vera Religio continet articulos, qui intelligentiam nostram transcendunt, & qui, cum sint supra rationem, nequeunt per rationem probari. Ibi etiam aliam reddidimus rationem, quia, si ad querendam & inveniendam veram Religionem prius deberemus omnia ejus dogmata examinare, prius finiretur vita, quam susciperetur vera Religio.

CCXXVI. Doctrinam in hac assertionem datam colligimus ex S. Augustino, Epist. 49. quam scripsit ad Plesbyterum quemdam nomine *Deogratias*, respondens ad quæstiones à pagano quodam ipsi propositas, quarum solutionem ipse ab Augustino petierat. Petebat Paganus ille, ut sibi difficultates istæ explanarentur, antequam Christianus fieret: quæstiones erant sex; illas ad Augustinum misit Deogratias, & postquam omnibus satisfecit Augustinus, ad finem Epistolæ sic loquitur: *Proposita exposuimus, ut potuimus; sed ille, qui proposuit, jam sit Christianus, ne fortè, cum expelet antè librorum Sanctorum finire quæstiones, prius finiat vitam istam, quam transeat à morte ad vitam. Ferri enim potest (id est permitti, & tolerari) quòd, antequam Christianis Sacramentis imbuatur, quæris de resurrectione mortuorum. Concedendum etiam fortassis, quòd de Christo*

quaesivit, cur tantò post veneris, vel si qua sunt alia paucæ, & magna quaestiones, quibus cætera inferviunt. Si autem, qualis est illa: In qua mensura mens fueritis, metietur vobis, vel qualis ista, de fona, etiam omnes tales, antequam sit Christianus, finire cogitat, perperam cogitat, vel conditionem humanam, vel ætatem iam suam. Sunt enim innumera- biles, qua non sunt finiende ante Fidem, ne finiatur vita sine Fide. Sed planè, retentà jam Fide, ad exercendam piam delectationem mentium fidelium, studio- sissimè requirenda, & quod in eis eluxe- rit sine typho arrogantia communican- dum; quod autem lasuerit, sine salutis dispendio tolerandum. His verbis clau- dit Augustinus Epistolam illam. Quo nihil sapientiùs, & evidentiùs dici po- tuit. Permittit Augustinus, quòd de paucis, & magnis quibusdam quærat is, qui Fidem Christi vult suscipere, & ea sibi exponi deposcat, non quidem eo genere examinis, ut inde dijudicanda veniat, & accipienda, vel refutanda vera Fides, & Religio: nam ad hoc omnia essent examinanda; sed ita ut is, qui jam Fidem suscipere decrevit, mi- norem difficultatem experiatur in ma- gnis & difficilibus mysterijs, ex quorum difficultate retardatur à suscipienda Fi- de. Monendus tamen est Catechu- menus ille, ut considerationem avertat à mysterijs illis, quæ ipsi difficultatem præcipuam ingerunt, & illam applicet ad penetranda argumenta, quæ evin- cunt, Deum esse Authorem Religionis

Christianæ, & mysteria illa revelasse, quæ intelligentiam ejus superant, & exponatur ei obligatio, captivandi in- tellectum in obsequium Fidei, & firma Fide credendi omnia, quæ Deus dixerit, ubi firmis rationibus constiterit, Deum ea dixisse, quamvis homini sibi relicto, & suo discursu nitenti appareant peni- tus impossibilia: constat enim eviden- ter, multa sæpe homini videri impossi- bilia, quæ re ipsa existunt, & verissima sunt; cum tamen evidentissimum sit, Deum nec posse fallere, neque falli in- ijs, quæ attestatur. Unde ratio eviden- tissima dicat, credendum esse Deo ali- quid testificant, quamvis nobis summè difficile, imò & impossibile videatur (ut jam exposui cap. 1. hujus libri §. 4. & 6.) postquam nobis constiterit, id Deum dixisse: & hac in re præ oculis habendum est colloquium, quod ego habui cum Mahumetano ingenioso, qui Fidem Christi volebat recipere pro- pter difficultatem, quam experiebatur in mysterio Trinitatis, & Incarnatio- nis, & observandus est modus, quem post explicationem mysterorum ego tenui, ut illum obligarem ad captivan- dum intellectum, ad assentiendum his mysterijs ob auctoritatem Dei, qui illa mundo manifestavit per os Domini no- stri Jesu Christi, & Apostolorum: hoc colloquium exhibui tom. 3. Selectar. disput. ultima, Sect. 11. & modum il- lum tradidi ibi §. 7. pag. 615. & in se- cunda parte hujus operis appo- netur.



## §. IX.

*Propositio quarta: Veram Religionem querendam, & inveniendam esse per examen fundamentorum, & rationum, qua evincant, Deum esse Authorem illius Religionis.*

CCXXVII. **I**D jam exposui, & probavi cap. 1. hujus libri, §. 4. & 6. Et constat veritas propositionis, nam sicut est injuria infinitæ Dei majestatis & autoritatis, nolle assentiri mysterijs, quæ sufficienter proposita sunt, ut ab ipso revelata; quia ubi per argumenta gravia, & facientia moralem certitudinem nobis constat, Deum revelasse mysterium aliquod, ratio evidens dicat, mysterium illud credendum esse cum summa adhæsiōne, ob autoritatem Dei dicentis, ut ostendimus cap. 6. §. 1. ita est gravis injuria infinitæ autoritatis Dei, accipere doctrinam alicujus Religionis, tanquam à Deo datam, quin præcedat sufficiens fundamentum ad firmiter judicandum, Deum esse Authorem talis Religionis: nam *qui cito credit, levis est corde*, Ecclesiast. 19. ut exposui lib. 1. cap. 1. Fundamentum autem hoc debet esse tale, ut reddat evidenter credibilem illam doctrinam, id est, quod reddat audientem omnino securum de eo, quod Deus sit Author illius doctrinæ, quin de hoc possit prudenter dubitari: nam quamdiu potest prudenter dubitari, an Deus sit loquutus, nemo potest prudenter imperare assensum Fidei Divinæ, quo scilicet veritati mysterij revelati assentiatur super omnia, id

est firmitus, & immobilis, quam assentiri solet conclusioni evidenti. Paris enim est periculi accipere, tanquam à Deo revelata ea, quæ seductor aliquis proponit, tanquam à Deo dicta; & nolle accipere, tanquam à Deo dicta ea, quæ verus Dei Propheta ipsius nomine dicit, postquam sufficienter probavit, se esse Dei Prophetam, & Dei nomine loqui, ut probârunt Moyses, Elias, & alij Prophætæ Legis veteris, & in novo Testamento probârunt Apostoli, & alij viri sancti.

CCXXVIII. Unde Mahumetani, qui doctrinam à Mahumeto prædicatam, tanquam doctrinam à Deo datam, receperunt, quin in hoc seductore viderent signa ulla, quæ ostenderent, illum esse Dei Prophetam, omnino sunt inexcusabiles: sibi enim persuadent, Mahumetum fuisse Dei Prophetam, cum ramen adsint manifesta argumenta persuadentia, fuisse hominem ambiciosum & carnalem, qui se Prophetam finxit, ut Regna occuparet, & Imperium posteris suis relinqueret. Sunt etiam inexcusabiles sectarii, qui Lutherum ut novum Germaniæ Prophetam susceperunt, & sibi persuaserunt, Monachum apostatam, carnalem, ambiciosum, nullis præ eminentem virtutibus, nullis ornatum miraculis, sed magnis vitijs onustum, à Deo electum fuisse ad reformandam Ecclesiam. Et similia dici debent de his, qui Calvino adhæserunt.

CCXXIX. Fundamenta autem illa, quæ persuadere debent Deum esse Authorem Religionis, ut eam homines, tanquam à Deo datam, tuto & laudab ille

habilitate suscipiant, debent esse talia, quæ non relinquunt locum prudenti dubitandi, ne data fuerit à Deo: ac proinde debent esse talia, ut evidentiam moralem gignant de eo, quod Deus illius Religionis mysteria revelaverit; debent enim reddere evidenter credibilia mysteria talis Religionis, inducendò evidentem obligationem suscipiendi illam Religionem, ut à Deo datam, & credendi ejus mysteria, tanquam à Deo revelata, ut patet ex di&is lib. 1. cap. ultimo, & in hoc lib. cap. 2.

## §. X.

*Propositio quinta: Manifestum esse debere, & ex rebus in mundo moraliter evidentibus, quamnam ex omnibus mundi Religionibus & sectis vera, & à Deo data Religio.*

**CCXXX.** **V**eritas hujus propositionis constat ex his, quæ in toto hoc libro adduximus ad probandum, Religionem Christianam non solum esse evidenter credibilem, sed evidenter veram evidentiam in attestante, quatenus evidenter probatur, Deum esse autorem illius. Et robustissime ostenditur à P. Michael de Elizalde in toto suo opere de forma veræ Religionis querendæ, & inveniendæ, præsertim q. 19. scopus enim illius præclari operis est, hoc probare, & efficaciter persuadere: *Esse in mundo manifestissimum, effectus & explorati brevissimus, facillimus, saltem permultis, quamnam inter omnes Religionis doctrinam Deus tradiderit, proposuerique credendam, & in quo errare ritè quærentes nequeant.* Ad quod proinde opus non

sit Metaphysicâ, non Theologiâ, non demonstrationibus immortalitatis animæ, cum vel hoc absurdissimum futurum esset, si omnes, tam viros quam feminas, imò & litteratos omnes jubermus esse Metaphysicos, vel Theologos: quid enim stultius? omnes enim teventur veram Religionem querere, & ita querere, ut inveniant, & inventam suscipere; non tenentur autem omnes esse Metaphysici, vel Theologi. Ad inter noscendum ergo, quænam sit vera Religio, & à Deo data, non opus est Metaphysicâ, neque Theologiâ. Vera namque Religio, & vera Ecclesia est armatissima, in quam intrare debent, quicumque voverint salutem suam in tuto ponere: est domus Dei, in qua habitare debent, qui hæredes Regni Cælorum futuri sunt, & simul arcus & Castellum munitissimum, in quo se defendere possunt ab hostium impugnacione. De Ecclesia loquitur Salomon Prov. 9. dicens: *Sapientia edificavit sibi domum, excidit columnas septem; misit ancillas suas, ut vocarent ad arcem.* Ubi S. Gregorius Magnus apud Salazar per ancillas sapientiæ Apostolos intelligit, qui fuerunt ministri sapientiæ incarnatæ, seu Christi ab eo in mundum missi, ut Gentes vocarent in hanc arcem, id est, ut illis ingressum in Ecclesiam Christi persuaderent. Ubi nota, Ecclesiam, & esse domum, & simul arcem, domum ad habitandum, & arcem ad se defendendum à demonum impugnacionibus.

**CCXXXI.** Est Ecclesia Dei Civitas supra montem posita, ut ab omnibus videri possit, qui oculos in illam intendere velint. Ut enim inquit sapientissi-

mus.

mus Theologus, & hæreticorum acerrimus impugnator Gregorius de Valentia tom. 3. disp. 1. q. 1. punct. 7. colum. 156. in sexta Ecclesiæ proprietate: *Dicitur ab Orthodoxis Doctoribus, secundum certissima, & clarissima Sanctorum Scripturarum testimonia, Ecclesia visibilis; id est sic in luce hominum, & conspectu posita, ut quovis sæculo evidenter internosci, & quasi digito monstrari queat Congregatio illa, quam esse Ecclesiam veram determinat credere possis, ac debemus.* Et hanc Ecclesiæ prærogativam prædixit David: Psalm. 186. dicens: *In sole posuit tabernaculum suum;* id est, ut ibi explicat Augustinus, *in manifestatione posuit Ecclesiam suam, non in occulto;* & epist. 166. ad Donatistas: *Ipsa est Ecclesia in Sole posita, id est, in manifestatione, omnibus nota usque ad terminos terre:* & in libro de unitate Ecclesiæ, cap. 16. *Non est, inquit, operata Ecclesia, quia non est sub modio, sed super candelabrum, & de illa dictum est: non potest Civitas abscondi supra montem posita, sed Donatistas velut operata est, qui audiunt tam lucida, & manifesta testimonia, qua illam in toto Orbe demonstrant, ut maline clausis oculis offendere in montem, quàm in eum ascendere:* & epist. 107. *Facile tibi est, attende, videre Civitatem supra montem positam.* Unde Origines homil. 30. in Matthæum: *Eccelesia plena est fulgore ab Oriente in Occidentem.* Ergo evidenter cernitur, Religionem Christianam esse à Deo.

CCXXXII. Et quidem ad hominem contra Auctores Catholicos, qui

evidentiam veritatis nostræ Religionis negant, cum tamen constanter doceant, Religionem Christianam ita esse evidenter credibilem, ut Religiones omnes sibi oppositas faciat incredibiles, hoc validum & invictum formatur argumentum. Nam si Religio nostra reliquas facit incredibiles, ergo reliquas facit improbables: omnia enim probabilia sunt prudenter, & absque vitio credibilia: ergo Religio Christiana non solum est evidenter probabilis, aut evidenter probabilior reliquis sectis, sed certa: sola enim major probabilitas unus doctrinæ non facit, ut opposita sit absolute improbabili, seu talis, cui nullus possit prudenter assentiri. Si autem Religio Christiana ex suis fundamentis, & rationibus est certa: ergo est similiter evidens evidentiâ extrinsecâ, & in attestante: omnis enim certitudo, per rationem, ac probationem comparata, est in eodem gradu evidentiâ: imo evidentia rationum est causa certitudinis; nam extra Fidem Divinam, quæ est summè certa, quamvis sit obscura, omnis certitudo alieius veritatis fundatur in ipsa evidentiâ talis veritatis: ergo implicat, Religionem Christianam esse ita evidenter credibilem, ut omnem sectam sibi oppositam reddat incredibilem, quin sit evidenter vera, evidentiâ in attestante.

CCXXXIII. Præterea argumentor; nam cum Deus velit, omnes homines salvos fieri, vult, ut omnes querant veram Religionem, donec illam inveniant, & vult, ut inventam amplectantur; & si jam in illa sunt, vult, ut in illa usque in finem perseverent; nam

U

sine

sine professione veræ Religionis nemo potest salvus fieri, quia *sine Fide*, teste Apostolo ad Hebræos 10. *impossibile est, placere Deo*. Vera autem Fides non datur, ubi non datur vera Religio. Nec satis ad salutem, quod quis amplectatur Religionem, quæ sibi videatur probabilior, aut verisimilior, vel etiam certa, si re ipsa sit falsa: sic enim quilibet salvaretur in sua Religione, quia cuilibet sua videtur melior, & verisimilior aliis, imò certa. Sic Mahumetani, & Hebræi, imò & hæretici obstinati verissimam arbitrantur suam Religionem, & arbitrantur, Christianos Catholicos in errore versari. At certum est apud omnes Catholicos, neminem extra veram Religionem posse salvari, ut constat ex symbolo Athanasij: *Hæc est*, inquit, *Fides Catholica, quam nisi quisque integram, inviolatamque servaverit, absque dubio in æternum peribit*. Ergo Deus obligat omnes adultos, ad querendam & inveniendam veram Religionem, illamque amplectendam: ergo omnes possent dignoscere quænam sit vera Religio. Patet consequentia: quia si non possent discernere inter veram, & falsam Religionem, & dignoscere, quænam sit vera, quænam falsa, impossibilia Deus juberet, dum jubet, veram Religionem amplecti. At Deus impossibilia non jubet, ut definitum est à Tridentino: ergo omnes possunt discernere, quænam inter omnes sit vera Religio. Non possent autem hoc præstare, nisi vera Religio esset talibus veritatis indicia vestita, ut, quicumque ea indicia inspicat, & contempletur, evidenter deprehendere possit, Religionem, talibus indicia vestitam, seu ta-

libus notis insignitam, esse Religionem à Deo traditam, & consequenter veram. Ergo argumenta evidenter credibilitatis quibus Deus Religionem Christianam insignivit, connexa essentialiter sunt cum ipsius veritate, & quicumque ea penetrat, evidenter cognoscit, Religionem Christianam esse veram. Probatur consequentia: nam si illa credibilitatis argumenta solum redderent Religionem Christianam evidenter probabiliorem, & verisimiliorem reliquis omnia sectis, neque ex se essentialiter connexa cum veritate, sed possent conjungi cum falsitate, Deus non obligaret ad querendam, inveniendam, & amplectendam Religionem veram, sed solum ad amplectendam Religionem probabiliorem, & verisimiliorem, siue sit vera, siue sit falsa: ergo si omnia credibilitatis argumenta, quibus Religio Christiana est insignita, & possunt cadere in Religionem falsam, possunt à Deo omnes homines obligari, ut titulo ponendi in tuto suam salutem amplectantur Religionem re ipsa falsam, in qua salus esse non potest: quo nihil absurdius, & Deo indignius ex cogitari potest. Hoc enim esset, Deum homines decipere, & seducere, dum ex una parte statueret, non dare salutem æternam, nisi professoribus Religionis veræ, & ex alia parte Religionem falsam vestiret talibus veritatis indicia, ut omnes tenerentur illam amplecti: & ita homines fugiendo mortem, in mortem inciderent, seu potius querendo vitam, inciderent in mortem sempiternam, idque Deo procurante, seu incitante.

CCXXXIV. Id explicemus: Ponamus, Petrum fugere hostem insequen-

quentem, & non esse alium modum vitandi mortem, & evadendi gladium hostis persequentis, nisi se recipiat in aliquam turrim, vel arcem. Sint tres, vel quatuor turres ante ipsum à regione positæ, quarum una dumtaxat sit secunda, & medium aptum ad vitam tuendam; reliquæ verò sint omnino expositæ hostium furori, & quæ certissimè expugnandæ sint ab hoste insequenti Petrum. Sciat hoc Petrus, & evidenter cognoscat, se non posse in qualibet ex illis turribus vitam tueri, sed in una dumtaxat ex illis. Quid faciet in angustia Petrus? ad quam ex illis quatuor confugiet? Certum est, illum obligatum esse, eligere illam, in qua majora securitatis indicia conspexerit. Unde si indicia illa sint fallacia, & re ipsa turris illa non sit munita, sed expugnationi obvia, Petrus per illa indicia decipietur, & dum vitam vult tueri, exilius ruendæ desiderio incidet in præsentissimam mortem: unde qui vocavisset, & incitasset Petrum ad ingressum illius turris, ei ostendendo majora securitatis indicia in illa turri, quàm in aliis, illum profecto decepisset, & causa foret ruinæ ipsius. Cum ergo homini evidens sit, extra Religionem veram nemini patere aditum ad æternam salutem, & evidens quoque ipsi sit, inter omnes Religionem mundi unam dumtaxat esse veram, & à Deo descendentem; reliquas verò illi oppositas esse falsas, & à Diabolo ortas, evidens ipsi est, se obligatum esse, ad querendam, & amplectendam Religionem illam unicam, quæ vera est. Ego cum veritas Religionis cognoscatur per indicia veritatis, & argumenta credibilitatis, evidens ipsi est, se obli-

gatum esse ad amplectendam illam Religionem, in qua post diligentem inquisitionem viderit majora veritatis indicia, & urgentiora credibilitatis argumenta. Ergo impossibile est, ut DEUS Religionem falsam vestiat majoribus veritatis indicibus, & urgentioribus credibilitatis argumentis, quàm Religionem veram: sic enim homines deciperet, eos obligando per illa præminentiora veritatis indicia ad amplectendam Religionem falsam. Ergo evidens est, inter omnes mundi Religionem illam dumtaxat esse veram, quæ majoribus à Deo ornata est veritatis indicibus, & credibilitatis urgentioribus argumentis. At evidens est, inter omnes mundi Religionem solam Religionem Christianam Catholicam esse ornata à Deo majoribus veritatis indicibus, & urgentioribus credibilitatis argumentis, cum ex confessione omnium Doctorum Catholicorum non solum sit evidenter credibilis, sed evidenter credibilior omnibus aliis mundi Religionibus, & quidem cum tanto excessu, ut apud æquum rerum æstimatorem, & sincerum veritatis amatorem reliquæ omnes comparative ad illam nec verisimiles, aut probabiles, neque prudenter credibiles maneant: ergo evidens est, inter omnes mundi Religionem solam Religionem Christianam Catholicam esse veram, ac proinde solam illam esse veracem, seu veritatis Magistrum, & veræ Fidei depositariam, atque custodem. Ergo Doctores Catholici, tanquam omnino indubitatum statuentes, Religionem Christianam à Deo ornata esse evidentibus credibilitatis notis, & aliunde negantes ornata esse evi-



dentibus veritatis argumentis, virtualiter sibi contradicunt, & contradictoria docent. Dicendum ergo est, Christianam Religionem Catholicam ornata esse à Deo evidentibus veritatis argumentis, ac proinde quemcunque hominem, qui illa veritatis argumenta penetraverit, evidenter cognoscere, Christianam Religionem esse veram, id est Deum habere Authorem.

CCXXXV. Confirmatur, & explicatur: vera Religio est in mundo ab hominibus invenibilis: ergo est certò agnoscibilis, & discernibilis inter omnes, cum homines invenire eam nequeant, nisi agnoscendo, & discernendo. Antecedens constat ex dictis, quia alioqui Deus impossibilia hominibus præciperet, dum eis præcipit, ut querant veram Religionem, sine qua impossibile est salutem æternam obtinere: & præterea antecedens illud à nemine eorum negatur, qui aliquam Religionem tenent: nam cum unusquisque suam veram putet, necesse est ut putet, à se inventam esse veram Religionem, nempe suam. Vel ergo vera Religio æquari à falsa potest in fundamentis suæ veritatis, vel non potest? Si secundum: ergo excessus in fundamentis erit infallibile signum veritatis, ac proinde evidens erit, esse veram illam Religionem, quæ præ reliquis est credibilis, & majoribus illustrata est veritatis indicijs. Si autem vera Religio æquari à falsa potest in fundamentis veritatis, impossibile erit, inter utramque discernere, cum utraque sit æquè fundata, & æquè credibilis, ac proinde impossibile erit, veram Religionem invenire, ita

ut animus in ea quiescat, & sibi sine formidine persueadeat, se veram Religionem tenere.

CCXXXVI. Rursus, vel excessus in fundamentis est signum infallibile veritatis? & tunc ex excessu evidenter infero veritatem; vel est signum dumtaxat probabile: & tunc ex excessu non possum certò agnoscere, & discernere veram Religionem. Ergo vel vera Religio non est invenibilis, & ad nullam Religionem amplectendam obligamur, quod est evidenter falsum; vel vera Religio est certò, & evidenter agnoscibilis.

CCXXXVII. Ulterius: vel excessus fundamentorum est certò, & evidenter agnoscibilis, & tunc obtinui: vel est tantum opinabilis, & tunc opinari quidem de Religione potero; invenire autem non potero. Denique vel evidentia credibilitatis est certa nota veritatis, & tunc intentum obtinui, videlicet, Religionem Christianam esse evidenter veram, cum juxta omnes Doctores Catholicos sit evidenter credibilis. Vel evidentia credibilitatis non est certa nota veritatis, sed fallibilis, & indifferens, & solum probabilis? & tunc veram Religionem invenire non potero, nec certus esse, quòd Deus sit Author Religionis Christianæ, ejusque mysteria revelaverit; sed semper manebo dubius, & apud me dicere potero: forsan nos fefellit Deus, dum per argumenta evidentia credibilitatis nos induxit ad amplectendam Religionem Christianam: cum ergo hæc sint evidenter absurda, dicendum est, manifestum esse, & de rebus moraliter evidenti-

dentibus, quænam inter omnes sit vera, & à Deo data Religio, quæ erat propositio quinta, cuius veritatem probandam suscepimus.

## §. XI.

*Explicatur jam ex dictis Fidei nostra resolutio facienda apud homines Infideles, qui Evangelio non credunt.*

**CCXXXVIII.** **E**X dictis facile est, legitimam Fidei nostræ resolutionem explicare. Si ergo Philosophus Gentilis, vel Mahumétanus à Christiano quærat: cur credis, Deum esse unum, & Trinum? Cur credis, Deum factum esse hominem? Cur credis, Jesum Nazarenum à Judæis crucifixum esse verum Deum? Respondebit: quia Deus summè sapiens, ac verax, qui nec fallere, nec falli potest, has veritates mundo revelavit. Si autem ulterius quærat: Cur credis, Deum has veritates mundo revelasse? Respondeat, negando suppositum, & dicat, se non credere, seu Fide solùm obscura cognoscere, Deum has veritates revelasse, sed se hoc scire, seu per evidentia argumenta cognoscere. Si autem ulterius quærat: unde scis, Deum has veritates mundo revelasse? Respondeat: quia evidens est, Deum aliquam Religionem veram in mundo habere, in qua, & per quam homines salvari possint; & evidens est, hanc non posse esse aliam, quàm Religionem Christianam Catholicam Romanam, quia sola hæc est à Deo illustrata evidentibus veritatis notis, & manifestissi-

mis credibilitatis argumentis, & evidens est, Deum non potuisse Religionem falsam tot ac tantis veritatis signis, & credibilitatis argumentis exornare. Et hinc exponat credibilitatis argumenta, quæ in toto hoc tractatu sunt adducta, & breviter proposita ad finem libri primi.

**CCXXXIX.** Vel respondeat: certus sum, Deum revelasse mysterium Trinitatis, & Incarnationis, & Divinitatis Christi, quia evidens mihi est evidentia facti, Christum Dominum has veritates docuisse, & per Apostolos mundo persuasisse: Christus autem evidenter probavit suam Divinitatem, ut constat ex toto lib. 1. & ex hoc lib. 2. cap. 2. Unde quæcumque Christus revelavit mundo, Deus revelavit. Rursus, quodd Christus sit Deus manifestis probatur argumentis, quia evidens est evidentia facti, Christum Dominum palam dixisse Judæis, se esse Filium Dei naturalem, verumque Deum, & ob hanc causam à Judæis crucifixum esse: & evidens mihi est evidentia facti, & per historias fide dignas, quibus innumeri viri sapientissimi, & sanctissimi Fidem certissimam adhibuerunt, & per effectus manifestos, qui rem ita se habuisse, manifestè comprobant, Christum Jesum in confirmationem illius doctrinæ de sua Divinitate evidentia miracula patrâsse, mortuos suscitando, cæcos illuminando, paralyticos sanando, & alia opera miranda supra omnes naturæ vires operando, & Deum illum tertia die à mortuis suscitâsse, & ipsum rediivum Apostolis, aliisque personis apparuisse, & post qua-

draginta dies coram magna multitudine virorum ac mulierum è monte Oliveti ad cælos ascendisse, & Apostolos per totum Orbem dispersos Christi Divinitatem mundo persuasisse, & resurrectionem, atque ejus in cælos ascensionem, ut oculares testes, testificatos fuisse, & in hujus Fidei defensionem ipsos, & innumerabiles Martyres omnis ætatis, & sexûs, alacriter & constanter sanguinem sudasse: & sapientissimos ac doctissimos Doctores omni sæculo hanc doctrinam constanter defendisse, & pro ea defendenda innumeros labores alacriter sustinuisse. Evidens quoque mihi est evidentia facti, & per historias, quæ adhuc in genere narrationis humanæ summam auctoritatem habent, hanc Fidem professos fuisse viros ac feminas sanctissimas, quos Deus manifestis illustravit miraculis; & manifestum est, nec fidem falsam posse veram sanctitatem generare, nec providentiæ Dei congruum esse, ut miraculis illustret falsæ Fidei professores.

CCXL. Vel denique respondeat: certus sum, Deum esse Authorem Religionis Christianæ, quia manifestum mihi est, hanc Fidem non aliter, quam virtute Divina potuisse per totum mundum defendi contra tot Imperatorum, & Principum potentiam, & tyrannidem: quia cum Religio Christiana proponat credenda mysteria difficillima, qualia sunt Divinitas hominis crucifixæ, ejus realis præsentia sub exigua panis particula, & identitas ejusdem naturæ cum personis distinctis: & cum præcepta atque consilia, carni & sanguini contraria, contineat, & nihil de

præsentis suis cultoribus promittat, sed omnia in futurum reservet; incredibile est, mundum res, humanitus tam incredibiles, tam firmiter credidisse, nisi ad hoc credendum evidentiâ miraculorum induceretur, vel potentiâ Divinâ, & singulari gratiâ moveretur. Unde meritò S. Thomas 1. contra gent. cap. 6. dicebat: *Hanc tam mirabilem mundi conversionem ad Fidem Christianam indigium certissimum esse præteritorum signorum, ut ea ulterius iterare necesse non sit, cum in suo effectu appareant evidenter.* Esset autem, inquit, omnibus signis mirabilibus, si ad credendum tam ardua, & ad operandum tam difficilia, & ad sperandum tam alta, mundum absque mirabilibus signis inducitur fuisse à simplicibus, & ignobilibus hominibus. Et hic repetendum est acutissimum illud dilemma D. Augustini à nobis propositum, lib. 1. cap. 9. num. 85. quia vel Apostoli mundo prædicantes, hominem crucifixum esse Deum, & à mortuis revivisse, & vivum in cælos ascendisse, & totam illam doctrinam, quam ipsi prædicabant, docuisse, hanc Fidem mundo persuaserunt medijs signis externis, & miraculis, vel sine externis miraculis? Si primum: ergo Fides hæc vera est; quia Deus nequit miracula facere in confirmationem doctrinæ falsæ, & mirabilia operari, ut secta suæ voluntati contraria, & suis perfectionibus injuriola in mundo prævaleat. Si secundum: idem sequitur, quia hoc idem est miraculum internum, omnibus miraculis externis multo majus, & evidenter probans, solâ Dei omnipotentis virtute fieri potuisse, ut res huma-

humanitas ita incredibiles, & carni & sanguini ita contrarias, mundus tam firmiter, & tam constanter crediderit.

## § XII.

*Quomodo Fidei Christiana resolutio facienda sit sine circulo, & mutua prioritate coram hæreticis credentibus Evangelio & coram Catholicis.*

CCXLI. **S**i hæreticus à me querat: Cur credas, dari Purgatorium, & Christum Dominum instituisse septem Sacramenta? Respondebo: quia Deus summè sapiens, ac verax hoc revelavit. Si iterum roget: unde cognoscis, id Deum revelasse? Respondebo: quia Ecclesia Catholica Romana id semper tenuit, accreditit, atque omnibus credendum proponit. Si instet: unde cognoscis Ecclesiam Romanam hoc proponentem non errorem, sed veritatem credendam proponere? Respondebo: quia, teste Apostolo, *Ecclesia est Columna, & Firmamentum veritatis*, id est columna firma, & stabilis, quæ à veritate deflectere non potest, & sua firmitate ac stabilitate sustentat suos filios, nè à veritate aberrent, ut exponunt omnes Doctores Catholici; vel quia (ut fatetur etiam ipse Calvinus apud Becanum in Compendio Manualis lib. 1. cap. 3. num. 17.) *veritatem præconio suo celebrat, quia puram & sinceram retinet, quia ad posteros transmittit, vel quia*, ut idem Calvinus dicit, *veritatem tuetur, ac propagat, ut à posteris in omne ævum colatur*. Si autem rursus roget: unde scis Ecclesiam illam,

quam Apostolus appellat Columnam, & Firmamentum veritatis, esse Ecclesiam Catholicam Romanam? Respondebo: quia ex Evangelio manifestum est, Christum Dominum suprà Petrum fundasse Ecclesiam visibilem in æternum permanituram, ut constat ex illis verbis: *Tu es Petrus, & super hanc Petram ædificabo Ecclesiam meam, & porta inferi non prævalebunt adversus eam*. Et de hac Ecclesia suprà Petrum fundata loquutum fuisse Apostolum Paulum, manifestum est: Evidens autem est, Ecclesiam visibilem, suprà Petrum à Christo fundatam, non esse aliam, quàm Ecclesiam Catholicam Romanam, quia illa hominum congregatio sola est Ecclesia Christi, quæ eadem est, & una, & Sancta, & Catholica, & Apostolica, & rectissimè ordinata, & visibilis, hoc est in luce hominum perpetuò constituta: hæ enim Ecclesiæ proprietates manifestè constant ex symbolis, Apostolico, Nicæno, & Constantinopolitano, & ex Scripturis. Atqui sola illa hominum congregatio, quæ Romano Pontifici pro tempore existenti paret, ipsūque ut verum Christi in terris Vicarium & legiūm Petri successorem agnoscit, & nulla alia est talis: ergo sola hæc Congregatio, id est, sola Ecclesia Catholica Romana est vera Christi Ecclesia. Ad hanc autem minorem persuadendam suppetunt Doctori Catholico evidentiæ argumenta, ut demonstrant P. Valentia tom. 3. disp. 1. q. 1. punct. 7. à §. 21. Bellarminus de notis Ecclesiæ, & alij: & nos libro sequenti id ostendemus: evidens enim est, solam Ecclesiam Romanam posse per

per continuatam seriem Pastorum probare, se ab Apostolis fundatam esse, quia evidens est, evidentia facti, Innocentium XI. qui modò gubernat Ecclesiam Christi, successisse Clementi X. Clementem X. Clementi IX. Clementem IX. Alexandro VII. Alexandrum VII. Innocentio X. Innocentium X. Urbano VIII. & sic ascendendo pervenimus ad D. Petrum, à quo usque ad Innocentium XI. utrumque includendo, quadraginta quatuor supra ducentos numerantur Summi Pontifices, secundum communiorum calculum. Et manifestum est, in sola Ecclesia Catholica Romana reperiri notas, signa, & argumenta, quæ probent, ipsam esse veram Christi Ecclesiam.

## S. XIII.

*Alius modus id ipsum explicandi.*

**CCLXII.** **A**lio insuper modo sine circulo, & mutua prioritate possumus resolvere Fidem Catholicam coram hæretico, qui credens in Christum, negaret integritatem, & incorruptionem novi Testamenti, seu qui diceret, novum Testamentum, quod in Ecclesia modo servatur, non esse omnino incorruptum, & quale ab Apostolis scriptum fuit. Interroganti ergo: cur credis Purgatorium, & septem Sacramenta? respondebo: quia Deus hoc revelavit: & sciscitanti, unde cognoscis, hoc Deum revelasse? Respondebo: quia Ecclesia hoc credendum proponit: & iterum roganti: unde cognoscis, Ecclesiam in hoc propo-

nendo non errare? Respondebo: quia Ecclesia est infallibilis ob assistentiam Spiritus Sancti ei à Christo promissam: & rursus instanti: unde cognoscis, Ecclesiam hoc privilegium habere, & esse fuisse promissam à Christo assistentiam Spiritus Sancti, ne erret in iis, quæ credenda proponit? Respondebo: quia id Evangelium, & Scriptura aperte testatur: nam Christus Matth. 16. aperte promisit portas inferi non prævalituras adversus Ecclesiam, quam supra Petrum fundavit; prævaluissent autem, si Ecclesiam permovissent ad proponendum, tamquam articulum Fidei aliquod dogma falsum: & Matth. 28. Apostolis & eorum successoribus, Ecclesiam Christi principaliter componentibus, dixit: *Ecce ego vobiscum sum omnibus diebus usque ad consummationem sæculi*; non esset autem in Ecclesia Spiritus Christi, qui est spiritus veritatis, si Ecclesia errare posset in iis, quæ credenda proponit. Petro etiam, & in illo ejus successoribus dixit Christus: *Rogavi pro te, Petre, ne deficiat Fides tua*; obtinuitque proinde Christus pro suæ reverentia, ne à Sede Petri deficiat unquam vera Fides; ut ita Romanus Pontifex, tanquam Petri successor, possit fratres suos, id est, Episcopos & fideles in Fide vera confirmare, eis ostendendo, quid credere debeant. Ex iis, & aliis Scripturæ testimoniis cognovi, Ecclesiam esse infallibilem in iis, quæ credenda proponit.

**CCLXIII.** Si autem amplius inquireret: unde cognoscis, Scripturam hoc testificantem, esse Scripturam Dei, ab eo scilicet dictatam, & libros, unde sum-

man-



muntur ejusmodi testimonia, esse Canonicos? Respondebo: quia Ecclesia Catholica in Concilijs Generalibus congregata catalogum librorum Divinorum contexit, & inter eos numerat Evangelia illa, in quibus continetur assistentia Spiritus Sancti respectu Ecclesie, ne tota errare possit in ijs, quæ credit. Hunc catalogum exhibuit Concilium Tridentinum Sess. 4. Patres Tridentini hunc Catalogum acceperunt per traditionem ab Eugenio Papa in Concilio Florentino, ut videre est apud Bartholomæum Carranzam in summa Conciliorum. Rursus Eugenius illum accepit à Gelasio Papa in Concilio Romano, ut patet ex 2. tom. Conciliorum in Decretis Gelasij circa finem. Iterum Gelasius ab August. lib. 2. de doctrina Christi. c. 8. Augustinus autem à Concilio Carthaginensi 3. quod alij quintum, alij sextum vocant. Denique Patres hujus Concilij ab Innocentio I. epist. 3. ad Exuperium cap. 7. assumptus est autem Innocentius I. ad Summum Pontificatum anno 402. Unde ex illo tempore primitivæ Ecclesie ad nos usque per continuam successionem perseverat idem ille Scripturæ Canon, quem Ecclesia Catholica Romana tenet, & amplectitur. Ab hoc Canone multos libros hæretici hujus temporis expungunt, in quos optimè quadrat, quod de Manichæis scripsit Augustinus in libro de bono perseverantiæ cap. 11. *Scripturas, inquit, sic accipiunt, ut suo quodam privilegio, inò sacrilegio, quod volunt, sumant; quod nolunt, rejiciant.*



## §. XIV.

*Quomodo sine circulo auctoritatis Scriptura probari possit per auctoritatem Ecclesie, & Ecclesia auctoritas per auctoritatem Scripturæ.*

CCXLIV. **S**I autem ulterius interroget: unde nōsti, Ecclesiam Catholicam præscribentem Catalogum librorum Divinorum, in eo designando non errasse? Hic non est recurrendum ad auctoritatem invisibilem Ecclesie, seu ad assistentiam invisibilem Spiritus Sancti, quam habet Ecclesia Catholica, ne errare possit circa Fidem, quæ assistentia solū probatur ex Scripturis: sic enim circulum committeremus, probantes infallibilitatem Romanæ Ecclesie ex Scriptura, & rursus infallibilitatem Scripturæ ex infallibilitate Ecclesie: quem circulum suprā §. 3. hujus capituli exprobrant Catholicis Calvinistæ apud Beccanum in Compendio Manualis libr. 3. cap. 10. Recurrendum itaque est ad auctoritatem manifestam, & visibilem Ecclesie, quæ in omnium oculis incurrit.

CCXLV. Duplex namque est Ecclesie auctoritas: altera omnino invisibilis in se, & prorsus occulta, nimirum auctoritas proveniens ab infallibili assistentia Spiritus Sancti, quæ assistentia nobis constat per revelationem contentam in Scriptura; altera est manifesta & visibilis; quia in mundo est manifestum, & quasi palpabile, Religionem Christianam modis mirabilibus, atque Divinis fuisse prius fundatam, & per totum Orbem diffusam; mox illustratam invidis sine numero

X

Mar.

Martyribus ; in ea per singula sæcula floruisse homines admiranda sanctitate præditos , & manifestis miraculis claros ; in ea semper illustrissimos Doctores , clarissimâ sanctitatis & doctrinæ luce perfusos , claruisse ; ex illa produisse viros Apostolicos , qui zelo & charitate ardentibus per singula sæcula barbaras nationes ad Christum traxerunt , & quotidie trahunt ; hanc Ecclesiam immobilem in sua Fide per tot sæcula permanuisse contra tot Imperatorum potentiam , contra tot hæreticorum persecutiones. Hæc , & alia Ecclesiæ decora ingentem illi conciliant auctoritatem , & satis clarè manifestant , Ecclesiam tot notis illustrem , tot prærogativis ornata , tot Martyribus , tot Confessoribus , tot Virginitibus , & tot Doctoribus decoratam , esse illam Ecclesiam visibilem , quam sibi Christus conjunxit , tanquam Sponsam perpetuam , ut explicat Apostolus ad Ephes. 5. v. 31. & prædictum est ab Oïea cap. 2. v. 19. *Sponsabo te mihi in sempiternum* ; esse illam , quam Christus supra Petrum fundavit , & de qua dixit : *Es porta inferi non prevalebunt adversus eam* , id est , *vitia , & peccata , & hæreticorum doctrina* , ut explicat Hieronymus ad illum locum : adversus quam *inferorum porta* , id est , *hæreticorum ora* , *impetum quidem facient , sed non prevalebunt* , ut inquit Damascenus in oratione de transfiguratione Domini : denique esse illam , de qua Augustinus lib. 1. de Symbolo cap. 6. dicit : *Ipsa est Ecclesia sancta , Ecclesia una , Ecclesia vera , Ecclesia Catholica* , contra omnes hæreses pugnant. Oppugnari po-

test , expugnari non potest. *Herodes omnes de illa exierunt , tanquam sarmen- ta inuisita de vite præcisâ ; ipsa vero manet in radice sua , in vite sua , in charitate sua ; Porta inferi non vincunt eam.*

CCXLVI. Ad hanc ergo auctoritatem visibilem Ecclesiæ recurrendum est in præsentî interrogatione. Itaque ad illam interrogationem : unde nōsti , Ecclesiam Catholicam præscribentem Catalogum librorum sacrorum , in eo designando non errasse ? Respondebo : quia Ecclesia Catholica Romana tot prærogativis visibilibus , tot notis , & insignibus fulget , ut ex illis manifestè cognoscatur , eam esse Ecclesiam illam , in qua habitat Spiritus Dei , id est , Spiritus veritatis , cui sua sensû manifestavit , & per quam vult sensibilibus hominibus loqui , eisque ostendere legitimam ad æternam felicitatem viam. Credibileque non est , Deum occulasse huic Ecclesiæ , quinam sint illi libri , quos ipse dictavit , & per quos voluit ad æternam salutem dirigî : cui enim committeret libros illos custodiendos , & fideliter usque in finem servandos , nisi Ecclesiæ illi , *quam suo sanguine acquisivit* , ut inquit Paulus Actor. 20. v. 28. quam sibi in æternum desponsavit , & quam tot dotibus , & mirabilibus prærogativis decoravit ? Ergo Ecclesia Catholica est fida custos sacrorum librorum. Ergo ad illam attinet , discernere , quinam sint libri Divini , & à Deo dictati , & illos filijs suis ostendere , ut ipsorum doctrinâ nutrientur ad vitam.

CCXLVII. Confirmatur: nam certum est, Filium Dei in terris visum esse, & cum hominibus conversatum fuisse, ut prædixerat Baruch, cap. 3. *Post hac*, inquit, *in terris visus est, & cum hominibus conversatus est.* Certum est, hominibus dedisse præcepta vitæ, & novam legem fundasse; & voluisse, ut Evangelium scriberetur, ut usque in finem esset forma sanctitatis: ergo certum est, alicui hominum cœtui tradidisse hoc pretiosum depositum servandum: cui autem, nisi Ecclesiæ suæ? Quænam autem esse potest Ecclesia ejus, nisi illa, quæ signis mirabilibus fulget, nempe Catholica Romana? Ergo certum est, ad Ecclesiam spectare prærogativam, conservandi putum Evangelium, aliisque libros sacros sine mixtura errorum. Ergo ex autoritate visibili & manifesta Ecclesiæ abundè probatur, eam habere autoritatem infallibilem ad notificandum fidelibus, quinam sint libri Sacri, & Canonici, qui tanquam Divinitus inspirati legendi sunt.

CCXLVIII. Ipsaque necessitas Fidei nobis à Deo dandæ probat, Scripturas sacras illi tanquam in deposito traditas. Audiamus Augustinum, hanc necessitatem Fidei explicantem lib. 11. de Civit. Dei, cap. 2. & 3. *Quia ipsa mens*, inquit, *cui ratio, & intelligentia naturaliter inest, vitij quibusdam tenebrosi, & veseribus invalida est, non solum ad inbarendum fruendo, verum etiam ad perferendum incommutabile lumen, donec de die in diem renovata atque sanata fiat tanta salutis capax, Eide primum fuerat imbuenda, atque*

*purganda; in qua ut fidentius ambularet ad veritatem, ipsa veritas DEI Filius homine assumpto, non tamen consumpto, eandem constituit, atque fundavit Fidem, ut ad Deum iter esset homini per hominem Deum: hic enim est Dei, & hominum mediator homo Christus Jesus. Illic prius per Prophetas, deinde per seipsum, postea per Apostolos, quantum satis esse judicavit, loquutus, etiam Scripturam condidit, quæ Canonica nominatur, eminentissima auctoritatis, cui Fidem adhibeamus de his rebus, quas ignorare non expedit, nec per nos ipsos nosse idonei sumus. Hæc ille. Hanc autem Scripturam à se conditam, cui servandam traderet DEUS, nisi illi Ecclesiæ, quam tot signis mirabilibus ornavit?*

CCXLIX. Sine circulo ergo cognoscimus, Ecclesiam habere autoritatem infallibilem, & assistentiam occultam Spiritûs Sancti, ne erret, quia Scriptura Divina hoc testatur; & cognoscimus, Scripturam hoc testificantem esse Divinam, quia Ecclesia visibilis, quæ prærogativis suis probat, se esse Ecclesiam Dei, declarat, tales & tales libros esse Divinos.

CCL. Possemus etiam aliâ viâ vitare circulum, asserendo, nos scire, quod Ecclesia habeat autoritatem infallibilem, quia id Scriptura Divina testatur: & interrogati: unde scimus, Scripturam hoc dictantem, esse Divinam? Responderimus: quia, nisi esset Divina, tantam autoritatem non haberet omni sæculo apud omnes homines. Hanc rationem colligo ex Augustino lib. 6. confessionum capit. 5.

dicente : Cùm essemus infirmi ad inveniendam liquida ratione veritatem , & ob hoc nobis opus esset auctoritate sanctarum litterarum , jam credere ceperam , nullo modo Deum fuisse tributurum tam excellentem illi Scriptura per omnes jam terras auctoritatem , nisi & per ipsam tibi credi , & per ipsam te quari voluisses . Et idem Augustinus lib. 1. de moribus Ecclesiæ cap. 29. cùm Manichæos ex quodam Evangelij loco convicisset , subjungit : *Quid hoc loco potest dicere impudentissima pertinacia ? Non hoc Christum dixisse : At in Evangelio verba ejus ista conscripta sunt . Falsum esse scriptum : Quid hoc sacrilegium magis impium reperiri potest ? Quid ista voce impudentius ? Quid audacius ? Quid sceleratius ? simulacrorum cultores , qui Christi etiam nomen oderunt , nunquam hoc adversus Scripturas illas ausi sunt dicere . Consequenter namque omnium litterarum summa perversio , & omnium , qui memoria mandati sunt , librorum abolitio , si , quod tantâ populorum Religione roboratum est , tanta hominum & temporum consensione firmatum , in hanc dubitationem ducitur , ut ne historia quidem vulgaris fidem possit , gravitatemque obinere .*

## §. XV.

*Quomodo resolvenda sit Fides eorum , qui Christo , & Apostolis prædicantibus crediderunt .*

CCLI. **H**Æc dicta sunt de resolutione Fidei , prout nunc habetur à Fidelibus : nam si sermo sit de actu Fidei , quo audientes Christum ,

crediderunt , vera esse mysteria quæ ipse prædicabat , videlicet quoddam ipse esset verus Deus , & Messias in Lege promissus : ille resolvitur , tanquam in motivum credibilitatis , in miracula , quæ Christus patravit in confirmatione suæ doctrinæ : evidens enim est , vel esse doctrinam Divinam , ac proinde veram , quæ confirmata est miraculis ; vel saltem evidens est , posse ac debere credi ut Divinam . Similiter si sermo sit de Fide eorum , qui immediate audierunt Apostolos , illa revocanda est in miracula ab ipsis edita , vel in mirabilem Prædicatorum sanctitatem , & consonantiam cum ratione , quæ apparebat in doctrina ab ipsis prædicatâ , vel in aliud hujusmodi .

## §. XVI.

*Quomodo Fides nostra , qui miracula Christi , & Apostolorum non vidimus , possit in illa resolveri .*

CCLII. **R**Espectu autem nostri , qui miracula illa non vidimus , etiam à miraculis illis potest probari , revelatam fuisse à Deo doctrinam illam , quam Apostoli prædicarunt , v. g. Resurrectionem , & Ascensionem Christi , dilemmate illo acutissimo Augustini , lib. 22. de Civit. cap. 5. sic arguentis : Vel mundus credidit Resurrectionem , & Ascensionem Christi per miracula Apostolorum , & Prædicatorum Evangelij , vel sine ullis miraculis externis ? Si primum : ergo Deus confirmavit miraculis Resurrectionem , & Ascensionem Christi ; si verò Apostoli , ut eis crederetur , Resurrectionem & Ascensionem Christi præ-

prædicantibus, etiam ista miracula fecisse non creduntur; hoc vobis unum grande miraculum sufficit, quod eam orbis terrarum sine ullis *miraculis credidit*. Quare juxta Augustinum nobis pro miraculo sufficit Fides ipsa Catholicæ Ecclesiæ: ex terminis enim videtur manifestum, fieri non potuisse sine miraculo, ut tanta hominum multitudo crederet certissimè rem ex natura sua incredibilem, præsertim cum talis Fides tantam morum mutationem & sanctitatem attulerit.

CCLIII. Et quidem mihi mirabilior videtur mutatio illa, quam experimur per Fidem Catholicam, quam suscitatio mortuorum, & illuminatio cæcorum; & facilius intellectu mihi apparet, hanc Fidem Ecclesiæ Romanæ introductam esse per miracula externa, quam sine ullis miraculis: hoc enim secundum, ut Augustinus animadvertit, licet à Deo fieri possit, difficilius tamen est, & incredibile, quam illud primum: unde idem Augustinus, lib. 22. de Civit. cap. 8. agebat: *Miracula necessaria fuisse, priusquam crederet mundus, ad hoc ut crederet; postquam vero mundus credidit, necessaria jam non esse miracula: nam qui adhuc prodigia, ut credat, expectat, magnum est ipse prodigium, qui mundo credente non credit*. Huc etiam facit ille S. Thomæ locus ex 1. contra Gent. cap. 6. quem supra adduximus, §. 11. circa finem, ut enim ille agebat: *Hæc tam mirabilis mundi conversio ad Fidem Christianam indicium certissimum est prætoriorum signorum, ut ea ulterius*

*iterare necesse non sit, cum in suo effectu appareant evidenter.*

## §. XVII.

*Resolutio Fidei à nobis exposita confirmatur ex Patribus.*

CCLIV. **P**ROBATUR nostra sententia celebri alia auctoritate ejusdem Augustini, qui lib. de utilitate credendi, cap. 14. late agit de credibilitate nostræ Fidei, & docet: *Christum nihil prius, nec fortius, quam credi sibi voluisse: cum illi nondum essent idonei, cum quibus ei res esset, ad Divina percipienda secreta, doceretque, Christum Dominum in eum scopum miracula fecisse, ut sibi loquenti & docenti crederetur*. Et postea cap. 16. paulò post initium dicit, pertinuisse ad providentiam Dei, constituere aliquam auctoritatem, quæ velut gradu certo innitentes, attollamur in Deum, & possumus credere sine temeritate, & periculo errandi. Et paulò post addit, nos duobus modis moveri ad credendum, partim miraculis, partim sequentium multitudo, id est, tum miraculis, quæ in confirmationem Fidei facta sunt, tum multitudine populorum illam profitentium. Quod etiam repetit, & confirmat in libro contra Epistolam fundamenti, cap. 4. his verbis: *Multa sunt, quæ iustissimè me tenent in Ecclesia Catholica gremio: tenet consensus populorum, & gentium: tenet auctoritas miraculis inchoata, spe nutrita, charitate aucta, vetustate firmata: tenet ab ipsa Sede Petri Apostoli, usque ad præsentem Episcopatum successio Sacerdotum.*



Idem apertè testatur ibidem cap. 5. in-  
 quiens: *Infirmata Catholicorum aucto-  
 ritate, jam nec Evangelio credere potero,  
 quia per eos illi credideram.* Ergo af-  
 firmat Augustinus, se ab autoritate  
 Ecclesiæ Catholicæ inductum fuisse ad  
 credendum, Deum esse autorem do-  
 ctinæ contentæ in Evangelij. De-  
 nique in libro jam citato de utilitate  
 credendi, cap. 14. circa finem docet,  
 Christum miraculis obtinuisse, ut sibi  
 prædicanti, se esse Deum, atque Mes-  
 siam in lege promissum, crederetur:  
*Quid enim agunt tanta, & tam multa  
 miracula, ipso etiam dicente, illa fieri  
 non ob aliud, nisi ut sibi crederetur?* Et  
 postmodum: *Ergo Christus asserens  
 medicinam, quæ corruptissimos mores sa-  
 nantem esset, miraculis conciliavit au-  
 thoritatem, autoritate meruit fidem, fi-  
 de contraxit multitudinem, vetustate  
 roboravit Religionem.* Ex quibus ma-  
 nifestè constat, D. Augustinum per-  
 motum fuisse miraculis, & alijs notis  
 credibilitatis, ut crederet, Religionem  
 Christianam habere Deum autorem,  
 ac proinde ut ob autoritatem Dei re-  
 velantis crederet mysteria nostræ Re-  
 ligionis: ergo Fides nostra resolvenda  
 est in illa signa, & argumenta.

CCLV. Idque etiam apertè docuit  
 Richardus à Sancto Victore, lib. 1. de  
 Trinitate, ubi considerans evidentis-  
 sima argumenta credibilitatis, quibus  
 homines inducuntur ad credendum,  
 Deum esse Autorem illius, ac proin-  
 de ejus mysteria revelasse, exclamat,  
 dicens: *Domine, si error est, quod cre-  
 dimus, à te decepti sumus.* Reddit-

que rationem: quia mysteria nostræ  
 Fidei tam multis, tam magnis, tam  
 mixtis prodigijs divinitus sunt confir-  
 mata, ut genus videatur esse dementi-  
 tiæ, vel aliquantulum dubitare. Ergo  
 gravissimus iste Pater reducit assen-  
 sum, quo credimus, Deum esse au-  
 thorem Religionis Christianæ, ac  
 proinde ejus mysteria revelasse, ad  
 signa, & motiva credibilitatis: ergo  
 his tanquam motivo intrinseco inniti-  
 tur assensus revelationis.

CCLVI. Præterea suadetur nostra  
 conclusio autoritate D. Thomæ hic  
 q. 2. art. 9. ad 3. dicentis: *Ille, qui cre-  
 dit, habet sufficiens inductivum ad cre-  
 dendum; inducitur enim autoritate  
 Divinæ doctrinæ miraculis confirmata,  
 & quod plus est, interiori instinctu Dei  
 invitantis.* Unde non leviter credit,  
 cum habeat sufficiens inductivum ad  
 credendum. Ubi apertè loquitur, non  
 de motivis, quæ habemus ad volen-  
 dum credere: nam priusquam creda-  
 mus, non inducimur auctoritate Divi-  
 næ doctrinæ: neque enim tunc agno-  
 scimus illam, tanquam auctoritatem,  
 & doctrinam Divinam; alioqui cre-  
 deremus, antequam credamus; sed de  
 motivis, quæ habemus ad ipsum actum  
 credendi, ut optimè expendit Cardi-  
 nalis Sfortia de Fide num. 64.


CCLVII. Denique efficaciter sua-  
 detur ex verbis Christi Joan. 10. *Si  
 mihi non vultis credere, operibus cre-  
 dite,* quibus significat, opera miraculo-  
 sa Christi, ejusque vitam esse motivum  
 ad credendum, quodd missus à Deo, &  
 ejus doctrina sit Divina, ac proinde  
 cre-

credenda ob auctoritatem dicentis. Et ex verbis Christi Joannis 11. *Lazarus mortuus est, & gaudeo propter vos, ut credatis*, ex quibus constat, Christum voluisse nos credere Divinam revelationem propter testimonia, & motiva, quæ suadent ejus existentiam. Idque fecerunt Samaritani Joan. 4. *Multis*

*crediderunt in eum propter verbum mulieris testimonium perhibentis, quia dixi mihi omnia: ergo Samaritani ducti sunt ad credendum, Christum esse Messiam, quia ob testimonium mulieris crediderunt, ei aperuisse secreta cordis, & ob hoc miraculum crediderunt; illum esse Messiam.*

## LIBER TERTIUS.

*IN QVO EVIDENTER DEMONSTRATUR  
inter Christianas Religiones, solam Catholicam Romanam esse veram Christi Religionem, atque Ecclesiam,  
& in illa sola inveniri salutem.*

I.  libro 2. ostendimus, Religionem Christianam, prout distinguitur ab omni secta, quæ Christum non adorât, ut verum Deum & hominem, esse non solum evidenter credibilem, sed evidenter veram, non quidem evidentiam directam rei in se, quæ reddat evidentiam mysteria nostræ Religionis; sed evidentiam reflexam, & in alio, nempe evidentiam in attestante, quatenus evidenter probatur, Deum esse auctorem illius: ostendimusque, hanc evidentiam in attestante componi cum fide obscura mysteriorum; & sistere in dicto, & non transire ad rem dictam. Et cap. 3. illius libri secundi §. 4. ostendimus, argumentum, quo Cardinalis Bellarminus probat, Religionem Christianam esse quidem evidenter credibilem, non tamen evidenter veram, duntaxat evincere, illam non ef-

se evidenter veram evidentiam rei in se, & per principia intrinseca, & directa; nam hoc pacto solum dicitur evidenter verum, quod in se, vel in suis principijs videtur. Mystéria autem Religionis Christianæ nec in se, nec in suis principijs videntur in hac vita: non autem probare, quod non sit evidenter vera, evidentiam rei in alio, nempe in attestante, & per principia extrinseca, atque reflexa.

II. Nunc in præsentî libro probandum nobis est, saltem supposita fide in Christum, & veritate Scripturarum, evidenter demonstrari, solam Ecclesiam Catholicam Romanam esse veram Christi Ecclesiam; sectas verò omnes hæreticorum esse synagogas sathanæ, quod est facilius, quam illud primum, quod libro præcedenti probatum est. Unde Cardinalis Bellarminus, quamvis illud primum neget, defendit hoc secundum

cundum t. 2. libro de notis Ecclesiæ cap. 3. ubi notat, *Ecclesiam Catholicam esse quasi solem quendam, qui radios lucis clarissimos ex omni parte diffundit, ut facillimè per eos cognosci possit. Habet enim plurimas notas, sive testimonia, ac signa, quæ illam discernunt ab omni Religione Paganorum, Judæorum, & Hæreticorum.* Et quamvis ipse arbitretur, has notas non efficere evidenter verum, ipsam esse veram Christi Ecclesiam, sed solum efficere evidenter credibile juxta explicationem addu-

ctam libro primo cap. 12. n. 111. ex eodem Bellarmino: tamen addit, *apud eos, qui admittunt scripturas divinas, & historias, ac Patrum veterum scripta, facere etiam evidentiam veritatis. Tamen si enim articulorum fidei veritas non possit nobis esse evidens absolute, tamen potest esse evidens ex hypothesi, id est supposità veritate scripturarum. Quod enim à Scriptura evidenter deducitur, est evidenter verum suppositis scripturis. Quod verissimè dictum est, & à nobis fusè in hoc Libro probandum.*

## CAPUT PRIMUM.

*Primum Caput id probandi, quia ex Evangelio est manifestum, Christum supra Petrum fundasse Ecclesiam visibilem usque ad finem Mundi permansuram: evidens autem est, hanc non esse illam, quam Reformatam hæretici appellant, utpote, quæ cum Calvino, & Luthero inceptit; sed Catholicam Romanam, quæ continuata serie Pastorum à D. Petro ad Innocentium*

*XI. 244. numerat summos Pontifices.*

### S. I.

*Demonstratur Christum supra Petrum fundasse Ecclesiam suam.*

I. **Q**uod id sit manifestum ex Evangelio, constat ex illis Christi Domini verbis Matt. 16. 18. *Et ego dico tibi, quia tu es Petrus, & super hanc Petram edificabo Ecclesiam meam, & porta inferi non prevalebunt adversus eam: interrogaverat Christus Apostolos omnes, vos autem quem me esse dicitis? Petrus autem plenus fide cægeros in confessione præveniens, re-*

*ipondit, Tu es Christus Filius DEI vivi.* Christus autem laudans confessionem Petri, ad eumque sermonem dirigens, ipsi determinatè dixit, *& ego dico tibi: non dixit autem vobis, quasi comprehendere voluisset Apostolos omnes, quatenus unam constituiebant Ecclesiam: Tu es Petrus, id est non solum vocaris, sed revera es Petrus, seu Petra, rupè, quæ firmissima ratione immobilis fidei, supra quam fundabo Ecclesiam meam. Illa autem verba, & ego dico tibi, continent elegantem antithesim, quasi dicat; Tu, qui homo*

as, Filium Dei vivi me esse dixisti, *Ego* verò, qui *Filius Dei vivi sum*, dico, te esse Petrum, seu firmissimam Petram, supra quam ædificabo Ecclesiam meam, id est, dico tibi, *te esse Vicarium meum*, id est, Ecclesiam, quæ super me tanquam supra Lapidem primum ædificata est, supra te tanquam secundarium quoddam fundamentum ædificabo.

II. Et sanè cùm in hoc loco illud pronomen, & *super hanc petram*, referri non possit, nisi vel ad personam Petri, vel ad personam Christi, vel ad confessionem de divinitate Christi, quam Petrus fecit, Illustrissimus Petrus de Marca Archiepiscopus Parisiensis opusc. 4. cap. 3. n. 27. verè testatus est, *universam Ecclesiam tum in occidente, tum in oriente, juxta literalis sensus proprietatem semper Petrum intellexisse* in illis verbis, *Et super hanc petram*; nec ullum è Patribus hanc interpretationem rejecisse, imò verò omnes & singulos illam, ut veram & genuinam, amplexos esse; aliquos tamen Patres huic receptæ ab omnibus explicationi alias superstruxisse, quæ huic primæ, & universali non officerent. Unde Hieronymus epist. 57. aiebat: *Ego Cathedra Petri communionem conficior; super illam Petram ædificatam Ecclesiam scio. Quicunque extra hanc Domum agnum comederit, prophannus est. Si quis in arca Noë non fuerit, peribit regnante diluvio.* Estque adeò exploratum, promissionem illam factam esse Petro in propria persona, ut P. Suarez lib. 3. adversus Regem Angliæ cap. 10.

n. 4. disertè pronuntiaverit, *evidens esse ex tenore verborum, promissionem illam factam esse Petro in propria persona, & Christum per illa verba, super hanc Petram, sine dubio eundem Petrum designasse.* Idque docuit totum concilium Calcedonenſe, in quo sederunt 630. Patres, dum actione tertia Petrum appellat *Petram, & crepidinem Ecclesia Catholica.* Et hanc esse communem sensum totius Ecclesiæ, & Græcorum, atque Latinorum Patrum affirmant etiam P. Suarez, ubi nuper; Cardinalis Bellarminus lib. 1. de Romano Pontifice cap. 10. P. Valenus in Analyſi fidei lib. 3. cap. 2. & Maldonatus ad eum Locum.

III. Verum quidem est, D. Augustinum duplici modo exposuisse illum locum. Primò, ut per illa verba, & *super hanc petram*, intelligatur Persona Petri, secundò ut intelligatur persona Christi; ut constat ex primo tractationum cap. 21. Dixi (inquit) in quodam loco de Apostolo Petro, quòd in illo tanquam in petra ædificata est Ecclesia, sed scio me postea sæpiſſimè exposuisse, quòd à Domino dictum est, Tu es Petrus, & super hanc petram &c. ut super hanc intelligeretur, quem confessus est Petrus, & utramque expositionem dicere probabilem; *Harum autem* (inquit) *duarum sententiarum quæ sit probabilior, eligat Lector.* Sed ideo utramque expositionem ut genuinam, & litteralem approbavit Augustinus, & arbitrio legentium reliquit, judicare, quænam ex illis sit probabilior, quia ignoravit linguam Hebræam, & Syriacam, in qua Mattæus scripsit, & ob  
Y hanc,

hanc ignorationem existimavit, in illis verbis, *Tu es Petrus, & super hanc petram*, Christum distinxisse inter Petrum, & petram, & nomine petre se ipsum intellexisse: cum tamen scientibus Linguam Hebræam, & Syriacam sit manifestum, intellexisse Petrum. Nam cum dixit, *& super hanc petram*, per pronomen illud *hanc* designavit aliquam petram, de qua paulò antè locutus fuerat: tunc autem Christus non seipsum, sed Simonem appellaverat petram; Syriacè namque loquebatur; in lingua autem Syriaca *Petrus & Petra*, ejusdem generis sunt, eandemque terminationem habent, ut docet Hieronymus in caput secundum Epistolæ ad Galatas. Et res certissima est, inquit Bellarminus; nam ubicumque in textu Hebræo est *seffa*, id est *petra*, in Syriaco est *Cepha*; quin etiam *Cepha* Hebraicè rupem significat. Quare ubi in versione Græca, atque Latina legimus, *Tu es Petrus, & super hanc petram*, in Syriaca atque Hebraica, in qua Matthæus scripsit, legimus: *Tu es Cephas, & super hoc cephas adificabo*: quasi diceret latinè: *Tu es Petra, & super hanc Petram*. Unde teste Bellarmino, Augustinus ex sola ignorantia lingue Hebrææ est deceptus, dum existimavit, verba illa, *& super hanc petram*, designare Christum, eò quod immediatè antè Christum non dixerat: *tu es Petra, sed tu es Petrus*. Quo argumento minimè moveretur, si sciret, in lingua illa, in qua locutus est Christus, eodem nomine significati.

IV. Hinc apparet, quàm leve sit fundamentum, quo Calvinus motus

est ad asserendum, ex hoc loco non posse probari Primatum Petri: observat enim, non sine causa Evangelistam Orationem variâsse, & cum dixisset, *Tu es Petrus*, secundo loco non dixisse, *super hunc Petrum*, sed *super hanc petram*, ut aliam petram significaret, nempe seipsum. Hanc Calvinus observationem *puerilem, & ridiculam* appellat Maldonatus: quia cum certum sit, Matthæum Evangelium suum scripsisse in lingua Hebraica, aut Chaldaica, in quibus non est ista generis differentia, quæ græcè, & latinè reperitur, sed uno eodémque nomine *Petrus, & Petra* significantur; Christus in illa lingua dixit, *Tu es Petra, & super hanc petram*. Certum ergo est, pronomen illud, *hanc*, significare ibi Petrum; nam in eo loco nec Petrus appellaverat Christum *petram*, sed *filium Dei vivi*; nec Christus se ipsum nuncupaverat *petram*; ergo dici non potest, quòd postquam Christus cum Simone loquens, dixit, *Tu es Petrus*, statim per pronomen *hanc* designaverit personam propriam, de qua nullus præcesserat sermo, sed necessariò dicendum est, designâsse personam Petri, de qua immediatè antea locutus fuerat.

V. Quodsi quæras, cur interpres Græcus Matthæi illam generis distinctionem adhibuerit? respondet Maldonatus, in promptu rationem esse; nam quamvis Græcè *Πέτρος* genere masculino, & *Πίτρεα* fæminino dicatur: tamen Petrus quia vir erat, non Petra fæminino, sed Pettus masculino nomine vocandus erat; secundo autem loco, ubi

ubi de ædificij fundamento agebatur, non *Petrum*, sed *Petram*, quia in ejusmodi ædificijs nomen *Petra* sæminum magis usitatum est.

VI. Illa autem verba, *super hanc petram ædificabo Ecclesiam meam*, promissionem continent duntaxat Ecclesiæ postea fundandæ supra *Petrum*, non fundationem actualem: sicut per illa verba, *Tibi dabo claves Regni Cælorum*, non claves tunc dedit, sed promisit. Hanc autem promissionem adimplevit Christus post resurrectionem suam, cum Joan. 21. dixit, *Pasce oves meas*; per quæ verba illum summum totius ovilis, & gregis sui pastorem constituit, & totius Ecclesiæ suæ caput visibile fecit. Et ideo Cyprianus in libro de unitate Ecclesiæ paulò post initium agebat: *Loquitur Dominus ad Petrum*, Ego dico tibi, Tu es Petrus &c. & iterum eidem post resurrectionem dicit, *Pasce oves meas. Super illum unum ædificavit Ecclesiam suam, & illi pascendus. mandat oves suas.*

VII. Quare dum Christus Matt. 16. dixit: *Tu es Petrus, & super hanc petram ædificabo Ecclesiam meam*, petinde fuit ac si diceret: Tu es Saxum, & super hoc Saxum ædificabo Ecclesiam meam, id est, te, qui jam es Saxum, efficiam fundamentum Ecclesiæ meæ, ut ad litteram exponit Cajetanus, ac proinde per illa verba, *tu es Petrus & super hanc petram &c.* Christus solùm declaravit, *Petrum* ob fidei firmitatem jam esse tunc petram dignam, quæ assumeretur in fundamentum ædificij; ut enim inquit Ambrosius ad caput 22. Lucæ, *quem petram dixit,*

*fundamentum Ecclesiæ indicavit*, nam ob illustrem confessionem Divinitatis Christi, & firmitatem fidei, quam ostenderat, dum dixit, *Tu es Christus filius Dei vivi*, meruit, ut postea supra ipsum ædificaretur Ecclesiæ, quando electus est in caput Ecclesiæ, & Vicarium Christi per illa verba, *Pasce oves meas*: Unde Hilarius hunc locum exponens, *en*, inquit, *dignum planè confessio Petri præmium consecuta est, quia scilicet filium Dei in homine vidisset.*

VIII. Ex dictis constat, manifestum esse ex Evangelio, Christum supra personam Petri fundasse Ecclesiam suam, tanquam supra fundamentum secundarium, quia *Petrum* constituit Vicarium suum in Terris, plenissimam ei potestatem super omnes fideles communicans. Ut enim testatur D. Thomas opusculo 1. contra errores Græcorum lib. 2. cap. 33. secundum novissimam editionem anni 1600. Chrysostomus in Matth. ait. *Filius, quæ Patris sunt, & ipsius filij potestatem Petro ubique terrarum concessit, & hominibus mortali omnium, quæ in Cælo sunt dedit auctoritatem, ut Ecclesiam ubique terrarum amplificet.* Et in Acta Apostolorum: *Petrus à filio super omnes, qui filij sunt, potestatem accepit, non ne Moyses in gente una, sed in universo orbe.* Et homil. 30. ad Populum: *Ei (Petro) per totum orbem terrarum Ecclesiæ præsentia tradita est.*

IX. Manifestum, inquam, est, fundasse Ecclesiam supra *Petrum*; quia manifestum est, post confessionem Divinitatis Christi à Petro factam per



illa verba, *Tu es Christus Filius Dei vivi*, Christum ad Petrum conversum dixisse: *Et ego dico tibi, quia tu es Petrus, & super hanc petram edificabo Ecclesiam meam*. Rursus juxta communem sententiam Patrum, & interpretum, & juxta textum Hebræum, vel Syriacum, in qua lingua Mathæus scripsit, manifestum quoque est, Christum Dominum per illa verba, & *super hanc petram*, non seipsum designasse, sed Petrum, de quo immediate præcesserat sermo, & de quo immediate post subjunxit, *& tibi dabo Claves Regni Cælorum*: incredibile namque est, Christum loquentem cum Petro, dum dixit, *Tu es Petrus*, & dum dixit, *Tibi dabo Claves Regni Cælorum*, non loqui cum Petro in clausula intermedia, & *super hanc petram*. Vnde merito P. Suarez dixit, evidens esse ex tenore verborum, promissionem illam factam esse Petro in sua propria persona. Manifestum quoque est, per illa verba, & *super hanc petram*, vel non designari fidem Petri, seu fidei confessionem, vel designari includendo principaliter personam Petri credentem, & confitentem. Quamvis enim Christus ob illam illustrem confessionem, *Tu es Christus Filius Dei vivi*, ortam ex fide firmissima, dixerit Petro, *Tu es Petrus, & super hanc petram &c.* tamen promissio non est facta confessioni fidei, sed personæ confitenti; quia enim Petrus ob fidei soliditatem, & constantiam erat veluti firmissima petra, promissit ei Christus, se supra illum esse fundaturum Ecclesiam suam. Vnde sicut pronomina illa *tu*, & *tibi*

Petrum designant, cum Christus dixit: *tu es Petrus*, & cum dixit, *tibi dabo Claves*; ita pronomem illud *hanc*, personam Petri designat, cum dixit, & *super hanc petram &c.*

X. Hinc infero cum Maldonato, quo sensu exponendi sint Patres, qui verba illa *supra hanc petram* interpretantur *super hanc fidem*: dicere enim voluerunt, per fidem, & confessionem Petri Ecclesiam esse ædificatam, id est super Petrum propter fidem, & confessionem. Sic dicere solemus, in unius hominis fide fundatam esse Rempublicam, id est, in uno homine propter ejus fidem. Sic Ambrosius de resurrectionis fide dixit, *super aquas fidem Petri ambulasse*, id est Petrum propter fidem, quia nimirum fides ejus effecit, ut super aquas ambularet.

XI. Nec urget fundamentum, quo Calvinus contendit, per *petram* Christum ibi designari; quia nimirum petra erat Christus, & solus ipse est fundamentum Ecclesiæ, juxta illud Pauli 1. Corinth. 3. *fundamentum aliud nemo potest ponere, præter illud, quod positum est, quod est Christus Jesus*. Non inquam, urget, quia licet solus Christus sit primarium fundamentum, lapisque primus, & maximus, atque angularis hujus ædificij, Apostoli tamen & Prophetæ etiam sunt lapides, & fundamentum, licet secundarium, ut constat ex ipso Apostolo ad Hebræos 2. *superædificati super fundamentum Apostolorum, & Prophetarum, ipso summo angulari lapide Christo Jesu*. Apostolus ergo in prima ad Corinthios loquitur tantum de primario funda-

mento;

mento; alioqui pugnaret secum, & repugnaret Joanni, qui de Ecclesia loquens Apocal. 21. inquit: *Et murus Civitatis habens fundamenta duodecim, & in ipsis duodecim nomina duodecim Apostolorum.* Christus ergo est prima petra, primumque fundamentum Ecclesie, post Christum verò Petrus, & ejus Successores Petra sunt firmissima, cui innititur tota ædificij mole. Dicamus ergo de Petro cum Augustino serm. 16. de Sanctis: *Dicitur Petra, eo quod nationibus fidei fundamenta posuerit, & tanquam saxum immobile totius corporis Christiani compagem & molem contincat.*

## §. II.

*Demonstratur, Ecclesiam supra Petrum fundatam esse visibilem.*

XII. **O**Mnes Doctores Catholici unanimiter tanquam dogma de fide certum tradunt, Ecclesiam à Christo supra Petrum fundatam esse visibilem, utpotè, in qua Episcopi, & Pastores visibiliter debent gubernare suos subditos, visibiliter docere, hortari, Sacramenta administrare, peccantes corripere, contumaces ab aliorum communione separare; apud quam possint accusari, qui correctionem fraternam secretam noluerunt admittere, juxta illud Matth. 8. 17. *Die Ecclesia: si Ecclesiam non audierit, sit tibi sicut Ethnicus, & Publicanus:* in qua Concilia publice indici, & celebrari possint, ut in eis communi consilio sanciantur Canones, & dirimantur controversie de fide, & religione, ut ab Apostolis Act. 15. 28. indictum, &

celebratum est Concilium Hierosolymitanum, in quo facta est hæc constitutio: *Visum est Spiritui Sancto, & nobis, nihil ultra imponere vobis, quam hæc necessaria, ut abstinereis vos ab immolatu simulacrorum, & sanguine, & suffocato.* Et post Apostolorum tempora celebrata sunt quatuor Concilia generalia, quæ ab Hæreticis ipsis hujus sæculi tanquam legitima admittuntur, nimirum Nicænum, Constantinopolitanum, Ephesinum, & Chalcedonense.

XIII. Et veritas ista constat ex Symbolo fidei, in quo dicimus, *Credo in unam Sanctam Ecclesiam Catholicam.* Hunc enim articulum intelligendum esse de Ecclesia visibili docent non solum omnes Catholici, sed etiam multi ex hæreticis, ut Calvinus lib. 4. institut. cap. 1. §. 2. Ubi ex professo disputat de Ecclesia visibili, & Philippus Melancthon in exanæne ordinandorum, titulo de Ecclesia.

XIV. Idque ratio ipsa comprobatur: cum enim Ecclesia Catholica sit veluti arca Noë, ex ea quam nemo salvari potest, ut constat ex Symbolo Athanasij, & sit veluti arx munitissima, in quam se recipere debent, qui in captivitatem æternam à diabolo abigi nolunt, debet esse visibilis, & ita conspicua, ut quicumque serio desiderat æternam suam salutem, & facit quantum potest, ut illam consequatur, dignoscere possit Ecclesiam Catholicam, in qua sola salus obtineri potest. Quomodo autem id posset dignoscere, si illa non esset visibilis, & talibus notis, insignibus, & prærogativis ornata, ut omni homini illa

ritè contemplanti statim apparet, Ecclesiam talibus signis ornatam, non posset non esse illam, quam Christus supra Petrum fundavit, vel fundari promissit per illa verba *Tu es Petrus & super hanc petram aedificabo Ecclesiam meam.*

XV. Et ideo David Psalm. 18. 6. Ecclesiam Christi designans, dixit: *In sole posuit tabernaculum suum, id est, ut ibidem explicat Augustinus, in manifestatione posuit Ecclesiam suam, non in occulto.* Et ut ait epist. 116. ad Donatistas: *Ipsa est Ecclesia in sole posita, id est in manifestatione omnibus nota usque ad terminos terra.* Et huc spectant verba Christi Matth. 5. 15. *Non potest Civitas abscondi supra montem posita, neque accendunt lucernam, & ponunt eam sub modio, sed super candelabrum, ut luceat omnibus, qui in domo sunt.* Hæc enim intelligenda esse de Ecclesia, docet Augustinus in libro de unitate Ecclesiarum cap. 16. his verbis: *Non est operata Ecclesia, quia non est sub modio, sed supra candelabrum. Et de illa dictum est, non potest Civitas abscondi supra montem posita, sed Donatistis velut operata est, qui audiunt eam lucida, & manifesta testimonia, quæ illam toti Orbi demonstrant, & malunt clausis oculis offendere in montem, quam in eum ascendere.* Et Epist. 170. ad Sever. *Facile tibi est, attendere, & videre Civitatem supra montem constitutam.* Idque constat ex parabolis, quæ omnium consensu significant Ecclesiam. Ut enim sapienter notat Bellarminus lib. 3. de Ecclesia cap. 13. *Area, in qua sunt grana, & paleæ; & res, in quo sunt boni, & malipiscæ; & ager, in quo sunt frumenta, & zania: & con-*

*vivium, in quo sunt boni, & mali discumbentes, & ovile, in quo sunt oves, & hædi, significant Ecclesiam visibilem, ut etiam hæretici farentur: nam Ecclesia invisibilis non habet bonos, & malos, sed tantum bonos secundum eorum sententiam.*

### §. III.

*Demonstratur, Ecclesiam visibilem à Christo fundatam supra Petrum nunquam perisse, sed semper in mundo exsistere. & perman-suram usque ad finem mundi.*

XVI. **I**D manifestè demonstratur ex promissione Christi facta Petro: *super hanc petram aedificabo Ecclesiam meam. & porta inferi non prævalent adversus eam.* Cum enim Christus sit summa sapiens, summè potens, & summè verax; omnis ejus absoluta promissio adimpleri debet: cum ergo promiserit, portas inferi non prævalituras adversus Ecclesiam, in Petro tanquam in firmissima rupe fundatam; necessariò dicendum est, adimplevisse, quod promissit. Ergo portæ inferi hucusque non prævaluerunt, nec deinceps prævalent adversus Ecclesiam ab ipso in Petro fundatam. Prævaluissent autem, si Ecclesia ab ipso fundata perisset, vel essent prævalituræ, si esset peritura. Quisnam enim potest esse aperi-  
tior, & manifestior modus prævalendi adversus Ecclesiam, quam illam omnino evertendo, & destruendo? Si ergo diabolus Ecclesiam destruxit, evertendo in ea veram fidem; sequitur manifestè, diabolum non solum oppugnasse, sed expugnasse Ecclesiam, non solum

con-

concussisse; sed diruisse. Unde sequitur, vel Christum in promittendo fuisse mendacem, seu fallacem, vel in adimplendo impotentem ob defectum virium. Cum ergo hoc sit impossibile, sequitur, Ecclesiam à Christo fundatam supra Petrum, fixam, & immobilem hucusque perseverasse in fide, & usque ad finem mundi perseveraturam; quin ullæ diaboli insidiæ, & tyrannorum persecutiones valeant unquam illam evertere.

XVII. Et ideo S. Leo Magnus ser. 3. in assumptione sua, expendens illam illustrem confessionem Divinitatis Christi à Petro factam per illa verba, *Tu es Christus Filius Dei vivi*, & verba, quæ Christus in præmium illius confessionis ad Petram locutus est, dicens. *Et ego dico tibi, quia tu es Petrus, & super hanc petram ædificabo Ecclesiam meam, & porta inferi non prævalebunt adversus eam*, inquit: *Soliditas illius fidei, quæ in Apostolo est laudata, perpetua est, & sicut permanet, quod in Christo Petrus credidit; ita permanet, quod in Petro Christus instituit: Petrus enim in confortium Divinitatis assumptum, id quod ipse erat Dominus, noluit nominari, dicendo: Tu es Petrus, & super hanc Petram ædificabo Ecclesiam meam; ut æterni templi ædificatio mirabili munere gratia Dei in Petri soliditate consisteret.*

Non prævalebunt unquam portæ inferi adversus Ecclesiam in soliditate Petri fundatam. Quamvis fluctus persecutionum intumescant, & Hæreticorum machinæ Ecclesiæ firmitatem impetant, illidentur ad firmitatem petræ hujus, & evanescent. *Mirabilis valde*

*est in hac providentia Dei, quod fuerint hæc usque ad Lutheri tempora, ut minimum ducenti hæresiarche (inquit Bellar. lib. de notis Ecclesiæ cap. 6.) quorum multi habuerunt multos Episcopos, multas Ecclesias, multos potentissimos Patronos, & Imperatores, & Reges, & scripserunt libros innumerabiles, ut viderentur nunquam posse deficere; & tamen ita defecerunt, ut jam non supersint, nec ipsi, nec libri eorum, nec dogmata, nec nomina, aut vestigia nulla nisi in libris Catholicorum.*

XVIII. Confirmatur, quia cum Christus sit summa sapientia, manifestum est, quod in ædificanda domo sua, seu Ecclesia sua, se gesserit ut sapientem architetum, non ut stultum; ut autem ipse Christus dixit Mat. 7. 24. sapiens Architectus est, qui ædificat domum suam supra petram; stultus, qui supra arenam: & causam reddit, quia quando oritur aliqua vehemens tempestas, mox corruiat illa, quæ supra arenam, non illa, quæ supra petram. Ergo Christus, ut sapiens Architectus, Ecclesiam suam non ædificavit supra arenam, ita ut vi ventorum, tentationum diaboli, & imbrum persecutionum hominum posset dissipari, sed supra firmissimam petram, ita ut nullâ ventorum vi, nullo imbrum impulsu possit unquam subverti, & ad hoc ipsum alludit quando dixit: *Et ego dico tibi, quia tu es Petrus, & super hanc petram ædificabo Ecclesiam meam, & porta inferi non prævalebunt adversus eam. Nam ut sapiens Architectus tam firmum huic ædificio supposuit fundamentum, ut nullâ demonum tentatione, nullâ hominum perse-*

persecutione, nullâ vi, nullâ fraude possit unquam corrumpere. Quare hæretici assentes, Ecclesiam à Christo fundatam, post aliquot sæcula perijisse, magnam ei faciunt injuriam, quia hoc ipso ostendant, eum non legesisse, ut sapientem Architectum, & insuper coguntur admittere, Christum mendacem promissorem esse, quia scilicet promissit, quod non adimplevit.

XIX. Manifestum ergo est ex Evangelio, Ecclesiam à Christo fundatam supra Petrum, nunquam perijisse, sed contra tot persecutionum imbres, contra tot dæmonum tentationes, & hæreticorum machinas, immobilem perseverasse in Fide, supra quam fundata est. Unde S. Augustinus lib. 1. de Symbolo ad Catechumenos cap. 6. expendens hanc Christi promissionem: *Et porta inferi non prevalebunt adversus eam*, inquit: *Ipsa est Ecclesia Sancta, Ecclesia una, Ecclesia vera, Ecclesia Catholica; contra omnes hæreses pugnat, oppugnari potest, expugnari tamen non potest. Hæreses omnes de illa exierunt tanquam sementia inutilia de vite præcisâ; Ipsa autem manet in radice sua, in vite sua, in charitate sua. Porta inferi non vincunt eam.* Quia nimirum assistentia Spiritûs Sancti ipsi à Christo promissa, illam conservat contra omnes inferni machinas; & de Ecclesia verificatur illud, quod prædixit Isaias cap 41. v. 11. *Ecce confundentur & erubescunt omnes, qui pugnant adversum te, erunt quasi non sint, & peribunt viri, qui contradicunt tibi. Quares eos, & non invenies, viros rebelles tibi; erunt quasi non sint, & veluti consumptio, homines bellan-*

*tes adversum te.* Unde Bernardus ser. 79 in Cant. *Nec fides (inquit) de terra, nec Charitas deficit de Ecclesia: venerunt flumina, flaverunt venti. & impeerunt in eam, & non cecidit, quia fundata erat supra petram; Petra autem erat Christus. Itaque nec verborum Philosophorum, nec cavillationibus hæreticorum, nec gladiis persecutorum potuit ista, aut poterit aliquando separari à Charitate Dei.*

XX. Christi omnipotentis promissio Ecclesiam immobilem conservavit, & auxit inter tot Imperatorum Romanorum sævissimas persecutiones (spatio trecentorum annorum continuatas. Hæc promissio effecit, ut tot Hæreses, quæ diversis temporibus ex diaboli suggestionibus, & hominum pertinacia prodierunt, & videbantur Ecclesiam Christi subvertituræ, instar torrentis transierint, & Ecclesia permaneret secunda, & immota, utpote supra petram firmissimam fundata. De his prophetice locutus est David, cum dixit; *dejecti sunt dum allevarentur, perierunt propter iniquitatem suam, velut somnium surgentium Domine, in Civitate tua* (id est, in Ecclesia) *imaginem ipsorum ad nihilum rediges.* Id quod rectè explicat Augustinus, similitudine torrentis, ad illa Psalmistæ verba ( *Spernentur tanquam aqua decurrens* ) *Non vos, inquit, terreant, Fratres, quidam fluvij. qui dicuntur torrentes. & hyemalibus aquis implentur; nolite timere, post paululum transiit, decurrit aqua, ad tempus perstrepat, mox cessabit, diu stare non possunt. Multa hæreses jam emortua sunt, euerterunt in rivis suis, quantum potuerunt,*

*runn,*

*ruunt, decurrerunt, scecati sunt rivi, vix eorum memoria reperitur, vel quia fuerint, (spemur ut tanquam aqua decurrens) Quin, & hoc agnovit, fateaturque Lutherus; Hoc inquit, vidi-mus, & videmus omnibus hæreticis contigisse, ut primò quidem hominibus plauerint: sed postea dissipata sunt ossa eorum secus infernum: confusi sunt, quoniam Deus spreuit eos. Et alibi; *Oramus, ait, plantentur hæreses, & nonnihil florent; tamen non ferunt fructum. Placent quippe propter novitatem, cuius ut plurimum homines sunt amatores; vel etiam propter voluptates sensus, quibus solent indulgere; postea verò tanquam planta sine succo, seipsis arescunt, atque adeò in contemptum, etiam apud suos vertuntur.* Hæc Hæresiarcha de hæresibus.*

XXI. Hanc assistentiam infallibilem suam, quâ Ecclesia in æternum conservetur contra omnes Tyrannorum, & hæreticorum persecutiones, promissit etiam Christus Matt. 28. dum dixit: *euñtes in mundum uniuersum docete omnes gentes &c. Et ecce ego vobiscum sum omnibus diebus usque ad consummationem sæculi.* Quasi diceret; Ego mitto vos in uniuersum mundum, ut prædicetis Evangelium apud Ethnicos, & apud Hebræos, & fidem meam persuadeatis, Ecclesias fundetis, & Sacramenta administretis: occurrent quidem ingentia pericula, magnæque difficultates, quia diabolus, qui ubique habet suos cultores, & idololatras, crudelissimè vos persequetur. Sed estote forti animo. Ecce Ego vobiscum sum &c. non solum per essentiam, præsentiam,

& potentiam, sicut quatenus Deus præsens sum in omnibus rebus; nec solum per gratiam, sicut sum cum omnibus iustis, eis tribuens vitam spiritualem; sed per specialem providentiam, quâ fiet, ut Ecclesia nunquam deficiat, vobiscum usque ad consummationem sæculi, quia semper ero cum Ecclesia, quam vos representatis, ac proinde non solum vobiscum, sed cum successoribus vestris, usque ad consummationem sæculi. Ecce Ego: Ego Deus vestri, Salvator, Debellator inferni, & peccati, & mortis: Ego, qui nuper dixi, *non relinquam vos Orphanos* Joan. 14. 18. Ego, qui dixi, *confidite, Ego vici mundum.* Joan. 16. 33. Ego, contra quem *Princeps huius mundi non habet quicquam.* Joan. 14. 30. Ego, cui Pater promissit, *Ponam inimicos suos scabellum pedum meorum.* Psal. 109.

XXII. Hoc testimonio usus est Augustinus conc. 2. in Psal. 109. contra Donatistas, qui dicebant, Ecclesiam Catholicam, quæ antea toto orbe fuerat diffusa, postea toto orbe periisse propter crimen Cecilianæ Episcopi, & solum remansisse in ea parte Africae, quæ Donato adhærebat, ut testatur idem Augustinus in hb. de Hæresibus cap. 69. Introducit eâ concione secundâ Sanctus Doctor Ecclesiam ita loquentem cum Christo: *Quid est, quod nescio qui recedentes à me, murmurant contra me? quid est, quod perditis, me periisse contendunt? certe enim hoc dicunt, quia fui, & non sum. Annuntia mihi exiguitatem dierum meorum, quamdiu ero in isto sæculo, annuntia mihi propter illos, qui dicunt, fui, & jam non est; apollatavit;*  
Z. & pe-



& perijt Ecclesia de omnibus gentibus. *Et annuntiavit: ecce Ego vobiscum sum omnibus diebus usque ad consummationem sæculi.* Hæcenus Augustinus, ex illa promissione Christi contra Donatistas, & in persona illorum contra Lutheranos, & Calvinistas inferens, Ecclesiam à Christo in Petro fundatam non perijisse, sed usque ad finem mundi permanfuram, quia Christus promittens, se semper cum successoribus Apostolorum futurum, promisit semper conservaturum in Ecclesia fidem veram, in qua est fundata. Non dixit, *Ecce Ego vobiscum sum*, per tria sæcula, vel quatuor, & non amplius, & postea vos deseram, *sed usque ad consummationem sæculi.* Quomodo ergo hæretici fingunt, Ecclesiam à Christo fundatam supra Petrum, durasse duntaxat per tria, vel quatuor, vel ad summum per quinque sæcula?

Dedit Deus Legem scriptam populo suo per manum Moysis servi sui, & hæc duravit per quindecim, & amplius sæcula, & dicemus, Legem Evangelicam, quam Deus dedit mundo per Filium suum unigenitum Jesum Christum, solum durasse per tria, vel quatuor, vel quinque sæcula? Dicemusne plus dedisse umbræ, quàm corpori, plus figuræ, quàm rei figuræ, plus sermo, quàm filio, plus legi timoris, quàm legi amoris, plus populo suo, quando erat veluti sub Pædagogo, quàm quando erat in ætate adulta, & creverat in virum perfectum? Quis non videat, hæc esse absurda & incredibilia?

XXIII. Eandem assistentiam Spiritûs Sancti, quâ Ecclesia supra Petrum

fundanda semper esset perseveratura, id est semper retentura veram fidem, per quam cætus hominum in ratione veræ Ecclesiæ constituitur (sicut enim per animam caro animatur in hominem viventem; ita per veram fidem, & Religionem, cætus hominum, qui alioquin rotus penè est caro, formatur in Christi Ecclesiam) impetravit Christus sua oratione, dum Lucæ 22. 23. dixit, *Simon, Simon, ecce Sathanas expetivit vos, ut cribraret sicut triticeum; Ego autem rogavi pro te, ut non deficiat fides tua, & tu aliquando conversus confirma fratres tuos:* ex quo loco, ut notat Maldonatus, Patres, atque Doctores colligunt, Ecclesiæ Romanæ fundatæ in Petro fidem fore perpetuam. Rogavit namque Christus, & sua oratione obtinuit, ne à Sede Petri, cui omnes Christi fideles obedire tenentur, deficiat vera fides, nam à Sede Romana, tanquam à Matre omnium Ecclesiarum, vera fides derivatur in alias Ecclesias, & per conformitatem cum Sede Petri veram fidem retinere debent: unde si Sedes Petri erraret in fide, reliquæ omnes se conformantes cum Matre, & Magistrâ omnium Ecclesiarum errarent. Et ideò S. Leo ser. 2. in Natali Apostolorum Petri, & Pauli, in hunc sensum, hunc locum exponens inquit: *Commune erat omnibus Apostolis periculum de tentatione formidinis, & Dominica protectionis auxilio pariter indigebant, quoniam diabolus omnes exaguitare, omnes cupiebat elidere, & tamen specialis à Domino Petri cura suscipitur, & pro fide Petri propriè supplicatur, tanquam aliorum status certior sit futurum, si mens Principis*

pis

pis villa non fuerit. In Petro ergo omnium fortitudo munita, & Dominica gratia ordinatur auxilium, ut firmitas, quæ per Christum Petro tribuitur, per Petrum Apostolis conferatur. Ac per consequens firmitas fidei, quæ per Christum Romano Pontifici Petri Successori tribuitur, per Romanum Pontificem cæteris Episcopis conferatur, & sic in omnes fideles derivetur. Quia ad ipsum pertinet, sciatum communiter in fide confirmare, eis vera dogmata proponendo, & dubia fidei resolvendo. Hinc Pelagius secundus ad Cathedram Petri exaltatus ann. 577. Epist. 2. ad Episcopos Iſtriz, hunc locum explicans inquit: *Confiditate charissimi, quia Veritas mentiri non potuit, nec fides Petri in æternum quassari non poterit, vel mutari; nam cum omnes Discipulos diabolus ad exscribendum proposuit, pro solo Petro se Dominum rogasse testatur, & ab illo voluit ceteros confirmari.*

XXIV. Ecclesiam Christi non perijisse unquam, deferendo fidem, in qua fundata est, & amplectendo falsa dogmata, & errores pro articulis, & veritatibus fidei, ut somniarunt Lutherus, & Calvinus, evincitur ex illis verbis Apostoli 1. ad Timo. 3. *Ecclesia Dei est columna, & firmamentum veritatis.* Quomodo enim Ecclesia est columna, & firmamentum veritatis, si à veritate deflexit, & loco veritatis sustentat errores? Deinde etiam stando in explicatione horum verborum tradita à Calvino, & impugnata à Bellarmino lib. 3. de Ecclesia militante cap. 14. quod scilicet idè Ecclesia columna, & firmamentum veritatis dicatur, quia est fide

custos veritatis, eamque puram, & sinceram ad posteros transmittit: etiam stando in hac explicatione, sequitur, nunquam in fide errasse, sed nec errare posse. Si enim est fidei custos veritatis, nunquam suâ culpâ illam amisit, & loco illius suscepit errores. Quomodo enim esse potest fidei custos veritatis Ecclesia, quæ veritatem suam sponte deserit, & errores amplectitur? Quare si erravit, fidei custos non fuit. Denique etiam juxta explicationem traditam à Theodoro Beza, sequitur, nunquam errasse. Nam juxta Bezam idè Ecclesia dicitur columna, & firmamentum veritatis, quia non alibi habitat veritas Dei in hoc mundo, nisi in Ecclesia. Si enim hoc ita est, sequitur, semper in Ecclesia à Christo supra Petrum fundata, habitasse veritatem Dei; vel certè nullam in mundo habitasse veritatem Dei. Cum ergo certum sit, semper in mundo habitare veritatem Dei, certum est, semper habitasse in Ecclesia supra Petrum fundata: Ergo certum est, nunquam illam amisisse veram fidem.

XXV. Id ipsum probatur, quia certum est, Ecclesiam gubernari à Christo tanquam à capite, & sponso, & ab Spiritu Sancto tanquam ab anima; ut patet ex illo ad Ephes. 1. *Ipsam dedit caput supra omnem Ecclesiam. quæ est corpus ipsius.* Et ex illo ad Ephes. 4. *Unum corpus, & unus spiritus.* Et ad Ephes. 5. *Vir caput est mulieris. sicut Christus Caput Ecclesie.* Ergo si Ecclesia in dogmatibus fidei, & morum erraret; error tribueretur Christo & Spiritui Sancto. At certum est, errorem non posse tribui Christo, nec Spiritui Sancto. Ergo cer-

tum est, Ecclesiam non posse errare in dogmatibus fidei, & morum. Et idem Dominus Joan. 16. dixit: *Spiritus veritatis docebit vos omnem veritatem*, quam scilicet tanquam dogma certum credere debetis. Quamvis enim Christus tanquam caput Ecclesiæ, & Spiritus Sanctus, tanquam ejus sponsus, non teneantur revelare omnem omnino veritatem Ecclesiæ, seu ab illa remove omnem omnino errorem, & ignorantiam; tenentur tamen remove omnem errorem, ex quo magnum oritur malum, qualis est omnis error circa fideni: magnum enim est malum, quodd Ecclesia falsâ fide Deum colat; cum præcipue cultus Divinus in fide, spe, & charitate consistat, ut Augustinus docet in Enchiridio cap. 3. sic vir, qui est caput mulieris, licet non teneatur remove ab uxore omnem ignorantiam; tenetur tamen remove omnem errorem, ex quo magnum ali-quod malum oriatur, licet uxor excusetur per ignorantiam.

XXVI. Et sanè cum Christus jussit Ecclesiæ in omnibus obedire sub Anathematis pœna, ut patet ex illis verbis Matth. 18. *Si Ecclesiam non audierit, sis tibi velut Ethnicus, & Publicanus*; non potest permittere, ut Ecclesia erret in ijs, quæ credenda proponit omnibus fidelibus, vel facienda præcipit: iniquum enim esset, sub tam gravi pœna obligare ad assentiendum rebus incertis, & interdum falsis. Idque supponunt tanquam quid indubitatum Ecclesiæ Patres, dum omnes ad Ecclesiam provocant in quæstionibus fidei quibus-cunque: quod profectò non facerent,

si Ecclesiam falli posse existimarent in judicio fidei. Unde Tertullianus lib. de præscriptionibus, *Age, inquit, omnes Ecclesia erraverint, nullam respexeris Spiritus Sanctus*. Quibus verbis supponit, impossibile esse, ut tota Ecclesia erret in rebus fidei. Et idem Augustinus epist. 118. agebat, *disputare de eo, quod universa Ecclesia sentit, insolentissima dementia est*. Ergo insolentissimæ dementiæ est, Ecclesiam à Christo fundatam errasse in fide, & per mille, & amplius annos dogmata erronea credidisse tanquam articulos, & veritates fidei, sicut absque dubio Ecclesia Romana semper tanquam dogmata fidei suscepit ea omnia, quæ nunc credit, nimirum dati septem Sacramenta, dari Purgatorium, Christum esse realiter præsentem sub speciebus panis, & substantiam panis ibi non manere; Sanctos esse colendos, Sacrificium Missæ esse sanctissimum, & Deo gratum; fidem sine operibus non sufficere ad salutem, & alia similia, in quibus Ecclesia Romana contradicit omnibus Sæctis hæreticorum.

#### § IV.

*Demonstratur ex dictis, solam Ecclesiam Catholicam Romanam, esse veram Christi Ecclesiam, non autem illam, quam reformatam appellant.*

XXVII. **N**omine Ecclesiæ Romanæ non hæc duntaxat intelligimus Ecclesiam particularem, quæ Romæ existit, quatenus distinguitur ab alijs Ecclesijs particularibus; sed intelligimus certum omnium fidelum, qui obediunt Romano Pontifici, ut legitime

gitimo Christi Vicario, & Petri successori, & capiti visibili totius militantis Ecclesiæ, quæ appellatur Romana à præcipua sui Parte, nempe ab Ecclesia Romæ existente, quæ est reliquarum Ecclesiarum Mater, quæ etiam dicitur Pontificia, quia Pontifici summo est subiecta, & Catholica, seu universalis, quia per totum orbem est diffusa.

XXVIII. Ecclesiam ergò Romanam, & non Ecclesiam Lutheranam, vel Calvinianam, quam *reformatam* appellant (& sic de aliis hæreticorum sectis) esse veram Christi Ecclesiam, evidenter ex præmissis inferitur. Nam vera Christi Ecclesia semper in Mundo fuit, ex quo Christus illam supra Petrum fundavit. Atqui sola Ecclesia Catholica Romana semper in Mundo fuit, ex quo Christus supra Petrum Ecclesiam suam fundavit: non autem Lutheranam, vel Calvinianam; Ergò sola Ecclesia Catholica Romana, non autem Lutheranam, vel Calvinianam, est vera Christi Ecclesia. Major hujus syllogismi constat ex dictis §. præcedenti. Minor probatur, quia ex quo Christus Ecclesiam suam supra Petrum fundavit, semper fuit in mundo cætus hominum obedientium Romano Pontifici, & agnoscendum illum ut successorem D. Petri, & Vicarium Christi, & profitentium dogmata illa, quæ Ecclesia Romana profiteretur; omnibus enim sæculis celebrata est Missa pro vivis, & defunctis, celebrata festa, servata jejunia, frequentata Vota monastica, honoratæ sanctorum reliquæ, administrata septem Sacramenta, & alia religionis nostræ propria semper in usu fue-

runt, ut ex omnium ætatum scriptoribus constat. Et à D. Petro usque ad Innocentium XI. qui modò feliciter gubernat Ecclesiam, continuati sunt Pontifices, qui sedem Romanam ascenderunt, & in regimine, & sollicitudine Ecclesiarum Petro successerunt; & secundum calculum communiorum sunt ducenti quadraginta quatuor. Petro namque successit Linus, Lino Cletus, Cleto Clemens & sic ascendendo devenimus ad Innocentium XI. Unde concluditur, Ecclesiam Romanam, quam modò agnoscit Innocentium XI. pro summo Pontifice, illam eandem esse, quam Christus supra Petrum fundavit: nam illa, quam Christus fundavit supra Petrum, usque ad finem mundi duratura est: Hæc autem nulla alia est, quam Ecclesia Catholica Romana, quæ Pastores suos usque ad Petrum continuatâ serie enumerat, nam Innocentius XI. successit Clementi X. Clemens X. Clementi nono, Clemens IX. Alexandro VII. Alexander VII. Innocentio X. & sic ascendendo devenimus ad Petrum.

XXIX. Quo eodem argumento evincitur, Ecclesiam Lutheranam non esse veram Christi Ecclesiam, & similiter de Calviniana, & aliis, Nam vera Christi Ecclesia semper fuit, ex quo Christus supra Petrum illam fundavit. At Ecclesia Lutheranam non semper fuit. Nam ante annum 1517. in quo Lutherus incepit esse caput, Religio Lutheranam non erat in mundo, & à fortiori Calviniana, quæ illius soboles est, constatque ex scriptoribus, eotempore, quo Lutherus insurrexit contra Pontificem

tificem Romanum, præter Judaicam, Mahumeticam, & Paganicam Religionem, non aliam fuisse in mundo præter Catholicam [Romanam & Hussiticam]. Ergo Ecclesia Lutherana non est vera Christi Ecclesia.

XXX. Hoc argumento sumpto ab antiquitate Ecclesie veteris Christi, quæ incipiens à Petro semper duravit, & in finem mundi duratura est, usi sunt antiqui Patres Ecclesie contra Hæreticos, ut probarent, apud ipsos non esse veram Christi Ecclesiam. Illo usus est Irenæus, *Vir Apostolicorum* temporum (inquit Philppus Labbe) à S. Polycarpo Smirnaorum Antistite, cujus in juventute fuerat auditor, in Galliam missus, & anno Christi 178. vel 179. consecratus est Episcopus Lugdunensis. nam lib. 3. adversus hæreses cap. 3. enumerat Pontifices Romanos à Petro usque ad Eleutherium, qui suo tempore sedebat, & dicit, per hanc successionem confundi omnes hæreticos.

XXXI. Eodem usus est Tertullianus, qui in decrepita fere ætate obiit anno 215. libro de Præscriptionibus. *Cedant* (inquit) *hæretici origines Ecclesiarum suarum, & solvant ordinem Episcoporum suorum, ita per successionem ab initio decurrantem, ut primus ille Episcopus aliquem ex Apostolis, vel Apostolicis viris habuerit authorem, & antecessorem.* Hoc enim modo Romanorum Ecclesia Clementem à Petro ordinatum refert.

XXXII. Eodem usus est S. Optatus Melivitanus Episcopus lib. 2. contra Parmenianum, ubi enumerat Pontifices omnes Romanos à Petro usque ad Siriciam, qui tunc sedebat, ut ostendat, Ec-

clesiam veram non esse apud Donatistas, qui per similem successionem ad Apostolos ascendere non poterant, & subdit: *Vos Vestra Cathedra originem ostendite, qui vobis vultis Sanctam Ecclesiam vindicare.*

XXXIII. Eodem argumento, & in eundem scopum contra Donatistas usus est S. Augustinus Epist. 145. ut probaret, eorum Ecclesiam non esse Ecclesiam Christi; nam enumerat ordinem Pontificum Romanorum, qui à Petro usque ad Anastasium obtinuerant Cathedram Romanam, & concludit; *sub hoc ordine successionis nullus Donatista Episcopus invenitur.* Ut inde eliciat, apud Donatistas non esse veram Christi Ecclesiam, quandoquidem suos Episcopos cum Petro connectere non poterant. Et in Psalmo contra partem Donati, numerate, inquit, *Sacerdotes, vel ab ipsa sede Petri, & in ordine Patrum, quis cui successerit, videte. Ipsa est petra, quam non vincunt superba inferorum porte.* & lib. contra Epistolam fundamenti; *senet me, inquit, in Ecclesia, ab ipsa sede Petri Apostoli, cui pascendas oves suas Dominus commendavit, usque ad præsentem Episcopatum successio sacerdotum.*

XXXIV. Hinc concluditur, illam duntaxat esse veram Christi Ecclesiam, quæ à Christo supra Petrum, & Apostolos fundata, usque ad præsentem diem perseverat. Id quod S. Hieronymus in Dialogo contra Luciferianos in fine notavit iis verbis. *Brevem tibi apertamque animi mei sententiam proferam; in illa Ecclesia esse permanendum, quæ ab Apostolis fundata usque ad diem hanc durat. Si tibi audieris, eos, qui dicuntur Christi, non à Domino* } *EST*  
Christi

*Christo, sed quopiam alio nuncupari, ut puta Marcionitas, Valentinianos, Montenses, sive Campitas, scito, non Ecclesiam Christi, sed Antichristi esse Synagogam. ex hoc enim ipso quòd postea instituti sunt, eos se esse indicant quos futuros Apostolus prænuntiavit. Nec sibi blandiantur, si de scripturarum capitulis videntur sibi affirmare, quod dicunt: cùm & diabolus de scripturis aliqua sit locutus; & scriptura non in legendo consistant, sed intelligendo.*

XXXV. Ex quibus verbis constat, novitatem esse signum hæreseos ab Apostolo prænuntiata. Vnde infertur, Religionem Lutheranam, & Calvinianam & alias hæreticorum sectas, quæ in Luthero, & Calvino, aliisque hæresiarchis originem sumpserunt, non esse veram Christi Religionem, & Ecclesiam; nam Religio Lutherana incæpit quindecim sæculis, postquam Christus suam Ecclesiam supra Petrum fundaverat, ac proinde non fuit ab Apostolis fundata, nec proinde Ecclesia Christi esse potest.

XXXVI. Quapropter ut quis probare possit, se esse in vera Christi Ecclesia, seu veram Christi Religionem tenere, debet ostendere, se esse in Ecclesia, quorum ministri omnes ab Apostolis descendunt, suntque Apostolorum successores, vel ab eorum successoribus ordinationem acceperunt. Id autem omnes Romanæ Ecclesiæ filij ostendere possunt; nullus autem Lutheranz vel Calvinianæ Religionis cultor probare valet; constat namque, omnes Catholicæ Religionis Ministros ab Apostolis descendere, sive potestatem Ordinis spectes, per quam offertur sacri-

ficiam, & conficiuntur sacramenta ad sanctificandos fideles: sive potestatem jurisdictionis consideres, per quam datur jus regendi, & pascendi Ecclesiam verbo Dei, &c. Inferiores enim ministri præsertim Subdiaconi, Diaconi, & Presbyteri ordinantur ab Episcopis; Episcopi autem suum ordinem ab aliis Episcopis acceperunt, & hi rursus ab aliis, & sic ascendendo usque ad Apostolos, qui potestatem suam proximè à Christo acceperunt. Nullus est ergo, quin non acceperit mediata suam potestatem ab Apostolis, & per Apostolos à Christo. Quare sicut omnes homines secundum vitam, & potentiam naturalem, longo generationum tractu descendunt ab Adamo, ita omnes Ecclesiæ Ministri, secundum potestatem supernaturalem ordinis longa ordinationum serie descendunt à Christo, qui est secundus Adam. Ac proinde nullus est Minister, qui potestatem suam ordinis, qua consecrat, qua sacrificat, qua absolvit à peccatis, & qua alia sacramenta conficit, & Populum Christianum sanctificat, non possit ad Christum tanquam ad primum fontem, & authorem reducere, qui homine tanquam vero instrumento utitur ad consecrandum corpus suum, ad remittenda peccata, & sanctificandas animas.

XXXVII. Idemque est de potestate jurisdictionis. Constat namque similiter, omnem potestatem jurisdictionis, qua ministri Ecclesiæ Catholicæ Populum Christianum regunt, verbum Dei prædicant, & alia munera pastoralia obeunt, à Christo descendere, & ad ipsum perspicuè reduci posse. Parochi namque habent suam jurisdictionem

nem



nam ab Episcopis, Episcopi à Romano Pontifice, hic verò præcedente legitimâ hominum electione, immediatè accipit suam potestatem jurisdictionis à Christo; cum enim sit verus Christi Vicarius, legitimusque Petri Successor in Cathedra, & in munere regendi Ecclesiam Christi, & pascendi universum ejus gregem, necessariò succedit ei in potestate jurisdictionis, quam Christus per illa verba, *pascite oves meas*, communicavit Petro, & in ipso omnibus, qui legitimè fuerint electi ad Episcopatum Romanum.

XXXVIII. Qui autem in Ecclesia non habent potestatem ordinariam, sed delegatam tantum, eam à Parochis, vel ab Episcopis, vel à Summo Pontifice acceperunt. Nullus ergo est Minister in Ecclesia Catholica, nullus Verbi Dei Prædicator, nullus Catechista, qui non possit ostendere, suam potestatem à Christo descendere, & suam missionem legitimam esse, utpote à Christo per legitimos ejus Ministros derivatam: quod nisi possent ostendere, non essent ullo modo audiendi, sed suspecti habendi tanquam lupi, cum non per ostium in ovile intrarent, sed aliunde occultè irreperent.

XXXIX. Quod autem nullus Lutheranæ, vel Calvinianæ Sæctæ Professor possit ostendere, suæ Sæctæ Ministros à Christo potestatem accipere, facile evincitur. In primis probare non possunt, Episcopos suæ Sæctæ potestatem ordinis à Christo accepisse. Non enim dicere possunt, Christum descendisse de cælo, & illos per seipsum ordinasse in Episcopos. Nec dicere pos-

sunt, Apostolos immediatè imposuisse super illos manus suas, & potestatem ordinis Episcopalis illis immediatè contulisse, nec probare possunt illos ordinatos fuisse ab aliis Episcopis, qui mediatè ab Apostolis ordinem susceperint, ut probare possunt Episcopi Catholici. Loquamur de primo Episcopo alicujus Sæctæ, vel Lutheranæ, vel Calvinianæ, qui ante professionem illius Sæctæ Episcopus non erat, sed, vel metè Laicus, vel solum Presbyter in Ecclesia Catholica, à qua defectit, ut transiret ad illam Sæctam: à quo, quæso, ordinatus est Episcopus?

XL. Hoc argumentum vehementer torfit Angliæ Ministros: nam ut refert Richardus Askekin to. 1. Theologiæ tripartitæ part. 1. cap. 3. pag. mihi 11. *Sapius postulati de legitima ordinatione Parkeri, qui primus post hæresim tanquam Archiepiscopus Cantuariensis Sedem occupavit; nec testes, nec tabulas, nec ullum derivati à Christo ordinis, aut potestatis indicium legitimum unquam proferre potuerunt. Quorum unus (inquit) non ita pridem quasi collabenti Ecclesie humeros suppositurus, non antiquas tabulas, sed novas fabulas evulgavit, de Parkeri in quadam taberna per aliquos Romana Ecclesie Episcopos in Prasulem consecrato; sed non desinit author Catholicus, Dublinensis nunc Prasul illustrissimus, qui calamo suâ eruditione digno commentum illud aperte dissolvit, & ad verum refecit. Hoc idem argumentum manifestè probat, nec apud Lutheranos, nec apud alios hæreticos esse veram Christi Ecclesiam: quia vera Christi Ecclesia non potest subsi-*

subfistere sine veris Episcopis, apud Lutheranos autem, aliósque hæreticos non sunt veri Episcopi, quia veri Episcopi dari non possunt sine vera ordinatione, & successione ab Apostolis. Episcopi autem Lutheranorum ( & sic de aliis Sectis ) non habent veram ordinationem, nec successionem ab Apostolis. Nam si inquiramus, à quo ordinati sint Episcopi Lutherani, qui modò existunt, & ab illis petamus, ut probent, se ab Apostolis originem trahere, respondere non poterunt, nec satisfacere. Nam tandem deveniendum est ad primum Episcopum suæ Sectæ, de quo probari non possit, fuisse verè ordinatum in Episcopum, & originem trahere ex Apostolis. Nam in Secta Lutherana tandem deveniemus ad Lutherum, qui habitus est Episcopus Wîbergensis, de quo inquiri, à quo consecratus sit in Episcopum? certè ex statuto Apostolorum, & Concilij Nicæni, & Carthaginensis, Episcopus debet ordinari à tribus Episcopis, vel ex dispensatione ab uno, assistentibus Abbatibus; quæro, à quo ordinatus est Lutherus? Non ab Episcopis Lutheranis, quia ante illum nullus in illa Secta fuit nec Episcopus, nec Abbas; non ab Episcopis Ecclesiæ Romanæ, à quorum Fide, & Religione discessit, & in quibus ipse Lutherus veram potestatem ordinandi agnoscere non poterat, quandoquidem palam prædicabat Ecclesiam Romanam à multis sæculis defecisse à fide, & Religione, & jam non esse veram Christi Ecclesiam, sed Synagogam Sathanæ; manifestum autem est, non esse veros Episcopos cum vera potestate ordinandi,

ubi non est vera Christi Ecclesia. Ergo Lutherus non fuit verus Episcopus, sed ei, aliisque similibus convenit id, quod Cyprianus lib. de *Simplicitate Prælatorum* ait. *Is sunt, qui se ntrò apud temerarios convenas sine divina dispositione præficiunt, qui se Præpositos sine ulla ordinationis lege constituunt, qui nemine Episcopatum dante, Episcopi sibi nomen assumunt.* Idem dico de Zvinglio, qui habitus est Episcopus Tigurinus, & de Calvino, qui dictus est Episcopus Genevensis, & de Oecolampadio, qui in ipso sepulchri epitaphio vocatur primus Basileæ Episcopus, quod epitaphium se legisse testatur non sine risu Cardinalis Bellarminus lib. de notis Ecclesiæ cap. 8. de hoc, & de Luthero, & similibus monstris verè dicere possumus, quod de alio Hæresiarcha dixit Cyprianus lib. 1. epist. 6. ad Magnum: *Novatianus (inquit) in Ecclesia non est, neque Episcopus computari potest, qui Apostolicâ traditione contemptâ nemini succedens, à se ipso ordinatus est.*

XLI. Quod si hæretici ad declinandum hoc telum, dicant, ut quis sit Episcopus, non opus esse, ut ordinetur, vel consecratur in Episcopum ab aliis Episcopis; sed satis esse, quòd eligatur à populo in Episcopum, ad hoc ut Christus immediatè illi communicet potestatem ordinis Episcopalis, id quod respondet Brentius apud Bellarminum lib. de notis Ecclesiæ cap. 8. *Nos legitime, inquit, vocati sumus à Populo, & Magistratu, & ab eis Episcopatum accepimus, & nos non intrusimus.* Si, inquam, hoc dicant, contradicunt toti antiquitati, & perpetuo Ecclesiæ usû,

ut enim inquit P. Lessius in opusculo de vera Religione capessenda, *Nunquam in Ecclesia habitus fuit Episcopus, ita ut munia omnia Episcopalia obire posset, nisi ab alio Episcopo ordinatus, cui ex Apostolorum constitutione duo alii Episcopi debent conjungi, ut expresse precipitur can. 1. Apostol. & can. 4. Synodi Nicænæ, & insinuat Apostolus scribens Episcopo Timotheo 1. 4. & monens: Noli negligere gratiam, quæ in te est, quæ data est tibi per prophetiam cum impositione manuum Presbiterij: hoc est casus Episcoporum, qui simul cum ordinante manus ordinando imponerent, ut Patres exponunt.*

XLII. Unde in primitiva Ecclesia, quando nec hæretici negant, Romanos Pontifices fuisse veros Pontifices, singuli Papæ incipiendo à D. Petro aliquos Episcopos ordinârunt; ut constat ex Pontificali Romano S. Damasi, & Historia Ecclesiastica in vitis singulorum Pontificum, in quibus incipiendo à D. Petro, & D. Lino, & aliis narratur, quot ordinationes fecerint, & quot Episcopos per varia loca ordinarerint, & ut inquit Cardinalis Bellarminus tom. 2. lib. 4. de notis Ecclesiæ cap. 8. *constat, Christum, à quo Ecclesiam novi Testamenti cœpit, duodecim Apostolos tantum elegisse Episcopos, & Sacerdotes, & eis commississe omnem auctoritatem pascendi, & gubernandi Ecclesiam; Apostolos autem postea elegisse, atque ordinasse alios Episcopos, & eis tradidisse similem potestatem, alios deinceps ordinandi; id quod ex historiis non solum antiquis Eusebii, & similium, sed etiam ex*

ipsis Centuriis Magdeburgensium aperte ostenditur. Et hinc est, quod Paulus, qui extra ordinem Apostolus à Christo post ascensionem in Cælum factus est, non fuisset agnitus in Ecclesia pro tali, nisi prius in ipsa Ecclesia baptizatus fuisset, & ab Apostolis dexteram accepisset, imò, & ab illis ordinatus fuisset, ut patet ex Act. 9. & 13. Galat. 1.

XLIII. Itaque sicut in Populo Testamenti veteris, qui per carnalem generationem propagabatur, nulli erant de populo illo Dei, nisi qui descenderant à duodecim filiis Jacob, nulli Sacerdotes, nisi qui descenderant à Levi per Aaron. Et idcirco diligentissime tunc conservabantur genealogiæ, ut patet ex toto veteri Testamento: ita in populo Testamenti novi, qui spirituali generatione multiplicatur, nulli sunt Christiani, nisi per Apostolos, vel eorum Successores, aut ab eis missos conversi; nulli Episcopi, nisi qui eisdem legitime succedunt; & ideo tam diligenter annotantur à nostris Episcoporum successiones. Quare futilis est responsio Brentij; nam aliud est loqui de electione Episcopi, aliud de consecratione; nam electio variè varijs temporibus facta est. Nam constat, veteres Romanos Pontifices misisse Episcopos ad varias Civitates, sine ullo consensu populorum requisito. Constat etiam, aliquando populum simul cum Clero Episcopum elegisse, aliquando solum Clerum. *Ceterum quomodocumque fieret electio, semper (inquit Bellarm.) necessaria fuit ordinatio, quam non populus, sed soli Episcopi, & quidem tres, regulariter conferebant, quod*

NEMO

*nemo nescit; nisi qui nihil legit.*

XLIV. Quod si rursus dicas, ad veram Christi Ecclesiam non requiri, quodd in illa detur Hierarchia Ecclesiastica coalescens ex Patriarchis, Archiepiscopis, Episcopis, & Presbyteris, sed sufficere, quodd Ecclesia exclusis Episcopis, & Ministris à solis senioribus administretur, ut faciunt Puritani, & Presbyteriani in Anglia, qui ex diametro opponuntur Protestantibus, dicentibus Ecclesiam debere constari ex Archiepiscopis, Episcopis, Decanis, aliisque gradibus Ecclesiasticæ Hierarchiæ. Si hoc, inquam, dixeris, rem manifestè absurdam, & contrariam Scripturæ, & Patribus dices: clarè namque ostendit Bellarminus, ubi nuper, *non posse nullo modo Ecclesiam esse sine Pastoribus, & Episcopis*, ut rectè docet Cyprianus Epist. 9. lib. 4. ubi dicit, *Ecclesiam esse plebem Episcopo adunatam, & Episcopum esse in Ecclesia, & Ecclesiam in Episcopo*: Quare Hieronymus lib. contra Luciferianos: *Ecclesia*, inquit, *non est, quæ non habet Sacerdotes*. Id quod apertè probatur ex Paulo Ephes. 4. *Et ipse dedit quosdam quidem Apostolos, quosdam autem Prophetas, alios Pastores, & Doctores ad consummationem Sanctorum in adificationem Corporis Christi, donec occurramus omnes: & ubi docet Apostolus, futuros Pastores in Ecclesia usque ad diem iudicii; tunc enim occurrerimus Domino in unitate fidei, in virum perfectum, in mensuram ætatis plenitudinis Christi.*

XLV. Effie autem Episcopos Pastores hujus gregis, docet idem Apostolus, apud

Lucam Actor. 20. *Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei.* Sed nec Lutherus id negat, quin potius in lib. de Eccl. & Conc. inter notatas Ecclesiæ ponit, *habere veros Pastores*. Ex quo sequitur, eam non esse veram Ecclesiam, quæ aut nullos, aut non veros habet Pastores.

XLVI. Deinde probare non possunt Lutherani, & Calvinistæ, suos Ministros, imò nec primos auctores suæ Ecclesiæ reformatæ Lutherum, & Calvinum potestatem jurisdictionis à Christo accepisse ad gubernandas Ecclesias, imò nec prædicandum Verbum Dei, nemo enim, in Ecclesia prædicare potest, nisi legitimâ autoritate fuerit missus, juxta illud Apostoli ad Rom. 10. *Quomodo prædicabunt, nisi mittantur?* alioquin maxima nasceretur in Ecclesia confusio. Ut enim sapienter ponderat P. Lessius, *quivis officium prædicandi, & Ecclesiam regendi, sibi assumere posset, & quovis errores disseminare*. Si enim in Repub. temporali, & politia humana, nemo se ipsum potest intrudere, & assumere Magistratum ad regendum populum in rebus terrenis ad hanc vitam dumtaxat pertinentibus, sed debet à Principe ad hoc constitui: quanto minùs in Ecclesia, in Regno Christi spirituali, potest quis sibi arrogare officium Pastoris ad regendum populum in ijs, quæ salutem spectant æternam, sed ab Ecclesiæ supremo Rectore, & Sacrorum Principe, constitui debet? Multò enim magis vitanda est confusio regiminis in Ecclesia, quàm in politia;

litiâ; cùm illa in perniciem cedat animarum, hæc solum in damna fortunatum, vel corporum.

XLVII. Deinde Joan. 10. *Qui non intrat per ostium in ovile ovium, sed ascendit aliunde, hic fur est, & latro*, inquit Dominus. At is, qui absque legitima missione, & autoritate assumit sibi officium Pastoris in Ecclesia, is non intrat per ostium, sed ascendit aliunde, ut Patres passim exponunt, & per se satis constat. Quid enim aliud est, *intrare per ostium*, quàm intrare legitimâ viâ, legitimâ autoritate? Ostium enim est via ordinaria, ad hoc instituta, ut per eam intraret in Ovile. Unde designat illam autoritatem, per quam Ministri debent admitti in Ovile Christi, ad Oves Christi regendas, & pascendas.

Rursus, Dominus apud Joannem 7. ait: *Qui à semetipso loquitur, gloriam propriam quarit, qui autem quarit gloriam ejus, qui misit eum, hic verax est, & injustitia in illo non est.* Quibus verbis significat, non esse credendum ijs, qui legitimè missi non sunt, sed à seipsis veniunt, quia gloriam propriam quærunt: ac proinde non ad veritatem, sed ad honorem, & compendium loquuntur, & doctrinam suam omnem eò dirigunt. Denique Apostolus in Epist. ad Hæbreos ad eò hanc missionem necessariam ducit, ut etiam in Christo Domino eam requirat. *Nec quisquam sumit sibi honorem, sed qui vocatur à Deo tanquam Aaron. Sic & Christus non semetipsum clarificavit, ut Pontifex fieret, sed qui locutus est ad eum: Filius meus es tu, ego hodie genui te.* Unde

Dominus toties inculcat Judæis suam missionem, nimirum, quòd à se non venerit, sed à Patre missus, idemque multis modis confirmat.

XLVIII. Ex his clarè deducitur, Lutherum, Calvinum, & similes novos Doctores audiendos non esse, & eorum doctrinam vitandam. Quia constat, eos aliquâ legitimâ autoritate missos non esse, sed à seipsis venisse: constat, eos sibi Magistratum, & Officium Pastorum, & jus reformandi in Ecclesia usurpasse: constat, non intrasse per ostium, & viâ legitimâ, sed aliunde ascendisse in Ovile, ac proinde, juxta Domini sententiam, pro furibus, & latronibus habendos.

#### G. V.

*Præcluditur vanum hereticorum effugium asserentium, suam Religionem non esse novam; sed semper extitisse, licet latueris occulta, quousque Lutherus cepit palam prædicare.*

XLIX. **C**alvinus in præfatione suarum Institut. animadvertens antiquitatem esse potissimam notam veræ Ecclesiæ, nam sine dubio vera Ecclesiæ antiquior est quàm falsa, quemadmodum Deus antè fuit quàm Diabolus: quocirca Matt. 13. priùs seminatam legimus bonum semen, quàm zizania: & Ecclesiæ dicitur *Catholica*, quia omni tempore fuit, & similiter dicitur *Apostolica*, quia fundata est ab Apostolis, ac proinde debet esse antiquissima. Hoc, inquam, animadvertens Calvinus; ut declinaret argumen-

tum,

tum, quod contra ipsam fiebat ex novitate suæ Ecclesiæ, quæ evincebatur, illam non esse veram Christi Ecclesiam. Respondit, suam Ecclesiam non esse novam, sed antiquissimam, imò illam ipsam, quam Christus fundavit, tamen non esse visam per multa sæcula, & tunc demum apparuisse. Sed contra hoc effugium, vel potius somnium, validè insurrexere; Cardinalis Bellarminus lib. 4. de notis Ecclesiæ cap. 5. P. Leonardus Lessius in præclaro illo opusculo, seu consultatione, *qua fides, & Religio sit capessenda*, in nona consideratione in 1. ratione, ob quam omnes aliæ Religionēs præter Catholicam sunt suspectæ, & P. Martinus Becanus in compendio manualis lib. 1. cap. 3. n. 34. & 61. ex quibus, & ipsorum verbis hoc delictum patefaciendum est; & imprimis contra illud militat argumentum, quod facit B. Augustinus contra Donatistas lib. 3. de Baptismo, cap. 2. *aut ista Ecclesia, que nunc apparuit, antea perierat, & nunc resurrexit, aut non perierat, sed tantum latuerat, & nunc extulit caput. Nentrum autem potest dici.*

*Non Primum, quia tunc non potuissent renasci ipsi, si mater perierat. Si perit: Unde ergo, inquit B. Augustinus, Donatus apparuit? de qua terra genuit? de quo mari emerit? de quo Calcecidie?* Et præterea falsæ erunt promissiones Christi Matth. 16. *Porte inferi non prævalent adversus eam.* Et Matthæi ultimo: *Ego vobiscum sum usque, &c.*

*Non Secundum, quia tunc, vel ista Ecclesia latens profitebatur suam fidem, vel non profitebatur. Si profitebatur,*

*ergò non erat latens, sed manifesta. Et si manifesta, quomodo nemo advertebat? quomodo non capiebantur, & coercebantur ab inquisitoribus, qui longo tempore ante Lutheri ætatem esse cæperunt in Ecclesia? quomodo nullum vestigium, nulla memoria eorum extat? si autem non profitebatur fidem, sed verè, & propriè latebat (quam patrem ipsi defendere coguntur) Ergo illa non fuit vera Ecclesia, ac proinde nulla fuit in mundo vera Ecclesia. Nam ut ipsi dicunt, confessio fidei est nota veræ Ecclesiæ, & Rom. 10. *ore confessio fit ad salutem.**

*L. Præterea si ita est, quomodo apparente Luthero, & Calvino nemo fuit, qui se illis adjungeret, nisi quos ipsi deceperunt? si multi Lutherani, & Calvinistæ latebant, debuissent multi prædicante Luthero, & Calvino mox cognoscere locos suos, & ad eos currere, etiam non vocati; at non ita factum est, nam omnes ferè, qui sunt Lutherani, & Calvinistæ, fatentur, se antea fuisse ex nostris, & nihil cogitasse de nova illa doctrina. Imò Lutherus ipse fatetur, se aliquando non fuisse Lutheranum, sed monachum Catholicum, & Missas celebrasse per quindecim annos ferè, & deo è. Vide librum de Missa angulari, vel Joannem Cochleum in actis Lutheri, anni M. D. XXXIV. Item librum secundum Lutheri contra Zwinglium, vel septicipitem Joannis Cochleæ, cap. 24.*

Denique, si ita Ecclesia latuisset, ut Calvinus dicit, sequeretur, Ecclesiam Christi fuisse priorem, & miseriores omni secta hæretica, & ipso etiam populo



pulo Judæorum post everisionem Hierosolymæ, quod certe est blasphemum; cum Deus per Prophetas passim prædicet gloriam Ecclesiæ, & polliceatur, se cum ea semper futurum. Quodd illud sequatur, patet, nam omnis hæretica secta habuit sua templa, suos Episcopos, sua sacramenta, & similiter Judæi post everfam Hierusalem semper habuerunt aliquas synagogas, ubi liberè exercebant suas caeremonias, ut patet ex Gregorio lib. 7. Ep. 5. nec unquam coacti sunt generaliter, adorare Deos alienos.

At Ecclesia, quam latentem fingit Calvinus per annos ferè mille, nulla habuit templa, nulla sacra, nullos Episcopos, nec habuit unum angulum terræ, ubi liberè exerceret actus Religionis suæ, & quod peius est, coacta est servire Diis alienis, adorare idola, sacrilegiis communicare, quæ est horribilior, & longior captivitas, quàm unquam fuerit Judæorum, imò est ista Ecclesia deformior ipsius ruinis Synagogæ.

LI. Præterea si alia Ecclesia Christi præter Catholicā Romanā semper fuit, licet occulta, & latens, edisserant nobis adversarii, quænam illa fuerit, quas mundi partes occupaverit, & adhuc occupet? quos Pastores, & Episcopos habuerit, & adhuc habeat? Qui Reges, & Imperatores illi ad hæserint, & adhuc adhærent? qui hæretici ab illa damnati? quæ Academia confirmat? quæ templa, & monasteria erecta? Dicere enim, in mundo semper extitisse veram Christi Ecclesiam distinctam ab Ecclesia Romana; & tamen nullos habuisse Episcopos, & Pastores, nullas Universitates, nullos Doctores, nulla templa, nul-

las Religiosas familias, nulla Concilia celebrasse, nullas hæreses damnasse, est merum delirium, risu potius quàm confutatione dignum.

LII. Hinc P. Lessius evidente Dilemate concludit, nec Religionem Lutheranam, nec Calvinianam, nec ullam aliam Hæreticorum sectam esse veram Christi Ecclesiam. Nam vel Religio Lutherana, & Calvinistica ante suos auctores extitit, vel non extitit; si non extitit, ergò est plane novitia, ac proinde non potest esse Religio Christi, quæ est antiqua: si extitit, ergò fuit occulta, ac proinde non potuit esse Christi Religio, & Ecclesia: Hæc enim est, *Civitas supra montem posita, quæ abscondi non potest.* Mat. 9. Hæc est *Mons Domus Domini preparatus in vertice montium, & elevatus super omnes Colles, omnibus conspicuus, ad quem fluent omnes gentes.* Isa. 2. Hæc est *Regnum Christi diffusum à mari usque ad mare, & à flumine usque ad cardines terre* Pl. 71. Hæc est *Mons ille magnus replens universam terram* Dan. 2. Ecclesia enim Christi mundo debet esse conspicua, tum ut suo cultu, & decore, suisque moribus, & externa specie gentes ad se alliciat; tum ut qui volunt fieri Christiani, sciant, quò se debeant conferre, quos adire, à quibus instructionem petere. Similiter ejus Doctrina, & fides manifesta esse debet; alioquin mundo esset inutilis, nec posset gentes converttere. Vnde etiam in maximis persecutionibus nunquam ita latuit, quin passim cognosceretur; ut ex historiis Ecclesiasticis constet; hinc tanta Martyrum multitudo. Deinde si tot sæculis latuit, indigna

ignaproxus fuit hoc nomine. Quomodo enim dici potest Ecclesia Christi, quæ Christi sinceram doctrinam non audet confiteri? quæ tam pusilli est animi, & ita mortem timet, ut se abdat in tenebras, & tot sæculis non audeat prodire in lucem? Denique quæ tot sæculis non solum se occultuit, & sinceram fidei professionem suppressit, sed etiam professæ est fidem falsam, nempe Papisticam, adoravit idola, contaminavit se mille superstitionibus, & sacrilegijs? Nam ante Lutherum omnes Christiani exterius in omnibus gerere se debebant ut Catholici, alioquin mox ab Inquisitoribus, & Episcopis deprehensi fuissent, & tanquam hæretici puniti. Miserabilior itaque, & deformior fuisset Ecclesia Christi ruinis Synagogæ, seu Sectæ Judaicæ, quæ semper suas Synagogas, & liberam suæ Religionis professionem, quibusdam locis habuit; nec coacta est, saltem generatim, ad idolorum cultum. Miserabilior, & deterior Sectis omnibus hæreticis; nulla enim unquam Secta fuit alicujus nominis, quæ non sua Tempia, vel Domos religiosas, suos Conventus, suos Episcopos, suæ Religionis formam, & professionem habuerit, ita ut passim cognosci posset.

LIII. Cùm hæretici his pressis argumentis non possint assignare Ecclesiam aliquam visibilem distinctam ab Ecclesia Pontificia, in qua semper fuerint Episcopi, & Doctores, & in qua floruerint Universitates, & in qua celebrata sint Concilia; duo quæ fuerunt effugia satis ridicula apud Becanum.

Primo namque aliqui fingunt Ecclesiam quandam in cunis jacentem, & vagientem. *Ajunt enim* (inquit ille) *Ecclesiam* Christi aliquot sæculis tam fuisse corruptam, ac vitiatam, ut nulli in ea fuerint veri fideles, nisi infantes baptizati. Et sine dubio intelligunt Ecclesiam Romanam, seu Pontificiam, quam putant superioribus sæculis penitus defecisse, nisi quoddam soli infantes legitime in ea baptizati tanquam vera ipsius membra manserint. Miserum perisugium, & ipsis adversarijs perniciosum. Nam ipsi passim docent, duas esse notas Ecclesiæ, nempe sinceram prædicationem Evangelij, & legitimam Sacramentorum administrationem, ex quibus vera Christi Ecclesia dignosci debet, & sine quibus consistere non possit, ut videre est in Confessione Augustana art. 7. & in Apologia ejusdem, & in Calvino lib. 4. Instit. cap. 1. §. 9. 10. & 11. At hæc duæ notæ non conveniunt Ecclesiæ, in qua soli infantes baptizati sunt; quia soli infantes, nec possunt sincerè prædicare Evangelium, nec legitime administrare Sacramenta: ergo Ecclesia, in qua soli infantes sunt, non est vera Christi Ecclesia.

LIV. Alij habent aliud effugium. Ajunt, semper in Ecclesia fuisse unum, aut alterum cordatum virum, qui Papæ contradixerit, cujusmodi diversis temporibus fuerunt Joannes Wicleff, Joannes Hus, Lutherus, Calvinus. Equè ineptè. Nam primò, dicant mihi, quis fuerit ille unus, vel illi duo cordati viri, qui ante Wicleffum, per singula superiora sæcula, Papæ contradixerint? Sinesciunt, quare temerè affir-

mant?

mant? Si sciunt, edicant eorum nomina, locum habitationis, & cæteras circumstantias, non poterunt. Secundò Ecclesia Christi non est deterioris conditionis, quàm fuerit Synagoga Judæorum, cùm Ecclesia sit domina; Synagoga, ancilla (ad Gal. 4. 22.) At Synagoga nunquam fuit tam deserta, ut duo tantum viri in ea reperirentur. Imò, tempore Helix, cùm putabatur desertissima, septem millia virorum in ea reperta sunt, Rom. 9. 4. Cur ergò Adversarii fingunt, Ecclesiam Christi fuisse aliquando tam desertam, ut duo tantum viri in ea reperti fuerint? Quod manifestè repugnat Scripturæ, quæ

apud Isaiam testatur, Ecclesiam Christi multò fecundiorē, & ampliorem fore, quàm fuerit Synagoga, Isaiæ 54. 1. Tertiò, Donatistæ plus tribuebant Ecclesiæ quàm hi faciunt. Nam illi, tamen si dicerent, Ecclesiam toto orbe perijisse, & in sola Africa remansisse; non tamen ausi sunt asserere, quod hi asserunt, remansisse aliquando in duobus tantum viris, qui Papæ contradixerint. Si ergò illi, qui melius sentiebant de Ecclesia, quàm hi nostri Adversarii sentiant, nihilominus ab Augustino, & aliis Patribus damnati sunt tanquam Hæretici; quid de his nostris fieri oportere existimandum est?

## CAPUT SECUNDUM.

*Secundum Caput idem probandi, quia cùm Sectarii fateantur, Ecclesiam Romanam tribus, quatuor, vel quinque seculis veram Ecclesiam Christi fuisse: manifestè demonstratur, illam postea à vera fide, quam ab Apostolis acceperat, non defecisse per apostasiam, per hæresim, vel per schisma.*

LV. **P.** Martinus Becanus in compendio Manualis lib. 1. cap. 3. n. 24. testatur, Hæreticos Lutheranos, & Calvinistas passim asserere, totam Ecclesiam visibilem, quæ primis quingentis annis habuit veram fidem, ac Religionem, postea errasse, & multis sæculis usque ad tempora Lutheri in errore perstitisse, vel ut alij loquuntur, totam perijisse, ac defecisse, non quòd perierint, aut defecerint homines, ex quibus conflata est Ecclesia visibilis, sed quòd defecerit eorum fi-

des, & sincera Religio. Et Cardinalis Bellarminus lib. 4. de notis Ecclesiæ cap. 5. asserit, hæreticos hujus temporis asserere, post primos quingentos annos cœpisse invalescere nostram Religionem, quam ipsi Sectam Papisticam, vel Pontificiam appellant; tamen quando cœperit absolute, nunquam dixisse, & postea subiungit idem Bellarminus. *Passim Calvinistæ, & Lutherani, usque ad primos quingentos, vel sexcentos annos extendunt Ecclesiæ puritatem.* P. Leonardus Lessius in illo præclaro

claro opusculo suo, quæ *Fides*, & Religio sit capessenda, in nona consideratione, ratione 1. refert, Lutheranos Doctores in opere Centuriarum ab ipsis edito asserere, Ecclesiam Romanam, etiam si temporibus Apostolorum, & aliquando postea fuerit vera Christi Ecclesia, tamen tertio saltem, & quarto sæculo cœpisse omnino deficere à fide vera, ac proinde non fuisse amplius veram Christi Ecclesiam, testaturque, hoc passim judicari à Lutheranis in quibusdam Germaniæ oppidis, cum prægrandibus litteris in frontibus Domorum scribunt in hæc, vel similia verba. *Anno tali illuxit huic Urbi verum Evangelium Christi, superstitiione depulsâ.* Imò Rex Jacobus in oratione, quam habuit ad supremos Regni ordines (Parlamentum appellant) & Witsakerus in responsione ad secundam demonstrationem Sanderi, Tulkius in Caput secundum Epistolæ 2. ad Thessalonicenses, & alii Ecclesiæ Romanæ hostes, & hæresis Calvinianæ, vel Lutheranæ defensores apertè farentur, Ecclesiam Romanam primis temporibus purissimam, celeberrimam, nec non Sanctitate & Doctrinâ florentissimam extitisse. Estque res evidentissima; cum Petrus, & Paulus Ecclesiam Romanam fundaverint, & suo sanguine illustraverint, & Pontifices, qui Petro successerunt per tria, & amplius sæcula, ut Linus, Cletus, Clemens &c, Sancti sine dubio fuerint.

LVI. Dicunt autem Lutherani, & Calvinistæ, ita post aliqua sæcula Ecclesiam Catholicam à Christo supra Petrum fundatam in doctrina fidei muta-

tam fuisse, ut Pontifex Romanus conversus sit in Antichristum. Nam Magdeburgenses centuriâ 7. cap. 1. affirmant, initio anni 600. Papam in Antichristum mutatum esse. Et Lutherus in supputatione temporum vult, Sanctum Gregorium fuisse ultimum Papam. Item Theodorus Bibliander in tabulis suæ Chronologiæ initio anni D C. ponit apparitionem Antichristi, id est Papæ.

LVII. Hoc supposito, probò, nunquam Ecclesiam Romanam defecisse à vera fide, quam ab Apostolis acceperat, sed quam semel acceperat, semper retinuisse, & sic argumentor. Illa Ecclesia, quæ semel fuit vera Christi Ecclesia, pura & incontaminata, & postea nunquam incidit in apostasiam, hæresim, vel schisma, semper vera, pura, & incontaminata perseverat Christi Ecclesia. Atqui Ecclesia Romana aliquando fuit vera Christi Ecclesia, pura & incontaminata, & postea nunquam incidit in apostasiam, hæresim, vel schisma: ergò Ecclesia Romana semper vera, pura, & incontaminata perseverat Christi Ecclesia. Consequentia est evidens: & major est ex terminis nota. Minor quoad primam partem patet ex confessione adversariorum, & est evidens evidentiâ facti; & patet ex Apostolo Romanorum 8. *Qui in carne sunt, Deo placere non possunt; vos autem in carne non estis, sed in spiritu.* & v. 11. *Quòd si spiritus ejus, qui suscitavit Jesum à mortuis, habitat in vobis; qui suscitavit Jesum Christum à mortuis, vivificabit & mortalia corpora vestra, propter inhabitantem ejus spiritum.*

Bb

spiritum

*spiritum in vobis.* Item Rom. 16. 19. *Vestra obedientia in omnem locum divulgata est : gaudeo igitur in vobis.* Quoad secundam partem probatur eadem minor. Primum namque, quod spectat ad apostasiam, manifestissimum est, Ecclesiam Romanam in apostasiam nunquam incidisse; siquidem apostasia est fidei Christianæ non solum abrenuntiatio, sed etiam vel ipsius tituli Christiani nominis omnimoda abjunctio: evidentissimum autem est, Ecclesiam Romanam nunquam abrenuntiâsse fidem Christi; & multò minus abjurâsse titulum nominis Christiani.

LVIII. Secundò, Ecclesia Romana non incidit in hæresim, quia hæresis est alicui privatæ, & singulari opinioni, seu errori in fide obstinata adhæsiō, contra generalem, & approbatam universalem Ecclesiæ doctrinam: atqui Ecclesia Romana nunquam alicui novæ, privatæ, & singulari opinioni, seu errori in fide contra generalem, & approbatam Ecclesiæ universalem doctrinam adhæsit: ergò non incidit in hæresim. Minor manifesta est, quia nulla unquam Ecclesia adhæsit alicui novæ, privatæ, & singulari opinioni discrepanti à recepta totius Orbis universali doctrina, quin ab aliquo Oecumenico Concilio, vel à Patribus, & Scriptoribus illius sæculi, vel ab aliqua alia legitima potestate, tanquam heterodoxa seu hæretica, fuerit condemnata: atqui Ecclesia Romana nunquam condemnata fuit ab aliquo Oecumenico Concilio; nemo antiquorum Patrum adversus illam stilum exacuit: contra verò ad unum omnes pro illa acerrimè depugnârunt: nec ulla le-

gitima potestas sive authoritas asseruit potest, à qua, vel reprobata, vel condemnata tanquam heterodoxa, seu hæretica fuerit: ergò Romana Ecclesia nunquam adhæsit alicui novæ, privatæ, & singulari opinioni discrepanti à recepta totius Orbis universali doctrina: ergò nunquam incidit in hæresim.

LIX. Tertiò. Nunquam Ecclesia Romana incidit in schisma: quia schisma nihil aliud est, quam discessio, seu separatio ab unitate Ecclesiæ, quo fit, ut vinculum communionis, quo cum Ecclesiæ corpore conjungimur, & coarctamur, rumpatur, necesse sit: atqui Ecclesia Romana nunquam rupit, aut dissolvit vinculum communionis cum aliqua priore Ecclesia, nec separavit se ab aliquo corpore fidelium Christianorum: ergò nunquam incidit in schisma. Minor manifesta est, quia impossibile est, ostendere aliquam Ecclesiam vel Christianorum Societatem, à qua discessit, vel quam deseruit Ecclesia Romana. Mihi quoque non modò stupendum videtur, verum etiam ridiculum, & rationi omnino dissentaneum, quòd Ecclesia illa habeatur pro schismatica, cum nulla alia Ecclesia assignari possit præter Romanam, quæ singulis sæculis ab ipso Salvatore nostro tempore deductis, permanens visibilis, à qua illa recessit.

LX. Præterea arguor; quia si Ecclesia Romana, quæ per aliquam sæcula fuit vera Christi Ecclesia, pura, & immaculata in fide, quam ab Apostolis acceperat, & postea conversa est in Synagogam Sathanæ, & Romanus Pontifex, qui prius fuit verus Christi Vica-

Vicarius, & Legitimus Petri Successor, conversus est in Antichristum: necesse est, ut dicamus unum è duobus, nimirum, vel alicui Pontifici Romano vero, & legitimo successisse in Cathedra Romana alium, qui non fuit verus Christi Vicarius, & legitimus Petri Successor, sed Antichristus; vel aliquem exiisse Pontificem Romanum, qui primò fuerit verus, & legitimus Christi Vicarius, & veræ, & Apostolicæ fidei professor & custos, postea verò fidem deseruerit, & hæreses semina-verit, & ex pastore conversus sit in lupum, & ex Vicario Christi in Antichristum. Non enim est alius modus possibilis, quo verificetur, aliquando Ecclesiam Romanam habuisse verum, & legitimum Pontificem, & postea loco Pontificis legitimi habuisse, & nunc habere illegitimum, qui verus Pontifex non sit; nisi quia, vel vero, & legitimo Pontifici successit illegitimus & falsus, vel quia qui priùs fuit verus, & legitimus, factus est postea illegitimus, & falsus. Atqui utrumque est evidenter falsum, & penitus incredibile. Nam tanta, & tam stupenda mutatio, ut Pontifex Romanus ex Vicario Christi mutaretur in Antichristum, & ex Custode veræ fidei fieret veræ fidei destructor, & devastator, & hæresiarcha, & totius Ecclesiæ everfor; non potuit fieri clanculum, & nullo contradicente, imò & nullo advertente. Quomodo ergò nulla hujus rei in historiis extat memoria? quomodo non est notata hæc defectio, nec observata nisi post tot sæcula à Luthero, & Calvino? quomodo ignoratur, quisnam fuerit pri-

mus Pontifex Romanus, qui apostata-vit à vera fide? Nulla unquam in Ecclesia extitit hæresis, quin sciretur, quis fuerit ejus author, & quo cœperit tempore illam seminare. Sic scimus Arianorum authorem fuisse Arium Presbyterum Alexandrinum, qui anno 324. cœpit blasphemare contra Divinitatem Filij, ejusque cum Patre æqualitatem. Scimus Nestorianæ hæresis authorem fuisse Nestorium Episcopum Constantinopolitanum, qui anno 431. cœpit docere, in Christo esse duas Personas; & similiter de hæresi Eutychiana, de Pelagiana, & omnibus aliis, scimus authores, & tempus, in quo cœperunt.

LXI. At de defectione Ecclesiæ Romanæ à vera fide nunquam adversarij assignant tempus, in quo incœperit, nec Pontificem, qui fuerit ejus primus author, nec dogma particulare, in quo hæc defectio cœperit; imò dicunt adversarij, non simul factam mutationem, & defectionem Ecclesiæ Romanæ à vera fide, sed paulatim irrepisse errores, non advertentibus, imò etiam dormientibus Pastoribus; unde illi apud Becanum in Compendio Manualis lib. 1. cap. 3. n. 64. & apud Bellarm. lib. de notis Ecclesiæ cap. 5. duo statuunt principia; unum est, Pontificiam Ecclesiam non subitò, sed sensim defecisse à fide, ac tandem omni fide abjectâ, adulteram factam esse. Alterum, hanc defectionem initio fuisse latentem, & occultam, adeò ut nec aliæ circumstantiæ illius designari potuerint: tandem tamen post aliquot sæcula à Luthero, & Calvino publicè



fuisse notatam, & deprehensam. Hæc autem sunt omnino incredibilia, & sine ulla veri specie. Quamvis enim dormientibus Pastoribus, possit aliquis impostor incipere seminare hæreses; at quòd illæ seminentur, nascantur, & crescant, nullo resistente, imò nullo advertente, est impossibile. Unde licet Matt. 13. zizania dicantur seminata dormientibus hominibus, at mox nata apparuerunt, & cognita fuerunt. Quomodo igitur hæreses illæ monstruosæ, quas hæretici afficiant Ecclesiæ Romanæ, per mille, & amplius annos detetæ non sunt, quousque venerunt oculati illi Doctores, & novi Apostoli Germaniæ, & Genevæ, Lutherus, & Calvinus, qui illas mundo manifestarunt? sanè non solum Pastores, sed etiam Deus valde dormisset, si per tot sæcula non excitasset aliquem, qui his erroribus resisteret, & qui contra illos scriberet, & delendum esset ex Evangelio illud, *Ecce ego vobiscum sum usque ad consummationem sæculi*.

LXII. In hoc hæreticorum hujus temporis effugium invehitur non minus eleganter quàm validè, strenuus ille fidei Catholicæ pugil, atque defensor in Angliâ, Edmundus Campianus nostræ Societatis, qui proprio sanguine veritatem fidei Catholicæ consignavit, in libello illo præclaro decem rationum propositarum in causâ Fidei, quibus ad certamen provocavit omnes Academicos Oxonij, & Cantabrigiæ, in septima ratione desumpta ex silentio historicorum; *Profecto* (inquit) *si quid in Religione mutatum aut à primis degeneratum sæculis inaudissent, frequentes*

*memorassent: si non frequentes, saltem aliqui: si non aliqui, unus aliquis absque dubio. Nullus omnino, neque benevolus nobis, neque malevolus, non modo quidquam tale prodidit, sed nec significavit. Verbi gratiâ: Dant nobis Adversarij, nec aliter possunt, fuisse Romanam Ecclesiam aliquando sanctam, Catholicam, Apostolicam, tum cum hæc à Divo Paulo promeruisse gloria: Vestra fides annuntiatur in universo mundo: Rom. 1. v. 8. Sine intermissione memoriam vestri facio. Rom. 1. v. 9. Scio quoniam veniens ad vos, in abundantia benedictionis Christi veniam. Rom. 15. v. 29. Salutant vos omnes Ecclesia Christi. Rom. 16. v. 17. Vestra enim obedientia in omnem locum divulgata est. Rom. 16. v. 19. Tum, cum ibi Paulus in libera custodia disseminaret Evangelium: Tum, cum in ea quondam Babylone collectam Ecclesiam Petrus regeret: Tum, cum ille Clemens apprimè laudatus ab Apostolo federet ad ipsa gubernacula: Tum, cum profani Cæsares, ut Nero, Domitianus, Trajanus, Antoninus, Romanos Pontifices laniarent: Tum etiam, vel Calvino teste, Instit. l. 4. c. 2. n. 3: & in epist. ad Sadol. cum Damasio, Siricium, Anastasium, Innocentium, clavum tenerent Apostolicum. Hoc enim sæculo, nihil adhuc, præsertim Romæ, digressos ab Evangelica doctrina, liberaliter ille concedit. Quando igitur hanc fidem tantopere celebratam Romæ perdidit? quando esse desuit, quod ante fuit? quo tempore, quo Pontifice, quâ viâ, quâ vi, quibus incrementis, Urbem, & Orbem Religio pervasis aliena? quas voces, quas turbas, qua lamenta progenit?*

*quis? Omnes Orbe reliquo sopiti sunt, dum Roma, Roma inquam, nova Sacramenta, novum Sacrificium, novum Religionis Dogma procuderet? Nullus extitit Historicus, neque Latinus, neque Græcus, neque Syriacus, neque citius, qui rem tantam, vel ob- scure jaceret in commentarios?*

## CAPUT TERTIUM.

*Tertium Caput idem probandi, quia cum sine fide impossibile sit placere Deo, si Ecclesia Romana à quinto, vel sexto saculo veram Christi fidem perdidit, ut somniant sectarii; evidenter inde inferitur, per mille annos nullum hominem salutem obtinuisse, ac proinde damnatos fuisse Benedictum, Malachiam, Bernardum, Dominicum, Franciscum, & alios, quos ipsi hæretici Sanctos fuisse fatentur. Hoc autem est evidenter falsum.*

**LXIII.** **A**nte omnia tanquam primum principium supponendum est, veram Religionem, in qua homines salutem æternam consequi possint, unicam tantum esse, non multiplicem. Una enim tantum est veritas, & ut ait Apostolus ad Ephes. 4. *Unus Dominus, una fides, unum baptisma: Deus, & Pater omnium.* Ex quo inferitur primò, omnes Religiones, omnes fides, & fidei confessiones præter unam esse falsas, noxias, pestíferas, & auctore diabolo, qui est pater mendacij, introductas. Inferitur secundò, neminem, qui hanc unicam non habuerit, salutem æternam consequi posse, & omnes qui extra veram Religionem obierint, in æternum perituros, quantumvis alioqui laudabiliter vixerint. Quod enim Apostolus 1. Corinth. 13. de charitate dixit: *Si linguis hominum loquar, & Angelorum, charitatem autem non habe-*

*am, factus sum velut æsonans, aut cymbalum tinniens. Et si habuero prophetiam, & noverim mysteria omnia, & omnem scientiam. Et si habuero omnem fidem, ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum, ita ut ardeam, charitatem autem non habuero, nihil mihi prodest. Quod, inquam, Apostolus in hoc loco de charitate dixit, potiori jure dicendum est de vera fide, seu Religione, quæ charitatis, & reliquarum christianarum virtutum est fundamentum.*

**LXIV.** Quod confirmatur ex verbis Christi Joan. 6. *Nemo potest venire ad me, nisi Pater meus traxerit eum; Nemo potest venire ad Christum, & cum illo in Cælis regnare, nisi Pater traxerit eum ad Religionem, per cujus professionem, & observantiam perven-*

turus est ad Christum: at Pater nequit trahere ad Religionem falsam, cujus non ipse, sed diabolus author est; ergò nemò potest venire ad Christum, & cum illo in cælis regnare, nisi per professionem, & observantiam Religionis veræ. Ratio est, quia Religio, quæ à Deo non est, ad Deum ducere non potest, & quæ à cælo non descendit, non potest ducere in cælum, juxta illud Christi Joan. 3. v. 13. *Nemo ascendit in cælum, nisi qui descendit de cælo, filius hominis, qui est in cælo*, id est, nemo potest ascendere in cælum, nisi qui per veram fidem, & charitatem fuerit unitus cum Christo, qui est filius Dei, qui descendit de cælo, ut nos sibi unitos, & incorporatos per veram fidem, & charitatem, secum duceret in cælum, ubi enim est caput, ibi esse debent membra ipsi unita per veram fidem, & charitatem.

LXV. Confirmatur secundò, quia ut inquit Apostolus ad Heb. 11. 6. *sine fide impossibile est placere Deo*; fides autem illa, sine qua impossibile est placere Deo, debet esse fides vera, & à Deo hominibus data; nam fides falsa, & à Deo non proveniens, sed à diabolo, nequit esse necessaria ad placendum Deo. Vnde Christus Joan. 3. v. 16. dicebat: *qui credit in filium, habet vitam æternam: qui autem incredulus est filio, non videbit vitam sed ira Dei manet super eum*. Quare sicut non potest dari albor sine radice, nec Domus sine fundamento; sic nec salus obtineri potest sine vera fide, & religione, quæ est radix, & fundamentum hujus spiritualis ædificij. Nemo recipietur à Deo in Domino suæ cælesti, qui in hac vita non fue-

rit Domus, & templum, in quo Deus inhabitat, juxta illud Apostoli; *templum Dei estis vos*. In hoc autem templo fundamentum est fides, spes est veluti paries, & charitas est tectum, ut explicat Augustinus. Ergò impossibile est, ut sine professione veræ fidei, & Religionis sit aliquis verè justus, & templum Dei, & quòd sit in statu salutis.

LXVI. Hoc supposito primo principio, ex doctrina hæreticorum evidenter insertur, per mille, & amplius annos nullam fuisse veram fidem, & Religionem in mundo, quousque in Germania apparuit ille hæreticorum novus Apostolus Lutherus; ac proinde nullum hominem toto illo tempore salvatum esse. Sequela probatur: nam quando Lutherus incæpit caput efferre, & suos errores disseminare, solum erant in mundo Religio Judaica, Religio Mahumetana, & Religio Christiana; nomen autem Religionis Christianæ solum tunc profitebantur Christiani Pontificij, seu Catholici Romani, qui nimirum tenebant eam fidem, & profitebantur eos articulos, quos sedes Petri, seu Ecclesia Romana docebat, & Pontificem Romanum agnoscebant, ut Vicarium Christi: & Christiani Schismatici, seu Græci, qui separati sunt ab Ecclesia Romana; & secta quædam hæreticorum, nempe Hussitarum, qui scilicet sectabantur errores Joannis Hus Bohemi, qui damnati sunt in Concilio Constantiensi sub Martino V. anno 1418. ut patet ex ejus constitutione *inter cunctas*, quæ edita est, sacro approbante Concilio jam pleno, & legitimo. Manifestum autem est, nec in

Re-

Religione Judaica, postquam Christus venit, esse salutem; nec esse in Religione Mahumetana, ut demonstrabimus in secunda parte hujus manductionis. Præterea certum est ex confessione ipsorum hæreticorum, contra quos arguimus, homines non potuisse salvari in Ecclesia Græca, postquam per schisma tempore Photij Patriarchæ Constantinopolitani anno 869. separata est ab Ecclesia Latina, dum in illo schismate duraverunt; duraverunt autem ab illo tempore usque ad ann. 1438. quando sub Eugenio quarto Pontifice, & Joanne Paleologo Imperatore in Concilio florentino unita est iterum cum Latina, à qua tamen unione citò recesserunt; & ideo in pœnam pertinacis schismatis, ad quod Græci redierunt, tradidit eos Deus tyrannidi Turcarum, qui armorum vi occupaverunt Imperium Trapezuntinum, & Constantinopolitanum, quæ per tot annos in Græcia flourerant.

LXVII. Quodd certum sit ex confessione ipsorum hæreticorum, non posse Græcos schismaticos in sua Religione salvari, probatur: Quia Græci pertinaciter negant, Spiritum Sanctum procedere immediate à Filio, asserentes procedere à solo Patre: qui est error damnatus in Symbolo Constantinopolitano, quod canitur in Missa; & ut probat Cardinalis Bellarminus Lib. 2. de Missa cap. 16. est ita antiquum, ut S. Chrysostomus, qui floruit ad finem quarti sæculi, & obiit anno Christi 407. illud inseruerit Missæ, quam composuit, ac proinde asserere Spiritum Sanctum non procedere à

filio, est hæresis manifesta, non solum apud omnes Catholicos, sed etiam apud Lutheranos, & Calvinistas, ut testatur Bellar. libro de notis Ecclesiæ cap. 9. In Ecclesia ergo Græca, quæ tempore Lutheri, & Calvini non solum schismatica erat, per separationem à capite visibili, nempe à Romano Pontifice, sed hæretica ob negatam pertinaciter processionem Spiritus Sancti à Filio, salvari homines non poterant.

LXVIII. Nec item salvari poterant in secta Hussitarum; quia extra veram Christi Ecclesiam nemo salvari potest, ut fatentur ipsi hæretici; illa autem secta non erat vera Christi Ecclesia, tum quia incæperat in Bohemia tempore Concilii Constantiensis, ac proinde non erat Ecclesia vera, quam Christus supra Petrum fundavit: tum quia Ecclesia vera Christi debet esse Catholica, id est Universalis, illa autem secta solum occupavit exiguam aliquam partem Germaniæ, paucosque habuit sectatores. Denique quia illa secta jam prorsus evanuit, & finita est; vera autem Christi Ecclesia duratura est usque ad finem mundi; ergo illa secta non erat vera Christi Ecclesia, ac proinde in illa salvari non poterant. Ergo si juxta hæreticos Ecclesia Romana, & Pontificia non est vera Christi Ecclesia, nulla erat vera Christi Ecclesia, quando venit Lutherus, in qua homines possent salvari; nec fuerat per mille, & amplius annos, siquidem Ecclesia Romana, à qua apostatavit Lutherus, ex ipsius sententia jam defecerat à vera fide Christi post quartum, vel quintum sæculum, vel saltem post sextum. Ergo nullus homo

fa-

salutem æternam obtinuit spatio mille annorum ; quia extra veram Ecclesiam vera fides esse non potest, nec sine vera fide, & vera Religione potest salus obtineri.

LXIX. Perierunt ergò Benedictus, Malachias, Bernardus, Dominicus, & Franciscus; perierunt Xaverius, Petrus de Alcantara, & Theresia, qui floruerunt in Ecclesia Romana post textum sæculum; hos autem sanctos fuisse hæretici ipsi farentur. Nam Tomila, quamvis hæreticus Atrianus esset, summo honore affectus S. Benedictum, & tanquam verum Dei servum, & Prophetam veneratus est, ut scribit S. Gregorius Lib. 2. Dialogorum cap. 15. Calvinus etiam instituit. cap. 10. §. 17. vocat Bernardum *pium scriptorem*: nemo autem pius sine vera fide, & sanctitate esse potest. Philippus etiam Melancthon in Apologia art. 5. & 27. Confessionis Augustanæ, vocat sanctos Bernardum, Dominicum, & Franciscum; quod idem facit Lutherus in Libro de abroganda Missa propè finem; ut sanctum etiam venerantur Franciscum Xaverium ipsi hæretici. Sic enim de illo Richardus Haclutus Minister Anglus scribit in 2. volumine de primis navigationibus part. 2. pag. 8. *Pius ille confessor Indorum in iis, quæ ad Religionem pertinent, Institutor Franciscus Xaver, post multos exantlatos labores, post injurias, & calamitates magno animo superatas, omnibus benedictionibus plenus obiit anno 1552. postquam multa hominum millia ad fidem Christi perduxisset. De hoc Viro sancto, virtutibus ejus, & mirabilibus, omnes vacantes Indorum historia testantur.*

Hæc ille vi manifestæ veritatis coactus est loqui, suffraganti: que Hollandorum eò navigationum de ejusdem sanctitate, & prodigiis testimonia.

LXX. Cum ergò evidenter sit absurdum, & penitus incredibile, & impossibile, viros ejusmodi, quos Deus tot signis, & miraculis illustravit, & qui tanta pro ejus gloria amplificanda passi sunt, & tam ardentem ipsum amârunt, in æternum periisse; consequens est, esse evidenter falsum, Ecclesiam Romanam non perseverasse in vera fide, & Religione, quam in primis quatuor, vel quinque sæculis, ex confessione Adversariorum, puram & illibatam servavit. Quis non miretur, homines judicio aliquo pollentes, potuisse sibi persuadere, per mille, & amplius annos mundum fuisse sine vera CHRISTI Ecclesia? Quid hoc est, nisi negare Dei providentiam erga hominum salutem? Quomodo verificari potest, Deum seridè velle homines salvos fieri, si permisisset mundum per mille, & amplius annos perseverasse sine vera fide, & Religione, in qua homines saluari possent? si nulla fuit vera in Mundo Christi Ecclesia per mille annos, promptum erit cum Tertulliano, libro de præscriptionibus, contra hæreticos ab absurdo sic inferre: *Perperam ergò tot sæculis evangelizatum, perperam creditum, tot millia millium perperam tincta, tot opera fidei perperam administrata, tot virtutes, tot charismata perperam operata, tot sacerdotia, tot ministeria perperam functa, tot denique martyria perperam coronata. Quis autem non videat, quàm hæc omnia sint incredibilia, absurda, & blasphemæ?*

ma? Quàm totius orbis, & omnium sæculorum iudicio contraria? Manifestum ergò est, Ecclesiam Romanam nunquam veram fidem, & Religionem perdidisse, quia qui hoc concesserit, cogitur devorare hoc absurdum, nempe per mille, & amplius annos nullum hominem salutem æternam obtinuisse, Deumque conservasse mundum per tot sæcula, ut omnes homines in infernum detruderet.

LXXI. Ad fugiendum absurdum illatum, quod scilicet sequeretur, damnatos fuisse viros illos eximios, qui etiam ipsorum hæreticorum iudicio sancti fuerunt, dicere quis poterit, illos fuisse excusatos per ignorantiam; sed contra, quia ignorantia non excusat, nisi in his, quæ sunt tantum necessaria necessitate præcepti, non autem in his, quæ sunt necessaria necessitate medii; quale est colere, & profiteri veram Religionem;

quia sine fide, & vera Religione impossibile est aliquem salvari. Deinde si vera fuerint, quæ sectarii dicunt de Ecclesia Romana, essent inexcusabiles, qui illi adhærent, quia nimirum adhærent meretrici *Babylonica* (sic enim illi vocant Ecclesiam Romanam) & essent Ministri, & instrumenta primaria Antichristi, essent idololatæ colentes creaturam pro Creatore, nimirum panem, & vinum loco Christi in Eucharistia. Nulla autem est ignorantia, qua valeant ista accusari. Fuissent ergò omnes illi impii, & æterno igne digni. Quia, homines adulti, & baptizati si gloria æterna non fruuntur, necesse est, ut in ignem æternum mittantur, unum enim ex illis duobus extremis Matth. 25. 46. *Et ibunt ii in supplicium æternum, iusti autem in vitam æternam*, illis competere debet.

## CAPUT QUARTUM.

*Impugnatur effugium quorundam Protestantium, qui cum absurdum capitis præcedentis devorare non audeant, dicunt, posse quemlibet Christianum in sua Religione, & fide salvari; v. g. Lutheranum in sua, similiter Calvinistam, & Pontificium. Atque apertè demonstratur, si semel in Ecclesia Romana reperitur salvatio, illam reperiri non posse in secta Lutherana, vel Calviniana, nec in ulla alia negante aliquem ex articulis, quos Ecclesia Romana credendos proponit.*

LXXII. **P**ater Richardus Arsdakin in sua Theologia tripartita parte prima cap. 2. ar. 1. testatur Se-

rianum, & plures præsertim in Hollandia, & Germania, & nuper in Anglia Thomam Hobbesium in elementis  
Cc Philo-



Philosophicis docuisse, quemlibet Christianum posse in sua fide, & secta salvari. Et P. Leonardus Lessius in Appendice Consultationis de Religione & Fide capessenda duas hac de re instituit quæstiones. Prima *utrum quisvis in sua, fide, ac Religione salvari possit?* & circa hanc, inquit, *Multi* hoc tempore sentiunt, quemlibet in sua Fide salvari posse; ac perinde ad salutem sufficere, credere in DEUM, & nemini facere injuriam. Secunda quæstio, *utrum si fides Christi sit necessaria, ipsa per se sufficiat, an verò aliquid aliud credere oporteat?* Id est, utrum sufficiat ad salutem credere in Christum, eumque pro peccatis esse mortuum, etiam si alia nolumus credere? Et post quæstionis propositionem subjungit. *Plurimi præsertim ex plebe, id facti esse existimant, modò ea, quæ de Deo & Christo habentur in Symbolo Apostolorum, credantur, cætera omnia putant adiaphora, & quemlibet de illis posse credere prout ei bona Fide videtur credendum: Symbolum autem à quovis credi volunt juxta sensum, qui cuilibet videtur optimus. Itaque statuunt, quemlibet, qui Christum confiteatur, in sua fide salvari posse; sive sit Papista, sive Lutherista, sive Calvinista, sive Anabaptista, sive alterius sectæ. Omnes enim hi tenent idem caput, quod est Christus, omnes eidem innituntur fundamento, quod est Christus JESUS. Itaque à salute excidere non possunt, etiam si in aliis dissentiant. Hinc aliqui potentes, qui istis novis Religionibus uruntur ad stabilendum, & amplificandum suum Imperium, plurimum la-*

borant, ut ex Lutheranis, & Calvinistis unam Ecclesiam conficiant, & persuadere nituntur, inter eos non esse discrimen; nisi in nescio quibus apicibus, & rebus adiaphoris. Quia res ista est magni momenti, utrumque errorem in hoc capite impugnabo.

## §. I.

*Demonstratur esse evidentem errorem contra Lumen rationis, quod unusquisque possit salvari in sua fide & Religione, videlicet Mahumetanus in sua, Judæus in sua, & Christianus in sua.*

LXXIII. Cardinalis Bellarminus lib. de notis Ecclesiæ cap. xi. nota octava probat ad veram Ecclesiam, in qua homines salvari possint, requiri, quòd nihil contineat falsum quoad fidei doctrinam, nihil injustum quoad doctrinam morum. Religio namque illa, quæ vel aliquod dogma falsum credit, vel aliquid injustum præcipit, nequit esse à Deo, ac proinde nequit esse talis, ut in illa homines salvari possint, & ex hac nota dicit evidenter ostendi, nullam esse veram Ecclesiam nisi nostram, *nulla enim* (inquit) *est secta, vel Paganorum, vel Philosophorum, vel Judæorum, vel Turcarum, vel Hæreticorum, quæ non contineat aliquos exploratos errores, & rella rationi manifestè contrarios.* Quod ipse probat discurrendo per singulas sectas, & postquam id probaverat de Philosophis, & Paganis, subjungit, *De Mahumetanis idem patet ex Alcorano, nam capite secundo docet, omnes salvari in suis Legibus, si eas ser-*  
*vent,*

*venit, Judæos, Christianos, Turcas.* Et postea addit alios crassos, & manifestos Alcorani errores; de quibus nos latè agemus in secunda parte hujus manu-ductionis. Nunc satis est scivisse, esse doctrinam Alcorani, quod unusquisque salvari possit in sua Lege, & Religione.

LXXIV. Hunc esse evidentem errorem, quo vincitur, Alcoranum non esse Legem Dei, nec Librum à Spiritu Sancto dictatum, sed ex suggestione Diaboli ab illo insigni seductore Mahumeto compositum ad comparandum sibi imperium, sæpè disputans cum Mahumetanis Luce meridiana clarius ostendi, ut patebit ex secunda parte hujus operis Lib. 2. cap. 3. Hic sufficiat rationem demonstrativam insinuare. Quia implicat, ut Leges, seu Religiones quoad doctrinam Fidei, quam credendam proponunt, invicem inter se oppositæ, sint omnes veræ; sed necesse est, ut vel omnes sint falsæ, vel una sola sit vera, & reliquæ ipsi oppositæ sint falsæ. Id quod Tullius Lib. 1. de natura Deorum scitè observavit; nam cum retulisset varias, & inter se oppositas Philosophorum opiniones circa naturam Deorum, subjunxit: *quorum opinionones; cum tam varia sint, tamque inter se dissidentes; alterum fieri profecto potest, ut earum nulla, alterum certè non potest, ut plius una vera sit.* At Religio Christiana, Judaica, & Mahumetana sunt inter se omnino oppositæ quoad doctrinam fidei, siquidem Religio Christiana proponit credendum tanquam articulum fidei mysterium Trinitatis personarum in Unitate essentia;

proponit credendum Christum esse non solum sanctum, sed sanctum sanctorum, & Filium DEI naturalem, verumque DEUM, & Messiam in Lege Veteri promissum: At Judæi, & Mahumetani conveniunt inter se in negando mysterio Trinitatis, & in neganda Divinitate Christi; licet ex diverso motivo; nam Judæi perfidi credunt, Christum non esse Messiam promissum in Lege Veteri, nec fuisse virum sanctum, sed seductorem; At Mahumetani tanquam Articulum fidei habent Christum fuisse Prophetam sanctissimum, & Messiam promissum Judæis in Lege antiqua, ut constabit parte secunda Lib. 2. cap. 5. Evidens ergo est, has tres leges esse inter se oppositas in doctrina fidei. Ergo evidens est, non omnes illas esse veras; ergo evidens est, vel omnes esse falsas, vel ex illis unam solum esse veram, & reliquas ipsi oppositas esse falsas. Ergo evidens est, non esse salvationem in illis tribus Religionibus: nam evidens est, Religionem falsam non esse datam à Deo, & evidens est, in Religione non datà à Deo, sed à Diabolo inductà non posse homines salvari; Ut constat ex dictis capite præcedenti, & amplius constabit parte secunda Lib. 2. cap. 3. ergo est manifestus, & evidens error dicere, quod unusquisque potest salvari in sua Lege, Judæus in sua, Mahumetanus in sua, & Christianus in sua.

LXXV. Ex vi hujus argumenti præcisè sumpti non probatur, homines salvari in Religione Christiana; sed evidenter ostenditur, non posse salvari in Mahumetana, vel aliqua alia, quæ con-

tinet tam crassum & evidentem errorem; nec in Judaica post adventum Christi; cum illa continer manifestos errores, ut probat Bellarminus lib. de notis Ecclesiæ nota 8. cap. 11. Sed ad probandum salvari homines in Religione Christiana, assumendum est aliud principium, quod est evidens, nimirum dari Deum, & Deum habere providentiam hominum, illis que creâsse, ut ipsi serviant, debitumque illi cultum exhibeant. Frustrâ enim fuisset condere hominem rationis participem, nisi eo fine, ut Conditori suo debitum cultum persolveret. Evidens ergo est Deum modò habere, & semper in mundo habuisse aliquam veram legem, per cujus observationem homines debitum Deo cultum exhiberent, & finem felicitatis æternæ consequerentur, ut probavi lib. 2. §. 2. & 3. Hoc autem principio stabilito, evidenter demonstratur Religionem Christianam esse veram. Nam tres solum sunt Religiones, vel sectæ, quæ Unitatem Dei agnoscant, nempe Religio Christiana, secta Mahumetana, & secta Hebræorum: aliqua ergò illorum est vera Religio, in qua homines salvari possint. At evidens est, nec Mahumetanam sectam, nec Hebraicam esse veram Dei Religionem. Ergò evidens est, solam Christianam esse veram, solamque Ecclesiam Catholicam esse veram Dei Ecclesiam; Ut enim concludit Bellarminus libro illo de notis Ecclesiæ nota octava cap. 11. *Ecclesia nostra Catholica nullum errorem, nullam turpitudinem, nihil contra rationem docet, etsi multa supra rationem: proinde sola est absolute sancta,*

*eique soli convenit, quod in symbolo dicimus; Credo sanctam Ecclesiam:* Quam rem ostenderunt adversus Paganos, Justinus in utraque Apologia. Tertullianus in Apologet. capite 36. & sequentibus: Ambrosius libro primo, secundo, & tertio contra gentes. Minutius Felix in Octavio: Augustinus in libris de Civitate Dei: contra Paganos autem, & hæreticos omnes, idem ostendit accuratissimè beatus Thomas in libris contra gentes.

LXXXVI. Concludamus igitur cum S. Augustino libro secundo, de Civitate Dei, capite vigesimo octavo: *Nihil in Christianis Ecclesiis turpe, & flagitiosum spectandum, imitandumque proponitur, ubi veri Dei aut præcepta insinuantur, aut miracula narrantur, aut dona laudantur, aut beneficia postulantur.* Et libro vigesimo secundo, capite septimo: *Persuadebatur veritas nova consuetudini sed non contraria rationi.*

LXXXVII. Deinde demonstratur falsum esse, quod unusquisque possit salvari in sua fide, ut enim sapienter inquit P. Lessius, *si quislibet*, etiam Turca, vel Iudæus in sua fide salvari potest: ergo frustra Apostoli, & sancti Patres tantopere in fide Christi asserenda laborârunt: frustra tot Martyres per omnia tormentorum genera sanguinem, & vitam pro ea profuderunt. Poterant enim ab hac doctrina, & professione absque salutis dispendio abstinere, & confessione unius Dei cum Judæis esse contenti. Addo: ergò frustra Deus factus est homo; frustra tot miracula patravit, ut Messias, & Salvator Mundi crederetur; frustra Crucifixus,

fixus, & mortuus est. Nihil enim horum ad salutem hominum erat necessarium. Satis erat mittere per orbem prædicatores, qui fidem unius Dei mortalibus persuaderent.

## §. II.

*Ostenditur ex Apostolo, non posse ullum nunc salvari sine fide in Christum.*

LXXVIII. **H**oc modo ratiocinatur Apostolus ad Galatas secundo, cum ait : *si per legem iustitia : ergo gratis Christus mortuus est.* hoc est, si iustitia potest obtineri per cognitionem unius Dei, & Legis observationem ; frustra Christus mortuus est. nimirum, quia minimè saluti nostræ mors ejus erat necessaria : Unde Cardinalis Bellarminus lib. 2. de pœnit. cap. 2. dicebat. *Lex vetus, ut à nova distinguatur, non habet promissionem gratia, nec ejus opera Deo sunt grata. Nam si ex Legge esset iustitia, Christus gratis mortuus esset, ait Apostolus ad Galat. 2. & qui operatur, nimirum sine gratia, qua propria est testamenti novi, habet gloriam, sed non apud Deum, inquit idem Roman. 4. & idoneos nos fecit ministros novi Testamenti, non littera, sed Spiritu.* 2. Corint. 3. ubi Littera legis sine Spiritu Evangelij, tantum abest, ut vitam adferre dicatur, ut etiam dicatur occidere. Hætenus Bellarminus. certissimum ergo est ex Paulo neminem post adventum Christi salvari posse per observationem Legis Mosaicæ ; sed necessariam esse fidem Christi ad justificationem, & ad salutem. Unde idem Apostolus eodem capite secundo epi-

istolæ ad Galatas vers. 16. dicebat : *scientes autem, quod non justificatur homo ex operibus legis, nisi per fidem Jesu Christi : & nos in Christo Jesu credimus, ut justificemur ex fide Christi, & non ex operibus Legis : propter quod ex operibus Legis non justificabimur omnis caro.* Quid clarius ? absurdum ergo est existimare, quod post adventum Christi possit aliquis salvari sine fide in Christum ?

LXXIX. Quod amplius urgetur. Nam Paulus invenitur cap. 3. epistolæ ad Galatas in Galatas, ed quod dicerent, ex operibus legis posse homines justificari, & Spiritum Sanctum accipere ; & sic illos carpit. *O insensati Galata, qui vos fascinauit non obedire veritati, ante quorum oculos JESUS Christus proscriptus est. in vobis crucifixus ? Hoc solum volo à vobis discere : ex operibus legis spiritum accepistis, an ex auditu fidei ? Sic stulti estis, ut cum spiritu caperitis, nunc carne consummemini ? Et mox, Quia ergo tribuit vobis spiritum, & operatur in vobis virtutes ; ex operibus Legis, an ex auditu fidei ? Sicut scriptum est ; Abraham credidit Deo, & reputatum est illi ad iustitiam. Cognoscite ergo, quia qui ex fide sunt, ij filij Abraha : providens autem scriptura, quia ex fide justificat gentes Deus, prænnuntiavit Abraham, quia benedicentur in te omnes gentes. Igitur, qui ex fide sunt, benedicentur cum fidelis Abraham, quicumque enim ex operibus legis sunt, sub maledicto sunt, scriptum est enim &c. Ac mox. Quoniam autem in lege nemo justificatur apud Deum, manifestum est ; quia iustus ex fide vivit. & post aliqua. Sed conclusit scri-*

*petra omnia sub peccato, ut promissio ex fide IESU Christi, daretur credentibus. &c.*

LXXX. Ex quibus verbis constat, Paulum insensatos fascinatōsque appellasse eos, qui putabant, justificationem, vel salutem ex Lege Mosaica, ac ex operibus in lege illa præscriptis haberi posse sine fide. ergo manifestum est Apostolum prædicasse Galatis, observationem legis Mosaicæ non sufficere sine fide Christi ad justificationem, & salutem, cum ergo indubitarum sit, Christianis omnibus legem Veterem Judæorum à Deo datam fuisse, & nullam aliam ante adventum Christi fuisse illā sanctiorem, & valentiorē ad justificationem, & salutem; & certum sit, Paulum asserere opera illius legis nō sufficere sine fide ad justificationem, & salutem; consequens est, ut ex mente Pauli nullus possit salvari sine fide in ulla lege. Unde falsissimum est, & contra Paulum asserere, quod post adventum Christi & prædicationem Evangelij possit quis salvari sine fide supernaturali, & divina, per observationem solius legis naturalis. Ergo est apertè contra Paulum dicere, quod unusquisque in sua fide, & lege possit salvari. quandoquidem Paulus apertè docet, opera legis Mosaicæ, quæ Sancta erat, & à Deo collata fuit, non sufficere ad salutem, sed necessariam esse fidem Christi.

LXXXI. Ubi adverte, Galatas deceptos hac cogitatione, quod lex Mosaica data fuisset à Deo, & esset in se sancta, exstimasse, adhuc post adventum Christi esse necessariam ejus observationem ad justificationem, & salutem,

nec posse aliquem per solam fidē Christi, & observationem legis Evangelicæ justificari, & salvari, nisi simul observaret legem Moysi. Hunc errorem ita impugnat Apostolus, ut nec in totum, nec in partem admittat opera legis, ut necessaria ad salutem, & idē ad Rom. 3. v. 18. ait: *arbitramur hominem justificari per fidem sine operibus legis*, & ad Ephes. 2. v. 5. *Salvati estis per fidem, non ex operibus*, quibus verbis significat, nec Judæos ex nuda observatione legis Mosaicæ, nec gentiles propter bona opera ante fidem susceptam patrata, justitiam à Deo consecutos esse, aut consequi potuisse. Ratio est, quia lex Mosaica, quamvis bona, & sancta, erat solum umbra, & figura legis Evangelicæ, & adveniente Christo cessare debuit, quoad omnia præcepta cæremonialia, & judicialia, & quoad Sacramenta peculiaria illius legis, quæ præfigurabant Sacramenta novæ legis, ut explicabimus 2. part. hujus manuductionis lib. 3. cap. 12. Et idē idem Apostolus agebat, in Christo Jesu nec circumcisio, nec præputium aliquid valet, sed nova creatura, ad Gal. 6. v. 15. id est, nec lex Mosaica, in qua circumcisio præcipitur, nec ulla alia, in qua circumcisio non postulatur, sed observatur integrè retento præputio, aliquid valet ad justificationem, & salutem, postquam Christus venit, & pro hominibus mortuus est; sed requiritur, quod homo per baptismum fiat nova creatura, & quod, postquam per Baptismum renatus, & justificatus est, novam vitam instituat, secundum illud ejusdem Apostoli, *crasti aliquando tenebra,*

*bra, nunc autem lux in domino, ut filij lucis ambulate.* Ut enim exponit Belarm. lib. 2. de pœnit. cap. 5. sensus illorum verborum, in Christo Jesu nec circumcisio, &c. est iste, *is, qui sunt in Christo Jesu iam per Baptismum renati, & justificati, nova vita necessaria est, sive* (ut ibidem ipse loquitur) *fides, quæ per dilectionem operatur, ut nimirum justè, sobriè, & piè vivant in hoc sæculo; neque periculum ullum imminet, si praputium gerant, neque utilitatem ullam poterit asserere circumcisio.*

LXXXII. Quare idem Apostolus cap. 3. ad Galat. v. 21. dicebat: *Si data esset lex, quæ posset vivificare, verè ex lege esset justitia. Sed conclusit Scriptura omnia sub peccato, ut promissio ex fide Jesu Christi daretur credentibus.* Prius autem, quàm veniret fides, sub lege custodiebamur conclusi in eam fidem, quæ revelanda erat. Itaque lex noster Pedagognus fuit in Christo, ut ex fide justificemur. At ubi venit fides, jam non sumus sub Pedagogo. Omnes enim filij Dei estis per fidem; quæ est in Christo Jesu. Quicumque enim in Christo baptizati estis, Christum induistis.

LXXXIII. Itaque lex vetus talis non erat, ut posset sine fide justificare, & propterea Evangelista Joannes cap. 1. 17. aiebat, *Lex per Moysen data est, gratia & veritas per Jesum Christum facta est;* Et idèd, ut ait Augustinus, lex prius jubebat, sed non servabat; post Christi adventum, & jubet, & servat. Consultantur, quæ dicimus 2. p. lib. 3. cap. 12. quam veritatem declarans Concilium Tridentinum sess. 6. cap. 7.

de fide loquens inquit: *sine qua nulli unquam contigit justificatio.*

### §. III.

*Excluditur error hæreticorum asserentium, solam fidem in Christum justificare.*

LXXXIV. Fides Catholica non solum declinat errorem illum hucusque impugnatum, quod scilicet sine fide in Christum possit quis justificari, & salutem obtinere, sed errorem alium huic contrariè oppositum hæreticorum hujus temporis, qui ita extollunt fidem in Christum, ut existiment, illam solam justificare, & salvare; bona autem opera, vel esse nulla, vel nihil ad justiciam & salutem conducere; & in confirmationem sui erroris abutuntur testimonio Apostoli affirmantis, justificari hominem per fidem. Ut enim declarat Concilium Tridentinum sess. 5. cap. 8. *Cum Apostolus dicat, justificari homines per fidem, & gratis, ea verba in eo sensu intelligenda sunt, quem perpetuus Ecclesia Catholica consensu tenuit, & expressit, ut scilicet per fidem justificari dicamus, quia fides est humana salutis initium, & radix omnium justificationis, sine qua impossibile est placere Deo, & ad filiorum ejus consortium pervenire.* Hæc autem fides, quæ ad justificationem est necessaria in parvulis, & infantibus, qui baptizantur ante usum rationis, est solum habitualis, & per baptismum infunditur; nec requiritur fides actualis in ipsis, ut somniavit Lutherus, in eo fundans suum errorem, quod alioqui illuderetur Sacramentis sacrelego



*crilego mendacio, dum respondetur pro infante, credo.* Ut enim sapienter respondet Bellarminus lib. 1. de Sacramentis cap. 11. Nullum est ibi mendacium; nam qui responder, *credo*, non significat infantem credere proprio actu, sed alieno. Ut enim exponit S. Augustinus serm. 10. de verbis Apostoli, *accommodas Mater Ecclesia infantibus aliorum pedes, ut veniant, aliorum cor, ut credant, aliorum linguam, ut confiteantur.* Idque jure merito, cum enim sint maculati per peccatum ab ipsis propria voluntate non commissum, sed contractum ex Adamo, licet proprie ipsis inhærens; congruum est, ut qui sine proprio actu sunt infecti, sine proprio actu possint justificari.

## §. IV.

*Quenam sit fides Christi requisita in adultis ad salutem.*

LXXXV. **I**n adultis autem necessaria est ad justificationem fides actualis; unde quando adultus baptizatur, vel post Baptismum justificatur, necessarium debet precedere in ipso actualis fides, priusquam infundatur ipsi gratia justificans. Fides autem ista actualis ad justificationem prærequisita, est fides illa, quâ credimus in Deum, & in Filium ejus Jesum Christum juxta illud Christi: Joan. 17. 3. *Hæc est autem vita æterna, ut cognoscant te solum verum Deum, & quem misisti Jesum Christum:* id est, hæc est causa vitæ æternæ, & hæc solâ viâ obtinenda est, nempe fide Divinitatis, & Mysteriorum Incarnationis; ut credatur Deus, &

credatur Christus; ut ad litteram exponit Cardinalis Toletus. Articulorum enim fidei hæc summa est, nempe veritas Divinitatis, quæ in Unitate essentialitè identificat Trinitatem Personarum, & Mysterium Incarnationis Christi, per quem redemptio perfecta est, quorum sine fide nemo vitam æternam obtinere potest. Ad salutem enim requiritur, quodd cognoscamus sinem nostrum ultimum, qui est Deus unus, & Trinus, & Mediatorem Jesum Christum, cujus passionem & mortem Deus elegit, ut medium necessarium ad hominum salutem.

LXXXVI. Unde sicut nemo potest salvari, qui ignoret Deum, & beneficium creationis, & ideo nullus idololatra salvari potest: ita nullus potest salvari, qui ignoret Christum, & beneficium redemptionis, siquidem redemptionis beneficium est longè majus, & mirabilius, magisque ad gloriam Dei, & Christi pertinet, & ampliorem à nobis gratitudinem, & servitutem postulat. Scripturæ enim aperte dicunt, Christi redemptionem nobis non applicari nisi per fidem ejusdem, ut patet ex illo Rom. 3. v. 22. *Justitia autem Dei per fidem Jesu Christi in omnes, qui credunt in eum, & v. 25. quem proposuit Deus propitiationem per fidem in sanguine ipsius.* Ex illo Joan. 20. *Hæc scripta sunt, ut credatis, quia Jesus est Christus Filius Dei, & ut credentes vitam habeatis in nomine ejus.* Et ex illo Christi Joan. 11. *Omnis qui vivit, & credit in me, non morietur in æternum.* Et ex illo Joannis epist. 1. cap. 4. *In hoc cognosci-*

tur Spiritus Dei. Omnis Spiritus, qui confitetur Jesum Christum venisse in carne, ex Deo est. Et ex illo Christi Joan. 3. Exaltari oportet Filium hominis, ut omnis, qui credit in eum, non pereat, sed habeat vitam æternam; id est, oportet Christum crucifigi; & constat ex verbis, quæ Christus ipse apparens Saulo dixit Act. 26. Nunc ego mitto te ad gentes, aperire oculos eorum, ut convertantur à tenebris ad lucem, & de potestate Sathana ad Deum, ut accipiant remissionem peccatorum, & sortem inter Sanctos, per fidem, quæ est in me. Idem constat ex actibus Apost. cap. 4. à v. 10. ad 13. & Apocal. 1. à v. 5. & 6. & Apocal. 7. v. 14.

LXXXVII. Idque ratio ipsa postulat, ut expendit optimè P. Lessius, quia ut efficiamur participes alicujus magni & insoliti beneficii, omnis ratio postulat, ut agnoscamus beneficium, & benefactorem, eumque, ut par est, cum omni gratiarum actione honoremus: hanc enim gratitudinem ipsa conditio beneficii, & benefactoris postulat. Itaque cum beneficium redemptionis sit adeò magnum, & exoticum, & ipse, qui illud contulit, adeò sublimis, & eximius, & modus, quo contulit, adeò mirabilis; operæ pretium erat, hæc omnia à nobis cognosci, ne prorsus ingrati in tantum benefactorem viveremus, & moreremur, nè pro amore odium, pro benedictione maledicta, pro gratiarum actione blasphemias ei more Judæorum rependeremus. Absurdum itaque est, eos, qui in Christum non credunt, salutis per Christum nobis paratæ ponere participes.

LXXXVIII. Ad fidem in Deum, & Christum pertinent Mysteria omnia contenta in Symbolo, quæ explicitè credere debemus, & implicitè reliqua omnia, quæ Ecclesia Sancta Catholica credenda proponit. Et hæc est fides necessaria ad salutem; non autem illa fides specialis, quam Lutherus, & Calvinus fidem justificantem appellant; cum potius sit superba præsumptio, & manifestus error contra lumen rationis. Ut enim inquit Bellarm. lib. de notis Ecclesiæ cap. 11. in quo probat, omnes Sectas oppositas Religioni Catholicæ continere aliquem, vel aliquos manifestos errores contra rationem, & errorem manifestum designans in Sectis hæreticorum nostri temporis, inquit; *Sectarum nostri temporis docent, omnem hominem justificari solâ fide speciali, quâ quis, certò credis, se propter Christum coram Deo esse justum, quod cum quolibet paradoxo comparari potest; non enim est id supra, vel præter rationem, sed planè contra omnem rationem. Quæro enim, cum incipio credere, me esse justum, vel sum justus, vel injustus? si justus, igitur iustificor per fidem illam, quæ est posterior meâ justitiâ; si injustus, ergò ista fides est falsa, ergò non est fides Divina justificans, nisi dicamus, homines justificari per mendacium.*



## §. V.

*Solvitur obiectio, contendens non esse necessariam fidem explicitam in Christum ad salutem, & exponitur, quomodo Deus omnibus distribuas auxilia sufficientia ad perveniendum ad hanc fidem.*

LXXXIX. **S**ed obijcies: Potest quis educari inter gentes, ad quas nunquam pervenerit ulla Christi noticia, imò educari in silvis, ubi à nullo possit audire Mysterium Incarnationis; ille autem sic educatus potest sequi ductum naturalis rationis In appetitu boni, & fuga mali, & sic servare legem naturalem sine peccato ullo mortali, præsertim si exiguo tempore post usum rationis moriatur; ergò potest sine fide Christi salvari: nam huic facienti, quod in se est, Deus gratiam salvationis non negabit. Verum hoc argumentum nimis probat, nimirum ad salutem non esse necessariam fidem supernaturalem, & infusam, contra illud Pauli, *sine fide impossibile est placere Deo*. Et contra illud ejusdem ad Hebr. 11. *accedentem ad Deum oportet credere, quia est, & quòd inquirentibus se remunerator sit*. Probatur sequela; quia *fides ex auditu*. Rom. 10. 17. Ergò nullus potest credere, nisi audiat res fidei. *Quomodo autem audiet, si non sit prædicator, qui proponat? Quomodo audient sine prædicante?* Rom. 10. 14. Ergò fidem supernaturalem nullus potest adultus obtinere, nisi audiat prædicatorem veræ fidei. Ergò si potest salvari is, cui nunquam Christus prædicatus est, poterit salvari is, cui nun-

quam vera fides, veraque Religio prædicata est.

XC. Respondeo ergò, fieri non posse, ut homo vivens inter gentes, quibus nunquam annuntiatus est Christus, se immunem à peccato servet, nisi ex gratia Dei illi collata propter merita Christi, vi cujus efficaciter moveatur ad observandam legem naturalem, Cui autem Deus ob merita Christi hanc gratiam præstat, ut vivens inter gentes, abstineat ab omni peccato mortali, & potens transgredi præcepta Decalogi, quæ sunt de lege naturæ, non transgrediatur; eadem infallibiliter gratiam fidei in Christum dispensabit, vel disponendo, ut abducatur captivus in terram Christianorum, vel illuc aliquâ singulari providentiâ destinando Prædicatorem, qui illi annuntiet Christum, vel illum internè illuminando. Et hæc est legitima & solida solutio, ad quam recurrit Theologorum Princeps D. Thomas. Nam 2. 2. q. 2. art. 7. & 8. docet, post tempora gratiæ revelatæ tam majores, quam minores teneri ad fidem explicitam eorum, quæ ad Mysteria Incarnationis, & Trinitatis spectant, & clariùs in 3. dist. 25. q. 2. ad 2. affirmat, post adventum Christi omnes teneri ad explicitè credendam Incarnationem: Et respondens ad objectionem nuper factam, inquit: *si aliquis instructorem non habeat, Deus ei revelaret, nisi ex sua culpa maneret*. Id quod fusiùs explicat q. 14. de veritate art. 11. in quo inquit, *num sit necessarium, aliquid explicitè credere?* Et pro parte negativa, proponit hoc argumentum. *Possibile est enim (inquit)*

*aliquem*

aliquem nutriri in silvis, vel inter lupos; & talis non potest aliquid de fide cognoscere, & sic erit aliquis homo, qui de necessitate damnabitur, quod est inconueniens, & sic non videtur, quod sit necessarium aliquid explicitè credere. Cui argumento respondet: dicendum, quod non sequitur inconueniens, posito, quod quilibet teneatur aliquid explicitè credere, si in silvis, vel inter bruta animalia nutriatur: hoc enim ad Divinam providentiam pertinet, ut cuilibet provideat de necessarijs ad salutem, dummodò ex parte ejus non impediatur. Si enim aliquis taliter nutritus nutum naturalis rationis sequeretur in appetitum boni, & fuga mali, certissimè est tenendum, quod ei Deus, vel per internam inspirationem revelaret ea, quæ sunt ad credendum necessaria, vel aliquem fidei predicatorem ad eum dirigeret, sicut misit Petrum ad Cornelium Act. 10. Et ibidem ad 2. addit, quod quamvis non sit in potestate nostra cognoscere ea, quæ sunt fidei ex nobis ipsis; tamen si nos fecerimus, quod in nobis est, ut scilicet ductum naturalis rationis sequamur, Deus non deficiet nobis ab eo, quod nobis est necessarium.

XCII. Et hæc est Doctrina S. Augustini, qui Epist. 49. ad Deo gratias latè explicat, quo modo Deus omnibus adultis provideat media sufficientissima ad salutem, & potestatem veniendi ad Religionem Christianam, si per ipsos non flet, quibus explicatis concludit: ita salus Religionis hujus, per quam solam veram salutem vera veraciterque promittitur, nulli unquam defuit, qui dignus fuit, & cui defuit, dignus non fuit. Quare adulti, qui percunt, &

damnantur, sibi ipsi imputare debent, quod damnentur in æternum: quamvis enim ex sententia D. Thomæ, & communi Theologorum apud Patrem Suarez disp. 12. de fide sect. 4. n. 9. illis subscribentem, post promulgationem Evangelij fides explicita in Christum sit medium necessarium ad salutem, hoc medium Deus omnibus offert, siquidem omnibus dispensat auxilia gratiarum sufficientia ad observandam legem naturalem; qui autem legem naturalem observaverit, infallibiliter perveniet ad fidem Christi, facienti enim, quod in se est, ad querendam veram Religionem necessariam ad salutem, Deus non denegabit gratiam necessariam ad illam obtinendam.

XCIII. In hunc scopum adducit S. Augustinus lib. de prædestinat. sanct. cap. 7. successum Cornelij Centurionis, qui Act. 10. describitur, *Vir iustus, religiosus, actimens Deum, cujus orationes, & elemosyna acceptæ erant coram Deo*, & tamen admonitus fuit ab Angelo, ut vocaret Petrum, qui prædicaret ipsi fidem Christi, ut salvus fieret; ex quo infert Augustinus necessitatem fidei in Christum ad salutem. Sic enim ait, *cujus acceptæ sunt elemosyna, & audita orationes*, antequam credidisset in Christum; nec tamen sine aliqua fide donabat, & orabat; nam quomodo invocabat, in quem non crederat? sed si posset sine fide Christi esse salvus, non ad eum adificandum mitteretur Architectus Apostolus Petrus.

## §. VI.

*An Cornelius Centurio fuerit iustificatus ante fidem explicitam Christi? ubi statuitur pars negativa.*

XCIII. **E**T quamvis Actorum 10. v. 14. dicatur Cornelius Centurio Vir iustus, & timens Deum, & hinc aliqui Doctores affirmant, illum iustificatum fuisse ante fidem Christi susceptam ob prædicationem Petri, & M. Canus. in rele&t. de Sacram. par. 2. concl. 3. propterea doceat, fidem explicitam Christi esse quidem medium necessarium post Christi adventum ad gloriæ consecutionem, non tamen ad iustificationem, idque probet, quia Cornelius erat iustus, & tamen necesse habuit instrui à Petro, ut salvus fieret. Quamvis, inquam, eo loco dicatur Cornelius iustus, inde non probatur sufficienter, Cornelium fuisse iustum iustitiâ supernaturali ante adventum Petri. Tum quia non appellatur iustus ab historico sacro, sed à duobus domesticis Cornelij, & ab uno milite ejus, quos ipse ex admonitu Angeli misit in Joppem, ut vocarent Petrum in domum suam: tum quia, ut probat P. Vasquez 12. disp. 192. cap. 1. Locus iste non est intelligendus de iustitia supernaturali, sed solum de iustitia quadam morali, quia nimirum Cornelius regulariter legem naturalem observabat, & bonis operibus studebat, licet in aliquo deficeret.

XCIV. Sententia autem M. Cani communiter impugnatur. Et sententia communis Patrum est, Cornelium non

fuisse coram Deo iustificatum, nisi post susceptam fidem Christi per prædicationem Petri. Unde Chrysost. tom. 3. in sermone de fide, & lege naturæ inquit. *Et vis planè videre quòd opera sine fide non vivificantur? Testimonium bonum habuit Cornelius de elemosyna, & precibus, & Christum ignorabat, & quia magnus ille iustitia, & veritatis iudex personarum respectum nesciens, vidit bona quidem opera, sed mortua, quia fidem non habebat, misit divinum Angelum.* Idem docet S. Gregorius h. n. 9. in Ezech. dicens: *Unum sine alio nihil prodesse valet, quia nec fides sine operibus, nec opera sine fide, nisi fortasse pro fide percipienda: sicut Cornelius pro bonis operibus meruit audiri, antequam fidelis existeret.* Idem docet Basilus in regulis brevioribus regulâ 224. & Augustinus expressè multis in locis, quæ congerit Vasquez.

XCv. Adeoque necessariam iudicavit hanc fidem in Christum Augustinus ad salutem, ut videatur censuisse, illam fuisse necessariam adhuc in vetere lege, & in lege naturæ. Sic enim ait lib. 2. de gratia Christi, cap. 24. ubi sic loquitur. *Itaque sine ista fide hoc est sine fide unius Mediatoris Dei, & hominum, hominis Christi Jesu, sine fide, inquam, resurrectionis ejus, quam Deus hominibus definivit, qua utique sine incarnationis, & mortis, & resurrectionis Christi, nec antiquos iustos, ut iusti essent à peccatis, potuisse mundari, & Dei gratiâ iustificari, veritas Christiana non dubitat: sive in ijs iustis, quos Sancta Scriptura commemorat, sed tamen fuisse credendi sunt; vel ante diluvium, vel inde*

*inde usque ad datam legem, vel ipsius legis tempore, non solum in filiis Israel, sicut fuerunt Propheta, sed etiam extra eundem populum, sicut fuit Job.*

XCVI. Haec enī ibi Augustinus, cujus verba explicatione indigent, ne contra communem sententiam Theologorum cogamur dicere, neminem unquam ex adultis salutem obtinuisse sine fide explicita Christi, quod durum videtur; nam licet aliqui in lege naturæ, & in lege scripta habuerint fidem explicitam Christi venturi, tamen fides ista explicita tunc non erat necessaria ad salutem; sed sufficiebat fides implicita; ut explicat D. Thomas 2.2. q. 2. ar. 7. ad 3. his verbis: *Dicendum, quod multis Gentilibus facta fuit revelatio de Christo: ut patet per ea, quæ prædixerunt.* Nam Job 19. dicitur: *Scio, quod Redemptor meus vivit.* Sibilla etiam prænuñtiavit quædam de Christo, ut August. dicit. *Invenitur etiam in historiis Romanorum, quod tempore Constantini Augusti, & Helene matris ejus inventum fuit quoddam sepulchrum, in quo jacebat homo, auream laminam habens in pectore, in qua scriptum erat, Christus nascetur ex Virgine, & ego credo in eum.* *Os solus Helene, & Constantini temporibus iterum me videbis.* Si qui tamen salvati fuerunt, quibus revelatio non fuit facta, non fuerunt salvati absque fide Mediatoris: quia eisi non habuerunt fidem explicitam, habuerunt tamen fidem implicitam in Divina providentia, credentes Deum esse liberatorem hominum secundum modos sibi placitos, & secundum quod aliquibus veritatem cognoscentibus spiritus revelasset: secundum

*illud Job. 35. cap. qui docet nos su- per jumenta terre.*

XCVII. Habemus ergo, post adventum Christi, & prædicationem Evangelii esse omnino necessarium ad salutem fidem explicitam Incarnationis Verbi, & Mediatoris Dei, & hominum Christi JESU. *Nec enim aliud nomen est sub Cælo datum hominibus, in quo oporteat nos salvos fieri.* Ut dixit D. Petrus Act. 4. v. 12. *Quoniam fides Deus,* quantum est ex se, est paratus dare omnibus non ponentibus obicem peccatis suis personalibus; si enim, ut possunt, observent legem naturalem, & quærant sermōem, & diligenter veram Religionem, illam infallibiliter invenient. Sic invenerunt Clemens Romanus, Justinus Philosophus, Hilarius, Gregorius Taumaturgus, & alii, qui diligenter illam quæsierunt, & in Historia Societatis habemus de hoc illustria exempla: illud præclarum, quod accidit Venerabili P. Josepho de Ancheta fama sanctitatis, & miraculis celebri in Brasilia, ubi fidem Christianam prædicavit, & nomen novi Taumaturgi ob multitudinem signorum meruit, & refertur à P. Sebastiano Beretario Florentino in vita Latina, quam de hoc illustri Viro collegit ex iis, quæ lingua Lusitanica quatuor libris scripserat P. Petrus Rotetigius Provincialis Societatis in Brasilia, lib. 2. pag. mihi 218.

XCVIII. *Ex multis (inquit) quæ inde Josephus animarum lucra retulit, unum admiratione dignum, & cujus haud facile simile reperias exemplum, non præteribo, ex quo divina Bonitatis laudes reddantur, quæ admiranda planè*



ratione Ethnicum hominem ad sua praedestinationis finem adduxit. Obibat Iosephus de more suam hanc provinciam, cum à comitibus digressus solus in sylvas penitus intravit, nullo certo consilio, nulla ei subita rei nova oborta cogitatione, sed quasi alterius manu duceretur, in senem incidit Brasilius, humi abjectum, aequè arbori applicitum. Is Patrem ad se adeuntem his vocibus compellat. Perge huc adire, jam diu enim hic tibi praestolor. Quarit ex eo Pater, quinam sit, quaque ex terra vicinè eò venerit. Respondit senex, patriam suam mari imminere; aliisque adjecit, ex quibus Pater intellexit, ipsum neque ex Itanensibus, neque è Vincentianis finibus, neque ex tota ora Brasilia, in qua versantur Lusitani, sed ex remotioribus terris, fortasse circa flumen argenteum, aliive Australibus partibus infra tropicum (nam Brasílico loquebatur idiomate) vel ministerio supra quàm humano eò translatus, vel divino aliquo monitore, ac duce suis gressibus venisse, ex quo labore, & atate fractum ibi quiescisse, divini promissi fidem expectantem. Quasivit rursus Pater, quid eò venisset, & quid sibi quereretur? Respondit, ut rectam vitam percipiam. Hoc loquendi modo divinam legem, & iter ad salutem intelligunt Brasili. Cum multa de eo exquisisset; accuratèque vite genus per omnes aetatis partes perstrutatus, omnia illius facta cogitantiæ excussisset; cognovit, ipsum nunquam plius unam conjugem habuisse, nunquam bellum, aut arma nisi sui defendendi causa suscepisse; denique omnibus subtiliter, minutatimque perpensis, statuit apud animum suum Pater, ho-

minem illum nulla unquam lethali culpa natura legem violasse; ut verissimum illud esse credamus, quod de id genus hominibus, integerrima vita innocentia in infidelitate viventibus sacra nos docent interpretes doctrina. Comperit præterea hominem natura bono magna prædium cognitione rerum pertinentium ad animum, aequè praesertim, & iniquitum etiam ipsius natura auctoris. Et, cum multa de vera Religionis mysteriis illi Pater exponeret, subiciebat identidem, se intra animum suum ita sensisse, sed expromere nefuisse. Ergo satis instructum, labore, & arumnis itinerum, atateque confectum, quoniam solitio instabat, aqua pluvia ex carduo collecta (nulla enim alia in arenis illis suppetebat) baptizavit, Adamumque illi nomen dedit: qui tam divino affectus benesicio, operante intus virtute Sacramenti, divina in se gratia sentiens charismata, oculis manibusque in Caelum sublatiis, laeto vultu divinae Bonitati primum, tum etiam Patri gratias agit, & quasi expetiti voti compos, cum superesset nihil eorum, quorum illuc causa divino ductu venerat, omni solutus cura, animam sacro lavacro expiatam, in ipso primo sua regenerationis vestigio Deo reddidit, Patre abeunte statim precibus de more commendante. Corpus exanime Pater sacris adjunctis precibus sabulo sepelivit. Illud aliquando fortasse divina providentia, & dices in lucem proferet: neque enim locum in invia sylva, & arenis indagare facile fuit. Hac peregre cum redisset, ipse postea narravit.

XCIX. Narrat insuper P. Franciscus Sachinus par. 4. hist. nostræ societatis

tatis lib. 6. n. 129. in vita insignis Mar-  
tyris Rodolpho Aquaviva, illum, cum  
primùm in Salieten venit, sacro fonte  
abluisse viginti homines, ut sic primiti-  
as suæ culturæ offerret Deo: in his (in-  
quit historicus) fuit vir Alanus gene-  
re, qui nullius mortalis iussu petium  
venit Baptismum ex Balegate, quàm  
ocysimè expiari cupiens, quod, ut aje-  
bat, nesciebat, quando esset moriturus.  
Ecce autem statim à Baptismo, ita solu-  
ta est navium vena; ut cum immensa  
copia sanguinis supremo spiritu emisso,  
eodem tempore in militantem, trium-  
phantemque Christi Ecclesiam adscrip-  
tus sit. Aliud singulare Exemplum  
narrat idem Sacchinius parte V. histo-  
Societatis Lib. 5. n. 191. de quodam ju-  
vene inter Brasiliis Mediterraneos præ-  
nobili, qui ob vitam inter Gentiles in-  
nocenter actam meruit à Deo ad Bap-  
tismum mirabiliter trahi. Is ab ineunte  
pueritiâ (inquit historicus) mirabilem se  
suis popularibus prabuerat, pudiciâ, &  
sobrietate, virtutibus in illa Barbarie  
tam raris, ut qui eas constanter colant,  
nihil minùs, quàm cælestes Angeli, aut  
homines de cælo delapsi videantur. Huic  
domi agentis cum famâ, & sermonibus  
hominum allata esset notitia quadam  
Christiana Religionis, cuius Magistri, &  
Professores in Regionibus mari vicinis  
esse dicerentur, arcanum, & vehemens  
innatum desiderium ejus cognoscende,  
peregrinationem in eas partes persuasit.  
Venit, vidit, acquievit, volens poscens-  
que baptizatus est. Vitæque aliquam-  
diu Santè inter Christianos acta, in  
morbum incidit, quo post animum con-  
fessione purgatum Sacra Eucharistia

Vitæ munus in Suavissimis cum  
Christo præsentē colloquia, laetus, & gra-  
tulans, vinculo corporis solutus est.

## §. VII.

*Rejicitur error quorundam hære-  
ticorum nostri temporis asserantium, posse  
omnes Christianorum sectas in sua fide,  
& Religione salvari, dummodo credant  
articulos in Symbolo Apostolorum con-  
tentos, quamvis in aliis inter se  
dissentiant.*

C. V. g. posse Pontificios, seu Ca-  
tholicos Romanos in Religio-  
ne Catholica salvari: posse Lutheranos  
in Lutheranism, Calvinistas in Calvi-  
nismo, & sic de aliis hæreticorum sectis,  
quia hi omnes credunt 12. articulos fi-  
dei, qui in symbolo Apostolorum con-  
tinentur. Hos appellat Politicos P. Be-  
canus in manuali lib. 5. cap. 1. P. Lessius  
citatus supra in præmio hujus capi-  
tis dicit plurimos ita sentire, præsertim  
de plebe, qui ita sentiunt, facile mu-  
tant Religionem, & de una secta trans-  
eunt facile in aliam, prout ipsis com-  
modum magis est. Redduntque ratio-  
nem hujus imaginationis, quia Sym-  
bolum Apostolorum est regula, & sum-  
ma Religionis Christianæ, ut notat S.  
Augustinus ser. 13. de tempore, cum ait:  
*Symbolum est regula fidei vestra brevis,  
& grandis: Brevis numero verborum,  
grandis pondere sententiarum, & ser.*  
*181. Apostoli certam regulam fidei tra-*  
*didernnt, quam secundum numerum*  
*Apostolorum, duodecim sententiis com-*  
*prehensam, Symbolum vocarunt; per*  
*quam credentes, Catholicam tenuerunt*  
*unitatem, & hæreticam convicerunt*  
*pravi-*

*pravitatem*, ergo qui credit hos duodecim articulos, tenet summam Religionis Christianæ: tenet Catholicam unitatem, & hæreticam convincit pravitatem; ergo quamvis in aliis dogmatibus, & articulis dissentiat à Catholicis Romanis, poterit salvati; hoc enim dissidium videtur esse solum in rebus non attinentibus ad substantiam, sed ad sola accidentia Religionis: Unde sicut Thomistæ, & Scotistæ, Dominicani, & Jesuitæ licet differant in quibusdam doctrinis, conveniunt in substantia doctrinæ necessariæ ad salutem; ita Calvinistæ, atque Lutherani licet in quibusdam articulis dissentiant à Pontificiis, seu Catholicis Romanis; nihilominus quia conveniunt in articulis contentis in Symbolo Apostolorum, conveniunt in substantia Religionis, & solum differunt in quibusdam accidentibus, quæ non sunt necessaria ad salutem.

CI. Hæc doctrina de falsitate convincitur demonstrativè ex dictis in hoc cap. §. 1. comparando Religionem Christianam cum Mahumetana, & Judaica: quibus aliqua superaddenda sunt comparando Christianorum sectas inter se. Convincitur, inquam, demonstrativè, quia hoc ipso, quod aliquæ Religionēs, vel sectæ opponantur inter se in aliquibus articulis, quos credendos proponunt; evidens est, non posse esse salvationem in utrisque, seu in omnibus illis: quia evidens hoc ipso est, aliquam, vel aliquas ex illis esse falsas, & non posse esse veram plùs quàm unam. Evidens autem est in Religione falsà, non posse homines salvati: Ut

enim testatur Cardinalis Bellar. in libro de notis Ecclesiæ capit. 1. *Omnes consentientur, in sola vera Ecclesia, seu vera Religione, esse veram fidem, veram peccatorum remissionem, veram spem salutis aeternæ*: additque, hoc docere omnes Patres, nec hæreticos id negare: *nam idcirco (inquit) omnis hæresis ad se solam trahit veram Ecclesiam, & alios omnes extra Ecclesiam ponit*. Idque ratio evidens convincit, quia religio falsa nequit Deum habere authorem: In Religione autem, quæ Deum non habet authorem, sed diabolum, nequit esse salvatio, & spes salutis. Unde meritò Cyprianus in libro de simplicitate Prælatorum dixit: *Cum Deo manere non possunt, qui esse in Ecclesia Dei unanimes noluerunt, ardeant licet flammis & ignibus traditi, vel objecti bestis animas suas ponant, non erit illa fidei corona, sed pœna perfidia: occidi talis potest, coronari non potest*.

CII. Quodd autem evidens sit, ex Religionibus, vel sectis habentibus articulos aliquos oppositos, quos credendos proponunt, aliquam, vel aliquas esse falsas, constat: quia ut Religio sit falsa, non requiritur, ut omnia, quæ credenda proponit, sint falsa, satis est, quodd aliqua, vel aliquod dogma falsum credendum proponat. Sic Religio Mahumetana falsa est; quamvis multa vera credenda proponat, videlicet unitatem Dei, præmiū virtutis, pœnam vitiorum, & alia hujusmodi, quia cum his veritatibus proponit credendos multos errores. sic Religio perfidorum Hebræorum, multa vera credenda proponit, & tamen quia falsa cum illis miscet, falsa, & fallax

fallax est. Cùm ergò evidens sit, Religionem Catholicam opponi in multis articulis, quos credendos proponit, Sectæ Calvinianæ, & Lutherianæ, evidens est, vel illas sectas esse falsas, vel esse falsam Religionem Catholicam Romanam. Nam v. g. Religio Catholica Romana credendam proponit præsentiam realem Christi in Eucharistia; Calviniana secta hunc articulum negat, & proponit credendum oppositum. Vel hæc præsentia est vera, vel est falsa? Si est vera; evidenter sequitur, esse falsam sectam Calvinianam, quæ credit, non dari talem præsentiam. Si hæc præsentia Christi in Eucharistia est falsa, evidenter infertur, esse falsam Religionem Catholicam, quæ illam credendam proponit; & idem argumentum fieri potest de aliis articulis, in quibus Religio Catholica opponitur cum secta Calviniana, & Lutherana, circa numerum Sacramentorum, circa fidem justificantem, circa Purgatorium, circa necessitatem bonorū operum. Ergò evidens est, non esse veras omnes istas Religiones; sed aliquas ex illis esse falsas. Ergò est evidens, non posse homines in omnibus illis salvari; ergò est evidentissimus error, dicere, quemlibet Christianum in sua Religione, & fide salvari posse per hoc præcisè, quòd credat duodecim articulos contentos in Symbolo Apostolorum; nam si simul cum his veritatibus credit aliquam falsitatem, ut dogma fidei, Religio aliqua, illa est Religio falsa, & non habet Deum autorem, ac proinde nequit in illa esse salus.

## §. VIII.

*Cùm ad salutem requiratur fides supernaturalis & Divina; hæretici circa mysteria, etiam quæ verè consuntur, non habent nisi fidem purè humanam, ex motivo suo fallacem, sicut habent Mahumetani.*

CIII. I Dque alia manifesta ratione levincitur, nam ut quis possit salvari, debet credere fide supernaturali infallibili, & divinà articulos illos contentos in Symbolo: nam *sine fide impossibile est placere Deo*, utique sine fide infusa, infallibili, supernaturali, & divina, omnino veraci: nam operari ex fide purè humanâ, & fallaci, quæ simul cum veritatibus credit falsitates, non sufficit ad placendum Deo; alioqui Mahumetani, Hebræi perfidi, & omnes hæreticorum sectæ placerent Deo: non credit autem fide supernaturali, infallibili & divina articulos contentos in Symbolo, qui negat aliquem alium articulum, quem Ecclesia Catholica credendum proponit; sed fide humana, & ex motivo fallaci, se extendente ad errores, quia objectum formale, & motivum fidei Divinæ solùm completur veritates reipsa à Deo revelatas. Unde hæreticus, unam ex veritatibus à Deo revelatis, & ab Ecclesia Catholica propositis, pertinaciter negans, non habet de aliis nisi opinionem quandam secundum propriam voluntatem, ut Loquitur D. Th. 2. 2. q. 5. ar. 3. quo inquit, *utrum qui discredat unum articulum fidei, possit habere fidem informem de aliis articulis?* Et ad quæstionem respondet his verbis. *Dicendum, quòd in hæretico*  
*Ec* *discre-*

*discredente unum articulum fidei, non manet fides, neque formata. neque informis. Cuius ratio est, quia species cuiuslibet habitus dependet ex formali ratione objecti quâ sublatâ species habitus remanere non potest; formale autem objectum fidei est Veritas prima, secundum quod manifestatur in Scripturis Sacris & Doctrina Ecclesie, quæ procedit ex veritate prima. Unde quicumque non inheret sicut infallibili & divine regulæ, doctrina Ecclesie, quæ procedit ex veritate prima in Scripturis Sacris manifestata, ille non habet habitum fidei, sed ea, quæ sunt fidei, alio modo tenet, quàm per fidem: sicut si aliquis teneat mente aliquam conclusionem, non cognoscens medium illius demonstrationis, manifestum est, quod non habet ejus scientiam, sed opinionem solum: manifestum est autem, quod ille, qui inheret Doctrinæ Ecclesie, tanquam infallibili regulæ, omnibus assentit, quæ Ecclesia docet: alioquin si de iis, quæ Ecclesia docet, quæ vult, tenet, non jam inheret Ecclesie doctrinæ, sicut infallibili regulæ, sed propria voluntati. Et sic manifestum est, quod hæreticus, qui pertinaciter discredidit unum articulum fidei, non est paratus sequi in omnibus doctrinam Ecclesie. Si enim non pertinaciter, jam non est hæreticus, sed solum errans. Unde manifestum est, quod talis hæreticus circa unum articulum fidem non habet de aliis articulis, sed opinionem quandam secundum propriam voluntatem.*

CLV. Quapropter in fide non solum spectandum est, quid credatur, sed potissimum, quo fundamento credatur, seu quæ sit tota sic credendi ratio; ex hac enim tota fidei natura, & condi-

tio pendet. Qualis enim est credendi ratio, & fidei fundamentum, talis est & ipsa fides: quare si credendi ratio sit fallax, fides erit fallax, & erroribus obnoxia: si autem credendi ratio sit divina, infallibilis, & fallinescia; fides erit certa, & infallibilis. Ratio autem credendi, & fundamentum fidei in sola Ecclesia Catholica est infallibile, nempe revelatio divina proposita ab Ecclesia, quæ est columna, & firmamentum Veritatis, quæ ob assistentiam infallibilem Sp. Sancti nequit credendum proponere nisi illud, quod à Deo revelatum est, vel ex revelatis necessariò infertur. Ratio autem, & motivum credendi, quod nituntur hæretici, fallax est; unde etiam veritates ipsas, quæ habent cum Catholicis communes, non credunt fide divinæ infallibili, sed fide humanâ ex ratione sua fallaci, & erroribus obnoxia, ac proinde insufficienti ad salutem. Unde eorum fides circa vera dogmata, quæ credunt, similis est fidei, quam habent Mahumetani de uno Deo conditore omnium, & de aliis veritatibus circa immortalitatem animæ, & præmium bonorum, & supplicium malorum, quas credunt. Credunt quidem Turcæ, Deum esse unum conditorem omnium, remuneratorem bonorum operum, & vindicem malorum: sed id credunt, quia ita docet Alcoranus, quem Spiritu divino conscriptum putant. Unde credunt motivo fallaci, vi cuius pariter credunt multa falsa, videlicet, in Deo non esse nisi unicam personam, Christum non esse Deum, sed Prophetam Sanctum, Mahumeto minorem, tenendam esse circumcissionem, & si milia. Simi-

Similis est fides hæreticorum : quamvis enim credant veritatem unius Dei, Trinitatem personarum, Divinitatem Christi, ejus mortem, & resurrectionem, & alias veritates contentas in Symbolo, has credunt ex fundamento fallaci; vicissim credunt pariter tanquam dogmata fidei manifestos errores. Vel enim credunt sua dogmata propter auctoritatem suorum Apostolorum, Lutheri, & Calvini, quos divino Spiritu afflatos esse existimant : vel quia singuli proprio judicio ea in scripturis contineri judicant, vel ab Apostolis tradita : vel quia denique Spiritus privatus interiorius testatur, ea esse vera, & hanc esse Scripturæ Sacræ mentem; omnis autem ejusmodi credendi ratio est omnino fallax : unde sæpe putantes se credere veritatem revelatam à Deo, credunt blasphemiam. Sic Calvinus articulum illum Symboli, *Descendit ad inferos*, ita intellexit, ut sibi persuaserit, ibi significari, Christum sustinuisse tormenta damnatorum, dubitasse de sua salute, & timuisse, ne ab æterna morte penitus absorberetur : unde Calvinistæ secuti suum Doctorem, & Prophetam, in hoc articulo non veritatem à Deo revelatam, sed blasphemiam à Calvino confectam credunt.

CV. Hinc patet, ad veram fidem requiri, quod virtualiter in omni suo actu extendatur ad omnia, quæ Deus revelavit; qui enim credit unum articulum, quia Deus revelavit, & sibi persuadet, Deum revelasse, quia Ecclesia, quæ est columna, & firmamentum Veritatis, proponit illud tanquam à Deo revelatum, paratus debet esse credere

omnia, quæ Ecclesia credenda proponit : unde nullum articulum ab Ecclesia propositum potest discredere. Vnde quando dicitur salvari posse omnes, qui credunt duodecim articulos contentos in symbolo Apostolorum; hoc solum est verum, si credant secundum verum, & legitimum sensum intentum ab Apostolis, qui est ille, quem Ecclesia proponit Catholica, idque creditur in illo articulo Symboli, *Sanc̃tam Ecclesiam Catholicam*: jubemur enim credere, talem Ecclesiam dari. Vt autem inquit Bellarminus Lib. de notis Ecclesiæ cap. 11. *Constat, Sanctam dici Ecclesiam, quia professio ejus est Sancta, nihil continens falsum quoad fidei doctrinam, nihil injustum quoad doctrinam morum*, quæ nota soli convenit Ecclesiæ Catholicæ Romanæ, quæ sola est Catholica, id est universalis, & Sancta. Vnde quicumque fide Divina credit articulos contentos in Symbolo, debet esse paratus credere omnia, quæ Ecclesia Catholica credenda proponit; quod nulla secta hæreticorum facit, ac proinde nulla secta hæreticorum est Ecclesia Sancta Dei; omnes enim dissentiunt à Catholicis in aliquibus articulis, quos Ecclesia credendos proponit, ac proinde omnes sectæ hæreticorum continent aliquid falsi quoad doctrinam fidei.

CVI. Unde differentia inter Catholicos, & hæreticos non est similis illi, quæ datur inter Thomistas, & Scotistas, & inter alios Theologos; isti enim conveniunt in dogmatibus omnibus, quæ sancta Mater Ecclesia credenda proponit, parati relinquere suas opiniones, si Ecclesia declararet illas esse falsas, &



contrarias principiis fidel. Illasque defendunt, quia veræ ipsis apparent, & Ecclesia nihil in contrarium statuit; parati relinquere, si Ecclesia oppositum definiret: quod hæretici non faciunt; sed id eo sunt hæretici, quia pertinaciter resistunt Ecclesiæ definitionibus, suumque judicium præferunt judicio totius orbis Catholici, quæ est intolerabilis superbia, imò insolentissima insania; unde Augustinus Epist. 118. dicit, *disputare contra id, quod universa Ecclesia sentit, insolentissima insania esse.*

CVII. Quamvis autem hæretici, detrectantes se subicere judicio Ecclesiæ, appellent ad Scripturas, & dicant, se sequi veritatem, quia sequuntur Scripturas; egregie falluntur, quia dum putant, se sequi Scripturam, sectantur privatum suum judicium erroneum, quo existimant à Scriptura dici, quod est longe à Scripturæ sensu. Unde merito dicebat Augustinus tomo 7. lib. 1. contra Cresconium cap. 33. de Catholicis loquens: *Scripturarum à nobis tenetur veritas, quando id facimus, quod universe jam placuit Ecclesia, quam ipsarum scripturarum commendat auctoritas, ut quoniam sancta Scriptura fallere non potest, quisquis falli metuit hujus obscuritate questionis, Ecclesiam de illa consulat, quam sine ulla ambiguitate sancta Scriptura demonstrat.*

CVIII. Deinde ad salutem non sufficere, utcumque credere omnia, quæ continentur in Symbolo, patet, quia certum est ex Scripturis, & Patribus, & communi sensu Ecclesiæ, nullum hæreticum in sensu composito hæresis salvari. Et tamen certum est, posse ali-

quem esse hæreticum, quamvis expressè credat omnes articulos contentos in Symbolo. Ergò non sufficit ad salutem, utcumque credere articulos contentos in Symbolo. Consequentia est legitima, minor constat: quia etsi quis fateretur vera esse, quæ continentur in symbolo, & tamen pertinaciter negaret peccatum originale, & necessitatem gratiæ ad opera salutaria, & meritoria vitæ æternæ, & negaret perseverantiam finalem esse donum Dei; & negaret Baptismum, & omnia Sacramenta, & pertinaciter assereret, nuptias esse à diabolo, & aliquas elcas ex natura sua esse malas; & poenam damnatorum non esse æternam, sed damnatos, & diabolos aliquando obtenturos veniam, & perventuros ad Dei visionem; absque dubio is esset hæreticus. Major verò etiam est certa, nimirum nullum hæreticum in sensu composito hæresis salvari. Id enim disertè docet Apostolus ad Tim. 3. dicens: *Hæreticum hominem post unam, & secundam correctionem devota, sciens, quia subversus est, qui hujusmodi est, & delinquit, cum sit proprio judicio condemnatus.* Cur enim jubet illum vitari, si ejus error non officeret salutem? Cur diceret illum subversum, & condemnatum? Idem docet 2. ad Tim. 2. dum de hæreticis loquens, inquit: *Sermo eorum, ut cancer serpit.* Sentit ergò, sicut cancer est lethalis corpori humano, nisi excindatur, ita hæreticum animabus fidelium, quia dum in hæresim animas trahit, illas lethaliter inficit.

CIX. Idcirco agebat Theologorum, & Patrum communis Magister Augustinus lib. 4. contra Donatistas cap. 8. *Confi-*

*Constituamus aliquem castum, continentem, non avarum, non idolis servientem, hospitalitatem indigentibus ministrantem, non cuiusquam inimicum, non contentiosum, patientem, quietum, nullum amulantem, nulli invidentem, sobrium, frugalem, sed hereticum. Nulli utique dubium est, propter hoc solum, quod hereticus est, regnum Dei non possessurum. Et idem est iudicium reliquorum Patrum, & hic fuit semper Ecclesiæ sensus. Et propterea S. Fulgentius lib. de fide ad Petrum Diaconum cap. 38. tradens communes fidei regulas, inquit: Firmissime tene, & nullatenus dubites, non solum omnes Paganos, sed etiam omnes Judæos, hereticos, atque schismaticos, qui extra Ecclesiam Catholicam presentem finiunt vitam, in ignem æternum ituros, qui paratus est diabolo, & Angelis ejus.*

Unde gravis Theologus Leonardus Lessius in appendice ad consulationem, *qua fides, & Religio sit capeienda*, cap. 1. in fine hoc confirmans, sic concludit: *Hac semper fuit Ecclesiæ fides & omnium Patrum indubitata doctrina: quam omnes, qui extra Ecclesiam versantur, utinam accuratè perpenderent, viderent profectò, quàm in periculoso statu versentur.*

CX. Patèrque ab absurdo, & ab inconvenienti, esse crassissimum errorem, quodd ad salutem sufficiat, credere in Christum, & ea, quæ sunt in symbolo, quamvis quis paratus non sit credere reliqua, quæ Ecclesiæ Catholica credenda proponit. Ut enim rectè expendit P. Lessius, hæc sententia salvat penè omnes antiquos hereticos. Pleri-

que enim confitentur Christum, & suo sensu tenent Symbolum. Salvati itaque poterant in sua hæresi Ariani, qui Filium Patri negabant consubstantialem: Macedoniani, qui Spiritum Sanctum Filio faciebant minorem: Nestoriani, qui duas in Christo statuebant personas: Eutychiani, qui carnem Christi in divinitatem conversam asseriebant: Apollinaristæ, qui Verbum divinum loco animæ rationalis carni unitum in Christo ponebant: Monothelitæ, qui unicam tantum voluntatem, & operationem in Christo statuebant: Pelagiani, qui peccatum originale negabant, & hominem viribus naturæ posse gratiam Dei, & salutem promereri docebant: Donatistæ, qui Christi Ecclesiam ubique petiisse, præterquam in parte Donati affirmabant: Novatiani, qui lapsis pœnitentiam negabant: Montanistæ, qui Montanum Paracletum putabant. Hi omnes juxta hanc sententiam, singuli in sua fide, ac hæresi, salvati sunt, quia in Christum crediderunt, & non minùs Symbolum Apostolicum, quàm modò Lutherani, & Calvinistæ tenuerunt. At quid absurdius magisque paradoxum in Ecclesiâ dici potest? Si enim cum ejusmodi fide salus obtineri potest, cur tot Concilia, tanto labore, & sumptu convocatis ex toto orbe Episcopis, adversus illas hæreses celebrata? Cur toties anathemate fuere damnata? Cur sancti Patres tantopere in illis extirpandis laborârunt? Cur Catholici hæreticorum illorum consuetudinem, & convictum tantopere exhortuerunt? Cur plurimi exilia, mortem, & omnia tormento-

rum genera præferre maluerunt, quàm alicui ex illis hæresibus subscribere? Sanè hæc omnia frustra, stultè, & injuriose facta sunt, si in illis sc&is salus obtineri poterat; quod cum nemò sapiens dicere possit, fatendum est, hæreses illas esse animorum pestes, nec posse ullo modo salutem cum illis consistere.

## §. IX.

*In quo sensu possit esse verum, quòd salvari valeant omnes, qui credunt duodecim articulos contentos in Symbolo.*

CXI. **Q**uapropter quòd possint salvari omnes, qui credunt 12. articulos contentos in symbolo, solum potest esse verum cum sequentibus limitationibus. Prima, si credant secundum verum, & legitimum sensum. Unde Calvinistæ, qui in illo articulo, *descendit ad inferos*, credunt, Christum in cruce sustinuisse tormenta damnatorum, & de sua salute dubitasse, non credunt articulos omnes symboli. Secunda, si implicitè credant reliquos omnes articulos à Deo revelatos, quamvis non sint in symbolo, & generatim, & in confuso credant reliqua omnia, quæ Ecclesia credit, & paratos se exhibeant ad credendum explicitè, quidquid Ecclesia credendum proposuerit, & ad deponendos errores, quos Ecclesia damnat, vel damnaverit. Denique, si cum fide illa conjungant observantiam mandatorum. Nam *fides sine operibus mortua est*; & si quis vult ad vitam ingredi, debet servare mandata, juxta Christi Domini expressam doctrinam.

CXII. Ratio à priori, cur fides ista requiratur ad salutem, est, quia sicut vera justitia ad salutem requisita se debet extendere ad omnia mandata, quia qui in uno delinquit, factus est omnium reus; siquidem hoc ipso contemnit legislatorem, qui non minùs unum, quàm aliud præcepit: ita vera fides se debet extendere ad omnia divinitus revelata, & qui inter articulos electionem facit, & alios credit, alios discredidit, contemnit auctoritatem Dei revelantis, & non credit, quia Deus revelavit, sed ob motiva humana fallacia. Peccatque contra fidem, si dissentit alicui articulo sibi sufficienter proposito: sufficienter autem est propositus, quando Ecclesia, quæ est columna, & firmamentum veritatis, declarat, articulum illum esse à Deo revelatum. Unde qui judicium suum judicio Ecclesiæ præfert pertinaciter, incidit in crimen hæresis: & quamvis ipsi videatur, suam viam esse securam, & rectam, abs dubio illa ducet ad mortem sempiternam.

CXIII. Et sanè ratio probans necessarium esse ad salutem, credere omnes articulos contentos in Symbolo, similiter probat, necessarium esse, credere reliquos à Deo revelatos, si ab Ecclesia proponantur: idè enim illos credere est necesse, quia revera sunt à Deo revelati, & Ecclesia illos credendos proponit. Hæc autem ratio militat in omnibus articulis à Deo revelatis, si ab Ecclesia proponantur, vel aliunde sufficienter constet, illos esse revelatos: nulli enim hujusmodi articulo licet dissentire, quia hoc esset contemnere auctoritatem Dei revelantis.

§. X. *Re-*

§. X.

*Reijcitur ex dictis doctrina hæreticorum, distinguens inter articulos essentielles, quos omnes credere debeant, & accidentales, quos liberum sit, vel admittere, vel repudiare.*

CXIV. **N**Ec sufficit cum Marco Antonio de Dominis Episcopo Spalatensi, apostatâ à Religione Catholica lib. 7. de Republica Ecclesiast. cap. 9. & 10. distinguere articulos fidei in essentielles, & accidentales, quos liberum sit admittere, vel repudiare, salvâ fidei integritate: cui solutioni in Hollandia passim insistant modò novatores. Non, inquam, sufficit, quia cùm fundamentum fidei sit auctoritas Dei revelantis, quæ æqualiter omnes veritates revelatas afficit; fides necessariò se debet extendere ad omnes veritates revelatas; sive illæ veritates in se sint magnæ, sive parvæ. Si enim mihi Deus diceret, se esse Trinum, & simul diceret, canem Tobiz habuisse caudam; æquali firmitate deberem utrumque credere; quia cùm Deus sit summè sapiens, & summè verax, non minùs ipsi repugnat fallere, vel falli, quando revelat parva, ac quando revelat magna; quando revelat creata, ac quando revelat increata. Unde quamvis non sit necesse, ut Deus omnes veritates revelet, & inter veritates revelabiles aliæ sint digniores aliis; ex suppositione tamen, quòd sint revelatæ, & sufficienter propositæ, æquali certitudine credendæ sunt, & nulli fas est dissentire, licet non omnibus necesse sit

positivè assentire. Unde est omnino chimericum, asserere, esse aliquos articulos fidei secundarios, quos liceat repudiare salvâ fidei integritate. Nam hoc ipso, quòd sint articuli fidei, & taliter sint propositi, ut liceat illis assentiri assensu fidei supernaturalis, seu assensu summè certo, & super omnia, nemini fas est illis positivè dissentire, quia præceptum naturale obligat ad non dissentendum Deo loquenti, quando nobis sufficienter constat, Deum loqui, quamvis præceptum naturale non obliget ad assentiendum positivè. Quare licet relate ad præceptum positivum credendi possint distingui articuli primarij, & quasi essentielles, & secundarij, & quasi accidentales; ut illi dicantur primarij, quos tenemur explicite credere; illi secundarij, quos solum tenemur credere implicite: nunquam tamen potest esse verum, quòd sint aliqui articuli fidei, quos salvâ integritate fidei possimus repudiare, eisdem, ut falsis, dissentiendo.

CXV. Pro quo nota ex communi sententia Theologorum, in præcepto fidei esse duplicem partem, alteram negativam, alteram positivam. Prior est, non dissentire ijs, quæ sufficienter nobis proponuntur, tanquam dicta & revelata à Deo; & hæc pars est quasi de jure naturæ independenter ab omni lege positiva Dei, nam ratio naturalis dictat, non esse dissentendum ijs, quæ nobis sufficienter constat dicta esse à Deo; eis enim dissentire, esset gravis Dei injuria, quia qui ita dissentiret, in actu exercitio reputaret, vel Deum esse fallacem, vel fallibilem, quorum neutrum

trum potest Deo sine gravissima irreverentia imputari. Pars affirmativa præcepti fidei est, credere positivè ea, quæ à Deo revelata sunt, & quoad hanc partem affirmativam, præceptum fidei erit quasi naturale quoad fidem implicitam, & confusam eorum omnium, quæ à Deo revelata sunt in Scripturis, & per Apostolos, & Prophetas nobis tradita; & quæ ab Ecclesia, vel per Concilia generalia approbata, vel Romanum Pontificem sunt definita, ut enim inquit Card. de Lugo disp. 13. num. 3. *Fides implicita, & confusa eorum omnium, qua Deus nobis revelat, videtur esse ex lege natura, ex suppositione, quod Deus ea nobis revelet.*

CXVI. Quoad fidem autem explicitam aliquorum mysteriorum, non erit præceptum quasi naturale, sed positivum. Certum enim videtur, esse aliquo modo præceptum positivum divinū, aliqua objecta explicitè credendi, v.g. Trinitatem, Incarnationem, Mortē, & Resurrectionem Christi, & his similia; quæ attento præcisè jure natu-

rz, sufficeret implicitè, & in genere (inquit ibi Cardinalis) credere, nisi Deus fidem explicitam horum objectorum præciperet, ut de facto præcipit. Quoad partē negativā obligat hoc præceptū semper, ac pro semper: quoad partem affirmativam non obligat semper, & pro semper, sed certis quibusdam temporibus, ut explicant Theologi. Qui etiam benè distinguunt inter ea, quæ necesse est credere necessitate medijs, & ea quæ solum necessitate præcepti. Quæ autem necessitate præcepti explicitè credenda sint, colligendum est ex modo, quo Deus fidei promulgationem imposuit, & ex Scripturis, & traditione, & usu Ecclesiæ; quod pariter in materia de fide explicatur à Theologis, qui etiam explicant tempus, pro quo urget hujusmodi præceptum: nec ista exponere pertinet ad hunc locum, nec facit ad meum scopum, in quem tamen utile fuit, ad æquivocationes impediendas explicasse, ut distinctas duas istas obligationes.

## CAPUT QUINTUM.

*Sectarii fatentes, dari in Ecclesia Romana salvationem, habent evidentem obligationem deferendi suam Sectam, & transeundi ad Ecclesiam Catholicam.*

CXVII. **R**atio est manifesta, quia evidens est, viam certam perveniendi ad aliquem terminum, præferendam esse dubiæ ab eo, qui serió desiderat ad illum terminum perve-

nire. In Ecclesia autem Catholica Romana certa est spes salutis ex utriusque partis confessione; in sectis autem hæreticorum solum est spes salutis in hæreticorum opinione, quam esse manifestum

festum errorem Catholici omnes constanter credunt, & Doctores Catholici satis demonstrant.

CXVIII. Hoc argumento inductus est ad abjurandam hæresim Calvinianam, & amplectendam Religionem Catholicam Magnus ille Galliarum Rex Henricus Quartus; ut narrat Henricus Spondanus ad annum Christi 1593. num. 12. inductus enim est, quod interrogatis suis Magistris, *utrum Catholici in sua Religione salvari possent, si negare non auderent*, & è contra à Catholicis asseverantissime audiret, si in hæresi, quam sectabatur, moreretur, absque ullo dubio in æternum damnatum iri in inferno: proin hanc inde necessariam conclusionem elicuit, longè tutius sibi esse eam Religionem profiteri, in qua salvari se posse utraque pars consentiret, quàm illam, quam altera duntaxat probaret. Unde ne animam simul cum regno perderet, de utriusque salute intentius cogitans, consultatione cum primatibus, & intimis habitâ, constituit instructioni suæ diligenter vacare, & post sufficientem instructionem fidem Catholicam am-

plexus est, quæ ipsi fuit medium necessarium ad regnum temporale, & æternum consequendum. Professionem autem solemnem fidei Catholicæ fecit eo anno 1593. die vigesima quintâ Julij D. Jacob. sacra, sub hac verborum forma: *Protestor, ac iuro coram Deo Omnipotente, vivere me velle, ac mori in Religione Catholica Apostolica Romana, eamque protegere, ac defendere adversus omnes periculo sanguinis ac vita mea; renuntians omnibus hæresibus contrariis Doctrina Sanctæ Ecclesiæ Catholice Apostolicæ Romanæ.* Cui fidei Catholicæ professioni, & Ecclesiæ defensionem debet regnum florentissimum Galliarum felicitatem, quàm deinceps consecutum est.

CXIX. Hoc argumento sæpè usum contra Mahumetanos, qui ex doctrina sui Alcorani fatentur, posse Christianos salvari in Religione Christiana: & gratiâ adspirante divinâ non pauci eo convicti, Mahumetismum abjurârunt, & Religionem Christianam amplexi sunt; ut constabit ex 2. parte hujus operis lib. 2. cap. 3, & 4. & 5. cum sequentibus.





## CAPUT SEXTUM.

*Quartum caput probandi solam Ecclesiam Catholicam Romanam esse veram Christi Ecclesiam; quia in illa sola invenitur firma credendi regula, & supremus controversiarum fidei iudex.*

## §. I.

*Præsupponuntur aliqua.*

CXX. **U**T argumentum con-  
ficiam, aliqua suppo-  
nenda sunt. Supponendum est 1. Ec-  
clesiam à Christo fundatam supra Pe-  
trum esse visibilem; ut ostensum est.  
cap. 1. §. 2.

2. Supponendum est, hanc Ecclesi-  
am visibilem, quatenus constatur ex  
Pastoribus, & ovibus, non posse secun-  
dum se totam errare in fide, id est, non  
posse credere tanquam articulum fidei  
aliquod dogma falsum: id constat ex di-  
ctis cap. 1. §. 3. præsertim n. 23. & 24.  
25. & 26. Probaturque nunc breviter  
1. quia Christus sua oratione impetra-  
vit, ne unquam vera fides deficeret à se-  
de Petri, ut Petri successores possent  
nuntiantes in fide fratres, in fide confir-  
mare, & solidare. *Ego autem rogavi  
pro te Petre, ne deficiat fides tua, & tu  
aliquando conversus confirma fratres tuos*  
Luc. 22. v. 31. Unde S. Leo in ser: in  
natali Apostolorum Petri, & Pauli hunc  
locum expendens inquit: *Commune  
eras omnibus Apostolis periculum de-  
tentatione formidinis, & Dominica pro-  
tectionis auxilio pariter indigebant, quo-*

*niam diabolus omnes exagitare, omnes  
cupiebat elidere, & tamen specialis à  
Domino Petri cura suscipitur, & pro fi-  
de Petri propriè supplicatur, tanquam  
aliorum status certior sit futurus, si mens  
Principis visita non fuerit. Quare cum  
immediatè antea Christus alloqueretur  
omnes Apostolos, omnibusque diceret,  
Ecce Sathanas expetivit vos, ut cribra-  
ret sicut triticum, immediatè conversus  
determinatè, & singulariter ad Petrum  
dixit: Ego autem rogavi pro te &c.  
quia ad Petrum tanquam ad Ecclesiæ  
caput sermonem dirigebat. Et ideo sua  
oratione obtinuit, ne Petrus, vel ullus  
ejus successor Ecclesiam instruens in  
fide, & moribus erraret, proponens  
toti Ecclesiæ aliquod dogma falsum  
credendum, vel toti Ecclesiæ aliquid in-  
justum præcipiens.*

CXXI. 2. Quia Christus promisit,  
portas inferi non prævalituras adversus  
Ecclesiam visibilem, quam supra Pe-  
trum erat fundaturus, & porta inferi  
non prævalerebunt adversus eam Matth.  
16. prævaluissent autem abs dubio, si co-  
ta Ecclesia profireretur aliquem erro-  
rem pro dogmate fidei: quia sic defecis-  
set ab illà vera fides, quæ est fundamen-  
tum salutis.

3. Quia

3. Quia Ecclesia Dei est columna, & firmamentum veritatis 1. ad Timoth. 3. quod non haberet, si posset sustentare errorem tanquam dogma fidei. 4. quia Christus promissit Ecclesie providentiā suā specialem, *Ecce ego vobiscum sum omnibus diebus usque ad consummationem sæculi*, & assistentiam Spiritus Sancti; *ille docebit vos omnem veritatem*. Quæ promissiones fuissent irritæ, & fallaces, si Ecclesia tota posset in fide errare.

CXXII. Supponendum est 3. Christum reliquisse in hac Ecclesia visibili, quam supra Petrum fundavit, & quam credimus esse unam, & sanctam, & Catholicam, juxta illa verba Symboli: *Credo in unam sanctam Ecclesiam Catholicam*: Reliquisse, inquam, tribunal aliquod supremum, à quo determinentur dubia circa fidem, & religionem emergentia, & à quo non sit appellatio ad aliud. Nullum enim est regnum, nulla Respublica, in quibus non sit supremus aliquis Magistratus, à quo causæ determinantur ultimò, & finiantur; alioqui lites, & controversiæ nunquam finirentur, sed essent interminabiles.

CXXIII. Supponendum est 4. hoc supremum tribunal suprenūve magistratum, à quo dubia emergentia circa fidem, & Religionem determinari debent, debere in Ecclesia Catholica esse autoritatis infallibilis ad determinandas fidei, & morū controversias emergentes inter ipsos fideles. Cum enim supremo Magistratui, & supremo iudici, à cujus sententia non est appellatio, in quocunque regno, vel Republica, omnes teneantur obedire: sanè si

hic supremus controversiarum Judex in Ecclesia Catholica posset errare in determinandis fidei & morum controversiis, & toti Ecclesie proponere credendum tanquam dogma fidei aliquem errorem, aliquāve falsitatem; tota Ecclesia in capite, & in membris posset, imò teneretur errare, quia tota teneretur acceptare eam partem, quam supremus Judex controversiarum determinasset. At impossibile est, totam Ecclesiam errare in credendo: ergò impossibile est, supremum Judicem controversiarum fidei in Ecclesia Catholica errare in determinando.

CXXIV. Qui voluerit rationes exactè dignoscere, ob quas Christus in Ecclesia sua reliquerit tribunal aliquod visibile infallibile, ad determinandas fidei & morum controversias, seu regulam vivam visibilem fidei, falli nesciam, ad quam spectet proponere fidelibus, quid credere debeant, consulat P. Suarez lib. 1. Defensionis Fidei adversus Regem Angliæ cap. 11. & P. Gregorium de Valentia tom. 3. quæst. 1. de fide punct. 7. §. 1. ubi hujus regulæ visibilis necessitas præclare manifestat: primò ex parte providentiæ divinæ, quia nisi talis aliqua extaret regula infallibilis, magistra, & iudex doctrinæ fidei, non satis esset à Deo prospectum hominibus, de necessariis ad suam æternam salutem comparandam. Secundò, ex humani ingenii conditione; cum enim mens nostra non solum imbecilla sit, & omnino impar viribus, ut ipsa per se necessariam doctrinam fidei, & revelationem divinam pervestigare possit, sed in eā doctrina nobis divi-

nitus revelata facillimè hallucinetur, & aberret, indiget Magistro aliquo visibili autoritatis infallibilis, à quo discat, quid à Deo revelatum sit, ut propter autoritatem Dei revelantis firmè credat mysteria revelata. Tertiò ex natura ipsius fidei: cum enim fides ex proprio conceptu argumentum sit rerum non apparentium, juxta Apostolum ad Hæbreos II. id est, cum sit cognitio non evidens, sed quæ nitatur infallibili testimonio, & pariat ex auditu, ut docet Apostolus ad Rom. 10. sitque proinde certissima, necesse est, ut supponat aliquam vivam regulam, falli nesciam, quæ proponat Dei testimonium; res enim, quæ obscure isto modo, & tamen certò, ac infallibiliter sciuntur, eas necesse est, alicujus autoritatis infallibilis judicio, atque asseveratione discere. Quatò, ex necessitate damnandi hæreses in Ecclesia: nulla enim potest oriri de aliqua fidei quæstione hæresis, quæ non possit, ac debeat ab Ecclesia damnari, ac rejici, dicto anathemate ejus auctoribus juxta mandatum Apostoli ad Galat. 1. *Si quis vobis evangelizaverit præter id, quod accepistis, anathema sit.* Hoc autem minimè fieri posset, nisi in Ecclesia autoritas extaret aliqua viva, atque visibilis, quæ in omni quæstione de rebus fidei certò doceret, quid rectæ fidei consentaneum sit, & quid eidem repugnans. Unde S. Augustinus lib. de utilitate credendi cap. 16. probat, à Deo autoritatem aliquam constitutam esse, qua velut gradu certo nitentes attollamur in Deum. Hanc autem autoritatem agnoscit in ipsa Ecclesia visibili:

Et ideo in libro contra Epistolam fundamenti cap. 5. dixit: *Evangelio non crederem, nisi me Ecclesia Catholica moveret autoritas.*

CXXV. His suppositis, facillè ostenditur, in sola Ecclesia Catholica Romana reperiri firmam credendi regulam, falli nesciam, & supremum controversiarum judicem infallibilis autoritatis ad determinandas fidei, & morum controversias, quæ inter fideles exoriuntur, non autem in ulla hæreticorum secta; ac proinde solam Ecclesiam Catholicam Romanam esse veram Christi Ecclesiam; sectas verò hæreticorum esse Synagogas diaboli. Siquidem in Ecclesia Catholica hoc privilegium infallibilitatis gaudent concilia generalia confirmata à Romano Pontifice, ut est in confesso apud omnes Catholicos, nullo excepto, item ipse Romanus Pontifex, dum è Cathedra Petri toti Ecclesiæ proponit, quid credere debeat; ut doceant ferè omnes Doctores Catholici, & nos breviter hîc probabimus. In sectis autem hæreticorum non reperitur ejusmodi infallibilis credendi regula, quod jam ostendo.

## §. II.

*Ostenditur contra hæreticos solam Scripturam non esse normam, & judicem ad omnes fidei controversias decidendas.*

CXXVI. **H**æreticorum nostri temporis sectæ nullam habent firmam, & certam credendi regulam, quam sequantur, indeque convincitur, illas non esse veram Dei Religionem.

nem; capita namque veræ Religionis debent esse definita, cetera, & immutabilia. Quod regulam hanc non habeant, ex qua statui possit, quid sit necessarium credendum, quid respiciendum, constat: quia nec traditiones Ecclesiæ, neque Conciliorum Oecumenicorum, neque Romani Pontificis auctoritatem admittunt, nec veterum Ecclesiæ Doctorum, qui Sacras litteras exposuerunt, iudicium æstimant; traditiones omnes reiicit Lutherus in caput primum ad Galatas, & Calvinus lib. 4. Institut. cap. 8. §. 6. 7. & 8. & in antidoto ad quartam Sess. Concilij Trident. conveniuntque Lutherus, & Calvinus, eorumque assensu in hoc, quod nihil sit credendum, nihil recipiendum, quod in Sacra Scriptura non contineatur.

CXXVII. Concilia Oecumenica, quæ semper in Ecclesiâ summam auctoritatem habuerunt, & tanquam Spiritus Sancti organum æstimata sunt, ita contemnit Lutherus in art. 115. & sequentibus, ne, quidquid illa definierint, cuiusvis privati hominis iudicio subiectum esse velit. Imò dicit esse rem insanam, quod Concilia concludere velint, quid sit credendum: ibidemque expresse docet, quid credendum sit, quid non, id relinquendum iudicio cuiusvis Viri Spirituâlis, ac proinde Lutherus, ne unum Papam admittat, qui tanquam Christi Vicarius, & communis Ecclesiæ Magister omnibus fidelibus articulos credendos à Cathedra Petri proponat, tot Papas facit, quot sunt viri, qui se spirituales æstimant. Et incredibili superbia iudicium hominis privati anteponebat iudicio Concilij Universalis, totam Ecclesiâ

repræsentantis, cum qua Christus semper se futurum esse promisit, *ecce ego vobiscum sum omnibus diebus usque ad consummationem sæculi.*

CXXVIII. Idem fuit Spiritus, & sensus Calvini, qui lib. 1. instit. cap. 7. §. 1. 2. & 4. expresse affirmat, *non esse Ecclesiâ judicare, qui libri sunt canonici, sed hoc ad Spiritum internum pertinere:* hac doctrina fontem errorum aperiens, ut unusquisque iudicans ex suggestione diaboli aliquid à Deo esse revelatum, pro articulo fidei credat sui capitis somnium, & blasphemiam pro veritate Catholica habeat; quale est illud, quod lib. 1. Institut. cap. 18. §. 1. docuit, nimirum, *nihil efficere homines nisi arcano Dei nutu, nec quidquam deliberando agitare, nisi quod ipse jam apud se decreverit, & arcana sua directione constituit;* quod est facere Deum authorem omnium scelerum. Denique quod ad Patres attinet, Lutherus lib. contra Regem Angliæ, non curat mille Augustinos, mille Cyprianos. Calvinus etiam pluribus locis eos contemnit, & errasse affirmat.

CXXIX. Quia ergo hæretici isti in eo conveniunt, quod sola Scriptura sit norma, & iudex controversiarum fidei, & morum, pertinaciter asserentes, omnes controversias fidei ex sola Scriptura definiri, ac decidi posse: nobis probandum est, falsum esse hoc eorum dogma, & radicem errorum. Et cum communi omnium Catholicorum sententia dicimus, quod sicut in Republica civili præter leges scriptas, & consuetudines, necessarii sunt iudices vivi, qui lites dirimant, & sententiam ferant, attendendo tamen ad leges scriptas, & ad honestas

has consuetudines legitimo usu præscriptas, tanquam ad normam, & regulam, qua dirigantur in ferenda sententia, ita in Ecclesia Christi ad decidendas fidei, & morum controversias opus esse iudice vivo, qui sententiam proferat, & normam, ad quam attendat in ferenda sententia; Iudicem autem istum esse Ecclesiam, quæ dupliciter potest sententiam proferre, vel per Pontificem Romanum, qui est caput & Pastor summus Ecclesiæ, communisque fidelium Magister in rebus fidei, & morum, vel per Concilia generalia à Pontifice approbata, quæ Ecclesiam repræsentant; normam verò, quam sequi debent in definiendo, non esse solam Scripturam, sed Scripturam, & traditiones simul; id est verbum Dei scriptum, & verbum Dei traditum; quia constat, multa Apostolos docuisse Ecclesiam, quæ non sunt scripta ab ipsis, ut enim inquit S. Damascenus lib. 4. cap. 17. *Plurima Apostoli sine scripto tradiderunt.* Idque patet ex illis verbis Apostoli 2. ad Thessaloni. 2. 14. *Itaque Fratres scite, & tenete traditiones, quas didicistis sive per sermonem, sive per Epistolam nostram;* quæ verba exponens S. Chrysostomus, *Hinc patet (inquit) quòd non omnia per Epistolam tradiderit, sed multa etiam sine litteris.*

### §. III.

*Primum Caput probandi, solam Scripturam non esse iudicem controversiarum fidei; quia per ipsam nequit sufficienter probari, quanam sit legitima, & vera Dei Scriptura.*

CXXX. **P**robatur ergò, falsum omnino esse, quòd sola Scriptura

ra sit sufficiens norma, & iudex ad dirimendas & definiendas omnes fidei, & morum controversias. Primum nam inter controversias fidei una ex potissimis versatur circa ipsam Scripturam; in qua ipsa Scriptura nequit esse iudex, nam antequam utamur testimonio Scripturæ ad probandam veritatem alicujus dogmatis, prius nobis constare debet, illum Librum, unde sumimus testimonium, esse verè Scripturam, non esse supposititium, non esse confictum ab aliquo impostore; ilamque sententiam, quam allegamus, non esse insertam, vel perverfam: il quàm industriam hominum, vel incuriam scribarum; denique nihil ibi esse additum, vel mutatum, quod ad substantiam doctrinæ pertineat. Hæc autem omnia ex Scriptura constare non possunt: nec præcisè per ipsas Scripturas possumus probare, ipsas esse veras Dei Scripturas impulsu Sp. Sancti exaratas. Solùmque conjecturis quibusdam valde infirmis poterimus uti, nisi recurramus ad auctoritatem Ecclesiæ, quæ columna est, & firmamentum veritatis, & nos securos reddit de veritate scripturarum. Et ideo Tertullianus lib. de præscriptionibus cap. 15. docet, hæreticos contententes probare suos errores ex scripturis, non esse admittendos ad certamen hoc, nisi prius probaverint, apud ipsos esse veras Dei Scripturas. Hunc igitur (inquit) potissimum gradum obstruimus, non admittendos eos ad nullam de Scripturis disputationem: si hæc sunt viros eorum, an eas habere possint, dispici debet, cui competat possessio scripturarum, ne in admittatur, cui non competit. Et cap. 57. id probat, quoniam nihil proficere

con-

*congressio Scripturarum, nisi planè, ut aut stomachi quis ineat eversionem, aut cerebri. Ista heresis (idem dici debet de heresi Calviniana; & Lutherana) non recipit quasdam scripturas, et si recipit, non recipit integras, & si aliquatenus integras præstat, nihilominus diversas expositiones commentata convertit. Quid promovebis exercitatissime Scripturarum; cum si quid defenderis, negetur, ex diverso, si quid negaveris, defendatur.*

CXXXI. Quapropter, nemo potest ex Scripturis veritatem, quam intendit, probare, nisi prius supponatur, testimonium, quod allegat, esse desumptum ex vera Dei Scriptura; quænam verò sit vera Dei Scriptura, non potest scire præcisè per ipsam Scripturam. Unde S. Augustinus in libro contra Epistolam Manichæi, quam vocant fundamenti, dicebat: *Ego verò Evangelio non crederem, nisi me Ecclesia Catholica moveret auctoritas.* Id est, non crederem mysteria, & veritates narratas in Evangelio tanquam à Deo dictas; nisi auctoritas Ecclesiæ Catholicæ me per prius movisset, ad mihi firmiter persuadendum, Evangelium istud esse divinum, & Deum habere autorem; Ergò ut quis propter auctoritatem Scripturæ aliquid credat, debet prius aliundè certificari, quod illa Scriptura sit verè Scriptura Dei.

CXXXII. Quare Ecclesiæ Auctoritas aliundè cognita, quam ex testimonio ipsius Scripturæ, est motivum firmiter judicandi, Scripturam illam esse Divinam: nequit enim non esse divina Scriptura illa, quam ut Divinam accipiat tota Ecclesia Catholica, quam esse

veram Ecclesiam Dei tot insignia, & illustria testimonia demonstrant; & imprimis miracula, quæ ad illam fundandam Christus per se, & per Apostolos suos operatus est. Quo argumento utitur Augustinus Lib. de utilitate credendi cap. 16. postquam enim exposuit naturam miraculorum, subjungit. *Talia facta sunt eo tempore, quo Deus in vero homine, quantum sat erat, homini bus apparebat, sanati languidi, munda<sup>2</sup> leprosi, inaccessus claudia, cæcis visus, surdis auditus est redditus. Homines illius temporis aquam in vinum conversam, saturata quinque millia quinque panibus, transita pedibus maria, mortuos resurgentes viderunt: Ita quadam corpori manifestiori beneficio. quadam verò menti occultiori signo, & omnia hominibus Majestatis testimonio consulebant; in se tunc animas errantes mortalium, Divina commovebat auctoritas. Cur, inquit, ista modo non fiunt? Quia non moverent, nisi mira essent. At si solita essent, mira non essent. Facta sunt igitur illa opportunissimè, ut his multitudine credentium congregatâ, atque propagatâ, in ipsos mores utilis converteretur auctoritas. Hæc ille, qui addit, quod postquam Ecclesia tot miraculis fundata est, auctoritas ipsa divina, quæ per miracula persuaserat veritatem fidei; per ipsam fidem persuasit mores quosdam divinos, qui non minus efficaces sunt ad persuadendum, esse Divinam, & à Deo, fidem, quæ tales mores generat, quam ipsa miracula. Et postea addit August. *Hoc factum est Divinâ providentiâ per Prophetarum Vaticinia, per humanitatem, doctrinamque Christi, per Apo-**



*Apostolorum itinera , per Martyrum contumelias , cruces , sanguinem , mortes , per Sanctorum pradicabilem vitam , atque in his universis digna rebus tantis , atq; virtutibus pro temporum opportunitate miracula . Cùm igitur tantum auxilium Dei , tantum profectum fructumque videamus , dubitabimus nos ejus Ecclesia condere gremio , qua usque ad confessionem generis humani ab Apostolica sede per successiones Episcoporum , frustra hæreticis circumlatrantibus , & partim plebis ipsius judicio , partim conciliorum gravitate , partim etiam miraculorum majestate damnatis , culmen authoritatis obtinuit ? cui nolle primas dare , vel summa profectio impietatis est , vel precipitis arrogantia .*

CXXXIII. Et sanè cùm certum sit, Divinas Scripturas traditas esse à Deo alicui hominum catui, vel Comunità; ubinam possumus prudenter judicare, illas conservari integras, & incorruptas, nisi in Ecclesia Catholica Romana, quam tot signis, & argumentis Deus probavit esse suam veram, & germanam Ecclesiam, & cui tantam & tam sublimem concessit authoritatem? unde idem Augustinus lib. 2. de Doctrina Christiana cap. 8. Doctorem Christianum, & solertem Divinarum Scripturarum indagatorem instruens, inquit: *In Canonicis Scripturis Ecclesiarum Catholicarum quamplurimum authoritatem sequatur, inter quas sanè illa sunt, qua Apostolicas sedes habere, & Epistolas accipere meruerunt. Tenebit igitur hunc modum in Scripturis Canonicis, ut eas, que ab omnibus recipiuntur Ecclesiis Catholicis, præponat eis, quas qua-*

*dam non accipiant. In eis verò, quanquam accipiuntur ab omnibus, præponat eas, quas plures gravioreque accipiunt, eis, quas pauciores, minorisque authoritatis Ecclesia tenent. Cùm ergo omnes Ecclesiæ Catholicæ recipiant uti legitimos Sacræ Scripturæ libros eos omnes, & solos, quorum catalogum contexit Concilium Tridentinum sess. 4. quem catalogum accepit Tridentinum per traditionem ab Ecclesiis Apostolicis, id est, quas fundârunt Apostoli, & ad quas scripserunt, consequens est, illam esse veram Dei Scripturam, quam modò habet, & semper habuit Ecclesia Catholica Romana.*

CXXXIV. Hunc catalogum, seu canonem Scripturarum acceperunt per traditionem Patres Tridentini ab Eugenio IV. in Concilio Florentino, ut videre est apud Bartholomæum Carranzam in summa Conciliorum. Rursus Eugenius illum accepit à Gelasio Papa in Concilio Romano, ut constat ex secundo tomo Conciliorum in Decretis Gelasii circa finem; iterum Gelasius ab Aug. lib. 2. de Doctrina Christiana cap. 8. Et Augustinus à Concilio Carthaginensi tertio, quod alii quintum, alii sextum vocant. Denique Patres hujus Concilii ab Innocentio I. qui vixit anno 402. in epistola ad Exuperium. Nec dubium, quin Innocentius catalogum hunc contexerit, prout invenit in Ecclesiis Apostolicis, quas scilicet Apostoli fundârunt, & in quibus sederunt, inter quas Princeps, & reliquarum Mater est Ecclesia Romana, in qua sedet Petrus, quæ per antonomasiam appellatur Sedes Apostolica, quia illam Principes

cipes Apostolorum Petrus & Paulus fundarunt, & sanguine suo illustrarunt, & ad quam Paulus scripsit. Cum ergo Ecclesia Catholica Romana eos libros omnes, ut canonicos, & à Deo dictatos custodiat, & per traditionem acceperit à sedibus, in quibus Apostoli docuerunt; certum est, Scripturam Sacram veram, & legitimam eam esse, quam Ecclesia Catholica pro tali agnoscit.

CXXXV. Quare Catholici omnes securissimi sunt, sequentes iudicium Ecclesie Catholice, quam Spiritus Sanctus gubernat, & quam non potest permittere errare in fundamento præcipuo fidei, agnoscendo pro libris Canonicis, & Divinis eos, qui Divini non fuerint. Illi namque Ecclesie, quam Christus fundavit, & per Apostolos suos per mundum diffudit, libros suos Deus tradidit custodiendos, & usque in finem mundi servandos. Et propterea dixit Augustinus epist. 118. ad Januarium, *insolentissima insania esse disputare de eo, quod tota per orbem frequentat Ecclesia.* Cum ergo tota Ecclesia libros, quos Concilium Tridentinum, ut Canonicos taxat, semper ut Canonicos legerit; extremæ dementiæ erit, de hoc dubitare. Hæretici autem, qui à catalogo librorum factorum expungunt eos, in quibus eorum errores clarè damnantur, & versiones firmant, prout suis erroribus fovendis conducit, probare non possunt, se habere veras scripturas, veramque earum versionem, nisi in ea parte, in qua cum Catholicis conveniunt. Unde de illis verificatur, quod dixit August. lib. de persev. cap. 11. *Scripturas*

*sic accipiunt, ut suo quodam privilegio, imò sacrilegio, quod volunt, sumant, quod nolunt, rejiciant.*

CXXXVI. Quapropter antequam testimonio Scripturæ probemus aliquam veritatem, prius debet supponi probatum iudicio aliquo authenticò infallibilis autoritatis, quænam sit vera, & legitima Scriptura, quod iudicium nequit esse aliud, quàm iudicium ipsius Ecclesie loquentis per Concilia generalia approbata, quæ ipsam repræsentant, vel per Romanum Pontificem, qui est Vicarius Christi, & caput visibile Ecclesie, cui omnes fideles tenentur obedire, cui Spiritus Sanctus assistit, ne erret, dum totam instruit Ecclesiam in fide, & moribus, & dum illi designat libros, quos tanquam dictatos à Deo legere debeat.

#### §. IV.

*Secundum caput idem probandi, quia Scriptura nequit fungi munere iudicis ad definienda dubia circa ipsam sensum.*

CXXXVII. **E**X officio iudicis clarè ostenditur, solam scripturam non posse esse sufficientem controversiarum fidei iudicem. Nam cum vis Scripturæ non consistat in sono verborum, sed in sensu, qui est vita, & anima Scripturæ, & circa hunc sensum possint esse, & sæpè sint sententiæ omnino contrariæ; nequit ex sola Scriptura, semotà traditione, & expositione Patrum, determinari, quinam sit legitimus sensus Scripturæ ab Spiritu Sancto intentus. Necessè ergo est recurrere ad iudicem ali-

G g um,

um, qui clarè, & dilucidè declararet, quanam sit Scripturæ sensus, illumque fidelibus proponat. Nec satis est, quod cum Calvino respondent heretici hujus temporis, nimirum judicium de Scriptura, & ejus sensu pertinere ad spiritum internum. Hoc enim nihil aliud est, quam unicuique assignare pro regula credendi spiritum privatum: nam Spiritus ille internus non est Spiritus Sanctus, qui contradictoria nequit, ut vera inspirare. Spiritus autem ille internus, quem judicem controversiarum faciunt heretici, contradictoria dicit ut vera: nam ex illo spiritu interno Lutherus judicabat, Epistolam Jacobi esse *stramineam*, & Apocalypsim esse *dubiam autoritatis*. Ex eodem autem spiritu interno Calvinus judicabat, utrumque esse Verbum DEI. Ex illo spiritu interno Calvinus judicabat, sensum genuinum illorum verborum Christi, *Hoc est corpus meum*, esse hunc. *Hic panis figura est corporis mei*: Lutherus verò esse istum. *Hic panis est verè corporis meum*. Ergo spiritus internus, ad quem heretici recurrunt pro explicando judice controversiarum fidei, non est Spiritus Sanctus; sed spiritus privatus cujuslibet, seu proprium cujusque cerebrum, quod uni dicat unum, & alteri dicat oppositum. Unde miseri isti homines, dura existimant, se in explicanda Scriptura sequi impulsu Spiritus Sancti, sequuntur (sepissime impulsu diaboli, qui se transfigurans in Angelum Lucis, illis persuadet, esse sensum Scripturæ, illum, quem Spiritus Sanctus intendere non potuit, utpote erroneum, & puritati Spiritus Sancti con-

trarium, illisque adaptatur illud *ve Prophetæ: Va vobis, qui dicitis malum bonum, & bonum malum, ponentes tenebras lucem, & lucem tenebras*. Isai. 5. 2. & de illis verificatur illud Proverb. 16. 25. *Est via, qua videtur homini recta, & novissima ejus ducunt ad mortem*. Et sanè cum motus internos discernere, sit difficillimum, an sint à Deo, an à diabolo, an à proprio spiritu: dum heretici dicunt, Sacram Scripturam, ut explicatam spiritu interno, esse regulam fidei, regulam fidei ancipitem, & dubiam statuunt; & ista ipsorum sententia est errorum innumerabilium seminarium. Et hinc fit, ut unicuique sua imaginatio pura veritas, & ipsissimus Scripturæ sensus videatur.

CXXXV III. Præterea convincitur, Scripturam non posse esse judicem controversiarum fidei, quia nequit esse inter duos litigantes judex ille, qui non potest ita clarè pronuntiare sententiam, ut quilibet litigantium clarè intelligat, an pro illo, an contra illum sit prolata sententia. Talis autem est Scriptura: ergo illa nequit esse controversiarum judex. Probatur minor. Nam Lutherani, & Calvinistæ, qui dicunt, solam Scripturam esse controversiarum judicem, inter se litigant de præsentia reali Christi in Eucharistia, affirmantibus Lutheranis, & negantibus Calvinistis; utraque pars ad Evangelium tanquam ad judicem provocat, utraque pro se dicit stare Evangelium. Lutherus dicit illa verba Christi, *hoc est corpus meum*, pro ipso dare sententiam: id negat Calvinus, & contendit stare pro se: hucusque ex Evangelio, quod est judex mor-

tus

enes, nullus ex illis persuasus est, Evangelium contra ipsum stare, cum tamen sit evidentissimum, non posse stare pro utroque; rixantur, & pugnant, & nunquam usque ad diem iudicii finietur hæc lis, nisi assignent aliquem iudicem vivum, cui utraque pars se subiciat, à cuius ore accipiant sententiam, vel determinatè affirmantem vel determinatè negantem præsentiam realem Christi in Eucharistia: similiter inter se dissident circa Baptismum parvulorum, circa exorcismum, & alia, & unaquæque pars censet pro se stare Scripturam. Quare qui Scripturam solum iudicem faciunt, eo ipso apertè indicant (inquit sapienter P. Lessius) se nullum iudicem, quo causa possit decidi, admittere, præter iudicium suum privatum. Perinde enim faciunt, atque si Titius, & Cajus litem civilem habentes, nollent alium iudicem, quàm Codicem Justiniani cum Pandectis, seposita Doctorum interpretatione; & Titius pro suo jure producta aliqua lege affirmaret, per eam manifestè causam sibi adjudicari, Cajus verò negaret; similiter Cajus allegata alia lege diceret, clarum esse, eam legem sibi favere, Titius verò negaret: & ita ambo causà indecisà discederent: nonne res esset ridicula, & omnes dicerent, neutrum velle causam definiri? neutrum admittere alium iudicem, quàm proprium iudicium? simili planè modo, hoc ipso quòd illi nolunt alium iudicem quàm Scripturam, & quisque suo spiritui reservat ejus interpretationem, ostendunt, se nolle causam legitimo modo definiri, nec alium iudicem quàm proprium iudicium admittere.

## S. V.

*Caput tertium idem probandi, quia cum littera occidat, spiritus autem vivificet; qui solum Scripturam vult esse controuersiarum iudicem, relicto Ecclesie sensu, necesse est, ut erroribus obvolvatur.*

CXXXIX. Sicut in homine sunt duo, corpus scilicet, & anima; ita in Scriptura duo spectanda sunt, scilicet littera, quæ est veluti corpus, & sensus, qui est veluti anima; Apostolus autem 2. Corinth. 3. 6. dicit: *littera occidit, spiritus autem vivificat*; quod secundum explicationem traditam ab Augustino ser. 70. de tempore, perinde est, ac si diceret. *Si sequaris Scripturæ sensum, qui est quasi spiritus, & anima vivificans, proderit tibi ad salutem; si autem neglecto vero, & legitimo sensu, hæreas tantum in externa Littera, & contendas illum esse sensum, quem externa littera præferebat, sæpe errabis.* Unde infelices appellat Judæos, & plus infelices hæreticos, qui dum solum littera aspicunt sonum, quasi corpus sine anima, ita sine vivificante spiritu mortui remanserunt. Hoc pacto littera occidit Judæos, quomòdò, quæ de Christo prædicta sunt à Moyse, & Prophetis sub umbris, & figuris, secundum litteram externam intelligunt, & sensum internum ab Spiritu Sancto intentum non percipiunt, & hoc est, quod ait Apostolus 2. Corinth. 3. dum ait: *Usque in hodiernum diem, dum legitur Moses, velamen posuit est super cor eorum, quasi diceret, hucusque Judæi non intelligunt Moysen, quem quotidie legunt.*

quia sistentes in sono, & cortice exteriore litterarum, non transeunt ad internum sensum; ac propterea non agnoscunt Christum, qui sub illis Moysis sacrificiis, & ceremoniis tanquam sub velamine occultatus est. Et ideo Christus Joan. 5. 39. Judæis dicebat: *Scrutamini Scripturas, quia vos putatis in ipsis vitam aeternam habere; & illa sunt, quæ testimonium perhibent de me, & non vultis venire ad me, ut vitam habeatis*; id est, si vultis cognoscere, me esse Messiam vobis à Deo per Moysen, & Prophetas promissum, non debetis tantum legere Scripturas quoad externum corticem litterarum, sed debetis scrutari internum sensum, & spiritum, qui est veluti nucleus sub illo cortice latens, quod hactenus non fecistis. Quamvis enim vobis verè persuasum habeatis, in Scripturis sitam esse vitam aeternam; adhuc tamen ignoratis, in qua parte sita sit: non enim sita est in littera, & cortice, seu in ceremoniis, & sacrificiis, sed in spiritu, qui sub illis umbris latet: hunc scrutari debetis. Si autem debite quærat, inveniatis, illas testimonium perhibere de me, & me esse corpus illius umbræ, & spiritum illius litterarum, & veritatem illorum signorum.

CXL. Sicut autem littera Scripturarum non penetrata occidit Judæos, ita etiam occidit hæreticos, qui abusi sunt litteram Scripturarum ad suos errores confirmandos: quia enim spiritu superbie obcæcati contempserunt verum, & legitimum sensum, quem Sancta Mater Ecclesia in littera Scripturarum aperuit, & quem Patres Ecclesiæ spiritu Dei pleni

invenierunt, & secuti sunt, componentes invicem Scripturarum testimonia, & unum cum alio conferentes, & lucem à Deo enixè postulantibus ad assequendum verum sensum: quia, inquam, hunc sensum reliquerunt, & in littera, & cortice alicujus testimonii sistentes, ad verum sensum investigandum non sunt progressi, ideo in errores suos, & hæreticos prolapsi sunt. Nullus enim est hæreticus, qui suos errores non hauserit, vel confirmare procuraverit ex aliquo Scripturarum testimonio secundum sonum, & corticem litterarum allegato. Sic Sabeliani secundum litteram intelligentes illa Christi verba Joan. 10. *Ego & Pater unum sumus*, deducebant, Patrem, & Filium esse eandem personam, diversis nominibus significatam propter diversa munera, quæ ad extra exercent, cum tamen secundum legitimum sensum *unum* significet unitatē essentiarum, & *ly sumus* pluralitatem personarum. Sic Ariani ex illis verbis Christi Joan. 14. 28. *Pater major me est*, secundum litteram occidentem intellectus deducebant, Filium Dei esse minorem Patre; cum tamen secundum verum sensum haustum ex illo textu collato cum illo alio, *Ego, & Pater unum sumus*, & cum aliis Scripturarum locis, Christus sit minor Patre secundum humanitatem, & æqualis Patri secundum divinitatem; cum enim sit Deus, & homo, & habeat duplicem naturam in una persona; secundum naturam humanam est minor Patre, & secundum divinam æqualis Patri, utpote idem DEUS cum Patre, licet distincta persona à Patre. Et sic de aliis hæreticis, quorum errores

ex Scriptura malè intellecta collectos, latè proponit P. Becanus in manuali Lib. 1. cap. 5.

## §. VI.

*Caput quartum idem probandi, quia cum Scriptura quoad verum, & legitimum sensum in multis Locis sit obscura, nequit se sola esse Index omnium controversiarum fidei.*

CXLI. **M**ulta esse Scripturæ loca obscura, & intellectu difficilla, constat Testimonio Divi Petri Epistolâ 2. cap. 3. v. 16. affirmantis, in Epistolis Pauli *quadam esse difficilia intellectu*. Constat Secundò ex illo Act. 8. 31. Ubi Eunuchus Regionæ Æthiopum interrogatus à Philippo, an intelligeret Isaiam Prophetam, quem legebat, respondit. *Quomodo possum, si non aliquis ostenderit mihi?* Tertiò quia manifestum est, obscurissimam esse Prophetiam Ezechielis de visione quatuor animalium: manifestum etiam est, prophetiam Danielis de septuaginta hebdomadibus, & de abominatione desolationis claram non esse, sed multorum ingenia exercuisse; & propterea Christum Matt. 24. 15. de illa dixisse; *Qui legit, intelligat*. Quartò quia certum est, Joannis Apocalypsim plenam esse reconditis Mysteriis; & propterea Hieronymum in Epistola ad Paulinum dixisse, *tot habere Sacramenta, quot verba*. Quintò quia Augustinus Lib. de fide & operibus, cap. 15. faretur, illum Locum Pauli 1. Corint. 1. v. 12. *superadificat super fundamentum hoc, aurum, argentum, lapides pretiosos, ligna, fenum*, esse unum ex illis, de quibus Petrus lo-

curus est, quando dixit, in Epistolis Pauli *quadam esse difficilia intellectu*. Certum quoque est, obcurum esse illum locum 1. Corint. 15. 29, *Quid facient, qui baptizantur pro mortuis, si mortui non resurgunt?* Item illud Hebræ. 6. 4. *impossibile est, eos, qui semel sunt illuminati, gustaverunt etiam donum caeleste, & participes facti sunt Spiritûs Sancti, & prolapsi sunt, rursum renovari ad penitentiam*. Certissimum denique est, multa alia esse Loca in Scriptura difficillima intellectu, idque constat ex consensu omnium interpretum. Si enim Scriptura esset clara & perspicua, non opus esset tot Interpretibus, & tot commentariis.

CXLII. Hoc supposito manifestè probatur, Scripturam non esse se sola Judicem sufficientem ad terminandas, & definiendas quæstiones, quæ circa fidem, & mores inter ipsos Catholicos excitantur: nam certissimum est, sæpè dubitari, quisnam sit sensus legitimus, & verus alicujus textûs Scripturæ, quem tanquam veritatem à Deo revelatam omnes fideles amplecti debeant. Hoc autem dubium nequit resolvi tanquam à Judice ab ipsa Scriptura, de cujus sensu dubitatur. Ergò evidens est, vel controversiam illam semper debere manere indecisam, & litem de sensu ejus Loci nunquam finendam, vel designandum esse aliquem alium Judicem, qui habeat auctoritatem ad definiendum & determinandum, quisnam sit legitimus sensus illius textûs, & qui ita clarè, & dilucidè ferat sententiam, ut partes Litigantes faciliè illam percipiant. Iste autem Judex nequit esse Scriptura ali-



qua mortua, sed debet esse, vel persona aliqua particularis, habens auctoritatem interpretandi Scripturas, & proponendi fidelibus verum eorum sensum, vel ceteris aliquis hominum, seu aliquod concilium, cujus iudicio omnes debeant stare; & Judex iste, cui omnes fideles teneantur obedire, debet esse auctoritatis infallibilis, ut ostendi §. 1. qui Judex inter hæreticos non reperitur, & ideo nullam in articulis suæ Religionis consistentiam habent hæretici, qui ad Scripturam tanquam ad unicam credendi regulam & controversiarum fidei Judicem provocant.

CXLIII. Ut enim de illis scribebat P. Lessius anno 1609. Videmus, nullum apud eos esse finem controversiarum etiam de gravissimis fidei capitibus. Dissentiunt enim Lutherani, Calvinistæ, & Anabaptistæ in multis hoc tempore acerbissimè, & se mutuo damnant hæreseos. Dissentiunt ipsi Lutherani tum inter se in plurimis, tum à Luthero parente & Apostolo suo: adeo ut hoc tempore numerentur tredecim præcipue Lutheranorum Sectæ, nominibus & dogmatibus quibusdam discrepantes. Dissentiunt inter se Calvinistæ maxime in articulo de capite Ecclesiæ; magna enim illorum pars hanc potestatem tribuit Principi sæculari, etsi mulier sit; vocantur hi Protestantæ: alijs nefas ducunt, & blasphemiam; hos vocant Puritanos. Dissentiunt inter se Anabaptistæ in plurimis, ita ut 14. eorum Sectæ diversæ numerentur, nominibus & dogmatibus distinctæ.

Denique nunc est ventum, ut eum

se quisque hanc regulam sequi, eaque niti putat, tot panes sint hæreses, quot hæretici. Plerique enim, præsertim simplices, dicunt se parùm curare, quid docuerit Lutherus, vel Calvinus, se enim adhærere S. Scripturæ, & Verbo Dei, in quo nullus error esse potest, & ita se putant valdè securos. Scripturam autem quisque pro suo capto, & iudicio intelligit. Vnde cum se putant Scripturam habere regulam credendi, loco Scripturæ habent imaginationem propriam. Quod enim imaginantur significari verbis Scripturæ, pro vero sensu Scripturæ accipiunt: sicque quot sunt diversæ hominum imaginationes, tot sunt regulæ credendi.

Sed unde fit, ut sua cuique imaginatio, pura veritas, & ipsissima Scripturæ sensus videatur? Provenit hoc partim ex immensa quadam philantia, & æstimatione sui: qui enim se magni facit, facillè sibi persuadet, omnes suas inventiones, & animi conceptiones præclaras esse; partim ex diabolica operatione, qui interius phantasiam hominum pervertit, ut id, quod apprehendunt, statim ob levissimam aliquam ratiunculam, perspicuam veritatem putent. Cum enim homines tædio Religionis antiquæ veritatem averlantur, & pruriunt auribus ad novitates, justo Dei iudicio sinuntur decipi à diabolo. Hic ergo dum interius in sensibus eorum operatur, putant se divino Spiritu illustrari, & omne de fidei dogmatibus iudicium ad hunc Spiritum referunt. Hinc fit, ut cuilibet Sectæ, & serè cuilibet homini privato sua apprehensio purum putum Dei verbum videatur, nec curet  
| omnes

omnes rationes, quæ in contrarium adferuntur. Significat hoc Apostolus, cum ait. *Eo quod charitatem veritatis non receperunt, ut salvi fierent, ideo mittet illis Deus operationem erroris, ut credant mendacio.* Mittet, non imperando, sed diabolo vires laxando, ut eos, qui veritatem, seu antiquam Religionem contempserunt, possit decipere, & in mille errores agere transverfos.

## §. VII.

*Infertur ex dictis, Lutheranos, & Calvinistas non posse ex Scripturis arguere.*

CXLIV. **R**atio est, quia ut ostendimus §. I. non potest quis ex Scripturis apud ipsum existentibus, arguere, nisi prius probe, apud ipsum esse veram Scripturam. Id autem probare non possunt Lutherani, & Calvinistæ, quia nec habent authenticum canonem Scripturarum, nec authenticam versionem, nec authenticam interpretationem; qui autem hæc non habet, abs dubio non habet veram Scripturam. Non habere authenticum canonem, probatur; quia nec Canonem Lutheranorum, nec Canonem Calvinistarum unquam Ecclesia approbavit. Nam Lutherus ex Canone veteris testamenti, approbato in Ecclesia Catholica, expungit Tobiam, Esther, Judith, Sapientiam, Ecclesiasticum, & Machabæos: ex canone novi, Epistolam ad Hebræos, Epistolam Jacobi, Epistolam Judæ, & Apocalypsim Joannis. Calvinistæ verò quamvis convenient in aliis cum Lutero, tamen admittunt

Epistolam ad Hebræos, Epistolam Jacobi, & Judæ, & Apocalypsim. Vnde canon iste hæreticorum nunquam fuit ab Ecclesia approbatus, siquidem à tempore Innocentij primi semper in Ecclesia receptus fuit canon librorum sacrorum, quem Concilium Tridentinum præscripsit.

CXLV. Non habent rursus authenticam versionem, quæ Catholicis omnes utuntur, nempe veterem, ac vulgarem, quæ jam multis sæculis in Ecclesia viguit, & communi Christianorum consensu recepta est: hanc enim repudiant, & in ejus Locum, non unam aut duas, sed propè infinitas suis auditoribus obtrudunt (ut probat Becanus in manuali Lib. I. cap. I. §. 2.) & plerasque etiam ipsis adversariis suspectas, & ab ipsis damnatas. Denique non habent authenticam Scripturæ interpretationem, sed novam, & inauditam, & omnibus bonis authoribus repugnantem; ut cernitur in interpretatione adhibita à Calvino illis Christi verbis Mat. 19. *si vis ad vitam ingredi, serva mandata*; affirmat enim hic novus Geneva Propheta, illa non seriò, sed ironicè à Christo dicta fuisse, ut sensus sit: *ne serves mandata*, quia illorum observatio nec prodest, nec possibilis est. Et cernitur in interpretatione Theodoti Beze ad illa verba Act. 2. 27. *non derelinquas animam meam in Inferno*; quæ sic exponit ad Litteram. *non derelinquas cadaver meum in sepulchro.* Non ergò habent hæretici veram Scripturam, ergò ex Scriptura, prout apud ipsos extat, & quatenus ipsorum Canone, & versione continetur, nequeunt arguere.

Vnde

Vnde ad arguendum contra Catholicos necesse est, ut recurrant ad Scripturam, & versionem, quæ semper fuit in usu in Ecclesia ipsa Catholica.

CXLVI. Jam ergo ab his Ecclesiæ reformatæ auctoribus rogo, unde acceperint Codicem Bibliorum? respondebunt, non aliunde, quam à Catholicis. Sed rursus rogo, Cur eundem, quem receperitis, non retinetis? cur canonem Catholicorum, qui ab Innocentio primo, ab Augustino, & à tota Ecclesiâ receptus est, repudiatis? cur novum fingitis, qui ab Ecclesiâ nunquam pro legitimo agnitus est? de vobis sanè verificatur, quod de Manichæis scripsit Augustinus Libro de bon. persever. cap. II. *Scripturas sic accipitis, ut vestro quodam privilegio, imò sacrilegio, quod vultis sumaris, quod non vultis, rejicitis.* Cur antiquam, & usitatam editionem, quam semper Ecclesia venerata est, relicitis? cur novas, & inter se repugnantes versiones substituitis? cur sensum Scripturæ falsis, & distortis interpretationibus depravatis? si ergo ex Scriptura Dei arguere vultis, ex nostra debetis arguere, quia vestram non admittimus. Nostra Legitima, & antiqua est, vestra spuria, & novitia: nostra unica & sibi constans, vestra varia, multiplex, & instabilis.

### §. VIII.

*Quintum caput idem probandi, quia multa sunt controversia fidei, quæ non possunt definiri ex Scriptura.*

CXLVII. Ratio est, quia multe sunt controversiæ circa fi-

dem, & Religionem quarum nulla sit mentio in Scriptura, vel non sufficiens, ut determinentur; nequeunt autem ex Sola Scriptura determinari controversiæ, quarum nulla sit in Scriptura mentio, vel non sufficiens ad illarum decisionem; pro his ergo controversiis determinandis querendus est Judex alius diversus ab Scriptura, nimirum Judex vivus, qui consulens non solum Libros Sacros, sed traditiones Apostolicas, controversas illas determinet; ille autem Judex non potest esse persona privata; sed debet esse, vel summus Pontifex, vel Concilium generale: ratio enim ipsa postulat, ut causa Religionis, cum sit communis toti Ecclesiæ, non iudicetur à privatis, quin nullam in Ecclesiâ dignitatem obtinent: sed vel ab ipso universali Ecclesiæ Pastore, cui omnes suas oves Christus in Petro pascendas commisit, dum dixit, *Pasce oves meas*: vel à cætu generali Pastorum, qui in unum convenientes ad Concilium generale, Ecclesiam universam repræsentant, & tanquam capita particularium Ecclesiarum, & pastores gregum providere debent, ut oves ipsorum habeant salutarem pastum doctrinæ; sic controversiæ de legibus, & privilegiis Regni, non ab alio quam à Rege, & à Regni primoribus, qui totum regnum repræsentant, debent determinari.

CXLVIII. Quod multe sint controversiæ circa fidem, & Religionem, quarum nulla fiat mentio in Scriptura, vel non sufficiens ad ipsarum determinationem, patet: quia controversia de canone Scripturarum, quinam videlicet libri habendi sint pro Canonicis, & à Deo

à Deo dictatis, maximè spectat ad fidem, & religionem: & tamen hæc controversia nequit ex Scriptura determinari. Affirmant Catholici, Libros Tobie, Judith, Sapientie, & Machabæorum esse Canonicos: negant Lutherani, & Calvinistæ; manifestum est autem istam controversiam non posse ex Scriptura determinari. Idque ipsi hæretici fatentur; dum ad expungendos hos libros à Catalogo librorum sacrorum, non provocant ad Scripturam, sed ad Canonem & Traditionem Judæorum; dicunt enim non esse Canonicos, quia non reperiuntur in Canone Judæorum; ac proinde agnoscunt in hac causa alium judicem, quam Scripturam: & qualem judicem? Traditionem Judæorum. Mira res, exclamat P. Becanus, *Pluris Judæos quam Christianos faciunt, & cum ipsi Christiani esse velint, Christi, & Apostolorum traditionibus infensissimi sunt, & Judæorum traditionem in pretio habent.* Catholici obediunt summis Pontificibus, & Conciliis generalibus, quæ mota ex traditione Apostolica, & ex usu perpetuo Ecclesiæ, declarant, omnes istos libros esse Canonicos.

CXLIX. Ad fidem quoque, & Religionem pertinet controversia de numero Sacramentorum novæ legis. Hæretici affirmant, Sacramenta novæ legis esse duntaxat duo, nempe Baptismum, & Eucharistiam; Catholici constanter credunt esse septem. Illi ex Scriptura, id quam provocant, probare non possunt, esse solum duo; quia nec ex Scriptura probare possunt, nomen Sacramenti tribui Baptismo, & Eucharistie, non autem aliis quinque: neque

ex Scriptura possunt probare, quænam sit definitio Sacramenti; nec supposita definitione, possunt ex Scriptura persuadere, illam definitionem convenire soli Baptismo, & Eucharistie. Catholici ex traditione, & perpetua praxi, & consensu Ecclesiæ suam doctrinam hauriunt, quæ in Conciliis ex hac traditione est definita.

CL. Ad fidem etiam, & religionem pertinet controversia, an Baptizati ab hæreticis, sint rebaptizandi. Affirmabat olim Cyprianus cum multis Episcopis Africanis; negabat Stephanus Papa, cujus sententiam secutus est Augustinus, & postea ab Ecclesia definita est. Neutra pars ex sola Scriptura putabat posse hanc controversiam definire. Et Augustinus, qui veram sententiam defendit, non aliunde illam probavit, quam ex Apostolica traditione, & praxi Ecclesiæ; ut constat ex lib. 2. de Baptismo contra Donatistas cap. 7. & lib. 5. cap. 23. *consuetudinis robore* (inquit Augustinus) *tenebatur orbis Christianus, & hac sola opponebatur inducere voluntibus novitatem.* Huic traditioni cessit tandem Cyprianus, quia videbat, se destitutum esse valido Scripturæ testimonio, quo suam sententiam firmare posset, ut testatur August. Epist. 48. ad Vincentium.

CLI. Vnde constat, hæreticos hujus temporis Lutheranos, & Calvinistas contrarium Spiritum habere ei, quem habuit verus, & vera Christi Ecclesia. Nam illi propter unum Scripturæ testimonium sine finè explicatum contemnunt æternam Ecclesiæ consuetudinem, ut loquitur Lutherus de abroganda Missa,

Hh.

Missâ,

Missæ, & in libro de instituendis Ministris ad Pragenfes. At vetus Ecclesia ex consuetudine ducentorum, vel trecentorum annorum explicabat cum Stephano Papa omnia testimonia, quæ Cyprianus cum suis afferebat: & merito, ut ponderat Bellarminus; nam cum certum sit, consuetudinem universæ Ecclesiæ perpetuâ non posse cum Dei verbo pugnare, & clarius sit consuetudo quàm ipsum verbum, rectè judicabant illi, ex consuetudine Verbum Dei esse interpretandum, non ob Verbum Dei obscurum, & ambiguum consuetudinem abrogandam, ut Lutherani, & alij hujus temporis hæretici faciendum esse contendunt.

CLII. Ad fidem etiam, & Religionem attinent controversiæ istæ, An Christiani Loco Sabbati debeant colere diem Dominicum? an Symbolū fidei sit verè Apostolicum? an B. Virgo manserit Virgo post partum: quæ ex sola Scriptura decidi non poterunt. Et tamè ab Ecclesiâ ritè decisæ sunt, & earum decisionem amplexi sunt Lutherani, & Calvinistæ. Ergo manifestum est, solam Scripturam non esse sufficientem controversiarum Judicem. Ergo certum est, nullam sectâ hæreticorum esse veram Christi Ecclesiam, quia in nulla reperitur legitimus controversiarum fidei Judex; sed solam Ecclesiam Catholicam Romanam, in qua Judex iste reperitur.

### §. IX.

*Supponitur, ut omnino certum inter Catholicos, Concilia generalia confirmata à Romano Pontifice esse legitimos controversiarum fidei, & morum Judices. ubi obiter ostenditur, etiam permissio, quòd Concilium generale sit supra Papam,*

*non esse licitum appellare à sententia Pontificis ad Concilium generale.*

CLIII. Cardinalis Bellarminus l. 2. de Conciliis cap. 2. testatur, Catholicos omnes constanter docere, Concilia generalia à Romano Pontifice confirmata errare non posse, nec in fide explicanda, nec in tradendis fidei, & morum præceptis toti Ecclesiæ communibus. Et similiter lib. 4. de Rom. Pontif. cap. 2. testatur, Catholicos omnes & hæreticos convenire in duobus, Primò, posse Pontificem, etiam ut Pontificem, & cum suo cætu Conciliariorum, vel cum generali consilio errare in controversiis facti particularibus, quæ ex informatione, testimonisque hominum præcipuè pendent. Secundò posse Pontificem, ut privatum Doctorem errare etiam in quæstionibus juris universalibus tam fidei, quàm morum, idque ex ignorantia, ut aliis Doctoribus interdum accidit.

CLIV. Deinde addit, Catholicos omnes in aliis duobus convenire, non quidem cum hæreticis, sed solum inter se. Primò, Pontificem cum Generali Concilio non posse errare in condendis fidei decretis, vel generalibus præceptis morum. Secundò Pontificem solum, vel cum suo particulari Concilio aliquid in re dubia statuentem, sive errare possit, sive non, esse ab omnibus fidelibus obedienter audiendum.

CLV. Ex hoc principio deducit Cardinalis Pallavicinus in historia Tridentini lib. 1. cap. 12. n. 7. invalidam, & illicitam fuisse appellationem Lutheri ad futurum Concilium à Diplomate summi Pontificis Leonis X. in quo errores ejus in materia indulgentiarum damnavit, declarans à Cathedra Petri, in Eccle-

Ecclesiæ thesauro Christi, ac Sanctorum merita contineri, atque etiam jure Claviū eo Romanos Pontifices uti posse, indulgentias elargientes ad emolumentum vivorum, & mortuorum. Probat Cardinalis ibi n. 7. immeritò appellasse Lutherum ab hoc Decreto summi Pontificis ad futurum Concilium; nam Lutherus fatebatur, Romanum Pontificem esse Dei Vicarium in terris; unde negare non poterat, habere auctoritatem supra omnes fideles. Atque adeo, *tametsi talis auctoritas (propria Vicarij Dei in terris) tanquam subiecta Concilio admitteretur, non idcirco Pontificia sententia executioni, præsertim contra privatum hominem, suspenderetur provocatione ad Concilium.* Alioqui, vel oporteret cuiusvis litis gratiâ Oecumenicum Concilium cogere, vel quilibet penderet anceps, donec opportunitas incidere Oecumenici Concilij in Ecclesia convocandi. Pariratione, quamquam sint Principes, qui subiecti sint generalibus Regni ordinibus, risu tamen exciperetur, qui contenderet, executionem Sententia, à Principe in privatum lata, ad Ordinum Generalium conventum retardandam. Posito, quòd Pontifex errare posset in fidei dogmatis declarandis, essent quidem soluti fideles obligatione credendi indubitanter, quod ille definit, sed non ex eo solverentur obligatione extrinsecus observandi quod in eo genere idem præcipere, dummodo hoc præceptum Scriptura seu legi divina evidenter non opponeretur; quæ evidentia nequaquam poterat à Luthero prætendi, ubi tam magna fidelium, ac Theologorum pars illius novitatis reclamabat.

CLVI. Quæ in hoc num. narrat Cardinalis, supponunt ea, quæ narraverat num. 1. Nam cum Lutherus usque ad id temporis (nempe ad ann. 1518) in suis Commentariis, ac si que judiciorum plenam subjectionem sui suarumque rerum Pontifici professus esset; tunc scripto publico palam fecit, se imprimis nolle adversari Ecclesiæ, sedisque Apostolicæ Magisterio, ac Pontificiæ auctoritati, sed adjecit, Romanum Pontificem, tametsi Dei Vicarius in terris esset, tamen obnoxium esse tanquam hominem erroribus, quod in Petro patebat, qui idcirco legitur à Paulo acriter objurgatus. Quapropter sicut paratus erat obtemperare Pontifici probè edocto; ita ubi suorum æmulorum suasu quidquam in se statuisset, à jure sacrisque litteris alienum, provocare se ad futurum Ecclesiæ universale Concilium, quod Romano Pontifici præest, ac propterea in Pontificum potestate non esse, hujusmodi provocaciones interdiceret.

CLVII. Hic est spiritus hæreticorum, appellare ad futurum Concilium, quando vident, suos errores à Pontifice damnari, obtendentes, illum esse hominem erroribus obnoxium, ac proinde potuisse errare in illa definitione; non distinguentes inter errorem Pontificis, quatenus homo est, & inter errorem ejusdem, quatenus Summus Pontifex est, & à Cathedra Petri totam Ecclesiam instruit in fide, & moribus: quopactò habet assistentiam infallibilem Spiritus Sancti, ad non proponendum prava dogmata toti Ecclesiæ, sicut habent Concilia generalia; quæ etiam

Hh 2. com-



componuntur ex hominibus errori obnoxiiis ; & tamen in decretis fidei , & morum errare non possunt. Unde , qui afficiant , Pontificem Romanum posse errare in Decretis fidei , & morum toti Ecclesie intimatis , viam sternunt ad idem asserendum de Conciliis generalibus , ut fecit Lutherus , qui postea assert. 28. & 29. palàm affirmavit , nulum esse Concilium , quod errare non possit ; quod etiam docuit Calvinus lib. 4. instit. cap. 9. §. 8. & est communis error hæreticorum hujus temporis : qui probè scientes , eorum doctrinam esse damnamdam in Conciliis generalibus , si ad hoc congregentur ; se munire volunt hac assertionem adversus Conciliorum definitiones. Hunc spiritum Lutheri imitati sunt aliqui partiales Jansenii , qui ut refert Theophilus Raynaudus tomo 20. pag. 377. postquam certò sciverunt , quinque propositiones Jansenii damnatas fuisse , ut hæreticas ab Innocentio X. adhuc ausi sunt obmuticare , nondum prorsus præclusum esse exitum sectatoribus Jansenii , cum reliquum (ajebant ipsi) sit persequentium appellationis ad generale Concilium , cujus comprobatio in Romana Jansenii damnatione desideratur , cum solius Concilii sit , pronuntiare irrefragabiliter de doctrina fidei.

CLVIII. Quod effugium Jansenistarum continet perniciosum errorem. Cum enim juxta Declarationem Concilii Florentini in litteris Unionis certum sit , Romanum Pontificem , verum Christi Vicarium , totiusque Ecclesie caput , & omnium Christianorum Patrem , ac Doctorem existere. Et ut loquitur

Innocentius III. in Epistola ad Catholicum Armenorum , Romanus Pontifex *Magister sit Christiana fidei* : sanè quando in re dubia , & controversâ inter Catholicos , tanquam supremus Ecclesie Magister , & summus Pastor , controversiam definit , & unam partem tanquam hæreticam , vel erroneam damnat , & pro tali haberi præcipit , omnes fideles tenentur suum judicium conformare ipsius judicio : & quamvis ipsi existimarent , illam propositionem contineri in Scriptura , cum tamen sciant , oppositum asserere auctores gravissimos ante definitionem Pontificis , & evidenter ipsis constet , rem hanc saltem fuisse dubiam ante definitionem Pontificis , & videant , Pontificem post diligentem rei discussionem , quæ in re tam gravi semper præsumi debet , partem , quam illi existimabant Catholicam , declarasse ut hæreticam ; debent judicium suum deponere , & in re antecedenter dubiâ , se conformare cum judicio communis Ecclesie Magistri ; peccabuntque gravissimè contra obedientiam debitam supremo Ecclesie Pastori , si pergant judicare , esse sanam & Catholicam doctrinam , quam ille damnavit , ut hæreticam.

### §. X.

*Demonstratur , concilia generalia confirmata à Pontifice non posse errare in decretis fidei , & morum.*

CLIX. Hoc constat 1. quia cum certum sit ex Evangelio , Christum supra Petrum , & successores ejus fundasse unam Ecclesiam visibilem

bilem usque ad finem mundi duraturam, & permansuram firmam in fide, quin portæ inferi adversus eam prævalere valeant, ut ostendimus cap. 1. certissimum est, reliquisse in Ecclesia sua auctoritatem necessariam ad conservandam unitatem fidei in illa, id est, auctoritatem falli nesciam in edendo symbolum, & proponendo fidelibus articulos fidei, & dogmata ab ipsis credenda; nam unitas Ecclesiæ stare nequit sine unitate fidei, nec unitas fidei conservari potest in Ecclesia, nisi in illa detur autoritas aliqua suprema falli nescia in determinandis fidei, & morum controversiis, cujus iudicio omnes stare debeant. Hæc autem autoritas suprema infallibilis debet esse Summus Pontifex, saltem quando simul cum Concilio generali determinat fidei & morum controversias, & decreta fidel edita à Concilio generali confirmat, & toti Ecclesiæ proponit.

CLX. Hanc Rationē desumo ex D. Thoma 4. contra Gent. cap. 76. n. 2. ubi hæc habet: *ad unitatē Ecclesiæ requiritur, quòd omnes fideles in fide conveniant; circa ea verò, quæ fidei sunt, contingit quæstiones moveri; per diversitatem autem sententiarum divideretur Ecclesia, nisi in unitate per unius sententiam conservaretur.* Exigitur ergo ad unitatem Ecclesiæ conservandam, quòd sit unus, qui toti Ecclesiæ præsit: manifestum est autem, quòd Christus Ecclesiæ in necessariis non deficit, quam dilexit, & pro ea sanguinem suum fudit, cum, & de Synagoga dicatur per Dominum Esaiæ 5. *Quid ultra debui facere vineæ meæ, & non feci? Non ergo dubitandum est,*

*quin ex ordinatione Christi Unus toti Ecclesiæ præsit.* Hæcille.

CLXI. Nec item est dubitandum, quòd præsit cum auctoritate infallibili ad determinandas fidei, & morum controversias, saltem quando eas determinat cum Concilio generali; nam si hanc non haberet, non posset unitatem fidei conservare, sed potius foret causa, ut Ecclesia tota erraret: supremus enim Magistratus, cui in causa fidei omnes tenentur obedire, seu supremus Magister, quem à Cathedra loquentem omnes tenentur audire, si erraret, causa est, ut omnes errarent.

CLXII. 2. Quia certissimum est ex Scriptura, *Ecclesiam esse Columnam, & firmamentum veritatis.* Unde impossibile est, ut Ecclesia Christi erraret in iis, quæ credenda proponit: Ecclesiæ autem Christi verissime dicitur, credenda proponere illa omnia, quæ definiunt Concilia generalia confirmata à Romano Pontifice, & quæ mediante eodem Romano Pontifice intimantur fidelibus, & in Ecclesiis particularibus publicantur. Ecclesia enim non aliter potest proponere fidelibus mysteria credenda, nisi mediante capite Ecclesiæ, & mediis Pastoribus, seu Episcopis, quos Deus præfecit communibus fidelibus: ad plebem enim non attinet docere, sed pasci, nec ovibus convenit pascere, sed pasci. Quorum enim est regere aliquam communitatem, sive in temporalibus, sive in spiritualibus, eorum est determinare, & definire controversias emergentes in illa communitate, sine quorum decisione pax conservari nequit. Et sic indubitatum

H h 3

est,

est, Ecclesiam determinasse omnia, quæ definita sunt in Conciliis generalibus approbatis. Sic in Concilio Nicæno primo approbato à S. Silvestro definita est Divinitas Christi Domini, ejusque æqualitas cum Patre contra Arianos; in Concilio Constantinopolitano primo confirmato à S. Damaso, declarata est Divinitas Spiritus Sancti, ejusque æqualitas cum Patre & Filio contra Macedonium. In Concilio Ephesino primo confirmato à S. Celestino, definitum est contra Nestorium, in Christo unam tantum esse personam, eamque Divinam; ac proinde Beatam Virginem, quæ Mater est Christi, esse verè, & proptèr Matrem Dei. In Concilio Chalcedonensi confirmato à S. Leone, definitum est, & declaratum contra Dioscorum, & Eutychetem, in Christo esse duas naturas, Divinam, & humanam, in unica persona divina, quæ cum semper habuisset naturam divinam per identitatem, in tempore per veram unionem sibi copulavit humanam. Et sic de aliis Conciliis: Hæc autem Concilia S. Gregorius venerabatur, ut quatuor Evangelia. Certissimum ergo est, Ecclesiam Catholicam, quæ est columna, & firmamentum veritatis, determinasse, & definisse ea omnia, quæ definita, & determinata sunt in Conciliis generalibus. Et omnino indubium est, esse hæreses illas omnes doctrinas, quas ut hæretici Concilia illa generalia damnauerunt.

CLXIII. Et sanè cum hæretici nostri temporis, non negent Ecclesiam Catholicam Romanam fuisse veram Christi, Ecclesiam in illis primis quatuor,

vel quinque sæculis, negare non possunt, esse certa, & indubitata omnia illa, quæ determinata, & declarata sunt in illis Conciliis primis Ecclesiæ. Ergo Concilia generalia confirmata à Romano Pontifice, certam & infallibilem fidem faciunt. Alioquin nec Symbolum Nicænum certam fidem faceret; quod tamen hæretici ipsi hujus temporis, ut infallibilem fidei regulam venerantur.

CLXIV. Quod si dixerint, veritates definitas in illis Conciliis esse certas, & indubitatas, non quia sunt in illis Conciliis definitæ, & declaratæ; sed quia continentur in Scriptura, quæ errare non potest: contra est, quia Arius, Macedonius, Nestorius, & Eutyches, qui damnati sunt, ut hæretici in illis Conciliis, Evangelia admittebant, & existimabant, sua dogmata non esse contraria Evangelio, sed potius in illo contineri. Unde Concilia illa, dum damnauerunt illorum dogmata ut hæretica, fideles omnes certificauerunt de eo, quod dogmata illa sint contraria Evangelio. Quod facere non possent, nisi haberent assentientiam infallibilem Spiritus Sancti ad non errandum, dum declarant conciliariter scripturas, & fidelibus proponunt dogmata credenda: Quomodo certificari poterunt fideles de sensu legitimo scripturarum, si non certificantur ex decretis Conciliorum generalium legitime congregatorum, & à capite Ecclesiæ confirmatorum? Quarto à Lutheranis, & Calvinistis, unde certi sint, Arium, Macedonium, Nestorium, & Eutychetem fuisse hæreticos? si dicant; quia certi sumus, docuisse dogmata contra legitimum sensum

ensum scripturæ; ulterius rogabo: unde vobis constat, dogmata ab illis tradita fuisse contra legitimum sensum scripturæ? si dixerint; quia spiritus internus hoc nobis dicat: rogabo; unde scitis, hunc spiritum vestrum internū, qui sicut vobis dicat, dogmata definita in Concilio Nicæno esse vera, ita vobis dicat, esse falsa dogmata definita in Tridentino circa fidem, circa justificationem, & circa Sacramenta, esse falsa? unde, inquam, scitis, hunc esse spiritum Dei, esse spiritum veritatis, & non potius esse spiritum proprium, vel diabolū, & spiritum mendacii? Arius, Macedonius, Nestorius, & Eutyches etiam spiritu interno judicabant, dogmata sua esse conformia Evangelio: nec enim ram tenaciter illa defenderent, nisi internè judicarent, esse conformia Evangelio, & sibi persuaderent, hoc suum iudicium esse ab spiritu veritatis; & tamen vos scitis illos deceptos fuisse. Idè ergo certi estis, fuisse hæreticos illos homines; quia evidenter vobis constat, eorum dogmata damnata fuisse in Conciliis illis generalibus. Ergo fateri debetis, Concilia generalia legitima, & approbata à Romano Pontifice habere auctoritatem infallibilem. Nec ulkum Concilium generale legitimum, & approbatum potestis rejicere, ut mendax, si semel concedatis prima illa quatuor Concilia, quia generalia, & approbata, fuisse auctoritatis infallibilis.

CLXV.3. Eadem veritas probatur ex illo Apostoli ad Ephes. 4. v. 11. *Et ipse dedit quosdam quidem Apostolos, quosdam autem Prophetas, alios verò Evangelistas, alios autem Pastores, & Do-*

*ctores, ad consummationem Sanctorum; in opus ministerii, in adificationem corporis Christi, donec occurramus omnes in unitatem fidei, & agnitionis Filii Dei, in virum perfectum, in mensuram etatis plenitudinis Christi, ut jam non simus parvuli fluctuantes, & circumferamur omni vento doctrina in nequitia hominum, in astutia ad circumventionem erroris: ex quibus verbis constat, Christum reliquisse in Ecclesia sua Pastores & Doctores, ut populū instruant in doctrina fidei & morum, & ita in unitate fidei, & agnitione Filii Dei, id est, ipsius Christi vera cognitione, confirmant, & consolident, ut tanquam parvuli, non circumferantur omni vento doctrinae, & seducantur à falsis Prophetis, id est, ab hominibus seminantibus falsa dogmata. Ergo ope sua assistit Pastoribus, & Doctoribus Ecclesiae, ne illi ita errant in fide, ut populū teneatur illos errantes sequi. Ergo ita assistit illis, ut quando conveniunt ad Concilium generale, & approbante Romano Pontifice definiunt dogmata aliqua, & credenda proponunt, non possint errare. Si enim Pastores, & Doctores in Concilio generali legitimo, & approbato errarent, à rectōque fidei tramite discederent; oves ipsæ, id est, fidelium populus, in errorem ducerentur: ut enim Gregorius docet, cum Pastor per abrupta graditur, necesse est, ut per precipitium oves sequantur.*

CLXVI. Et sanè cum Papa sit caput universale visibile totius Ecclesiae, & Episcopi particulares sint capita suarum Ecclesiarum, & ad ipsos tanquam ad pastores spectet, populos

tan-

tanquam oves pascere doctrinâ veritatis, & communes fideles instruere in fide, & moribus tanquam ipsorum Magistros, atque Doctores; fieri non potest, nisi ut membra reliqua eò deficiantur, quò, & oculi suam vim, atque aciem intenderint, & caput sese inclinaverit, atque deflexerit. Fidelium ergò reliquorum turba, si videret, Episcopos convocatos ad Concilium generale simul cum Summo Pontifice controversiam fidei determinasse, & unam partem credendam proposuisse, illam partem, ut veram deberet amplecti & oppositam rejicere, ut hæreticam, ac proinde errante Concilio generali, tota Ecclesia erraret.

CLXVII. 4. Probatur ex Christi promissionibus factis Ecclesiæ suæ: nam Joan. 14. *Ego (inquit) rogabo Patrem, & alium Paracletum dabit vobis, ut maneat vobiscum in æternum, Spiritum veritatis, quem vos cognoscetis, quia apud vos manebit.* Et postea. *Paracletus autem Spiritus ille vos docebit omnia, & suggeret vobis omnia, quæcumque dixero vobis.* Item Joan. 16. *Cum autem venerit Spiritus veritatis, ille vos docebit omnem veritatem.* Quæ verba non possunt intelligi de solis Apostolis, sed referri debent quoque ad eorum successores Episcopos, ut constat ex illis verbis, *ut maneat vobiscum in æternum.* Et ex illa alia Christi promissione, Mat. ultimo: *Ecce ego vobiscum sum omnibus diebus usque ad consummationem sæculi.* Item patet ex illis Christi verbis, Joan. 17. *Sanctificæ eos in veritate: sermo tuus veritas est. Pro eis ego sanctificæ me ipsum, ut sint & ipsi sanctificati*

*in veritate. Non pro eis autem rogo tantum, sed pro eis, qui credentibus sunt per verbum eorum in me.* Ergo promissiones illæ factæ sunt non solum Collegio Apostolorum, sed Collegio Episcoporum, qui illis successuri erant in munere pastoralis, & factæ sunt Ecclesiæ in capite illorum. Nec verba illa referri possunt ad singulos Episcopos, singulosque fideles in particulari, quia constat, non singulis promississe Christum Spiritum veritatis; cùm ex Scriptura sit manifestum, oportere, ut hæreses sint, & ex Ecclesia prodiuros, qui prava dogmata seminant; ut fecerunt Dioscorus, Nestorius, & alii hæresarchæ, qui Episcopi fuerunt. Intelligendæ ergo sunt de communitate Episcoporum; ad quos tanquam ad Pastores pertinet pascere Ecclesiam Dei: Ergò quando convocantur à Vicario Christi ad Concilium generale, ut in eo definiant aliquam fidei, & morum controversiam, illamque definiunt approbante eodem Pontifice, & confirmante eorum definitionem, habent assistentiam infallibilem Spiritus Sancti ad non errandum.

CLXVIII. Si enim Christus dixit Matth. 18. *Ubi sunt duo, vel tres congregati in nomine meo, ibi sum in medio eorum.* Quantò magis erit in medio Episcoporum, qui ex mandato Summi Pontificis ex omni mundi parte conveniunt in unum locum ad providendum Ecclesiæ in magna aliqua necessitate, & ipso approbante, & confirmante determinant aliquam fidei, vel morum controversiam, ut ipsis assistat, ne in tanti momenti errant. Ut enim explicat Cardinalis Bellarm. lib. 2. de Conciliis cap. 2.

cap. 2. illorum verborum, hic sensus est: *si duo vel tres*, congregati in nomine meo, obtinent semper, quod petunt à Deo, nimirum sapientiam, & lumen, quod sufficit eis ad cognoscenda ea, quæ ipsis necessaria sunt, quânto magis Episcopi omnes, congregati in nomine meo, semper obtinebunt, quod iuste petunt, id est, sapientiam, & lumen ad iudicanda ea, quæ ad totam Ecclesiam dirigendam pertinent?

CLXIX. Itaque si pauci, si multi, si privati, si Episcopi congregentur in nomine Christi, omnes habent Christum præsentem, & adjuvantem, & obtinent, quod eis convenit obtinere; sed in congregatione paucorum, & privatorum adest Christus, ut eos adjuvet in rebus paucis & privatis; in congregatione autem Episcoporum adest, ut eos adjuvet in rebus magnis, & publicis. Ita hunc locum exponit, & hoc argumento utitur Concilium Chalcedonense in Epistola ad Leonem, quæ est post finem tertie actionis ejusdem Concilii. Item sexta Synodus a. d. 17. Toleranum III. non procul ab initio. Item Innocentius Papa ad Gratian. dist. 20. Can. de quibus. Cælestinus in Epistola ad Ephesium Concilium I. & Cyrillus in expositione Symboli Nicæni circa principium.

CLXX. Dixi Romano Pontifice approbante, & confirmante. Ut enim sapienter sentit M. Cano lib. 8. cap. 5. sicut congregatio Concilii, reclamante vero, certoque Ecclesiæ Pontifice, vana est, & irrita, sic doctrina, cui præsens Pontifex per se, vel absens per Legatos suos contra dicit, incerta est, atque imbecilla. Et ideo Concilium generale, etiam

legitimi Pontificis autoritate congregatum, in fide errare potest, si Pontifex per se, vel per Legatos suos non consentiat ipsius Decretis; ut manifestè apparuit in Concilio generali Ephesino secundo, autoritate S. Leonis Magni congregato, in quo Legatis ejusdem Leonis repugnantibus Episcopi ferè omnes Dioscori hæresi subscripserunt. Et quidem Concilia generalia à Romano Pontifice non confirmata, firma non esse, probat luculenter idem S. Leo epistolis 12. 13. 21. 22. 23. & 24. & Synodus octava actione 7. Nicolaus Papa in epistola ad Michaiem Imperatorem. Et Eugenius IV. in Decreto super unione Jacobinorum, in quo postquam Ephesium secundam Synodum sub Leone congregatam condemnavit, quia errorem Eurychetis approbavit, subjunxit, *suscipit sancta Romana Ecclesia omnes universales synodos, autoritate Pontificis legitime congregatas, ac celebratas, ac confirmatas*: ubi non solum requirit ad valorem, & firmitatem synodorum, quod autoritate Romani Pontificis celebrentur, sed simul quod ab illo confirmentur: nec enim primum sine secundo sufficit.

CLXXI. Quirò probatur, Concilia generalia à Romano Pontifice confirmata esse regulam infallibilem fidei. Nam Ecclesia Catholica, quæ est columna, & firmamentum veritatis, nequit esse Magistra errorum: foret autem Magistra errorum, si Concilia generalia, confirmata à Pontifice, in fide errare possent; illa enim Concilia, ut unita capiti Ecclesiæ, repræsentant Universam Ecclesiam, & quod Concilia ejusmodi definiunt, Ecclesia Catholica



dicitur definire, & docere, & ideo S. Augustinus Lib. 1. de Baptismo contra Donatistas cap. 18. dixit: *Plenarij Concilij sententiam totius Ecclesie consensionem esse*. Et Martinus V. cum Concilio Constantiensi, quatenus inconcussè fuit generale, & ex omnibus obedientiis compositum, hanc veritatem stabilivit; siquidem inter alias interrogationes, quibus suspecti in fide erant examinandi, proposuit hanc: *Vtrum credant, quod quodlibet Concilium generale universalem Ecclesiam representet*. Quod ergò Concilium generale Legitimum, & à Romano Pontifice confirmatum, definit tanquam articulum fidei, & omnibus credendum proponit, id Ecclesia Universalis Catholica docet, & credendum proponit. Utenim sapienter notat Bellarminus tomo primo controversiarum lib. 3. de Verbo Dei cap. 5. (prout habetur in tomo, qui servatur in Bibliotheca nostri Collegij Romani manu propria ipsius Cardinalis correcto, quem ego vidi) *Ecclesia non aliter loquitur quàm per os Pastorum ac Doctorum, ac precipuè in Concilio generali congregatorum, quod Concilium, vel summum Pontificem habuerit presentem, & Presidem, vel Confirmationem atque approbationem ab eo meruerit obtinere*. Non enim Ecclesia Catholica Universalis dicitur docere aliquid, quia universi fideles suffragium habeant in determinandis fidei controversiis; esset enim non solum impossibile, sed indecens, & ridiculum, in fidei & morum questionibus determinandis cordonum, & muliercularum rogare sententias, & iudicium expectare. Sed dicitur Ecclesia

Universalis aliquid docere; quando id docet Concilium generale confirmatum, per quod Ecclesia Universalis representatur, vel quando seorsim à Concilio Generali Romanus Pontifex, ut Vicarius Christi, è Cathedra Petri totam Ecclesiam instruit, & illi toti veritatem aliquam credendam proponit: Ut enim inquit D. Thomas 2. 2. q. 11. art. 2. ad tertium: *authoritas Ecclesie principaliter residet in summo Pontifice: quod probat ex Hieronymo, ex jure canonico 24. q. 1. cap. quotiescumque*.

CLXXII. Cùm ergò Universalis Ecclesia verè dicatur docere, & credenda proponere ea omnia dogmata, quæ Concilia generalia approbata proponunt credenda; & cùm ex Christi promissione Ecclesia Universalis nequeat errare in Doctrina fidei, & morum, necessarò infertur, Concilia generalia esse regulam vivam infallibilem fidei, & iudicem infallibilem controversiarum fidei.

CLXXIII. Quod confirmatur: nam ad explorandum, quid sentiat Universalis Ecclesia Catholica, non est necesse, adire singulos fideles, & rogare, quid ipsi sentiant, & credant; sed satis est, exquirere commune iudicium Episcoporum Ecclesiarum Catholicarum; id enim Ecclesia Catholica docet, quod docent communiter ejus omnes Episcopi. Unde Patres Concilij Ephesini, ut explorarent, an Nestorius haberet veram fidem, & sentiret, atque doceret id, quod sentit, & docet Universalis Ecclesia Catholica, ad ipsum scripserunt Epistolam, in qua exigunt, ut si satisfacere Ecclesiarum velit, *inre jurando fateatur sentire*

*tire se, & docere, quæ Univerſi per Orientem, & Occid. nem Episcopos præſides, quæ populorum crederent, ac docerent.* Quæ etiam Epistola comprobata est à texta ſynodo generali Actione 11. In Concilio quoque Tridentino ſeſſ. 3. definitum est, *Eccleſia eſſe, judicare de vero ſenſu & interpretatione Scripturæ*; inſanum autem eſſet, velle, ut tota fidelium multitudo de ejuſmodi re iudicium ferat: ſufficit ergò, Paſtores, ac Doctores Eccleſiæ de illa re iudicium ferre, approbante Romano Pontifice, & id dicetur Eccleſia judicare. Idque confirmatur ex hiſtoria Eccleſiaſtica Eusebii Cæſarienſis lib. 4. cap. 22. in qua celebratur diligentiffima fidei inquiſitio, quam fecit Egeſippus Philoſophus, qui Romam veniens, cauſâ veræ Religionis quærendæ, & inveniendæ, non populari ſententiam ad fidē requiſivit, ſed ſatiſfeciffe ad fidei ſuæ confirmationem viſus eſt, ſi iudicium commune Episcoporum per Loca ſingula, & Doctorem ſententiam exquireret. Ergò quod Episcopos ad Concilium generale congregati ſimul cum Romano Pontifice determinant, & definiunt, id Eccleſia Catholica verè definit, & determinat. Cùm ergò impoſſibile ſit, Eccleſiam Catholicam in doctrina fidei errare, impoſſibile eſt, ut Concilia Generalia à Pontifice approbata errent.

CLXXIV. Denique probatur ex illo Actorum 15. v. 28. *Viſum eſt Spiritui Sancto, & nobis, nihil ultra imponere vobis oneris quàm hac neceſſaria*; &c. Cùm enim Antiochiæ orta eſſet ſeditio ob Iudæos, qui volebant gentes ad Deum converſas circumcidi; Paulus & Barna-

bas venerunt Hieroſolymam, ut rem ad Apoſtolos referrent, qui poſt Petri, & & Jacobi ſuffragia, communi Decreto per litteras ſtatuunt, gentes converſas non ligari lege Moyſi; & hoc decretum miſerunt Antiochiam per Judam, & Silam ſimul cum Paulo & Barnaba; decretum autem erat illud, *viſum eſt Spiritui Sancto, & nobis.* Ex quo conſtat, concilia legitime congregata, in quibus præſidet Petrus, vel Pontifex Romanus ejus Succeſſor, per ſe, vel per legatos ſuos, & in quibus approbante ſede Petri determinatur quæſtio fidei, habere aſſiſtentiam inſalibilem Spiritus Sancti ad non errandum, & decreta ejuſmodi Conciliorum eſſe decreta Spiritus Sancti. In hoc autem Concilio, quod fuit norma, & exemplar aliorum, quæ ſucceſſu temporis congreganda erant, præſedit Petrus; ut patet ex verſu 7. *Cùm autem magna conquiſitio fieret, ſurgens Petrus dixit ad eos, & palam pronuntiavit, non eſſe imponendum jugum legis Moſaicæ converſis ad fidem Chriſti: Nunc ergò, quid tentatis (ajebat) Deum, imponere jugum ſuper cervices Diſcipulorum, quod nunquam patres noſtri, nec nos portare potuimus?* Poſt Petrum locutus eſt Jacobus, tanquam Episcopus ejus Locis, in quo celebratum eſt Concilium, & dixit v. 13. *Viri fratres audite me, & confirmavit, quæ dixerat Petrus, & ſuffragium ſuum iis verbis concluſit: Propter quod ego iudico, non inquietari eos, qui ex gentibus convertuntur ad Deum v. 19.*

CLEXXV. Notandum eſt, quodd Petrus, qui quatenus Apoſtolus, & tanquam caput Eccleſiæ habebat aſſiſtentiam

tiam infallibilem Spiritus Sancti, ad non errandum in Decreto fidei; nihilominus noluisset solo quæstionem hanc determinare, sed communi suffragio Apostolorum, qui aderant; Ut scilicet relinqueret exemplum successoribus suis, ut quæstiones fidei non determinent, quin præcedat matura inquisitio, & deliberatio, & ut ad damnandas hæreses utantur communi suffragio aliorum Episcoporum, imò convocent Concilium generale, quando commodè fieri potest. Ut enim ponderat P. Suarez disput. 5. de fid. Sec. 5. n. 10. interdum convenit, ut Pontifex non definiat sine Concilio generali, nimirum ad maiorem Ecclesiæ satisfactionem, itaque magis consuet de communi consensu ejus, & ad maiorem confusionem hæreticorum, vel quorumcumque contradicentium, ut rectè nobis declarant Apostoli exemplo suo Act 15. Ceterum quando est periculum in mora, & necessitas, vel utilitas Ecclesiæ id postulat, potest, & solet Papæ fidei sine Concilio generali definire, & toti Ecclesiæ proponere; quamvis nunquam id faciat non præcedente magna deliberatione, & multis consultationibus.

## §. XI.

*Ostenditur, Romanum Pontificem etiam extra Concilium Generale, & non expectato Ecclesiæ consensu, esse infallibilem controversiarum fidei iudicem.*

CLXXVI. **R**omanum Pontificem habere auctoritatem infallibilem ad definiendas fidei, & morum controversias extra Concilium

generale, & consequenter non expectato Ecclesiæ consensu, *communissimam omnium ferè Catholicorum sententiam* appellat Bellarminus lib. 4. de Roman. Pontif. cap. 2. *quam totus orbis, exceptis pauculis Doctoribus amplectitur*, ut inquit celebris Doctor Sorbonicus Andreas Duvalius r. 2. in l. 2. pag. 846. & 754. *quam unice Hispania, Italia, omnesque Christianitatis Provincia docent, ita ut illa, quam sententiam Parisiensem vocant, ad classem earum opinionum reducenda sit, quæ tolerantur*, ut scripsit anno 1662. Illustrissimus Petrus de Marca Archiepiscopus Parisiensis in observationibus ad Theses Claromontanas, quæ Teste Stephano Ballutio, postremum ejus opus fuerunt. Quam sectantur omnes Christiani orbis Universitates, ut testatur idem Marca ibidem iis verbis: *Authoritas, infallibilem sententiam in Causis fidei pronuntiandi, est Romanis Pontificibus omnium Universitatum consensu acquisita, excepta tamen contigua Sorbona, idest excepta Universitate Parisiensi*, paulò post Concilium Constantiense, & tempore Concilij Basileensis, & postmodum per aliquot annos in eo statu, quæ in habuit, quando post Joannem Gersonem Cancellarium Universitatis aliqui Doctores Parisienses, ut Jacobus Almainus, & Joannes Major docere cæperunt, Papam esse in definiendo fallibilem, ejusque judicium posse reformari à Concilio. Et propterea gravissimus Doctor, & Decanus Lovaniensis Ruardus Tappe orat. 3. Theolog. pag. 393. testatur, eam Doctrinam esse noviter introductam à quibusdam Parisiensi contra Doctri-

*Doctrinam veterum omnium Scripto-  
rum, qui Romani Pontificis iudicium in  
quaestionibus fidei infallibile esse tradunt.  
Et ideo eruditissimus Theophilus Ray-  
naudus, in opusculo, cui titulus Aucto-  
ris est, seu ipse dixit, testatur, pro infalli-  
bilitate Romani Pontificis allegari pos-  
se Theologos omnes, quotquot ante Conci-  
lium Constantiense floruerunt: nam non-  
nisi (subjungit) à tempore Concilij Con-  
stantiensis, & Basiliensis vocata est in  
controversiam hac veritas apud Catho-  
licos, sed omnes anteriores unanimiter  
docuerunt, definitiones Pontificias abs-  
que Concilio generali editas facere rem  
de fide. Et ut ostendit D. Josephus Gi-  
balinus author quoque Gallus lib. 5. de  
Jure Can. cap. 3. §. 15. Hæc fuit  
semper Doctrina schola Theologica Pa-  
risiensis tam in definitionibus, & censuris  
editis ab ipsa in unum congregata, quam  
in scriptis singulorum ipsius universitatis  
Doctorum. Hanc Doctrinam etiam  
hoc tempore major pars Doctorum  
Sorbonæ, & Galliarum defendit, ut scribe-  
bat Illustrissimus Marca anno 1662. in  
observationibus ad Theses Claromonta-  
nas num. 34. Paris (inquit) major non  
solum Theologia, sed etiam juris Docto-  
rum communi opinioni adhaeret, utpotè  
fundamentis nixa soluti difficillimis, ri-  
deturque antiqua Sorbonæ opiniones.*

CLXXVII. Unde mirandum est,  
quòd his ultimis annis tanta sit apud ali-  
quos facta mutatio in Gallia, ut Con-  
ventus habitus Parisius anno 1682. nega-  
verit summo Pontifici eam infallibilita-  
tem, quam tota Gallia semper ante Con-  
cilium Constantiense professæ est, &  
quam post Concilium Constantiense

innumerabiliter plures in Gallia pro-  
pugnabant, quàm oppugnabant, &  
quam tota Gallicana Ecclesia ann. 1653.  
in Pontifice agnoverat. Et quidem ut  
omnino necessariam ad succurrendum  
Ecclesiæ periclitanti in Janсениismi pro-  
cellis. Qui scire desiderat hujus tam  
celeris mutationis causas, legat Eu-  
genium Lombardum eas latè exponen-  
tem in suo Regali Sacerdotio à pag. 3. us-  
que ad 14. Nobis satù sit, advertere,  
Declarationem illam de potestate Ec-  
clesiastica editam à Conventu Parisien-  
si, immeritò publicatam esse sub specio-  
sissimo titulo cleri Gallicani, quia il-  
lam non edidit Communitas Illustrissi-  
mi cleri, ut probat author præclari  
operis de libertatibus Ecclesiæ Gallica-  
næ num. 6. Præfationis. Præterquam  
quòd (inquit) Episcopi tantùm congrega-  
ti hanc declarationem emisere, alius non  
mandantibus, nec sua sponte probaturis;  
contrariam mentem frequentibus, & li-  
berioribus Comitibus aliàs idem clerus  
aperuit

CLXXVIII. Infallibilitatem hanc  
Romani Pontificis non solum defen-  
dunt nunc omnes reliquæ nationes or-  
bis, omnèsque Universitates, sed om-  
nes Religiosæ familiæ. Religio S. Be-  
nedicti cum S. Anselmo lib. de Incar-  
nat. Verbi cap. 1. Religio Cisterciensis  
cum S. Bernardo Epist. 190. & lib. 2. de  
confid. paulò post medium. Religio  
S. Domini cum S. Thoma 2. 2. q. 1. ar.  
10. & 4. contra gent. cap. 76. Religio  
S. Francisci cum S. Bonaventura t. 1.  
opuscul. fol. 373. & t. 2. fol. 494. & in  
4. dist. 19. art. 3. q. 1. & cum Alexan-  
dro Alensi 3. par. summæ fol. 160. Re-

ligio S. Augustini post S. Doctorem, cum Ægidio Romano in libro de renuntiatione Papæ cap. 8, cap. 9. & 10. & in 3. dist. 29. part. 2. q. unica ar. unico. Religio Carmelitana cum suo Antesignano Doctore resolutio Joanne Bachonio in Prologo libri quarti sent. q. 10. & denique Doctores omnes Societatis Jesu nullo excepto, cum Bellarmino, & Suarez, & Valent. post S. Ignatium in Epistola ad Claudium Abissinorum Imperatorem, & post Didacum Laynes in Concilio Tridentino apud Cardinalem Pallavicinum in historia Concilii lib. 18. cap. 14.

CLXXIX. Et hanc sententiam adeò certam existimant gravissimi Theologi, ut P. Franciscus Suarez disp. 5. de fide sec. 8. n. 4. censeat, *esse rem de fide certam*; & disput. 20. sec. 3. n. 22. responsionem cujusdam authoris asserentis, *non esse de fide certum, Pontificem definitentem sine Concilio generali non posse errare*, appellet, *non solum nimis temerariam, sed etiam erroneam*. Et magnus Cardinalis Bellarminus tom. 1. manu propria: correcto ('prout servatur in Bibliotheca Collegii Romani') lib. 4. de Romani Pontifice asserat, illam doctrinam *videri omnino erroneam, & heresi proximam, ut meriti possit judicio Ecclesia hæretica declarari*. Et Cardinalis Tolerus in Commentariis in 2. 2. q. 1. ar. 10. controversia 8. concl. 5. dicat, *esse errorem manifestum in fide*, & M. Cano, lib. 6. de locis cap. 6. pronuntiet, *se non dubitare, si Concilio proponeretur, quòd damnaretur, ut hæresis*, & P. Banez 2. 2. q. 1. ar. 10. dubio 2. concl. 4. postquam asseruit, in

*publico judicio fidei non posse summum Pontificem errare*, addit. *Et procul dubio si questio hac ad Concilium legimum deferretur, non dubito, quin prædicta conclusio definiretur tanquam vera fides, & contraria anathematizaretur*. Nec mirum, nam certius est, Papam non posse errare in determinandis fidei, & morum controversiis, quando è cathedra Petri toti Ecclesie declarat, quid tenere debeat, quàm in nullo casu subjacere Concilio: & tamen Cardinalis Pallavicinus in hist. Tridentini lib. 24. c. 2. n. 12. affirmat, *ex decem partibus Patrum novem, & amplius convenisse ad dandum suffragium pro definitione, quòd: Papa sit supra omnia Concilia*.

CLXXX. Gravissimusetiam Theologus Gregorius de Valentia tom. 3. princ. 7. §. 41. col. 246. censeat, auctores, asserentes, posse Papam errare in determinandis fidei, & morum questionibus, quæ inter ipsos Catholicos sunt controversæ, *errare in fide gravissime*; & ibidem §. 45. col. 298. asserit, eos, qui Concilium Pontifice superius faciunt, *pugnare revera, licet inadvertentes, cum certissima fide de D. Petri, ac Romani Pontificis Primatu*.

CLXXXI. Ego ab omni censura abstinens, & supponens, Papam, ut Doctorem particularem posse errare; & præscindens ab eo, an possit errare, dum consultus, ut Pontifex in casu particulari, responderet secundum sententiam sibi probabiliorē, quam veram putat, hoc tanquam conclusionem Theologicam omnino certam, statuo, *Pontificem definitentem ex cathedra esse regulam vivam fidei, & judicem infalibilem*.



*libilem controversiarum. Tunc autem* (inquit P. Suarez disp. 5. de fide sec. 8. n. 4.) *Romanus Pontifex loquitur è Cathedra, & ut Summus Pontifex, de rebus fidei, quando aliquid authenticè univèrsæ Ecclesiæ proponit, tanquam fide divina credendum. Et ut ait P. Valentia tom. 3. col. 250. toties loquitur Romanus Pontifex è Cathedra, & tanquam Christi Vicarius, & Summus Ecclesiæ Pastor, quoties de rebus fidei controversis alteram sententiam ita determinat, ut ad illam recipiendam obligare velit totam Ecclesiam. Hanc conclusionem alibi à me latè probatam ex omnibus locis Theologicis, ex Scriptura, ex traditione Apostolica, ex Conciliis generalibus, & Provincialibus, ex perpetua praxi Ecclesiæ, ex Decretalibus Summorum Pontificum, ex communi sensu Patrum, ex jure canonico, & ex communi consensu Theologorum; in præsentī breviter rationibus Theologicis ostendam.*

CLXXXII. Et imprimis probatur ratione, quæ D. Thomas 2. 2. q. 1. ar. 1. ostendit, ad Summum Pontificem pertinere, fidei symbolum ordinare. Id autem hæc ratione probat: Siquidem nova editio symboli necessaria est ad evitandum insurgentes errores: ad evitandum autem insurgentes errores nimis periculosum foret, expectare Concilium generale, quia ad hoc multo tempore opus est; unde interim grassarentur errores. Hinc sic infert Angelicus Doctor. *Ad illius ergò auctoritatem pertinet editio symboli, ad cuius auctoritatem pertinet, finaliter determinare ea, quæ sunt fidei, ne ab omnibus inconcussa fide teneantur.*

*hoc autem pertinet ad auctoritatem Summi Pontificis, ad quem majores, & difficiliores Ecclesiæ quæstiones referuntur, ut dicitur in Decret. distinct. 43. Unde, & Dominus Luc. 22. Petro dixit, quem summum Pontificem constituunt, Ego pro te rogavi, Petre, ut non deficias fides tua: & in aliquando conversus confirma fratres tuos. Et hujus ratio est: quia una fides debet esse totius Ecclesiæ: secundum illud 1. ad Corinth. 1. Id ipsum dicatis omnes, & non sint in vobis schismata. Quod servari non posset, nisi quæstio fidei, de fide exorta, determinetur per eum, qui toti Ecclesiæ præest: ut sic ejus sententia à tota Ecclesiâ firmiter teneatur. Et ideo ad solam auctoritatem Summi Pontificis pertinet nova editio symboli; sicut & omnia alia, quæ pertinet ad totam Ecclesiam, ut congregare synodum generalem, & alia ejusmodi.*

CLXXXIII. 2. Argumentor, quia cum certum omnino sit, & de fide, Christum reliquisse in Ecclesiâ suâ auctoritatem infallibilem ad determinandas fidei, & morum controversias; & cum hæc auctoritas sit accidens quoddam spirituale; evidens est, reliquam esse à Christo in aliquo subiecto, cui primariò, & per se conveniat, & unde possit derivari participativè in alia. At hoc subiectum, cui primariò insidet hæc auctoritas, nec est cumulus ipse, seu universitas omnium fidelium, nec cumulus, seu universitas optimarum Ecclesiæ, seu universitas omnium Episcoporum: ergò est unus aliquis Episcopus, nempe Romanus Pontifex, in quo tanquam in Summo Pontifice, & Christi Vicario, collocata sit primariò, & prin-



& principaliter ab ipso Christo hæc infallibilis auctoritas pro bono totius Ecclesiæ. Et ideo S. Thomas 2.2. q. 11. ar. 2. ad 3. dicit: *authoritas Ecclesiæ principaliter residet in Summo Pontifice.* Et probat ex Jure Canonico: dicitur enim 2.4. q. 1. *Quotiens fidei ratio ventilatur, arbitror, omnes fratres nostros, & Coepiscopos non nisi ad Petrum, id est, ad sui nominis auctoritatem referri debere.* Contra cuius auctoritatem nec Hierony. nec August. nec aliquis sacerdotum Doctorum suam sententiam defendit. Unde dicit Hierony. ad Damas. Papam; *Hæc est fides, Papa beatissime, quam in Catholica didicimus Ecclesiæ: in qua si minus perit, aut parum caute forte aliquid positum est, emendari cupimus à te, qui Petri fidem, & sedem tenes.* Si autem hæc nostra confessio Apostolatus tui iudicio comprobatur, quicumque me culpare voluerit, se imperium, vel malevolum, vel etiam non Catholicum, non me hæreticum comprobabis.

CLXXXIV. Quod hæc infallibilis auctoritas non sit relicta, tanquam in subiecto, in cumulo, seu universalitate fidelium, videtur manifestum; tum quia illi non possunt in aliquem unum locum convenire ad determinandas fidei, & morum controversias; tum quia ridiculum foret, rusticos, & ignorantos habere suffragium in determinandis fidei, & morum controversiis; tum quia docere, & definire res fidei, attinet ad Pastores, non ad oves, unde universal, & cumulo fidelium convenit quidem infallibilitas passiva, & in credendo, quia non potest tota Ecclesiæ in fide errare; non autem infallibilitas acti-

va, & in docendo, in definiendo, & in proponendo aliis, quid credere debeant.

CLXXXV. Quod non sit relicta in cumulo, seu universitate Episcoporum, tanquam in subiecto primario, inde probatur; quod cum ad conservandam unitatem fidei necessaria sit aliqua visibilis regula, quæ auctoritate tutissimâ fidei dubia resolvere valeat, & subinde nascenti hæresum monstra in cunis elidere, & adquam Reges, & Principes tam sæculares, quam Ecclesiastici confugere possint, ne in eorum regna, & dilationem prava dogmata irrumpant, & radices agant, non sufficienter Christus providisset Ecclesiæ suæ, si auctoritatem infallibilem illam reliquisset, tanquam in subiecto primario, in cumulo, seu universitate Episcoporum, ut convenientes in unum in Concilio generali definirent fidei, & morum controversias, vel si relinquens in Petro, & successoribus ejus tanquam in subiecto primario hæc auctoritatem infallibilem, non promississet illis infallibilem Spiritus sancti assistentiam, ad definiendas fidei & morum controversias, nisi sub conditione, quod illas definirent in Concilio, & cum Concilio generali. Cum enim Concilia generalia non nisi raro, & magnâ difficultatum mole superatâ congregari possint, miserrima esset Ecclesiæ conditio, si non nisi convocato concilio generali damnari absque errandipericulo hæreses possent, & liberum interim eorum authoribus foret, Summorum Pontificum definitiones eludere, utpote ortas ab homine, qui etiam dum totam Ecclesiæ à Cathedra Pe-

mi

tri in fide, & moribus instruit, errare possit, si id faciat extra Concilium generale, quamvis diligentissimè rem examinet, & Theologorum, atque Doctorum judicia exquirat.

CLXXXVI. Quis non videat, absurdum esse, quòd Christus opem suam promissam Petro, & successoribus ejus ad non errandum in decretis fidei & morum, directis ad universam Ecclesiam, alligaverit conciliis generalibus? quasi sine illis non possint Pontifices Summi Scripturas sufficienter scrutari, monumenta Patrum evolvere, & debitam diligentiam adhibere ad requiring veritatem. Dicendum ergò est, hanc auctoritatem infallibilem non esse relictam à Christo in cumulo, seu in universitate Episcoporum, tanquam in subiecto primario.

CLXXXVII. Quod à posteriori, & absurdo inde svadetur: nam hæc auctoritas infallibilis ad definiendas fidei, & morum controversias est propria supremæ potestatis spiritualis, quam Christus reliquit in Ecclesia: hæc autem suprema potestas non est in cumulo, seu universitate Episcoporum; quia in concilio Constantiensi, quatenus inconcussè universali, deficiat est, *Papam canonicè electum habere supremam auctoritatem in Ecclesia Dei*: siquidem *Martinus V.* anno 1418. edidit constitutionem, quæ incipit, *inter cunctas*, in qua sacro approbante Concilio jam pleno, damnati sunt errores Joannis Wiclefi, & Joannis de Hus, quæ robor infallibile dedit damnationi horum errorum facta à Concilio sel. 8. quando non erat generale. In ea autem consti-

tutione circa articulum vigesimum quintum hæreticorum, is qui foret de hæresi suspectus, jubetur explorari sub hac forma: *num credat, quòd Papa canonicè electus, qui pro tempore fuerit, ejus nomine proprio expresso, est successor Divi Petri, habens supremam auctoritatem in Ecclesia Dei.* Ergò Concilium Constantiense, quatenus plenum, & confirmatum à Martino V. definivit, eum hominem, qui pro tempore fuerit canonicè electus, & ab Ecclesia pro vero Pontifice agnitus, qualis est nunc Innocentius XI. qui sanctissimè Ecclesiam regit, habere supremam auctoritatem in Ecclesia Dei. Ergò est de fide, Papam certum & indubitatum habere supremam auctoritatem in Ecclesia Dei. Ergò hanc supremam auctoritatem non habet Concilium generale, quatenus à Papa distinctum; nam implicat, ut in Ecclesia Christi detur duplex suprema potestas spiritualis. Ergò non reliquit Christus in Concilio generali, quatenus distincto à Pontifice, nec in cumulo Episcoporum, ut tali, tanquam in subiecto primario auctoritatem infallibilem ad decidendas fidei, & morum controversias; nam hæc auctoritas infallibilis necessariò imbibitur in suprema auctoritate, vel ad illam necessariò consequitur.

CLXXXVIII. Hinc P. Valentia tomo 3. q. 1. de fide, princ. 7. §. 45. col. 298. de falsitate convincit sententiam Gersonis, Jacobi Almaini, & Joannis Majoris, qui incautè auctoritatem concilii superiorem fecerunt auctoritate Papæ, non solum tempore schismatis, quando dantur multi Pontifices dubii

K k

(pro

(pro quo casu eorum sententia est vera) sed etiam quando datur Papa certus, & indubitatus; pro quo est aperte falsa, quia ejus (inquit) tantum est, controversiam fidei cum infallibili auctoritate determinare, cuius est in Ecclesia suprema post Christum potestas spiritualis. Sed si premia hac potestas duntaxat Romani Pontificis est, non autem ubi Concilii, seculo Pontifice ergo &c. Postquam autem utramque præmissam hujus syllogismi probavit, subjungit immediatè. Atque hinc profectò illorum authorum sententia manifestè revincitur, qui Concilium universale Pontifice superius faciunt. Pugnant enim illi revera (licet non advertentes) cum certissima fide de Divi Petri, ac Romani Pontificis Primatu. Hæc ille: merito autem P. Valentia appellat sententiam de Primatu Romani Pontificis certissimam, & de fide. Constans enim est inter omnes Doctores Catholicos, D. Petrum, cui Christus dixit: *Pasce oves meas*; item: *Tibi dabo claves regni cælorum*, habuisse primatum potestatis, & jurisdictionis in universa Ecclesia Christi, & in universam Ecclesiã, & fuisse summum Pastorem totius ovilis Christi. Ut enim nomine omnium Catholicorum inquit Bellarminus lib. 1. de Romano Pontifice cap. 16. nobis certum, exploratissimæ est, omnes omnino Christianos, etiam Apostolos, Petro tanquam oviculas commendari, cum ei dicitur, *Pasce oves meas*.

CLXXXIX. Rursus constans, & certum est inter Doctores Catholicos, Romanum Pontificem succedere Petro non solum in Episcopatu Romano, sed

in Pontificatu Ecclesiæ universæ, seu in Primatu, idque ex jure divino, & ratione successionis, ut latè demonstrat Bellarm. lib. 2. de Romano Pontifice à cap. 12. Et ideo eximius Doctor P. Franciscus Suarez disp. 5. de fide sec. 8. n. 1. dixit: *Ex communi sensu, ac traditione Ecclesiæ, & Patrum omnium constat, Christum instituisse Primatum Ecclesiæ in persona Petri, ut in successoribus ejus perpetuò duraret: Et ita hic est articulus tenendus non solum tanquam de fide, sed tanquam unum ex principis fundamentis fidei, & maxime necessarium ad tollendæ hæreses, & schismata.* Unde Bernardus lib. 2. de considerat. ad Eugen. cap. 9. expendens verba illa Christi, *Pasce oves meas*, subjungit: *Quas? illius, vel illius populos Civitatis, aut regionis, aut certi regni? Oves meas, inquit: cui non planum, non designasse aliquas, sed assignasse omnes? Nihil excipitur, ubi distinguitur nihil.* Et ego in tractatu Theologico de infallibilitate Romani Pontificis, in definiendis fidei, & morum controversiis extra Concilium generale, & non expectato Ecclesiæ consensu, disput. 3. ex Concilio Nicæno, ex Constantinopolitano primo, & ex Chalcedonenſi latè probavi, Romanum Pontificem semper in Ecclesia, & in Ecclesiam Dei habuisse Primatum, & consequenter ad hæc Concilium Florentinum in Decreto fidei, sic disertè pronuntiat sess. 25. *Item definimus, sanctam Apostolicam sedem, & Romanum Pontificem in universum orbem tenere Primatum.* Et Concilium Lateranense ultimum eandem veritatem definivit, nam inter alios

alios articulos Lutheri damnavi: hinc: *Romanus Pontifex Petri successor non est Christi Vicarius super omnes totius mundi Ecclesias ab ipso Christo in Beato Petro institutus*; ac proinde definiit articulum contrarium.

CXC. Quapropter ex eo, quod Papa habeat primatum in universa Ecclesia, & in universam Ecclesiam, legitime, & necessariò infertur, esse supra cumulum, & collectionem reliquorum omnium Episcoporum, esseque proinde non solum Pastorem universalem reliquarum ovium, sed Pastorem reliquorum omnium Pastorum. *Habent illi* (inquit Ber. ubi nuper) *sibi designatos greges, singuli singulos, tibi universi crediti, uni unus, nec modò ovium, sed & Pastorum; tu unus omnium Pastor.*

CXCI. Et hinc infertur, habere supremam auctoritatem in Ecclesia Dei: nam primatus iste, cum sit potestatis spiritalis, & jurisdictionis, necessariò secum affert primam, & supremam auctoritatem in Ecclesia Dei, à qua nimirum non sit appellatio ad aliam superiorem auctoritatem, quæ ipsius sententiam, & judicium reformare valeat: ergò Concilium generale, ut distinctum à Papa non habet supremam auctoritatem in Ecclesia Dei: ergò non reliquit Christus in Concilio, tanquam in subiecto primario, auctoritatem infallibilem ad definiendas fidei, & morum controversias; siquidem in eo subiecto reliquit auctoritatem istam infallibilem, in quo posuit primam, & supremam Ecclesiæ auctoritatem, quæ non habeat auctoritatem superiorem, à qua ejus judicium reformari valeat: implicat

enim auctoritatem aliquam in Ecclesia Christi esse supremam, & esse fallibilem in definiendis fidei & morum controversiis. Nam hoc ipso quòd auctoritas ad definiendas fidei, & morum controversias in Ecclesia Christi sit fallibilis, ejus judicium debet esse reformabile per auctoritatem superiorem; alioqui totam Ecclesiam induceret in errorem, obligando illam ad credendum aliquod dogma falsum tanquam articulum fidei; ergò si primam, & supremam auctoritatem reliquit Christus in Romano Pontifice, in illo tanquam in subiecto primario collocavit auctoritatem infallibilem ad decidendas fidei, & morum controversias; ergò non collocavit primatò in cumulo, seu universitate reliquorum Episcoporum, qui necessariò subjiçuntur Pontifici Romano tanquam Vicario Christi, & capiti visibili Ecclesiæ, summòque totius ovilis Christi Pastori, ac proinde tanquam supremo Pastorum Pastori.

CXCII. Alia etiam ratione probatur, Christum non reliquisse auctoritatem infallibilem ad decidendas fidei, & morum controversias in cumulo, seu Universitate Episcoporum, tanquam in subiecto primario: nam si reliquit in cumulo, seu collectione Episcoporum; ergò non in uno potius quàm in alio, sed in communitate omnium, quatenus communitas est. Ad quem ergò attinebit, congregare ad Concilium reliquos omnes Episcopos, illos obligando? nam obligare omnes Episcopos, ut veniant ad Concilium, est proprium alicujus supremæ auctoritatis. Si ergò suprema auctoritas ad definiendas res fi-

dei, & morum controversias, quæ necessariò conjuncta est cum suprema autoritate Ecclesiæ, est in communitate Episcoporum, quatenus communitas est, nullus erit particularis Episcopus, ad quem spectet congregare reliquos: ergo nullus erit, qui possit obligare reliquos: ad quem ergo spectabit convocare autoritative Concilium?

CXCIII. Sed demus, Concilium convocari industria Imperatoris, & Regum, & mutua conventione Episcoporum, qui per Episkolas paciscantur, ad diem determinatum convenire ad Concilium in talem Civitatem. Sanè si autoritas infallibilis ad determinandas fidei, & morum controversias non est primariò in aliquo Episcopo particulari, sed in communitate omnium, quatenus communitas est, postquam Episcopi fuerint congregati, ubi jam agitur de determinatione controversiæ fidei, Pontifex in Concilio in ordine ad definitionem, erit tanquam unus ex reliquis, si semel autoritas infallibilis ad definiendum residet primariò, & immediatè in universitate Episcoporum, seu in omnibus collectivè sumptis; itaut communitas Episcoporum sit subiectum immediatum, & primarium illius autoritatis. Nam ut communitas, seu Synodus Episcoporum per suffragia exercent potestatem, quæ in ipsis collectivè sumptis residet, non est necesse, ut omnes uniformiter conveniant in eandem sententiam, sed sufficit, quòd conveniat major pars; illud enim censetur Concilium, Senatus, Synodus, Congregatio, vel Capitulum decernere, quod

major pars decernit, ut patet in omni Republica, in omni Regno, & in omni Senatu, & Congregatione. Idque patet per rationem, quia si ad valorem decretorum, & definitionum Concilij Generalis requireretur, ut omnes omnino Patres in idem votum, eandemq; omnino sententiam conspirarent, redderentur valde difficiles, & ferè moraliter impossibiles definitiones Conciliorum, & nunquam terminarentur causæ conciliariter decernendæ; cum moraliter videatur impossibile, ut in re inter Catholicos controversa, & dubia, ad quam determinandam convocatur Concilium generale, uniformis sit consensus omnium; præsertim si numerus Patrum sit magnus, ut contigit in Concilio Lateranensi 4. sub Innocentio III. in quo federunt 1212. Patres. Ergo si semel suprema, & infallibilis autoritas ad determinandas fidei, & morum controversias, esset à Christo relicta in communitate, & cumulo Episcoporum, sufficeret, quòd major pars Patrum aliquid definiret, ad hoc ut definitio esset infallibilis, & universam obligaret Ecclesiam, utpote orta à suprema autoritate in universam Ecclesiam: Major autem pars posset in unam sententiam convenire, non consentiente, imò contradicente, & reclamante Romano Pontifice: Ergo sine consensu, & confirmatione Romani Pontificis possent controversiæ fidei definiri in Concilio, & illa definitio rem faceret certam de fide. At hoc est manifestè absurdum: Utenim verè pronuntiavit doctissimus Ferdinandus de Salar in tomo de conceptione cap. ultimo,



rimo; in quo de auctoritate concilio-  
rum egit, pag. 151. *fide Catholica cer-  
tum est, nec plures Concilii Patres, nec  
omnes efficere posse doctrinam aliquam de  
fide, nisi accedat eorum suffragiis ap-  
probatio Summi Pontificis.* Idque con-  
stat testimonio Paschalis primi Summi  
Pontificis ad Cathedram Petri exaltati  
ann. 817. in cap. significasti. de electione  
dicentis; *Omnia Concilia per Ecclesiam  
Romanam auctoritatem, & facta sunt, &  
robor acceperunt.* Et ideo Nicolaus  
Primus Papa Sapientissimus, & san-  
ctissimus ad Pontificatum evectus ann.  
858. hanc doctrinam tanquam indubi-  
tata supponens, Epistola 7. ad Epi-  
scopos Orientales agebat: *In universa-  
libus Synodis quid ratum, quod per-  
scriptum, nisi quod sedes Petri probavit,  
ut ipsi feceris, habetur?*

## §. XII.

*Nequit dici, Christum reliquisse  
primario auctoritatem supremam in Ec-  
clesia, ut exercendam tamen per unum,  
nempe per Romanum Pontificem, tan-  
quam per Ministrum Ecclesie, &  
Vicarium Concilij.*

CXCIV. **N**eque sufficit respondere  
cum Patristenis apud  
Nauartum in Capit. Novit. de judiciis  
notabili 3. num. 17. Christum reli-  
quisse quidem supremam, atque infalli-  
bilem auctoritatem ad definiendas fi-  
dei & morum controversias in cumulo  
pastorum, seu Episcoporum; reliquisse  
tamen, ut exercendam per unum, nem-  
pe per Romanum Pontificem, quando  
Episcopi nequeunt congregari ad Con-  
cilium, quia Christus prævicens, non

nisi raro Ecclesiam convenire ad Con-  
cilium generale; quamvis in illa tan-  
quam in subiecto reliquerit authorita-  
tem infallibilem ad determinandas fi-  
dei, & morum controversias; designa-  
vit tamen unum particularem Episco-  
pum, nempe Romanum, qui tan-  
quam Minister Ecclesie, & tanquam  
Vicarius Concilij generalis, & quate-  
nus gerens vices illius, quando Con-  
cilium generale cogi non potest, dam-  
naret hæreses emergentes, & omnibus  
fidelibus sanam doctrinam proponeret.  
Non, inquam, sufficit hoc respondere,  
nam juxta hanc solutionem Romanus  
Pontifex non erit Vicarius Christi sim-  
pliciter, & absolute, sed Vicarius Vica-  
rij, nimirum Vicarius Concilij, cui ju-  
xta hanc solutionem Christus commu-  
nicavit supremam auctoritatem in Ec-  
clesia sua; nam Vicarius Christi est illa  
persona ficta, vel vera, cui Christus  
commisit supremam auctoritatem in  
Ecclesia. Si ergo hanc commisit Con-  
cilio principaliter, & primario, & Ro-  
mano Pontifici solum secundario, &  
tanquam Ministro Concilij, & Vicario  
ipsius, supplente ejus Vices; sequitur  
Concilium esse simpliciter, & absolute  
Vicarium Christi, Papam verò non ef-  
se verè, propriè, & simpliciter Vica-  
rium Christi: nam sicut Vicarius Epi-  
scopi non est Episcopus, Vicarius Regis  
non est Rex, Vicarius Papæ non est Pa-  
pa; Ita Vicarius Vicarij Christi non est  
simpliciter, & absolute, & propriè Vi-  
carius Christi. Quod tamen est ma-  
nifestè erroneum, imò & hæreticum:  
nam in Concilio Florentino sess. 25. in li-  
teris Unionis definitum est, *Romanum*



*Pontificem esse Verum Christi Vicarium, & totius Ecclesiæ caput.* Idem definit Innocentius IV. in cap. *ad Apostolicam* de re iudicata. in sexto, approbante Concilio Lugdunensi Generali. Deinde illa solutio continet errorem damnatum in Concilio Constantensi, quatenus inconcussè fuit generale: nam ibi contra 37. articulum Wicleffii definitum est, *Papam esse proximum, & immediatum Vicarium Christi.* Ergo Papa non est Vicarius Concilij, vel Ecclesiæ, sed immediatè Vicarius Christi.

CXCV. Præterea illa responsio inde efficaciter impugnatur; quia si Papa non esset immediatè Vicarius Christi, sed Vicarius Concilij Generalis, seu Ecclesiæ representatæ à Concilio, sequitur, quòd, dum est congregatum Concilium, jam Papa defunctus fuisset munere suo, nimirum gubernandi Ecclesiæ universam Vice Concilij, quando hoc non est congregatum: ergò præfente Concilio, & volente per se immediatè condere decreta pro tota Ecclesiâ, illâque per se immediatè gubernare, deberet Papa ab omni exercitio jurisdictionis supersedere: nam quando proprietarius est præfens, & vult per se ipsum immediatè gubernare, debet ejus Vicarius ab exercitio Vicarij cessare; consequens autem est falsum; nam adhuc, postquam Concilium est congregatum, Papa immediatè gubernat Ecclesiâ, nec ab exercitio sui officij potest à Concilio impediri.

CXCVI. Præterea si Papa esset solum Vicarius Concilij ad gubernandam Ecclesiâ, sequitur, quòd Concilium non indigeret subscriptione, & consensu Pontificis ad decreta fidei, &

morum edenda, seu ad definiendas fidei, & morum controversias, sed posset sine consensu Pontificis, imò ipso contradicente, definitionem facere, & intimare toti Ecclesiæ, illâque obligare ad credenda dogmata definita. Nam quando Proprietarius vult per se ipsum immediatè judicare, non indiget subscriptione sui Vicarij, nec ejus consensu, nec ipsius decreta robor, & firmitatem habeant. Sic si Rex Hispaniæ præfens adesset Neapoli, non indigeret subscriptione, & consensu sui Proregis ad valorem suorum Decretorum: nec Papa indiget consensu Vicarij sui, ad hoc ut validè, & licitè aliquid decernat. At certum est, decreta Concilij generalis non confirmati à Pontifice non habere vim obligandi Ecclesiâ: ut enim testatur septima Synodus Generalis, Actione 6. *non est legitimum decretum generalis Concilij, quod sine Romano Pontifice, aut ejus Legato sit.* Et ideo in cap. *regul.* l. dist. 17 dicitur. *Canonibus præcipientibus nec ullum unquam ratiū est, aut erit unquam Concilium, quod Romani Pontificis non fuerit auctoritate fulcitur.* Ideo S. Gelasius Papa hujus nominis primus, qui renuñtiatus est Pontifex anno 492. & obiit an. 496. in tomo de vinculo anathematis, qui exstat inter ejus Epistolas Decretales, & in Epistola ad Episcopos Dardaniam latè probat, Concilia non approbata à Romano Pontifice nullâ habere auctoritatem. Ratio à priori desumitur ex Doctrina D. Thomæ 2.2. q. 1. ar. 10. quia *quæstio fidei exorta debet determinari per eum, qui toti Ecclesiæ præfuit, ut sic ejus sententiâ à tota Ecclesiâ teneatur.* Atqui Concilium generale, u

con.

contradistinctum à Papa legitimo, & indubitato, non toti Ecclesiæ præest; ergo Concilium, ut contradistinctum à Papa sine ejus consensu, & multò minùs ipso contradicente, non potest quæstionem fidei determinare, & toti Ecclesiæ proponere, eamque obligare, ut ejus sententiam firmiter teneat.

CXC VII. Minor constat: quia in Concilio Florentino sess. 25. in litteris unionis definitum est, *Romanum Pontificem in Univerſum orbem tenere primatum, esse ſucceſſorem S. Petri Principis Apoſtolorum, & verum Chriſti Vicarium totiusque Eccleſiæ caput, & omnium Chriſtianorum Patrem atque Doctorem.* Unde ſicut Romanus Pontifex non deſinit eſſe Papa, ex eo quòd Concilium generale ſit congregatum, ita non deſinit habere primatum in univerſum orbem, & eſſe totius Eccleſiæ caput, & doctor: ergo toti Eccleſiæ tunc præeſt: ergo ab ipſo debet determinari quæſtio fidei. Ergo eſt manifeſtus error, aſſerere, quòd ſine conſenſu Romani Pontificis veri, & indubitati, & ipſo repugnante, poſſit Concilium quæſtionem fidei exortam determinare, & toti Eccleſiæ proponere, illam obligando ad ejus ſententiam firmiter tenendam. Nam Concilium, ut contradistinctum à Papa, non eſt totius Eccleſiæ caput, & omnium Chriſtianorum Pater, atque Doctor, ſed repræſentat corpus, cui tanquam caput præeſt Romanus Pontifex, & non eſt Paſtor, ſed ovile Chriſti, nec Doctor, & Magiſter totius Eccleſiæ. Unde meritò Sanctus Thomas loco citato, ex eo quòd quæſtio fidei debeat determinari ab eo,

qui toti Eccleſiæ præeſt, intulit, hoc pertinere ad ſolam authoritatem ſummi Pontificis.

## §. XIII.

*Continuatur materia præcedens. Vbi exponitur, quomodo etiam in ſententia Doctorum aſſerentium Concilium generale non poſſe, etiam ut diſtinctum à Papa, ſecundum ſe totum errare, nihilominus ſit neceſſaria confirmatio Pontificis, ut ejus decreta obligent totam Eccleſiam, & rem faciant de fide certam.*

CXC VIII. **E**T ideo Concilia generalia omnibus retro ſæculis habita, agnoſcentia ſua decreta non fore firma, certaque, niſi à Romano Pontifice confirmarentur, eorum confirmationem à ſummis Pontificibus petierunt, ut longa induc-tione fulſſimè oſtendit Cardinalis Turrecremata l. b. 3. cap. 6. 8. 34. 35. 36. & 38. Quapropter authoritas inſallibilis ad definiendas fidei, & morum controverſias, & ad obligandam totam Eccleſiam poteſtativè, & authoritate ſuperioris ad credendum veritates definitas, relicta eſt à Chriſto, tanquam in ſubjecto primario, in Romano Pontifice, quatenus Vicario ſuo, & totius Eccleſiæ viſibili capite. In Conciliis autem generalibus, quamvis detur authoritas ad definiendas res fidei (quia in Conciliis generalibus Episcopopi non ſunt meri Conſiliarii, ſed etiam iudices) authoritas tamen illa non eſt primaria, & ſubordinans ſibi totam Eccleſiam, ſed eſt ſecundaria, & ſubordinata Pontifici, tanquam totius Eccleſiæ capiti, & indigens

gens confirmatione Pontificis, ad hoc ut fidem infallibilem faciat, vel saltē, ut illa infallibilitas Ecclesiæ innotescat, vel ad hoc ut possit anathematis Vinculo Ecclesiam obligare ad suscipiendas veritates definitas; ac proinde licet Episcopi sint iudices in Conciliis, sunt iudices subordinati Papæ, tanquam supremo Ecclesiæ judici, & Monarchæ; sicut in Senatibus Regiis Hispaniæ, & Galliæ Senatores sunt iudices; eorum tamen iudicium est subordinatum iudicio Regis, nec potest eorum sententia cogere Regnum ad obediendum, nisi confirmetur à Principe. Potestque Concilium generale legitimè congregatum, quatenus distinctum à Papa, errare in Decreto fidei, ut patet in Concilio Ephesino secundo: quia ut Concilium dicatur errare in fide, si sumatur seorsum à Papa, satis est, quodd erret maior pars: potest autem penes maiorem partem errare, ut docet communis, & vera sententia, quia infallibilitatem non promissit Deus majori parti, sed meliori, cui Vicarius Christi consentiat. Imò potest errare secundum omnes Patres ut distinctos à Pontifice, ut docent cum multis Ballar. lib. 2. de Conc. c. 11. & Valentia t. 3. q. 1. pun. 7. §. 45.

CXCIX. Et quamvis secundum sententiam multorum gravium Theologorum exitis, qui tanquam certum statuunt, Papam certum & indubitatum esse supra Concilium generale, definitio edita uniformi consensu suffragiorum à Patribus Concilij legitimè congregati, & manentis sub obedientia Pontificis, proprii ad confirmationem Pontificis, & præscindendo ab illa

sit infallibilis ( quia contingere non potest, ut omnes Patres Concilij legitimi & manentis sub obedientia legitimi Pontificis conveniant in statuendo aliquo dogmate, tanquam veritate fidei Catholicæ, & quodd illud dogma sit falsum, solusque Papa veritatem assequatur) tamen definitio illa nequit compellere fideles ad profitendam veritatem definitam, nisi confirmetur à Pontifice, & per ejus auctoritatem innotetur Ecclesiæ, Authores, qui illud docent, multi sunt, & graves, nimirum eximius Doctor Suarez disp. 5. de fide sec. 2. Ferdinandus de Salazar: in opere de concept, cap. 43. §. 5. pag. 452. Franciscus Amicus disp. 8. de fide n. 76. Joannes Martinon disp. 9. n. 27. M. Antonius Perez Benedictinus in Pentateucho fidei. trac. de Concil. dist. 7. cap. 6. & alij.

CC. Inter quos Andreas Duvalius Doctor Sorbicus in disputatione quadripartita de suprema Romani Pontificis in Ecclesiā potestate p. 4. q. 6. conclus. 4. asserit, *Concilium œcumenicum ante Pontificis confirmationem solum habere vim directivam, non coactivam, id est, ostendere quidem veritatem infallibiliter amplectendam, cui obistere, ac refragari nemini liceat sed eam toti Ecclesiæ non posse juridicè proponere, neque fideles ad exteriorem suæ definitionis professionem jure compellere, minusque pœnis, & censuris in eos, qui contrarium senserint, servire, adeò ut qui ab ipsis decretis nondum confirmatis dissentiret, esset erraret, non propterea tamen hæreticus, & Ecclesiæ rebellis censeretur, nisi Pontifex fortè Legatos mittendo facultatem pub-*

publicandi definitiones Concilij, non expectata sua confirmatione, specialiter, & expresse concessisset. Ratio conclusionis manifesta est, quia cum status Ecclesiæ sit Monarchicus, non autem Aristocraticus; aliunde coactio, seu positiva fidelium obligatio oriri non potest, quàm à supremo moderatore, ut in Regno non aliunde nascitur Legum servandarum obligatio, quàm à Rege; & hæc causa est, cur semper Oecumenica Concilia à summo Pontifice confirmationem expetierint, quia scilicet non ignorabant, sua decreta non posse aliter per Ecclesiæ legitimè promulgari, & fidelibus obligatione positivam inducere, & contradicentis penis & censura castigare. cap. Significasti, de electione. Omnia Concilia per Romanæ Ecclesiæ auctoritatem, & facta sunt, & robur acceperunt, dist. 17. can. concilia, ubi de Provincialibus Concilijs à Pontifice non confirmatis scribitur: quæ quia non habent præsentiam, id est confirmationem Pontificis, valitudinem perdiderunt.

CCI. Imò ex auctoribus asserentibus, Concilium generale legitimè congregatum, & manens sub obedientia Pontificis non posse errare in Decreto fidei, etiam præscindendo à confirmatione Pontificis, ac proinde ejus definitionem editam à majori parte esse infallibilem pro priori ad talem confirmationem, P. Ferdinandus de Salazar tomo de conceptione pag. 491. nihilominus constanter docet, illam definitionem editam à maiore parte non facere rem certam de fide, nec obligare fideles ad credendam, ut dogma fidei veritatè definitam, independenter

ab approbatione Pontificis. Redditque rationem, quia licet approbatio summi Pontificis non requiratur, ut dans infallibilitatem definitioni Concilij, requiritur tamen ad declarandum, & demonstrandum, illam definitionem esse infallibilem. Quia Episcoporum suffragia (inquit) non aliter ad definitiones dogmatum ad fidem spectantium præstare possunt, nisi ritè, ac legitimè procedant, & directionem à summo Pontifice acceptam tenentes sub obedientia illius in omnibus, ac singulis maneant. Nam si aliter se gerant, non possunt loqui nomine totius Ecclesiæ, quæ nunquam non capiti suo subiecta, ac demissa est. Quapropter postquam omnes Episcopi, aut major ipsorum pars in aliquo dogmate concordēs sententias dixerunt, antequàm id, quod ita suffragijs suis proferendum putarunt, pro certo & infallibili haberetur, de Legitimo procedendi modo; & de eorum obedientia constare debet. Hujus autem rei iudicium ex natura rei ad solum Pontificem spectat; nam in causa ejus subjectionis, quam omnes fideles ipsi debent, ipse solus sententiam dicere potest.

CCII. Et hæc videtur esse sententia, quam securus est Cardinalis Lotharingus in Concilio Tridentino, quando in eo disputatum est de auctoritate Episcoporum Concilij, & Romani Pontificis: ut enim contra Petrum Suavem evincit Cardinalis Pallavicinus in historia Tridentini lib. 21. cap. 6. n. 20. Cardina-

definitio Pontificis obligat totam Ecclesiam independentem à consensu, vel confirmatione Concilij, quia provenit à supremo Iudice controversiarum: definitio verò Concilij, licet sit infallibilis pro priori ad confirmationem Pontificis, hæc infallibilitas non potest constare Ecclesiæ sufficienter ad obligandum, saltem quoad vim coactivam, nisi mediante confirmatione Pontificis, per quam innotescit, concilium illud legitime processisse, & per quam accipit vim illa definitio concilij, cogendi ad sui obedientiam in foro externo, quia immiscetur præceptum Pontificis habentis superioritatem respectu totius corporis Ecclesiæ, quam superioritate non habet Concilium, ut distinctum à Papa, Unde in Sententia, asserente de finitionem Concilij generalis esse infallibilem pro priori ad confirmationem Pontificis, definitio Concilij generalis confirmata à Pontifice, habet infallibilitatem duplici titulo: & quia est à Concilio, & quia est confirmata à supremo Iudice Ecclesiæ; ac proinde ejus infallibilitas est major extensive, quam definitio solius Pontificis edita extra concilium. Istius autem definitio, utpote orta à supremo Iudice Ecclesiæ, est omnino inreformabilis per Concilium, nec indiget concilij confirmatione, nec Ecclesiæ consensu, ut omnes obliget.

## §. XV.

*Offenditur, non esse expectandum Ecclesiæ consensum, ut definitio Pontificis Romani sit infallibilis.*

CCV. **Q**Uapropter auctoritas infallibilis ad definiendas fi-

dei, & morum controversias per modum Iudicis supremi controversiarum fidei, est in capite totius Ecclesiæ; nec ut ejus definitio sit infallibilis, expectandus est Ecclesiæ consensus. Primum quia cum Pontifex sit à Christo constitutus totius Ecclesiæ Doctor, & Magister, absurdum foret, firmitatem sententiæ Magistri pendere à consensu discipulorum. Secundum cum sit summus Ecclesiæ Pastor, & reliqui omnes fideles comparentur ad illum, tanquam oves ad Pastorem, absurdum foret, Pastorem in designandis pascuis salutaribus, quibus pascantur oves, à judicio ipsarum ovium pendere. Tertium cum certum sit, Romanum Pontificem immediate à Christo accipere suam potestatem definiendi, & determinandi veritates fidei, non minus, quam sacerdos immediate accipit potestatem consecrandi, non minus absurdum foret, definitionis Pontificiæ infallibilitatem pendere ab acceptance fidelium, quam valorem consecrationis pendere à consensu audientium Missæ Sacrificium.

CCVI. Quartum quia ut alibi latè ostendo, certum est, Christum non tradidisse immediate claves communitati Ecclesiæ, ut Communitas est ut inde derivaretur in Prælatos, & in summum Pontificem, sed immediate tradidisse Petro, & Successoribus ejus pro bono Communitatis Ecclesiæ, ejus caput ipsum fecit, ac proinde certum est, subjectum immediatum summæ potestatis Ecclesiasticæ, quam Christus reliquit in Ecclesia, & quam explicamus nomine clavium, quarum



mentionem Christus fecit, dum dixit Petro: *Tibi dabo clava Regni Calorum*, non esse ipsam communitatem Ecclesie, sed Petrum, ejusque successorem Romanum Pontificem; sicut subiectum immediatum potestatis consecrandi, quam Christus reliquit in Ecclesia, non est communitas Ecclesie, sed sunt soli Sacerdotes, qui illam potestatem à Christo accipiunt. Hinc autem, ut fatetur Doctor Ludovicus Elies Dupin Dissert. 6. §. 1. pag. 379. necessarium inferitur, Romanum Pontificem esse supra communitatem Ecclesie, & supra Concilium generale, ut distinctum ab ipso Pontifice; & insuper inferitur, ad infallibilitatem Pontificie definitionis non esse expectandum consensum communitatis Ecclesie, à qua sicut Papa suam potestatem non accipit, ita nec ejus definitio ab ejus consensu debet haurire suam infallibilitatem.

CCVII. Quintò quia eatenus à consensu Ecclesie posset pendere infallibilitas Pontificie definitionis, quatenus communitas Ecclesie incapax est errandi in fide; nam ab Ecclesia, ut capax errandi nequit Pontificia definitio haurire infallibilitatem; Ecclesia autem capax est errandi in fide secundum aliquam sui partem, & quidem secundum magnam, ut erravit tempore Arrianorum, quando in Concilio Ariminensi, Valentis potissimum, & Ursacii fraudibus, damnatio Nicæne fidelum conclamata est, & *ingemiscens orbis terrarum se Arrianum esse miratus est*, ut ait Hieronymus, & ex illo Ecclesia in lectionibus S. Damasi. Solvuntur

est omninò certum; Ecclesiam non posse secundum se totam errare in fide, credendo aliquid falsum pro dogmate fidei. Ergò si infallibilitas Pontificie definitionis desumenda est ex consensu Ecclesie, desumenda erit ex consensu totius Ecclesie. Unde non poterit quis ex eo, quòd certò sciat aliquam veritatem definitam esse, ut articulum fidei à Romano Pontifice, moveri ad credendum fide divina veritatem definitam, quousque certificetur, totam Ecclesie communitatem consensisse in illam definitionem, amplectendo, ut articulum fidei veritatem definitam. Hanc autem certitudinem nemo potest acquirere seclusa revelatione. Unde enim scire quis potest, omnes fideles credidisse, ut veritatem infallibilem eam, quam Pontifex definit, si Deus hoc ipsi non revelet? Ergò certum est, non esse expectandum Ecclesie consensum ad hoc, ut definitio Pontificia sit infallibilis: quia nec est expectandus consensus Ecclesie representativè sumptæ, id est consensus Concilii generalis representantis universam Ecclesiam; nec est expectandus consensus ipsius communitatis Ecclesie secundum se totam, vel ferè totam, & in eam mensura, secundum quam est incapax errandi in fide: quapropter non idèò definitio Pontificia est infallibilis, quia Ecclesia consentit, sed è contra idèò Ecclesia consentit, quia est infallibilis.

CCVIII. Et quidem quis non videat, nullum fidelium ad amplectendam fide firmam veritatem definitam à Pontifice, exquirere, quid alij fideles fecerint, sed solum esse sollicitum, ut

omnino



omnino certificetur de eo, quòd Pontifex illam definierit? ergò solum requiritur, quòd certificetur de existentia definitionis, non autem quòd certificetur de eo, quòd tota Ecclesia illam acceptaverit. Quis non videat, Cardinales, qui assistunt Pontifici, quando novam definitionem proponit, & promulgat, statim posse credere veritatem definitam, quin ad credendum necesse illis sit explorare, quid extra Romam reliqui fideles faciant? ergò ut definitio Pontificis sit infallibilis, non est expectandus Ecclesiarum consensus.

CCIX. Et sanè juxta eam doctrinam nunquam eliceret verum actum fidei supernaturalis, qui primus crederet veritatem definitam à Pontifice, neque qui crederet secundus, neque qui crederet tertius, & sic de aliis, sed solum eliceret verum actum fidei divinz, qui crederet veritatem definitam, postquam sciret, illam fuisse creditam à tota Ecclesia; reliqui autem omnes eliciissent solum actum fidei humane, utpotè non nitentem motivo absolute infallibili.

CCX. Falsitas præterea illius Doctrinæ inde detegitur; quia si definitio edita in materia fidei à Romano Pontifice non est infallibilis, donec accedat Ecclesiarum consensus: Ergò ex se solum est infallibilis conditionatè, nimirum sub conditione, quòd accedat totius Ecclesiarum consensus. Hoc autem habet etiam definitio cujuscumque Episcopi, & Doctoris particularis; nam quando est dubium inter Catholicos, an res aliqua sit revelata, & de fide; si unus Episcopus, vel Doctor parti-

cularis determinet partem affirmantem, & omnes deinde amplectantur illius sententiam, & credant rem ab illo definitam, & stabilitam tanquam veritatem à Deo revelatam, jam illa definitio erit infallibilis: quia implicat, ut sit falsa sententia affirmans aliquid esse revelatum, si tota Ecclesia illam sequitur, credendo rem illam, ut à Deo revelatam. Ergò illa Doctrina non majorem infallibilitatem in definiendo, & determinando res fidei, tribuit Romano Pontifici, quàm cuilibet Episcopo, vel Doctori particulari. Quis autem non videat, hoc esse planè absurdum?

CCXI. Hinc patet, quàm sit absurda doctrina Doctoris moderni, nimirum Illustrissimi Gilberti de Choyseul Dupleſſy Praslain Episcopi Tornacensis, qui fuit unus ex principalibus Authoribus declarationis de Potestate Ecclesiastica, quæ nomine Cleri Gallicani publicata est Parisiis mense Martio ann. 1682. & qui Epistolam de potestate Ecclesiastica in Defensionem illius declarationis; scripsit: hic enim ad hoc ut constitutio Pontificis, quæ aliquam controversiam in materia fidei, vel morum è Cathedra Petri determinet, proponendo fidelibus, quid tenere debeant in illa controversia, rem faciat certam de fide, perinde ac si esset edita à Concilio generali, requirit pag. 31. illius Epistolæ pro conditione indispenſabili, quòd illa constitutio Pontificia, *ab omnibus singillatim Ecclesiis recipiatur*. Sic enim expressè habet, *si eorum constitutiones ab omnibus singillatim Ecclesiis recipiantur, inconcussa*

*ac perpetua auctoritatis maneant, ac si ab universalis Concilio essent confirmata.* Pater, inquam, quàm sit absurda hujus Doctôris doctrina. Si enim ad infallibilitatem Pontificiæ constitutionis requiritur, *ut ab omnibus singillatim Ecclesiis recipiatur*: Ergo in potestate cujuslibet Ecclesiæ particularis erit, facere, ut definitio Pontificis edita extra Concilium Generale non sit infallibilis, nimirum si nolit recipere eam; siquidem juxta illum Doctorem illa Pontificia definitio *non est perpetua, ac inconcussa auctoritatis, nisi sub conditione. quòd ab omnibus singillatim Ecclesiis recipiatur.* Quid autem hoc aliud est, quàm Ecclesiam Gallicanam, & quamecumque aliam facere arbitram definitionum fidei, & morum, quæ à Romano Pontifice Romæ pro tota Ecclesia eunduntur, & promulgantur, ut nimirum si Ecclesia Gallicana nolit eas definitiones recipere, hœc ipso irritæ maneant? Quid hoc absurdius, quid aliud est, quàm caput subijcere membris, summum pastorem ovibus, & summum Ecclesiæ Magistrum, communemque Doctorem fidelium subijcere discipulorum iudicio? Quid aliud, quàm Sedem Apostolicam, quam Christus posuit tanquam firmissimam fundamentalem petram, cui tota ædificii firmitas inniteretur, firmitatem suam accipere à lapidibus superpositis?

CCXII. Et sanè non esse expectandum Ecclesiæ consensum ad hoc, ut Pontificia definitio sit infallibilis, probatur ex principio apud omnes Catholicos certò apud Bellar. lib. 4. de Roman. Pontif. cap. 2. versic. deinde

*Catholici, & Valentian Tom. 3. col. 241. quòd scilicet, quoties Romanus Pontifex in quæstione controversa, & dubia inter Catholicos, quæ ad ipsum tanquam ad Christi Vicarium, & communem Ecclesiæ Magistrum resolvenda, & determinanda refertur, unam partem è Cathedra Petri determinat, & toti Ecclesiæ credendam proponit, declarans oppositam esse hæreticam, & pro tali habendam ab omnibus; omnes tenentur ei obedire, & iudicium suum ejus iudicio submittere, quia ad summum Pastorem attinet, ostendere ovibus suis pastum salutiferum, & in illum eas ducere, & venenosum vitare, & ab eo eas arceri, & ad supremum Ecclesiæ Magistrum, quem in dubiis fidei & morum, Ecclesiæ particulares & Episcopi inferiores consulere debent, attinet, dubia determinare & resolvere; omnesque proinde teneantur ipsius iudicium sequi. Et idè 24. q. 7. dicitur: Quoties ratio fidei ventilatur, non nisi ad Petrum, id est ad sui nominis honorem, & auctoritatem habentem recurrendum est, & iterum: Majores Ecclesiæ causas, præsertim circa articulos fidei contingentes, ad Sedem Petri referendas intelligit, qui novit, pro eo Dominum orasse, ne desiceret fides eius.*

CCXIII. Hoc pacto concilia Affricana consuluerunt S. Innocentium I. & S. Zosimum in dubijs fidei circa doctrinam Pelagij, & Celestij, & ad eorum instantiam Pontifices illi hæresim Pelagianam damnaverunt, ut testatur S. Augustinus lib. 2. retrac. cap. 50. his verbis: *Pelagiana hæresis firmat cum suis auctoribus ab Episcopis Ecclesia*

*Ecclesie Romana, prius Innocentio, deinde Zosimo cooperantibus, Conciliorum Africanorum litteris convicta atque damnata est.* Et anno 1653. Illustrissimi Episcopi Gallie numero 85. consuluerunt Innocentium X. circa doctrinam Jansenij, & in præmio Epistolæ sic præfatur: *Maiores causas ad Sedem Apostolicam referri. solemnissimos est.* E: in decursu Epistolæ: *Preceamur sanctitas tua, quid hac in re tenendum sit, clare & distinctè definiat.* Et ad ipsorum instantiam quinque illas celebres Jansenij propositiones, ut hæreticas damnavit, & in Bulla sua contra Jansenium, omnibus Christi fidelibus mandavit sub penis contra hæreticos in Jure expressis, *ne de quinque propositionibus Jansenij aliter sentiant, quàm in Bulla continetur, ac prout præcipitur, ut pro hæreticis habeant illas quinque propositiones, & iudicium suum iudicio summi Pontificis definientis subijciant;* quare qui post Bullam Innocentii iudicaret, illas propositiones non esse hæreticas, contraveniret præcepto Pontificis obligantis ad non aliter sentiendum de illis propositionibus, quàm continetur in illa Bulla, in qua declarantur, ut hæreticæ. Unde meritò S. Thomas 2. 2. q. 1. ar. 2. pronuntiavit. *Papæ determinasse judicialiter, & definitivè, aliquid esse hæreticum. & ab Ecclesia pro hæresi habendum, constat, quod omnes tenentur acceptare.* Et hæreticus censetur, quicumque de cætero teneat oppositum pertinaciter. Ex hoc principio necessariò inferitur, Papam habere assistentiam infallibilem Spiritus sancti, ne er-

ret, quando è Cathedra Petri dubia fidei, & morum resolvit, & toti Ecclesie unam partem credendam proponit, ut dogma Catholicum, & à Deo revelatum, & oppositum damnat, ut hæreticum, vel erroneum. Nam si Pontifex tunc erraret, omnes fideles possent, imò tenerentur errare in materia fidei, quia omnes tenentur in re dubia inter Catholicos se conformare iudicio supremi Pastoris & Doctoris, dubium definientis, & determinantis. Hæc enim obedientia debetur Christi Vicario ratione Primatus sui in universa Ecclesia: Ut enim sapienter scribit P. Valencia Tom. 3. col. 199. *Non aliud nomine eius Primatus intelligimus, quàm talem auctoritatem, cui omnes fideles in utroque foro, interno & externo parere debent in iis quæ spectant, vel ad mores, vel ad cultum, vel ad fidem, id est in salutis negotio.* Unde sicut inter omnes Catholicos est certum, Romanum Pontificem habere Primatum in Ecclesia Dei, ita certum debet esse inter ipsos, Romano Pontifici, determinanti fidei & morum controversias, & præcipienti, quænam pars tenenda sit, omnes obedire debere. Unde si ille erraret in definiendo, omnes errabunt in credendo, quod ille credi præcipit. Cum ergò impossibile sit, totam Ecclesiam errare in credendo, impossibile est, summum Pontificem errare in definiendis, & determinandis fidei, & morum controversijs.

## §. XVI.

*Certum est, regimen à Christo institutum in Ecclesia sua esse Monarchicum: inde necessario inferitur, Romanum Pontificem, ut supremum Ecclesia Monarcham esse supremum controversarum fidei iudicem, ejusque proinde indicium esse irreformabile à Concilio.*

**CCXIV.** **C**hristum instituisse regimen absolute Monarchicum, in quo suprema autoritas sit penes unum, ad quem majores causæ referantur, licet aliquâ Aristocratia temperatum, est adeo commune, ut Cardinalis Bellarminus lib. 1. de Rom. Pontif. cap. 5. & Andreas Duvalius in tractatu de suprema Romani Pontificis in Ecclesiam potestate part. 1. q. 2. pag. mihi 40. testentur, in hoc asserendo Authores Catholicos convenire omnes, & est adeo certum, ut eximius Doctor P. Franciscus Suarez Disp. 9. de fide sect. 6. numero 8. asseruit, id esse de fide, & ipse Joannes Gerson in Tract. de statibus Ecclesiæ considerat. 1. Schismaticum, & hereticum appellat eum, qui negaret statum Papalem institutum esse à Deo supernaturaliter, & immediate, tanquam habentem Primatum Monarchicum, & regalem in Ecclesiastica Hierarchia. Idem docet in lib. de potest. Ecclesiæ considerat. 10. & in libro de ausecibilitate Papæ considerat. 5. & Duvalius dicat, hoc ita certum esse, ut à quopiam citra fidei jacturam negari non possit. Ipsaque universitas Parisiensis censuravit ut hæreticam doctrinam Marci An-

tonij de Dominis, quâ lib. 2. de Republica cap. 3. n. 3. asseruit, Christum non instituisse in Ecclesia sua gubernationem Monarchicam, sed per multos ministros sine uno Monarcha mortali regere perfectè, & gubernare Ecclesiam, ut refert M. Bail in summa Conciliorum tom. pag. 82 83. & 84.

**CCXV.** Veritatem hanc de Monarchia spirituali Romani Pontificis non minus nervosè, quàm eleganter probat Pius secundus Papa in Bulla retractationum. Nobis sufficiat rationem proponere, quâ id probat D. Thomas 4. contra gent. cap. 76. nu. 3. *Quia nulli dubium esse debet, quin Ecclesia regimen sit optimè ordinatum, utpote per eum dispositum, per quem Reges regnant, & legum conditores iusta decernunt; optimum autem regimen multitudinis est, ut regatur per unum; quod patet ex fine regiminis, qui est pax. Pax enim, & unitas subditorum est finis regentis: unitatis autem congruentior causa est unus, quàm multi. Manifestum est igitur, regimen Ecclesiæ sic esse dispositum, ut unus toti Ecclesiæ præsint. Et num. 4. Ecclesiæ militans ex triumphanti Ecclesiæ per similitudinem derivatur: Unde, & Joan. in Apocalypsi vidit Hierusalem descendentem de Celo: & Moyse dictum est, quod faceret omnia secundum exemplar ei in monte monstratum. In triumphanti autem Ecclesiæ unus præsides, qui etiam præsides in toto universo, scilicet DEUS. Dicitur enim Apocalyp. 21. Ipse populus ejus erunt, & ipse cum eis erit eorum Deus: Ergo & in Ecclesiæ militante unus est, qui præsides universis.*

Hinc

**CCXVI.** Hinc aperte deducitur Romanum Pontificem ratione sui Primatus & Monarchiæ spiritualis esse supremum controversiarum fidei Judicem, à cujus sententia non sit appellatio ad Tribunal fidei superius. Evidens enim apparet, vel in Ecclesia Christi non esse supremum aliquod tribunal fidei, seu supremum controversiarum fidei Judicem, vel hoc munus competere supremo Principi, id est Monarchæ spirituali, qui toti Ecclesiæ præest; à sententia enim supremi Monarchæ non est appellatio ad alium Judicem in illa communitate, in qua ipse est supremus Princeps, & Monarcha. At certissimum est, dari in Ecclesia supremum controversiarum Judicem, ut probatum est, & à priori ostendit D. Thomas 4. cont. gent. cap. 76. n. 2. nam de fide est, Ecclesiam esse unam, ut constat ex Symbolo, *Credo in unam Sanctam Ecclesiam.* Jam ad unitatem Ecclesiæ, ait, requiritur, quòd omnes fideles in fide conveniant; circa ea verò, quæ fidei sunt, contingit quæstiones moveri; per diversitatem autem sententiarum divideretur Ecclesia, nisi in unitate per unam sententiam conservaretur. Exigitur ergò ad unitatem Ecclesiæ conservandam, quòd sit unus, qui toti Ecclesiæ præsit: manifestum est autem, quòd Christus Ecclesiæ in necessarijs non deficit, quam dilexit, & pro ea sanguinem suum fudit; cum, & de Synagoga dicatur per Dominum *Esaiæ 5.* Quid ultra debui facere vineæ meæ, & non feci? Non ergò dubitandum est, quin ex ordinatione Christi unus toti Ecclesiæ præsit. Hæcille. Nec item

est dubitandum, quòd præsit cum autoritate infallibili, nam si hanc non haberet, non posset unitatem fidei conservare, sed potius foret causa, ut Ecclesia tota erraret: supremus enim Magistratus, cui in causa fidei omnes tenentur obedire, seu supremus Magister, quem est Cathedra loquentem omnes tenentur audire, si erraret, causa est, ut omnes errarent.

## §. XVII.

*Solvitur objectio contendens judicium Romani Pontificis in controversijs fidei posse reformari à Concilio generali, quamvis ille sit Monarcha spiritualis.*

**CCXVII.** **A**T objicies, ex eo quòd gubernatio à Christo instituta in Romano Pontifice sit Monarchica, non sequi, quòd Papa sit supra Concilium Generale, sed satis esse, quòd sit supra singulos fideles, & supra omnes Prælatos divise. Nam ut probat P. Suarez tom. 4. de Religione tract. ultimo de Religione Societatis in particulari lib. 10. cap. 1. regimen Societatis est per modum Monarchiæ: idque constat ex Constitutione Gregorij XIV. *Ecclesia Catholica.* in qua sic sumus Pontifex loquitur, *Quoniam ratio ipsa docet, & Ignatius fundator prudenter animadverit, ad hoc ut Societas bene gubernetur, valde expedire, ut Generalis omnem habeat in ea auctoritatem ad adificationem, ex qua præter cetera quamplurima, illud sequetur commodi, ut Univerſus ordo ad monarchicam gubernationem composuit, maxi-*



*mō servatur unitus, ipsiusque membra per universum orbem dispersa per omnimodam hanc subordinationem suis capitibus colligata, prout iis atque facilius a summo Christi in terris Vicario, ad varias functiones juxta eorum peculiaritatem vocationem, ac speciale votum dirigunt, ac moveri possint. Hæc Pontifex.*

CCXVIII. Quare Generalis Societatis est in hac Religione Monarchia quidam Spiritualis quoad potestatem, & autoritatem distribuendi officia, & admittendi ad Professionem Religiosam, & multa alia: ex eo autem, quod hanc Monarchiam habeat, solum sequitur, quod sit supra omnes Rectores, & Provinciales divisivè; non autem, quod sit supra omnes collectivè, quando sunt coacti in Congregationem generalem, & per suffragia res religionis disponuat. Ergo patet: ex eo, quod Papa sit monarcha spiritualis, solum sequitur, quod sit supra reliquos omnes Episcopos divisivè, quando non sunt convocati ad Concilium generale; non autem quod sit supra illos collectivè sumptos, & quatenus res fidei, & morum definiunt, & statuunt per majorem partem suffragiorum. Ergo stat, Papam esse Monarcham spirituales in tota Ecclesia, quin propterea sit supra totam Ecclesiam, dum est convocata in Concilium generale, ac proinde componitur cum Monarchia Spiritualis, quod sit infra concilium generale. Si autem sit infra Concilium, poterit ejus definitio in dubijs fidei re-

formari per definitionem concilij generalis.

CCXIX. Respondeo cum Patre Suarez eo lib. 10. cap. 1. num. 14. magnam esse differentiam inter Monarchiam Societatis, & Monarchiam Ecclesiæ. Nam regimen Ecclesiæ reducitur ad unum summum Prælatum, quinon solum nulli alteri homini interris, verum qui nec alicui committatur subiectus est, sed supra totam Ecclesiam, non solum divisim quoad singulos, sed etiam collectivè quoad universitatem; quia Christus Petrum, ejusque Successorem Romanum Pontificem suum in terris Vicarium constituit, illumque constituit in sui absentia corporali, & visibili caput visibile corporis militantis Ecclesiæ, summumque Pastorem totius sui ovilis fecit; ut constat ex Evangelio Mat. 16. *Tu es Petrus & super hanc petram ædificabo Ecclesiam meam. Et tibi dabo claves Regni Cælorum.* & Joann. 21. *Pasce oves meas,* & Luc. 22. *confirma fratres tuos.* Et cum sint in Evangelio tam clari textus, ex quibus concilia, & Patres, atque Doctores statuunt, Papam esse supra totam communitatem Ecclesiæ, nullus est textus, ex quo probari possit, Concilium ut contradistinctum à Papa, esse supra illum. At Præpositus Generalis Societatis, non solum habet superiorem personam, cui subiectus sit, scilicet Pontificem, quod ex generali ratione Religionis christianæ, & ex speciali status religiosi, & ex specialissimo Societatis Jesu necessarium est; sed etiam est subje-

ctus.



Aut ipsi Societati, à qua dirigi, & corrigi, & si necesse sit, puniri, & deponi potest, ut constat ex Constitutionibus Societatis, & ex Bullis Apostolicis; unde Part. 10. constit. §. 8. dicitur; *refert etiam magnopere, si Praepositi particulares in sibi subditos, & Generales in particulares (scilicet Praepositos) & Societas in Generalem multum potestatis habeat, ita ut omnes ad bonum omnia possint, & si male agerent, omnino subiecti sint.*

CCXX. Ratio autem differentiae est clara. Quia Papa non ab Ecclesia, sed immediate à Christo potestatem Papalem habet; quae res est adeo certa, ut idem eximius Doctor Franciscus Suarez disp. 10. de fide sec. 3. n. 7. dicat, hanc conclusionem esse certam de fide. Quia de fide est, Christum in Petro instituisse dignitatem summi Pontificis, & Vicarij sui in terris; rursus de fide est, Christum non fundasse eam Dignitatem, ut in Petro finiretur, sed ut transiret ad Successores Petri. Ac proinde de fide est, Christum voluisse, ut aliquis Episcopus succederet Petro in munere summi Pontificis, & Vicarij Christi. Est autem certum omnino, & evidens evidentiâ facti, illum Episcopum, qui succedit Petro in suo Pontificatu, non alium esse, quam Episcopum Romanum. Unde certum omnino est, esse summum Pontificem, & Vicarium Christi illum hominem, de quo constat, esse legitime electum in Episcopum Romanum: de quo videndus est Bellar. lib. 2. de Rom. Pontif. cap. 12.

CCXXI. Quare sicut Christus

fundans Ecclesiam non dedit communitati, seu Collegio Apostolorum potestatem eligendi caput, qui vice ipsius Christi post ejus ascensum in caelum visibiliter gubernaret Ecclesiam; sed ipse Christus immediate elegit Petrum in sui Vicarium, qui visibiliter gubernaret Ecclesiam post ascensionem suam: ita non dat nunc communitati Christianorum, vel Communitati Episcoporum, vel alicui alteri communitati auctoritatem instituendi Pontificem, seu concedendi alicui homini Jurisdictionem Papalem, sed ipse per seipsum immediate communicat potestatem Jurisdictionis Papalis illi personae, quam Cardinales eligunt in Pontificem; sicut per seipsum communicat potestatem consecrandi Corpus suum illi viro, quem Episcopus ordinat in Sacerdotem.

CCXXII. Quare quando de novo creatur Papa, personae eligentes non communicant ipsi potestatem, sed designant personam, cui à Deo immediate communicatur ex vi primæ institutionis factæ à Christo in persona Petri, ut latè explicat ipse P. Suarez lib. 3. adversus regem Angliæ cap. 2. & idcirco nequit Ecclesia limitare potestatem Pontificis, nec unum constituere pro Oriente, alterum pro Occidente; quod certe posset, si semel potestatem Jurisdictionis ipsi communicaret, sicut Episcopi possunt Sacerdotibus limitare potestatem Jurisdictionis, quam ipsis communicant, non potestatem consecrandi, quam immediate ipsis Christus tribuit. Unde licet possint Sacerdotibus præcipere,

Mm &

ne

ne faciant sacrum, ipsosque excommunicare; sua tamen prohibitione nequeunt efficere, ne verè consecrent Corpus Christi, si verba consecrationis proferant supra legitimam materiam cum intentione consecrandi; quia potestatem consecrandi non accipiunt ab ipsis, sed immediatè à Christo.

CCXXXIII. Nec in toto Evangelio reperietur textus, ex quo verissimiliter probari possit, Christum tribuisse Ecclesiæ auctoritatem instituendi potestatem Papæ in Petro, vel in successoribus ejus. Et ratio à priori, cur Ecclesiæ hanc auctoritatem non habeat, est, quia eam potestatem instituere propria auctoritate, quâ aliquis utitur, ut Vicarius alicujus Domini, ad nullum alium pertinet, nisi ad illum Dominum, cujus ipse; qui tali potestate utitur, est Vicarius. At potestas Papalis, seu Jurisdictio, quam habet quatenus Papa, est potestas, qua ipse Papa utitur, ut Vicarius Christi in terris, ergo potestatem istam instituere, & conferre, ad nullum alium pertinet, nisi ad Christum. Potestas ergo Papalis non est ex institutione humana, sed Divina, & immediatè à Christo communicatur illi personæ, quæ ritè eligitur in Episcopum Romanum.

CCXXXIV. Pontifex ergo non ab Ecclesiâ, sed immediatè à Christo habet potestatem. At Præpositus Generalis habet suam potestatem à Societate juxta modum in ipsius constitutionibus præscriptum, & à summis Pontificibus confirmatum. Unde Societas in certis casibus designatis in Constitutionibus part. 9. cap. 4. potest Gene-

ralem deponere; ac proinde non est mihi, quod Societas, quando est coacta in Congregationem generalem, sit supra Præpositum Generalem, quamvis Ecclesiâ, quando est congregata in Concilio generali, sit subjecta Pontifici, sicut corpus suo capiti, & sicut ovile summo Pastori, quia Pontifex necessariò retinet munus Vicarij Christi, ac proinde semper sicut caput visibile habet superioritatem in reliquum Ecclesiæ corpus representatum à Concilio. Licet enim Christus existens in Cælo sit invisibile caput Ecclesiæ, in ipsam continuò influens per gratiam, caput tamen visibile Ecclesiæ, quod extendit illam gubernat Vice Christi, est Romanus Pontifex. Est ergo evidens disparitas, quia constat manifestè ex Constitutionibus Societatis, & ex Bullis Pontificum, Generalem à Societate accipere immediatè potestatem, & Societati ut congregatæ esse subiectum: Et contrarium constat ex Evangelio, ex Patribus, & ipsis Concilijs, Papam non accipere potestatem ab Ecclesiâ, sed immediatè à Christo, nec subesse Concilio, sed illo superioritatem esse; & Concilia ipsa hanc superioritatem agnovisse, dum ad valorem suorum decretorum recurserunt ad confirmationem Pontificis. Cùm in Congregatione Generali satis sit, decreta condi à majori parte, ut totam Societatem ligent, nec opus sit confirmatione Generalis ad ipsorum valorem.

CCXXXV. Nec fuit conveniens, ut Christus subjeceret Romanum Pontificem

tificem Concilio ; sicut fuit conveniens , ut S. Ignatius in Constitutionibus , vel potius Sedes Apostolica eas confirmans , subjeceret Generalem Societati ad conventum generalem convocatæ. Nam (ut inquit P. Suarez) *Pontifex sicut singulari , & excellentiori modo habet a Deo potestatem , ita habet peculiarem Spiritus sancti assistance[m] , qua potest supplere cujuscu[m]que superioris directionem , vel coactionem. Alii verò inferiores Prælati , sicut ab hominibus eliguntur , ita convenienter toti communitati , seu congregationi generali subjiuntur. Quod non fuerit conveniens , Christum Dominum Vicarium suum subijcere Concilio , probat factum ipsum , quia Christus illud fecit , quod melius , & convenientius erat Ecclesiæ suæ. Constat autem ex Evangelio , totum corpus Ec-*

clesiæ subiecisse Romano Pontifici , ut capiti visibili Ecclesiæ.

CCXXVI. Idquæ ratio evincit. Nam Papa Princeps est Ecclesiæ totius , utpote Vicarius Christi : Ergo in terris superiorem non habet. Probo consequentiam , nam quia summus Princeps est Ecclesiæ , non potest judicari ab ullo Ecclesiastico Judice. Rursus quia Respublica Ecclesiastica spiritualis est , ac proinde major , ac sublimior , quàm ulla Respublica temporalis , ad summum Principem Reipublicæ Ecclesiasticæ pertinet , dirigere & judicare summum Principem Reipublicæ temporalis , non autem ab illo dirigi , & judicari. Alioqui reus ordo , & ipsa natura rerum perturbaretur. Ergo Papa in terris superiorem potestatem non habet , à qua judicaretur.

## CAPVT OCTAVUM.

*Quintum caput idem probandi , quia evidens est , evidentiæ facti , per singula sæcula floruisse in Ecclesia Romana viros , & feminas sanctitate , & miraculis illustres : certum autem est , veram sanctitatem , & gloriam miraculorum solum in Professoribus vera fidei reperiri : nec Deum unquam tribuisse Hæresiarchis . & eorum sectatoribus potestatem patranda vera miracula , quibus Authoritatem sibi conciliarent ad persuadenda sua prava dogmata.*

CCXXVII. **I**D esse evidens evidentiæ facti , evincit Bellarminus Tom. 2. lib. 4. de notis Ecclesiæ cap. 14. discurrens per singula Ecclesiæ sæcula. In *Primo sæculo habemus* (inquit) *miracula Christi ,*

*& Apostolorum in Evangelij , & Actis.*

*Secundo sæculo habemus miracula Christianorum militum in exercitu M. Antonij , de quo vide Tertull. in lib. ad Scapulam , & in Apolog. c. 5. Eu-*

M m 3

feblib

leb. lib. 5. Hist. c. 5. & Oros. lib. 7. Hist. cap. 15. & ipsam Epistolam Imperatoris ad Justinum opera adiunctam.

*Tertio* sæculo habemus miracula Gregorij Thaumaturgi, de quibus vide Basilium libro de Spiritu sancto, cap. 29. Gregorium Nyssenum in vita ejus. Hieronymum de Viris Illustribus, & Eusebium ex versione Rufini Lib. 7. cap. 25.

*Quarto* sæculo habemus miracula Antonij, Hilarionis, Martini, Nicolai, & aliorum, scripta ab Athanasio, Hieronymo, Sulpitio, & alijs.

*Quinto* sæculo habemus miracula plurima, quæ describit Augustinus facta suo tempore, lib. 22. de Civitate Dei cap. 8.

*Sexto* sæculo habemus miracula, quæ narrat Gregorius in Dialogis, ubi narrat duo facta à Romanis Pontificibus, Joanne, & Agapito lib. 3. cap. 2. & 3.

*Septimo* sæculo miracula facta in Anglia à S. Augustino, & Socijs, de quibus Gregorius lib. 9. Epist. 58. & Beda lib. 1. Hist. c. 13. Item ab Olvaldo Rege per lignum crucis lib. 3. cap. 2.

*Octavo* sæculo miracula S. Cuthberti, & S. Joannis in Anglia, teste Beda lib. 4. & 5. Hist.

*Nono* sæculo miracula Tharasis, scripta ab Ignatio Nizzeno. Item alia innumera omnis generis facta in Civitate Sueffionensi in translatione reliquiarum S. Sebastiani Martyris, quæ facta est anno Domini D CCC. XXVI. de qua vide annales Francorum, scri-

ptos summa fide ab Authore, qui illo ipso tempore floruit.

*Decimo* sæculo miracula S. Romualdi, scripta à B. Petro Damiani; Item Wenceslai Regis Boëmorum, S. Udaltici, & S. Dunstani, de quibus vide Surium.

*Undecimo* sæculo miracula S. Eduardi Regis, & Virginis, S. Anselmi, Gregorij Papæ VII. & aliorum. Post illa undecim sæcula.

CCXXVIII. *Duodecimo* sæculo claruerunt in Ecclesia Catholica miraculis B. Malachias, & B. Bernardus. De Malachia Episcopo Legato Pont. Rom. sic scribit Bernardus in vita ejus, posteaquam narravit multa ejus miracula: Quo, inquit, antiquorum genere miraculorum Malachias non claruit? si bene advertimus pauca ipsa, quæ dicta sunt, non Prophetia defuit illi, non revelatio, non gratia sanitarum, non mutatio mentium, non denique mortuorum suscitatio.

Beatus autem Bernardus Monachus, & Pater Monachorum, ac Romanis Pontificibus additissimus pluribus miraculis claruit, quàm ullus sanctorum, quorum vitæ scriptæ exstant: nam una die in Constantiensis diocesis constat eum illuminasse cæcos undecim, curasse Monachos decem, & claudos decem & octo, ut scribit Gotfridus, qui eum ipso vixit lib. 4. cap. 4. vitæ ejus, & præterea omnes quinque libri plenissimi sunt miraculis, ut difficile sit eorum numerum inire.

CCXXIX. *Decimo tertio* sæculo claruerunt in Ecclesia Catholica multi, sed præcipuè B. Franciscus: cujus vi-

tam

eam miraculis plenissimam scribit B. Bonaventura : item B. Dominicus, cujus vita, etsi negligentius scripta fuit, tamen constat, eum tres mortuos excitasse : claruerunt eodem sæculo miraculis B. Petrus Martyr, & B. Thomas ex ordine Prædicatorum, & B. Antonius, ac B. Bonaventura ex ordine Minorum, de quibus vide Antoninum 3. par. hist. tit. 23 & 24. & ad finem ejus sæculi claruit miraculis plurimis S. Cælestinus V. Pontifex Romanus tam ante Pontificatum, quàm postea, ut scribit in ejus vita Petrus Cardinalis Cameracensis.

*Decimo quarto sæculo* claruerunt miraculis etiam multi, sed præcipuè S. Bernardinus, S. Catharina Senensis, S. Nicolaus Tolentinas, de quibus vide Antoninum, ubi supra.

*Decimo quinto sæculo* claruit S. Vincentius vivus, & mortuus miraculis plurimis, adeò, ut B. Antoninus 3. part. hist. tit. 23. dicat, constare de XXXVIII. mortuis per eum excitatis; idem B. Antoninus eodem sæculo miraculis claruit, cujus vita existat apud Surium.

CCXXX. Denique hoc nostro sæculo claruit in primis S. Franciscus de Paula plurimis miraculis, ut in Bulla existat apud Surium. Claruit etiam in Indijs omni genere miraculorum Beatus Pater Franciscus Xaverius Societatis Jesu Presbyter &c. Hucusque Bellarminus : sed de miraculis S. Francisci de Paula, & S. Francisci Xaverij postea seorsim agendum. Scripsit autem hæc Bellarminus ann. 1553. in quo secundus controversia-

rum ejus tomus primò in lucem prodijt. In istis autem centum, & amplius annis, qui ab eo anno transierunt usque ad tempus, in quo hæc scribo, multi alij floruerunt in Ecclesia Romana Sancti virtute, & miraculis insignes, ut constabit cap. sequenti.

CCXXXI. Quòd autem in solis Professoribus veræ Religionis miracula verè reperiantur, constat : quia miracula verà à solo DEO fieri possunt, ut ostendi lib. 1. cap. 2. & 3. Deus autem miracula non facit per professores falsæ Religionis : quia vel facit miracula ad confirmandam veritatem doctrinæ, quam annuntiant Ministri ab eo missi ad introducendam, vel conservandam veram fidem : vel ad illustrandam sanctorum vitam. Neutro autem modo potest facere miracula per professores falsæ religionis : non primo, quia ut demonstravimus lib. 1. cap. 3. Deus non potest facere miracula in confirmationem doctrinæ falsæ, qualis est illa, quam hæretici, & alij Professores falsarum sectarum, disseminant. Non secundo, quia cùm miracula sunt ad gloriam alicujus Sancti illustrandam, Deus per miracula illa ostendit, hominem illum esse verè Sanctum. Nullus autem falsæ Religionis professor potest esse verè Sanctus, dum falsam tenet Religionem, & caret verà, quia *sine fide impossibile est placere Deo, & insus ex fide vivit*, ut docet Apostolus. Unde sine vera fide, & vera Religione impossibile est, ut detur vera justitia, & vera sanctitas.

CCXXXII. Jam verò, quòd Deus nunquam tribuet hæresichis



vel falsis Prophetis, & Sectatoribus falsarum Religionum, potestatem faciendi vera miracula, probat Bellar. eodem capite. Nam de Paganis certum est, illos vera miracula non fecisse, & certissimum, non potuisse facere in confirmationem suæ sectæ. Mirabilia autem quædam, quæ refert Valerius Maximus lib. 8. nimirum de statuis, & brutis loquentibus, & de Virgine Vestali æquam cribro hauriente, & quod refert Marcus Tullius lib. 1. de divinatione de augure, qui novacula cotem scidit, facillimè potuerunt fieri arte dæmonum, ut ostendunt D. August. lib. 10. de Civitate, cap. 16. & Tertullianus in Apolog. cap. 22. & 23. Deinde (ut ibi inquit August.) *hec, æque alia hujusmodi nequaquam illis, quæ in Populo Dei facta legimus, virtute, ac magnitudine conferri possunt.*

CCXXXIII. In Synagoga dum fuit vera Dei Ecclesia, & veram Dei fidem habebat, constat, fuisse multa & magna miracula; at postquam Christus venit, & infelix ille Hebræus populus negando Messiam sibi promissum, & oculos claudendo luci clarissimæ, veram fidem amisit; non habuit amplius ullum miraculum, & illud unum de piscina, quod adhuc durabat, quando Christus prædicabat, postea omnino cessavit: quia jam non est amplius Dei Populus, qui Deum in carne venientem, & tot miracula patrantem ad persuadendam suam divinitatem, suscipere noluit.

CCXXXIV. De Mahumeto videbimus in secunda parte lib. 1. cap. 1. &

lib. 5. cap. 39. nullo miraculo potuisse probare, se esse Prophetam; imò ad declinandam invidiam identidem dicere solitum, Christo, & Apostolis datam esse virtutem patrandi miracula ad exterminandam idololatriam, & unius veri Dei cultum introducendum; cæterum quia tot editis miraculis id perficere non potuerunt, sibi datum esse gladium, ut illo, & non linguâ veram Dei legem introduceret: ad conciliandam tamen sibi auctoritatem quædam narrabat à se facta miracula, sine testibus tamen, ut de falsitate convinci non posset. De falsis Prophetis (inquit Bellar.) & hæreticis non minùs est certum, eos sæpe miracula facere conatos, & semper spe sua esse frustratos; nota est historia Prophetarum Baal, qui ignem de Cælo deducere voluerunt per invocationem Baal, nec tamen potuerunt: quod tamen verus Propheta Helias per invocationem veri Dei nullo negotio effecit. vide lib. 3. Reg. cap. 18.

CCXXXV. Pari ratione delusum Simonem Magum scribit Egesippus lib. 3. de excidio Hierosol. c. 2. nam, & mortuum excitare, & per aërem volare tentavit, sed nihil ei successit. Manicheum frustra conatum, filio Regis ægotanti sanitatem asserre, scribit Epiphanius hæresi 66. Cyrolas Patriarcham Arianorum planè excecasse raiherum quendam, qui se cæcum sinxerat, & ab eo præsidium implorabat, scribit Gregorius Turon. lib. 2. hist. Francorum, cap. 3. Eunomianum quendam à S. Machario victum in contentione de suscitatione

homi-



hominis mortui, scribit Joannes Cas-  
sianus collatione 15. cap. 3. Polychro-  
nium Monothelitam frustra sudasse  
excitatione alterius cujusdam defuncti,  
restantur publica acta sextæ Synodi  
actio. 15.

CCXXXVI. De Donatistis, quod  
contra se miracula fecerint, dum am-  
pullam Chrismatis projecerunt in sa-  
xam, quæ Angelica manu sustentata  
frangi non potuit; & dum Evcharisti-  
am canibus dare voluerunt, & ipsi ab  
iisdem canibus discerpti sunt, scribit  
Optatus Lib. 2. contra Parmenianum.

De Timotheo Æluro Eutychiano  
scribit Theodorus lib. 1. colle-  
ctaneorum, per multas noctes eum  
habitu nigro indutum per cellas Mo-  
nachorum discursasse, dicentem, se esse  
Angelum à Deo missum, ut illis si-  
gnificaret, ne Proterio (is erat vir

Sanctus, & Catholicus Episcopus  
Alexandriæ) communicarent; sed ejus  
loco Timotheum Ælurum Episco-  
pum designarent.

De quodam Iconomacho scribit  
Paulus Diaconus lib. ult. rerum Roma-  
narum, eum in sepulchro quodam  
inclusum, inde Constantinum Icono-  
machum laudibus in Cælum vehere  
cepisse, ut nimirum ita quasi mortuo-  
rum responsis hæresis confirmaretur.

De nostri seculi hæreticis idem o-  
mnino constat. Hætenus ibi Bellarmi-  
nus, qui statim narrat, quo pacto Lu-  
therus, & Calvinus conati sint, ad  
conciliandam sibi auctoritatem fa-  
cero, vel saltem apparere miracu-  
la, & nihil inde retulisse, nisi  
ignominiam, & confusionem, quod  
nos commodius postea narrabi-  
mus.



## CAPUT NONUM.

*Sextum caput id probandi, quia insignis Sanctitas & gloria miraculorum, quæ in Ecclesia Romana floruerunt multis viri, & femina, postquam Lutherus, & Calvinus ab illa recesserunt, cum interrim isti nova Ecclesia reformatæ, vel potius deformatæ, auctores nullis virtutibus, nullisque miraculis fuerint insignes, manifestè probat veritatem Ecclesiæ Romanæ, & falsitatem Sæctæ Lutheranæ, & Calvinianæ.*

## §. I.

*Eo tempore, quo Lutherus ab Ecclesia Romana, tanquam à Magistrærorum, & Synagoga sathana publicè discessit, Deus toti orbi Christiano per miracula S. Francisci de Paula, in ejus canonizatione publicata, manifestè ostendit, eam esse Ecclesiam suam Sanctam.*

CCXXXVII. **F**loruisse in Ecclesia Romana, postquam ab ea Lutherus secessit, viros & feminas, Sanctitate & miraculis insignes, est evidens evidentiâ facti, & comprobatur tum ex Bullis Canonizationis, & Beatificationis, tum ex historia Ecclesiastica: sed antequam eos enumeremus, oportet notare, paulò antequam Lutherus ab Ecclesia Romana apostatarer, in ea obiisse S. Franciscum de Paula Ordinis Minorum conditorem, vitæ *sanctitudine illustrem, & miraculorum magnitudine, ac frequentia alterum Tanmaturgum*, ut loquitur Spondanus ad ann. 1507. in quo Sanctus iste obiit ætatis suæ anno nonagesimo primo, qui pro-

inde natus est anno 1416. cum Martinus Lutherus natus fuerit anno 1483. & obierit anno 1546. ætatis suæ 63. & cepit contra indulgentias prædicare anno 1517. & damnata fuerit ejus doctrina anno 1520. à Leone X. qui in Sanctorum Catalogum retulerat S. Franciscum de Paula anno 1519. fueruntque proinde contemporanei, & Lutherus vigesimum quartum ægebat annum, quando S. Franciscus de Paula obiit; & tunc ab Ecclesia Romana discessit, quando summus Pontifex motus famæ, ac comprobatione ingentium miraculorum, quæ S. Franciscus tam in vita, quam post mortem edidit, ipsum solemniter canonizavit.

CCXXXVIII. Unde quando Martinus Lutherus in Ecclesiam Romanam tanquam in Synagogam sathanæ, & adulteram Christi debachatus est, Deus ipse evidens testimonium dedit de veritate fidei Catholicæ Romanæ, quam S. Franciscus de Paula professus est, publico & irrefragabili argumento condemnatam vitam & dogmata Lutheri, vitam autem & doctrin-

doctrinam Sancti Francisci comprobans. Lutherus tanquam salacissimus hircus in commentario, quem anno 1522. edidit, de vita conjugali docuit, verbum illud Dei, *crecite & multiplicamini*, non praecepti modò vim habere, sed & fortius, & majus quiddam esse, adeoque DEI opus, quod impedire, vel exequi, prorsus non sit in potestate nostra, adeòq; necessariū, quāto edere, & bibere, excernere & ejicere, dormire, & vigilare: quapropter si quis contra hanc necessitatem aliquibus votis, & ferreis adòque adamantinis votis se se obligarit, id frustra esse, idemq; prorsus esse, ac si Vir non masculum, mulier non feminam se esse voveat, ut refert Spondanus ad ann. 1522. n. 9. Et de seipso testabatur, *se non magis à muliere abstinere potuisse, quàm à cibo, & potu*. Ita habet in colloquio mentali fol. 400, & 526. At Sanctus Franciscus de Paula perpetuam Virginitatem servavit.

CCXXXIX. Lutherus in Libro de Libertate Christiana morem Ecclesiae reprehendit, imperantis abstinētiā à carnibus certis temporibus, ut diebus Veneris, & in quadragesima, & requirentis ad jejunium abstinētiā à carnibus, & ab ovis, ac caseo, quia nimirum totus ventri deditus delicias carnis querebat, & eos cibos magis amabat, qui plus libidinem foveant. At S. Franciscus abstinētiā fuit admirabilis: semel in die post solis occasum reficiebatur, & ad panem, & aqua potum, vix aliquid ejusmodi obsonij adhibebat, quo vesci in quadragesima licet: quā consuetudinem, ut

fratres sui toto anni tempore retinerent, quarto voto eos adstrinxit, eo Spiritus ductus, quo mota est Ecclesia, ut certis temporibus abstinētiā à carnibus imperaret, praesertim tempore jejunij, siquidem jejunium indicitur ad cohibendam carnis concupiscentiam, quae circa delectationes gulæ, luxuriæque versatur. Carnes autem terrestrium, & volatiliū animantium magis nutriunt, & delectant ex genere suo, quàm ceteri cibi, cum sint humanæ carni similiores. Inde enim, & libentiùs appetuntur, & materiam generationis magis augent; unde stimuli carnis acriores oriri solent. Atque eadem ferè ratio est ovorum, & lactis: nam ut Sanctus Hieronymus ex sententia veterum Ægyptiorum refert, libro secundo adversus Jovinianum, *nihil esse videntur aliud ovum, & lac, nisi caro liquida, & sanguis albus*. Sanctissimus ergo Franciscus voluit suos Alumnos perpetuò à carnibus, & ovis abstinere, ut sic longius distarent à vitij carnalibus gulæ, & luxuriæ.

CCXL. Lutherus fuit vir superbissimus, & ambitione plenus; at Franciscus humilitatem sic coluit, ut se omnium minimum diceret, suòque alumnos minimos appellari voluerit. Lutherus convivia & corporis delicias avidè querebat; at Franciscus rudi amictu, nudis pedibus incedens, humi cubabat.

Jam videamus, pro quo Deus sententiā tulit, an pro Francisco, an pro Luthero; cujus Religionem, & fidem sibi gratam esse significaverit, Lutheri, an Francisci?

N n 2

loquan-

loquantur facta, nam sicut humana conversatio verbis, ita divina potentia etiam factis loquitur, inquit Augustinus Epist. 49. factis ipsis mirabilibus Deus manifestè ostendit, vitam Francisci sibi fuisse gratissimam, ac proinde ejus fidem, & Religionem fuisse veram. Nam multis, & magnis miraculis servi sui sanctitatem testari voluit in vita, quorum illud imprimis celebre, quod à nautis rejectus Sicilia fretum stratis super fluctibus pallio cum socio transiit. Etenim post mortem: siquidem corpus ejus dies undecim inssepultum, ita incorruptum permansit, ut suavem etiam odorem efflaret; ut dicit Ecclesia. Idque inter continua, quæ fiebant ad illud, sanationum miracula, ut inquit Spondanus ex Bulla Canonizationis. At e contra in Luthero nullum signum sanctitatis apparuit; sed contra iniquitatis consummata argumenta visa sunt; ut postmodum magis constabit.

CCXLI. Quis hîc non agnoscat singularem Christi providentiam erga Ecclesiam suam? siquidem eodem tempore, quo Lutherus classicum incæpit canere contra illam, & scriptis, & verbo clamare, Ecclesiam Romanam esse Synagogam sathanæ, & non esse illam, quam Christus fundavit, sed aliam planè diversam, vera fide vacuum, & erroribus pleam; tunc per solemnem canonizationem S. Francisci de Paula, in qua stupenda ipsius miracula toti orbi Christiano manifestata sunt, apertè demonstravit, Ecclesiam Romanam, cujus fidem tenebat vir iste sanctus, veram

esse Christi Ecclesiam, sanctam, & immaculatam, utpote quæ nihil falsum credendum proponat, nihil injustum faciendum præcipiat, aut consulat; licet multa supra rationem doceat.

## §. II.

*Conversio Sancti Ignatii eo ipso anno, quo Lutherus declaratus est hæreticus, & instituta ab eo Religio, manifestè probat veritatem Religionis Catholicae Romanae, in cujus subsidium Deus novam hanc militiam misit.*

## CCXLII.

Postquam Lutherus ab Ecclesia discessit, floruerunt in Ecclesia Romana viri & faminae, sanctitate & miraculis in vita, & post mortem illustres. Et imprimis manifestè Deus ostendit providentiam suam erga Ecclesiam in fundatione Societatis JESU: Nam anno 1521. quando Lutherus hæreticus declaratus est à Leone X. & publicè cepit venenum evomere contra fidem Catholicam, mirabiliter Deus convertit Ignatium de Loyola à militia temporali ad spiritualem, ut Dux eorum foret, qui portarent ejus sanctissimum nomen coram gentibus, & populis, & Infideles ad vera fidei cognitionem inducerent, ac rebelles hæreticos ad illius unitatem revocarent, suique in Terris Vicarij auctoritatem defenderent; ut loquitur Urbanus VIII. Pontifex Maximus in Bulla Canonizationis S. Ignatii. Si qui sem in propagatione Pampelonensi accepto vulnere cum graviter Ignatius decumberet, ei apparuit

ruit

ruit S. Petrus; quem præcipua devotione colebat, & in præfenti opitulatus est discrimine, ut postea Ecclesiam sanctam, & Sedem suam Apostolicam defenderet per se, & socios; quod ita cumulatè præstitit, ut constans fuerit omnium sensus, etiam Pontificio confirmatus oraculo, Deum, sicut alios aliis temporibus sanctos viros, in Luthero, ejusdemque temporis hæretico, Ignatium, & institutum ab eo Societatem objecisse. In eo anno 1521. Lutherus se recepit in Castrum Wittenbergense, ut contra Ecclesiam Catholicam scriberet, quem secessum incredibili audacia suam Pathmos appellat, & eodem anno in speluncam Manresæ se abdedit Ignatius poenitentiam acturus: quo tempore homo litterarum planè rudis admirabilem illum composuit exercitiorum librum, Sedis Apostolicæ iudicio, & omnium utilitate comprobatum: qui in omnibus suis notis, & documentis est oppositus spiritui, & doctrinæ Lutheri, & qui fuit officina, & fornax, in qua tot gladij ad hæresim debellandam formati sunt, quot fuerunt Ignatij focij, & discipuli, qui ab his exercitijs ardentem charitatis flammam, & zelum animarum hausserunt; & quia Lutherus initium fecit suarum hæresum à pervicacia contra Sedem Apostolicam, ejusque contemptu, & inobedientia, S. Ignatius, cum impensè flagraret Christi amore, eamque obrem gloriam ejus, & regnum omni ope toto orbe terrarum propagandum susceperet, quasi cohortem colligendam sibi putavit, quam proprii sacramenti religionis Apostolicæ

Sedi subiceret, tum ut per hunc nexum plenior à Capite Christo per Vicarium ejus vitalis succus ac vigor descenderet tum ut quemadmodum pervertendarum animarum hæretici initium faciunt à pervicacia, abscindendisque ab hoc corpore membris; ita ipse convertendarum opus ab obedientia, & connectione, quam intimà auspicaretur; ut inquit Historia Societatis parte 5. lib. 9. n. 8. & ideo Religionem Societatis JESU à se institutam ad tria consueta, quarto addito circa missiones specialis obedientiæ voto Sedi Apostolicæ attribuit adstrinxit.

CCXLIII. Qui consideraverit Societatis JESU foundationem mediante milite, qui prima rudimenta grammaticæ inter pueros addiscere cæpit, cum triginta trium esset annorum, ejusque celerem per totum Orbem Christianum propagationem, cum tanta morum reformatione, manifestum habebit argumentum veritatis Religionis Catholicæ Romanæ, ad cujus defensionem & propagationem novum hunc ordipem mediante Ignatio instituit. Hanc singularem Dei providentiam erga Ecclesiam suam notârunt summi Pontifices Gregorius XV. & Urbanus VIII. & scriptores plurimi hujus seculi, quos citat P. Daniel Bartoli in vita S. Ignatij. Siquidem inter cætera S. Ignatij decora, singulare hoc ipsique proprium observârunt, quodd ex militia seculi ejus belli ductor cælitus lectus sit, quo ad præsidium, vexata; ad defensionem, laborans Dei Ecclesia, esset magnoperè usura. In calamitoso &  
N n 3

vide-

videlicet Henrici per Angliam schismate, in Lutheri desertione per Germaniam; in rebellionē Calvinī per Galliam: in extendendis per Castellā, & Lusitaniam Indiarū religionis verā limitibus, quos per Europam haresis impie arctarat. Fuitque hoc Deo ab ortu Ecclesiæ solemne, ut effusus in campum haresum ducibus, apostasiā, tyrannīs, propugnatores opponeret, nunc quōdā singulos, nunc in turmas digestos, ad hoc peculiari providentiā evocatas. Sic olim Athanasium Arrio; Basilium Eunomio; Iuliano Gregorini cognomento Theologum; Nestorū Cyrillum; Hieronymum, & Augustinum Elnidio, & Pelagio; ante annos demum quadringentos Albigensum furori, & grassantibus latē hominum vitiis, sanctissimorum Francisci, & Dominici Patriarcharum familias geminas. Et certē dignum observatione, Ignatij ortus, conversio ad Deum, & conscripta ab eo Societatis instructio, publicis Ecclesiæ necessitatibus quā oportunnē occurrerint: quo enim anno Ferdinandus Castella Rex cum Christophoro Columbo de navigatione decernebat, quam hic novum in orbem ab se primū repertum instituit; eodem Ignatium Deus huic mundo dedit, ut barbararum tot gentium eruditio, & in Christo cultus, ejus tum opera premium, tum filiorum labor foret. Sexto verō post anno orientem versus Vasco Gama in detectas ab se Indias navigavit, quo item Xaverius nascitur, hoc est, 1497. Inde post quatuor, & viginti annos Martinus Lutherus Vor-

matia, effrontem coram Carolo Quinto apostasiam professus, & post desperatam emendationem Vaubergae abdidit, ubi novus Joannes, nova Parthos iactator ridiculus, praesentis veniens contrareligiosa vota librum scripsit, qui pestifera sui leſitatione, brevi canobia in solitudinem mutavit; ē contrario hunc ipsum in annum cecidit humanis ex rebus Ignatij fuga, votūque Deo militandi ex quo, receptus post curatū vulnus corporis viribus, Mantasam secessit, ubi clara in luce aeterna veritatis libellum composuit spiritualium exercitiorum, cuius, ut dicitur, mirabili ductu & suam ipse sacram familiam collegit, & reliquas mirificis auxit. Unā Ignatius, & Calvinus Parisiis agebant, unā discipulos & sequaces, quā diversi diversos! legebant. Illic Fabrum sibi finxit Ignatius, qui vitæ & doctrinæ suæ malleo (verba sunt Florimondi Raymondī) hæresin fortiter obtutivit. Ibidem Calvinus, aisdem author, alterum sibi Fabrum cudit, insignem oppidū suorum informacibus haresum Cyclopiū ministrum. Henricus denique octavus Angliæ Rex, qui valedicente mundanis Ignatio, Defensor fidei glorioſe fuerat appellatus, eodem prima Societatis rudimenta Parisiis designante, deoventēque illam defensionī Ecclesiæ, Christiſque Vicario, ab Ecclesiā seſe, eiusque capite Rom. Pontifice penitus abſcedit, anno 1534. & penā capitis radii Papa nomen, & ne quibuscumque in libris, carisſque legeretur, edidit.



## §. III.

*Catalogus Sanctorum, qui in Ecclesia Romana floruerunt, post apostasiam Lutheri.*

**CCXLIV.** Floruerunt autem, postquam Lutherus contra Ecclesiam rebellavit, viri & feminae sanctitate & miraculis illustres in vita & post obitum, ita ut Sanctorum Confessorum nullum forsitan seculum post tempora Ecclesiam primitivae feracius & fecundius viderit. Loquor autem duntaxat de iis, quorum sanctitas ab Ecclesia est declarata, vel per canonizationem solemnem, vel saltem per beatificationem. Imprimis ab eo tempore floruerunt in Ecclesia Praelati zelo, charitate, misericordia, sapientia & rerum gestarum magnitudine insignes. S. Carolus Borromeus S. Ecclesiae Cardinalis, & Archiepiscopus Mediolanensis, S. Thomas de Villanueva Archiepiscopus Valentinus ex S. Augustini familia. S. Franciscus Salesius Episcopus Genevensis, & Beatus Toribius Mogrobeso Archiepiscopus Limensis. Extra statum Episcopalem multi, magnique sancti floruerunt: ex sacra Praedicatorum familia S. Ludovicus Beltran, & sancta Rosa: ex sacra S. Francisci Religione. S. Petrus de Alcantara, Beatus Franciscus Solanus, & Beatus Felix de Cantalicio: ex ordine Carmelitano, S. Theresia de JESU, S. Maria Magdalena de Pazzis, & Beatus Joannes de la Cruz: ex ordine Clericorum Regularium Theatinorum S. Cajetanus, & B. Andreas Obeli-

nus: ex Congregatione Oratorii ejus Fundator S. Philippus Neri: ex hac minima Societate JESU S. Ignatius ejus Fundator, S. Franciscus Xavierius Indiarum Apostolus, S. Franciscus de Borgia ex Duce Gandiae tertius Societatis Generalis, Beatus Stanislaus Koska, & B. Aloysius Gonzaga, praeter alios multos, de quorum Beatificatione apud Sedem Apostolicam agitur.

**CCXLV.** Horum sanctorum tam insignia sunt verae charitatis, & sanctitatis argumenta, tam insignia opera, tam manifesta Spiritus sancti charismata, tam conspicua miracula, ut nullus homo veri Dei cognitionem habens, possit dubitare, hos homines fuisse Deo charos. Una Theresia de JESU, tam heroica sanctitatis admirandae monumenta reliquit, ut stupidus sit, qui non videat, non potuisse debilem feminam talia opera facere, nisi virtus & sapientia Dei in illa inhabitasset.

## §. IV.

*Concluditur ex dictis, solam Ecclesiam Romanam, in qua semper fulget gloria miraculorum, esse veram Christi Ecclesiam.*

**CCXLVI.** Illatio est manifesta: Quia cum evidens sit, Deum summè bonum, & sapientem, velle, ut omnes homines rectè vivant, & ipsum colant eo modo, quo ipse vult coli: & certum omnino sit, Deum habere in mundo aliquam fidem & Religionem, in qua, & per quam homines salvari possint, & velle,

ut

ut ad ipsam veniant, ut illum in ipsa colant, prout ipse vult coli: hæc non potest esse alia, quàm illa, in qua Deus tot miracula per singula secula patravit; per hæc enim miracula loquitur Deus, & clamat, in illa Religione, & per illam se velle coli, in qua tot miracula operatur, nec fieri potest, ut ipse veram Religionem destituat omni miraculo, & falsam ornet tot, & tantis, quot, & quanta in Religione Catholica per singula sæcula operatus est. Miracula enim sunt quasi sigilla quædam, & testimonia, quibus vera Religio comprobatur: cum enim hæc habeat misteria, quæ sunt supra captum mentis humanæ, nequit solis rationibus persuaderi, sed opus est quibusdam argumentis supernaturalibus, quibus mentes hominum convincantur; hæc autem sunt miracula. Ergo cum hæc in sola Ecclesia Catholica, & non in ulla hæreticorum secta reperiantur, sequitur, solam Ecclesiam Catholicam

Romanam esse veram Christi Ecclesiam, & non solum fuisse veram Christi Ecclesiam in illis primis sæculis, in quibus ejus cultores & prædicatores tot miraculis claruerunt, sed etiam in ijs posterioribus, in quibus eadem gloria refulsit. Unde merito Augustinus lib. de utilitate credendi cap. 17. & libro contra Epistolam fundamenti cap. 4. dixit, se teneri in Ecclesia vinculis miraculorum, & Richardus de S. Victore lib. 1. de Trinit. cap. 2. audet dicere: *Domine, si error est, quod credimus, à te decepti sumus; ista enim in nobis ijs signis, & prodigiis confirmata sunt, quæ non nisi à te fieri potuerunt.* Unde sicut impossibile est, Deum homines decipere, ita impossibile est, esse falsam Religionem Catholicam Romanam, ad quam amplectendam Deus tot miraculis homines invitat.



CA-

## CAPUT DECIMUM.

*Septimum caput idem probandi, quia parallela comparatio inter Martinum Lutherum Ecclesiæ reformatæ primum Authorem, & Franciscum Xaverium Ecclesiæ Romanæ propagatorem, manifestè ostendit Ecclesiæ Romanæ esse veram Christi Ecclesiæ, Ecclesiæ verò Lutherianæ, & Calvinianæ, & aliæ inde ortæ non esse nisi Synagogas sabbana,*

CCXLVII. **H**anc comparationem instituit Cardinalis Bellarmus lib. 4. de notis Ecclesiæ cap. 14. Postquam enim narravit miracula aliqua ex ijs, quæ postea authenticè comprobata sunt, & in Bulla Canonizationis ejus continentur, & referuntur per compendium in ipsius lectionibus, de paralyticis, surdis, mutis, & cæcis curatis, de mortuis resuscitatis, & de incorruptione corporis, *siquidem demortui cadaver viva calce per multos menses bis obrutum, sed penitus incorruptum, odore, & sanguine manavit, & ubi Malaciam delatum est, pestem favissimam confestim extinxit.* Postquam, inquam, hæc Bellarminus breviter insinuavit, statim subjungit: *confervantur ista cum Lutheri vita, & morte: Lutherus deserit monasterium, ducit uxorem post votum continentię, bellum indicit Papæ; Franciscus ingreditur ordinem religiosum, servat diligentissimè votum continentię, obligat se Papæ voto obedientię peculiaris, & ab eo missus in exiremas mundi oras proficiscitur. Certè isti*

contrarijs itineribus incedunt, ut necesse sit, alterum eorum aberrare à recta via. Quis poterit melior esse Judex, quàm Deus, qui scrutatur renes & corda? Quomodo autem potuit Deus apertius sententiam suam explicare, quàm tribuendo uni donum singulare miraculorum, & conservando corpus ejus præter naturæ ordinem perpetuè incorruptum, cùm interim alter ne unam quidem muscam excitare potuerit, & corpus ejus præter naturæ etiam ordinem subito putrescere cæperit, idque hyeme, quando gelu omnia rigeant, & ita putrescere, ut intra arcam stanneam factor contineri nequirit?

CCXLVIII. Itaq; quòd Lutherus, & Calvinus nullam potuerit edere miraculū in confirmationem doctrinæ novæ, quam contra inconcussam totæculorum Ecclesiæ Romanæ fidem invehebant; & Xaverius tanta ediderit in ejus confirmationem, est manifestum argumentum veritatis Ecclesiæ Romanæ.

## §. I.

*Qui à Deo immediatè missione  
extraordinaria mittitur ad prædi-  
candum, debet miraculis pro-  
bare se missum à Deo.*

CCXLIX. **C**ertum est, nemi-  
nem posse veram  
fidem, & Religionem introdu-  
cere, nisi à Deo mittatur, ut osten-  
di suprà cap. 1. §. 4. versùs finem: *quo-  
modo enim predicabunt nisi mittantur?*  
Rom. 10. & ut inquit Christus Joan. 7.  
*qui querit gloriam ejus, qui misit eum,  
hic verax est.* Duplex autem est mis-  
sio: altera ordinaria, quando nimi-  
rum Missionarij Evangelici mittuntur  
ad prædicandum Evangelium, vel im-  
mediatè à summo Pontifice, sicut missus  
est hortatu S. Ignatii à Paulo III. Pon-  
tifice summo S. Franciscus Xaverius  
ad Indias cum Apostolici Nuncij po-  
testate, vel mediatè, quando mit-  
tuntur ab Episcopis constitutis à sum-  
mo Pontifice. Alia extraordinaria,  
quando immediatè mittuntur à Deo,  
sicut missus est Moyses ad liberan-  
dum populum suum de captivitate  
Pharaonis: & missus est Christus  
Dominus ab æterno Patre ad redi-  
mendum genus humanum; & Apo-  
stoli missi sunt à Christo ad prædican-  
dum Evangelium: sicut autem, qui  
mittuntur missione ordinaria, de-  
bent ostendere litteras patentes Præ-  
latorum, quibus constet de legitima  
authoritate: ita qui mittuntur missio-  
ne extraordinaria à solo Deo, debent  
ostendere sigillo Dei proprio, se ab  
ipso missos; sigillum autem Dei sunt  
miracula. Unde per miracula, &

vitæ sanctitatem debent probare, se  
missos esse à Deo: non enim sufficit,  
quod ipsi dicant, se missos esse à Deo;  
nam omnes seductores, & hæresi-  
archæ palàm hoc dicebant; sed de-  
bent ostendere litteras patentes, id est  
operibus miraculosis, & virtutibus in-  
signibus probare, se missos esse à  
Deo. Unde cum Deus Exod. 3. ap-  
paruisse Moyfi, illique intimasset  
missionem, *mittam te ad Pharaonem,  
ut educais populum meum, filios Israël  
de Ægypto*, & ille cap. 4. se excusans  
diceret: *Non credent mihi, neque  
audient vocem meam, sed dicent, non  
apparuit tibi Dominus*: dedit ei Deus  
potestatem faciendi miracula, quibus  
probaret, se missum à Deo, *ut credant*,  
inquit, *quod apparueris tibi Domi-  
nus.* Et Christus mittens Apostolos  
suos ad prædicandum Math. 10. dixit:  
*Euntes predicate, dicentes, appropin-  
quavit regnum celorum, infirmos cu-  
rate, mortuos suscite, leprosos munda-  
te, Dæmonia ejicite.* Unde Marci ul-  
timo dicitur: *Illi verò profecti prædi-  
caverunt ubique, Domino cooperante,  
& sermonem confirmante, sequenti-  
bus signis, & Hebræ. 2. contestante  
Deo signis, & virtutibus.*

CC L. Ipsæque Christus, ut  
probaret, se esse Filium Dei à Patre  
missum ad redimendum genus huma-  
num, tanta, & tam manifesta edi-  
dit miracula, ut omnino inexcusabiles  
reddiderit Judæos, qui illum recipere  
noluerunt; Unde Joan. 15. v. 22. dixit:  
*Si non venissem, & locutus fuisssem eis,  
peccatum non haberent: nunc autem  
excusationem non habent de peccato  
suo.*

*suo. Si opera non fecissem in eis, quæ nemo alius fecit, peccatum non haberent, nunc autem, & viderunt, & oderunt, & me, & Patrem meum. Ut autem exponit ibi Toletus, propterea Christus dixit: quæ nemo alius fecit; quia nec tot, nec tanta ullus alius operatus est. Qui igitur ei non crediderunt (infert ille) infideliores fuerunt, graviusque peccarunt, quam qui Prophetis, & Moyse ipsi fidem non habuerunt, nemo enim eorum tot, ac tanta operatus est.*

Unde Augustinus lib. 22. de Civitate cap. 8 dicit, *miracula fuisse necessaria, ut mundus crederet; cuius dictum expendi lib. 1. cap. 8.*

## §. II.

*Ex dictis inferitur, Lutherum & Calvinum non fuisse missos à Deo ad predicandum sua dogmata.*

**CCLL** **E**X præmissa explanatione inferitur. Lutherum & Calvinum, aliosque novatores, à seipsis venisse ad prædicanda sua dogmata; vel potius à diabolo fuisse missos, non autem à Deo; quia nec eorum missio fuit ordinaria, mediante mandato alicujus Ecclesiastici Prælati legitimi; siquidem ab Episcopis Catholicis missi non sunt, contra quorum fidem prædicabant, nec erant alij, à quibus mitti possent legitime. Nec fuit extraordinaria, & immediate à Deo, ut ipsi dicebant, passim vociferantes, se missos esse immediate à Christo extraordinario modo, sicut missi sunt Pro-

phetæ; oportebat namque signis & miraculis, insigni vitæ sanctitate, & mundi contemptu hoc probare, quod longè fuit ab istis novatoribus, qui superbia, ambitione, maledicentia, luxuria pleni fuere: & ad tam peregrinam, & tam exoticam doctrinam, omnino contrariam ei, quam saltem per novem, vel decem sæcula ex ipsorum confessione totus orbis Christianus crediderat, opus erat miraculis, & magnis miraculis, aliisque supernaturalibus signis, quibus persuaderent, se non esse impostores. Ut enim ponderat optimè P. Lessius, cum exscripturis, Mat. 24. Marci 13. 1. ad Timot. 4. 2. ad Tim. 3. 1. Petri 3. constet, novissimis temporibus multos pseudo-prophetas venturos, qui jacerent, se à Deo missos, & que Dominus attentè cavendos jussit, nemo novus admittendus est, qui suæ missionis ἀποστολῆν, & plenam fidem non fecerit, sed omnes suspecti habendi. Atqui non possunt ullo modo hanc ἀποστολῆν facere, nisi divinis signis, ut sunt miracula, prædictio futurorum, revelatio absconditorum &c. Hæc enim cum rerum creaturarum vim superent, manifestum est, esse à Deo. Unde sunt veluti literæ patentes, Dei sigillo obsignatæ, quibus missio divina probatur.

**CCLII.** Hinc quotquot à Deo unquam immediate missi sunt ad populum docendum, miraculis vel alijs supernaturalibus signis instructi venere, quibus eorum missio populo est manifestata. Sic Moyses filios Israel.

educturus ex Ægypto, eisque legem daturus, cum maxima miraculorum potestate venit, & innumera, vel ipse fecit, vel Deus circa ipsum, toties ei sub visibili specie apparendo, exhibuit. Sic omnes prophetæ vel miraculis, vel occultorum revelatione suam missionem probârunt. Idem fecit ipse Dominus Prophetarum: qui etsi clarè ex scripturis convincere posset, se Messiam esse, idque etiam testimonio Joannis Baptistæ satis posset constare, tamen plurimis miraculis statim initio prædicationis se à Patre missum ad hominum salutem ostendit, & Pharisæis odio ipsius credere nolentibus dixit, ut si ipsi propter se credere nolent, saltem operum magnitudine convicti crederent. Pari modo omnes Apostoli apud Judæos, & Ethnicos multis miraculis suam missionem probârunt. Denique idem fecere variarum gentium primi Doctores, qui illos ex paganismo ad fidem nostram traduxere. Quare cum isti novi Prophetæ dicant, se missos immediate à Deo, si id miraculis, & signis supernaturalibus non confirmant, sicut omnes alij proximè à Deo missi fecere, non sunt ullo modo audiendi.

## §. III.

*Lutherus, & Calvinus sibi per miracula auctoritatem conciliarentur, sed irritum.*

CCLIII.

fusionem, ut latè ostendit Bellar. lib. 4. de notis Ecclesiæ cap. 14. *Nam in primis (inquit) Lutherus bis tentavit miraculum facere: voluit aliquando de quadam discipula sua diabolum ejicere, sed periculum fuit. ne ipse à damone occideretur. Vide Staphylum, qui interfuit, in absoluta responsione.*

Rursum (ut scribit Joannes Cochleus in actis Lutheri anno MDXXIII.) Neseum in Albi miserè submersum, spe miraculi Lutherus vanis immurmurationibus frustra in vitam revocare tentavit. Sed quamvis viventim miracula non successerint, idem tamen post mortem miraculo insigni clauit: nam ejus cadaver cum deferretur in media hyeme, quo tempore corpora mortua in multos dies conservari solent, & esset inclusum in arcastannea optimè clausa, ut Wirtembergæ sepeliretur, tam tetrum odorem spirare cepit, ut nemo eum ferre potuerit: proinde coacti fuerunt corpus relinquere in itinere. Vide historiolum de morte Lutheri, quæ solet annexi libro Cochlezi de vita, & actis ejusdem Lutheri.

CCLIV. Aliud miraculum refert Felicianus Ninguarda in libro contra Ananiam Burgensem, & Lindanus in Dubitatio, & Alanus lib. 6. Dialogorum cujusdam Ministri, qui in finibus Poloniæ. & Hungariæ anno 1525. ipse periret, &

C

ce

re

ale Calv



vinl cap. 13. ex quo huc pauca inferere placuit.

## §. IV.

*Machinatio Calvinī, ut populo persuaderet, se mortuum suscepisse: & quam confusionem inde tulcrit.*

**GCLV.** **P**Ræterire, inquit, non debeo vāstram ejus & subtilem machinationem, qua tum ulus est, cū quendam, cui Bruleo nomen, & Patris Ostunum, in vitam revocare cogitaret, molireturque, ut sancti atque gloriosi Dei Prophetæ, miraculorūque patratoris nomen sibi, & famam pararet. Historia talis est: is, quem dixi, Bruleus Ostuno Genevam demigrarat, & cū inopse esset ipse, & uxor ejus, Calvinī gratiam aucupabantur, ut ei commendati, peculij pauperum fierent participes. Eis Calvinus vitæ subsidia benignè pollicetur, si ipsi contrā suam operam sibi non negarent ad rem quandam, quam per eos fieri vellent: sed opus esse fide, & magna taciturnitate. Vicissim illi ad id, quod jubere vellet, promptos se offerunt, & quemadmodum à Calvino instructus fuerat, miser hic Bruleus morbum simulat. Ministri pro concione populo commendant, ut precibus juverent, & eleemosynis paupertati succurrerent. Multo diu post personam mortui se simulat, is clam admonet omnium rerum

ignarus deambulatum prodit, sed comitatus magnā catervā amicorum, postquam rō ventum esset, ubi clamores & ejulatus uxoris, quæ misellam, & desolatam egregiè exprimebant, exaudiret, quidnam hoc esset, sciscitatus, domum ingreditur, ubi in genua ipse, & reliqua caterva provolvitur, precibusque alta voce profusis Deum obtestatur, potentiam suam ostendere, & mortuo huic vitam restituere, gloriāque suam sic universo populo declarare vellet, simulque manifestum facere, se (Calvinum) peculiarem, sibi que gratum servum esse, & à se ad Evangelicū sui ministerij, atque Ecclesiæ reformationem singulariter, & verè vocatum; post quas preces ad mortuum appropinquat, & miseri hominis manu apprehensa in Dei nomine imperat, ut se erigat: repetit iterum, sæpiusque eosdem sermones voce etiam aliud elevata. Quid sit? neque audit, neque loquitur, neque se commoveri mortuus; iusto enim Dei iudicio, qui fucos, mendaciæque detestatur, is, qui se mortuum simulabat, verè esse mortuus repertus est. Er uxor, quidquid eum agitare, quomodocumque impelleret, neque vocem extorquere, neque ut se commoveret, efficere potuit, sed totus frigebat, rigebat totus. Quo animadverso plorare, ululatus ferid edere, & ex animo caput uxor, & in Calvinum invecta, impostorem eum, sicutum, latronem, qui maritum interemisset, appellans, ex ordine rem, quo modo erat gesta, O o 3 clata

clara, clarâque voce exposuit. Et infra: *Negent hoc, quantum velint Calvini mancipia, exploratum, & cognitum satis fuit, veritâque rei probata, imò per ipsammet uxorem confirmata.*

Possimus ergo his opponere, quod ait Tertullianus in libro de præscripti: *Si alium Deum prædicant, cur ejusdem rebus, & litteris utuntur; contra quem prædicant? si eundem, quomodo aliter? alioquin probent se novos Apostolos: dicant Christum iterum descendisse, & dedisse eis virtutem eadem signa edendi.* Volo igitur, inquit, virtutes eorum proferre, nisi quòd agnosco maximam virtutem eorum, quâ Apostolos in perversum æmulantur: illi enim de mortuis suscitabant, isti de vivis mortuos faciunt.

**CCLVI.** Comparemus hanc historiam cum veritate certissima de miraculis, à S. Francisco Xaverio in vita; & post mortem patrat, quæ sunt manifesta, ut non nisi per summam obstinationem negari possint. Nota sunt omnibus ea, quæ post exactissimam comprobationem posita sunt ab Ecclesia in ejus lectionibus 3. Decembris: constâtque, hunc novum Indiarum Apostolum in dono linguarum, in miraculis, & peregrinationibus, & laboribus pro Christo toleratis, fuisse primis Apostolis simillimum: & idem Ecclesia testatur in Breviario Romano, Gregorium XV. illum, ubique terrarum novis maximisque fulgentem miraculis, Sanctis adscripsisse. Et non solum ante canonizationem solemniter celebratam anno 1622, sed post illam maxima edidit

miracula. Unum satis celebre, quod totam Italiam, & Hispaniam, & totam Indiam habet testes, hic referam eisdem verbis, quibus illud anno 1662. scripsit Neapoli, ubi accidit, P. Michael de Elizalde nostræ Societatis, meus olim in Metaphysica Magister, in celebri illo suo libro de forma vera religionis querenda, & invenienda quæst. 27 à numero 478. ad 487.

### G. V.

*Celebre miraculum S. Francisci Xaverij, patrum cum venerabili P. Marcello Mastrii anno 1634.*

**CCLVII.** **U**Num hic non subicebo (inquit citatus Author,) illudque præclarum, editum à Xaverio miraculum: Neapoli illud scribo, ubi non pridem gestum fuit, ubi testes multi supersunt; ubi coargui, illudque possim, si vera haud narrabo.

Anno Domini 1634. Comite de Monte Rey Prorege in ipso ejus Palatio dies festus agebatur in honorem Conceptionis Deiparæ. Exaltatibus magnificè apparandis unius cura demandata est P. Marcello Mastrii nostræ Societatis JESU Religioso, ex Mastrii illorum Illustri familia orto, notoræque satis Neapoli, sed. celebritatis planè finis mæstus; nam cum quidam in alto parietis peripetasmata resigeret, bilibris ei malleus per incuriam manu elabatur, atque in Mar-

celli

celli caput cadens, eo illum ictu affligit, ut sensuum expertus jacuerit mortuo simillimus. Sublatus mox inde manibus, cutruique impostus, ad Collegium Neapolitanum advehitur. Peritissimi quidam Medici, atque Chirurghi accersuntur, vulnus examinant, consulant, & communi suffragio lethale dicunt id vulnus, in quo curatio parùm proficiat; cælum hoc capiti tam esse noxium, ut leviora quoque sint curatù difficillima. Mox æger magna febris corripitur; os etiam nervorum relaxatione obstruitur. Ad extremum, alijs peractis Christiano-rum officijs, vigesimo secundo à vulnere die sacro oleo inungitur; anima, ut moris est, à Socijs Patribus Deo commendatur; ad crastinum expectatur funus.

CCLVIII. Hæc inter cùm hora esset quasi quarta noctis, diei Januarij tertij, Marcellus suo se nomine vocari sentit, stantem prope lectum videt Xaverium, veste quidem peregrinantium ad instar vulgari satis, sed vultu h larj, & venusto, quique deceret cælitè. Rogatur, an mori, an ad Indiam ire præstaret? Quod mallet Deus, Marcellus respondit. Tunc verò Xaverius votum nuncupare incipit; verba præit, quæ Marcellus resumeret; Patriæ, amicis, consanguineis renuntiatum, renovata religiosa vota; additum aliud de suo ad Indiam profectu, promissumque, se, si liceret, apud Barbaros mortem pro Christo subiturum. Adstantes quidem socij Marcellum audiebant loquentem, & de gravissi-

mis rebus agere visum, sed in extremis vitæ angustijs delirare suspicabantur, & quid esset, mirabantur magis, quàm ut quidquam judicarent. Voto nuncupato, sanctissimi Ligni Crucis frustulum, quod apud se habebat, Xaverij jussu Marcellus reverenter osculatur, ac vulneri applicat. Tunc Xaverius eum bono animo esse jubet; valetudinem jam esse integram; & his dictis evanuit. Extemplo Marcellus in lecto erigitur; se sanum dicit: visa, factaque memorat; vestitur, è lecto exilit, cicatrix, pallor, imbecillitas abeunt, restituti capilli ad vulneris curationem erasi: ex numerosissimo Collegio accurrunt cuncti, tum cæteri humi strati Deo gratias habent: stupent devotione, lachrimisque persusi: omnes Marcellus amplectitur, cibumque post sumit, quo tamdiu ferme caruerat. Mox, à superiore jussus, omnia manu sua minutatim scribit, subscribitque, & sequenti die, quando funus expectabatur, coram magna frequentia (nam multas famam concurrebant) factum facit, cæteraque prosequitur integræ valetudinis officia. Vix in tam patenti miraculo opus informatione fuerat; tamen ea jussu Eminentissimi Archiepiscopi exactissime facta, ac Medici, Chirurghi, testes, Patres, omnes jurati miraculum testantur, repugnat nemo, & quasi in meridiana luce cujuscumque indolis, vel affectionis homines conveniunt: Ad Indiam quantocius profectus, post innumera alia brevè peracta facinora tandem anno 1638.

o&ob

O&ob. 18. in Japonia Nangasackij pro fide torquetur, cruciatur, occiditur.

CCLIX. Eram quidem eo temporis ego in Hispania; ut verò fatear ingenuè, satis licèt hoc ingenere incredulus, dubitare tamen de hoc miraculo nunquam potui, ijs momentis convictus planè, quæ prodere juvat. Videbam primùm nostros homines de eo ubique persuasissimos: at ceterè in hoc genere increduli magis plerumque existimus, quàm faciles: quod quidem pro me satis mihi evidens facit rerum nostrarum diuturna experientia: alij advertere facillè possunt, vix apud nos, in nostrisque templis ulla miraculis celebres imagines extare; quod ego nec approbarem hic, nec improbaverim: scio utrumque extremum vitiosum, nimis, vel tardioris credulitatis; hanc ergò rem suo in loco relinquo alijs iudicandam. Mihi tot hominum, non nimis utique faciliū constans persuasio argumentum veritatis invictum est. Jam demum integro ferme triennio Neapoli dego, cum his hominibus tracto, quorum multo in Collegio tunc temporis erant; alius in cubiculo ipso aderat, vir quidem, ne de superstite nimis dicam, probitatis haud vulgaris; audio, circumspicio, attendo, reflecto, & ut vera solent, omnia invenio uniformia, vicissim coherrentia, concordiaque. Nihil est, quòd Xaverius, Marcellusque nostri sint; nam de eodem Xaverio permulta hoc ipso in Regno vulgata sunt, quæ creduntur

ab alijs quidem, at ab alijs negantur passim, vel etiam spernuntur.

CCLX. Sed nostros nunc testes omittamus. Italiam, Hispaniamque totam compello. Inualuit quaquaversum veritatis vis ingens: Marcellus jam ad Indiam profectus singulari lætitia, cultusque non solito ubique excipitur: ut infinita hoc circa supprimam, illud reliquorum argumentum præclarum, quòd Rex noster inter tot illa alia pietatis officia, eà illum formà allocutus sit tam inusitatà V. R. *me encomende à Dios*, ac rogatus de causa, sibi visum, respondit, non cum hominum aliquo, sed cum sancto agere. Nimirum tantus Rex à Ministris suis ex Italia exatè omnium certior factus erat: facilis portò à Rege ad cæteros proceres, & Populos; Regnæque conjectura; quanta omnium frequentia? quanta ubique devotio? quæ lachrymæ? quæ ille habebatur, cui ex paupere supelle&ili aliquid contingeret: ac uno demùm verbo, sic fermè cum Marcello actum ubique, atque cum cælitum aliquo, qui nos revisurus venisset.

CCLXI. At his majus veritatis argumentum Marcellus ipse, aded mutatus in alium, ut non tam sanatus à Xaverio, quàm versus in Xaverium videretur. Ex ea hora mutata cuncta: nihil visum in eo, nihil auditum deinceps, quod viri Apostolici non esset: flagrabat amore Dei, amore Xaverii, pro Japoniæ conversione ardebat; hic totus sermo, hæc curæ. Examinantur tot Regna, an in eo levius aliquid viderint, audierint? Ad

Orien-





CCLXIV. Aliud est itaque, quod simplices, & indocti de multis mirabilibus per nimiam quamdam facilitatem, vel rerum ignorantiam sint persuasi, quæ interea ab alijs in nullo pretio habeantur; nec his nos, vel Ecclesia pro veritatis suæ confirmatione utitur, curantque de corrigendo errore Episcopi. Aliud sunt authentica, publica, examinata, approbata miracula. Hæc omnia nulus non extremè temerarius negaverit. Et raverit certè semel, vel iterum (de quo non dispuro) Sacra Congregatio: ac id calumniæ nulli opposueris humanissimo etiam Tribunali Legitimo, quod numquam rectum judicaverit: et vel unum verum miraculum veritatem nostram concludit. Haud dicas, Romam in eo facilem: experti sunt innumeri, experienturque quotidie, quanto labore, quanto examine, quamque diuturno consistet negotium: ex magna miraculorum multitudine vix unum, imò nullum probatur aliquando. Sectarii itaque considerent, nec satis putent Genævæ oblatrare, possunt enim facile rem hanc explorare, & Orthodoxi saltem, vel ex hoc uno loco fateamur veritatem nostram manifestissimam.

CCLXXV. Narrationem hujus miraculi scripsit ipse. VP. Marcellus, quæ prodijt Italicè & latinè Neapolitan. 1634. Hispanicè Mattiti eodem anno. Vienne Austriæ anno 1639. Gallicè Lutemburgi anno 1635. Vitæ hujus in clyri viri redegit in compendium P. Alegambe in Bibliotheca Scriptorum Societatis.

## S. VI.

*Aliud celebre miraculum, quod S. Xaverius operatus est cum P. Alexandro Philippucci Societatis JESU anno 1656.*

CCLVI. **A**lexander Philippucci Macerataensis Societatis JESU, postquam Romæ diligentem operam dederat Philosophiæ, mense Decembri anni 1656. in gravem incidit infirmitatem, cujus principium fuit subtilis è capite stillatio ad pectus manans, & vixissima tussis comitata, pectorisque ipsius doloribus acutissimis. Romæ Macerata missus est mense Junio, ubi paucis diebus habuit meliusculè, sed principio Julii recruduit malum, crevitque tussis usque adeò, ut multis continenter hortis frequentia concussu pectoris imitaretur, imò superaret identidem pulsum arteriæ. Tussis hæc subinde degeneravit in exoticas vociferationes intrinsecas, impetu & celeritate tussis similes, sed duratione pertinaciores. Primis diebus cessabat hæc vociferatio eo brevi tempore, quo cibum capiebat, sed postea tam continua fuit, ut nullam daret quietem, nisi tempore somni, qui multis hebdomadis fuit admodum exiguus. Fatigavit illum hæc ructatio horrida plusquam octo mensibus, quo tempore varias subijt mutationes: quodam temporis spatio mugitum tauri imitabatur: etiam longiori tempore referre videbatur sonitum illius cornu, quod assurgens aquæ impetu



Impetu inflat Centaurus, qui Tusculi vifitur in villa Aldobrandina. Post hæc & prorupit in ululatus canis fufte verberati, aut voratâ spongiâ dirè cruciati. Hæc inter Juvenis miserabilis toto corpore tabefcebat, cadaveri jam fimilior, quàm corpori fpiranti. Industriam & artem confumpferant Medici, neque præterinanes conjecturas de caufa mali tam insolentis & pertinacis erat, quid fperare ab illis liceret, ipsis fatentibus, & quodam ex illis certius conjectante, infirmitatem videri effe unam ex illis, quas Hippocrates appellat Divinas; ut nimirum Gloria Dei manifefteretur in illo, ad quod ipfum inter fymptomata tam laboriofa, quæ duravêre ad Mensem ufque Martium anni 1658. videtur illi Deus vitam confervâffe, cui placuit, non paucis menfibus ad gratiam fanitatis illum præparare, immiffis in animum varij generis sanctis defiderijs, & affectibus pijs minime vulgaribus, fed in primis quadam fui refignatione in voluntatem Divinam, extra hanc nihil defiderando; cui propofito accedebat defiderium magnû, non recuperandi fanitatem industriâ antæarte humanâ, fed à fola Dei manu, quando huic placeret, ut fanus fieret; quem fenfum animi fuperiori fuo non femel aperuit. Denique mense Augufto Anni 1657. ipfo fefto Affumptionis ad honorem Beatiffimæ Virginis, & Sancti Francifci Xaverij voto fe obftituit, proficifcendi in Indias ad conversionem infidelium, quando Deo placeret, fanitatem ipsis reftituere, idque etiam abrupto & valere juffo

ftudiorum curfû; quando id bonâ fuperiorum veniâ ipsis liceret. Exinde fenfit fibi modis infolit is accendi interiores affectus pietatis erga Sanctum Francifcum Xaverium, fimulque fiduciam, non aliâ viâ, quàm ejusdem patrocini o recuperandi fanitatem, quando Deo placeret eam fibi reddere. Audierat, Patrem Marcellum Maftrellum fuafiffe cuidam perfonæ cupienti quamdam à Deo obtinere gratiam, interceffione ejusdem Sancti Indiarum Apoftoli, ut novem continenter diebus ante 12. Martij diem, quo canonizatus eft, cultu ejusdem fpeciali varijs pietatis operibus demonftrando fe exerceret; qui mox deinde latius manaverat, ac in primis Macerata vigeat. Exarfit igitur ad hanc pietatis fux & fiduciæ demonftrationem, rogavitque fuperiorem, ut plures ad eandem fecum obeundam hortaretur. Illis igitur diebus novem effudit fe in varia pietatis exercitia, cuique diei attributa ad honorem Sancti Francifci Xaverij: fic tamen ut diebus fingulis pluries magno fenfu recitaret, quam fubdo orationem, à fe conceptam hac forma.

CCLXVII. Sanctiffime Pater Francifce Xaveri, qui ex ore infantium & lactentium perficis laudes tuas, humillimè obfecro humaniffimam charitatem tuam per Sanguinem JESU pretiofiffimum, & per immaculatam Conceptionem Sanctiffima Domina noftra Maria, ut mihi ab infinita Dei bonitate (fime ex hoc morbo mori expediat) impetres, ut nunc per diverfos fparfus colligar, & in uno aternitatis

*desiderio componar, & relictis plurimis, erga qua hucusque turbatus sum, hoc unum necessarium diligentissime queram, & perfecte assequar, nempe in ulnis Mariae, in vulneribus IESU, & in osculo Domini, te praesente, & illorum auxilium pro me implorante, piè, religiose, ac devotissima in pace in idipsum dormire, & requiescere, Sin me divina dispositio diutius vivere velit, Protector mi prodigiosissime, excita potentiam tuam, & veni, ut sanum me facias in manu forti, & in brachio excelso tuo, ut non medicina, vel natura viribus, sed tuis apud IESUM, & Mariam intercessionibus mihi redditam debeam sanitatem. Ecce Pater mi humanissimo, ante te omne desiderium meum, & gemitus meus à te non est absconditus. Amen.*

CCLXVIII. Quid plurali die 12. Martij anniversario Canonizationis, & novendialis pietatis postremo, cum se æger sentiret etiam pejus solito valere, ob intemperiem cæli, & acrius frigus, postquam Sacro Christi Corpore esset refectus, Deoque gratias egisset, etiam piè recitata oratione illa sua, quam descripsi, sensit novo quodam ac repentino erga S. Franciscum Xaverium affectu se commoveri, conversisque oculis ad imaginem ex oratorio pendentem, quâ Indiarum Apostolus perigrinantis habitu, qualis Patri Marcello Mastrillo apparuerat, expressus erat, prorupit in has iplas voces, *Omi S. Francisce, si Dominus noster me vult sanum, & quando facies, ut sis finis hujus tussis? Nec mora, ipso temporis momento cessavit exotica il-*

*la tussis, Stupuit æger ipse, & proripienti se à lecto in genua se coniecit ad sacram imaginem, accersitroque superiori renuntiavit gratiam sibi factam, rogavitque, ut allatis Reliquiis Sancti Francisci Xaverij, earum contactu plena fieret gratia, cum sublata tussi remaneret voci languor & debilitas, pectori verò angustia & dolor. Stupens superior, neque dubitans de miraculo sacras Reliquias attulit, ægròque applicuit, atque è vestigio voci quidem pristinum robur redijt, pectori verò dolor omnis absterlus est, usque adeò, ut & prolixo tempore sine molestia genibus nixus Sancto Francisco Xaverio Thaumaturgo suo gratias egerit, & erectus inde in pedes, detractoque pectori panno, quo ad velamen usus erat, valida illud manu percutere potuerit sine ullo doloris sensu. Primum quidem accurrerunt ad spectaculum domestici, Patres fratresque omnes, dato signo æris campani sonitu, & in complexum ruerunt amantissimi Patris, ut sibi à mortuis restituti, tum verò dissipatâ latius famâ eventus miraculosi, concursus ex civitate universa ad Collegium factus, multique, ac inprimis Medici admissi ad conclave, in quo tam mira erant patrata, suis vix oculis credebant, neque lacrimis temperabant, Deum laudantes in opere suo per S. Franciscum Xaverium Indiarum Apostolum. Celebrata est solemniter Missa cum musica in gratiarum actionem cum Hymno Te Deum laudamus, assistentibus Illustissimo Domino Marassani Gubernatore*

natore de la Marca, & Excellentissimis Dominis Auditoribus Rotæ cum Illustrissimis Magistratibus Civitatis, inter quos numerabatur D. Baptista Philippuccius parens Patris Alexandri, qui indutus superpelliceo inservivit Sacro, & per integras quatuor & amplius horas adstitit coram omnibus concurrentibus ad novitatem miraculi, de quo exactissimam fecit informationem Illustrissimus Papirius Silvester Episcopus Maceratensis, quam Romam misit. Fuitque adeo celebre hoc miraculum, ut singulis annis celebretur festum in illa Civitate in ejus memoriam, cum Missa solemnī, cum musica, & concione panegyrica de laudibus S. Francisci Xaverij.

Ipse autem P. Alexander Philippuccius, ut valetudinem, quam miraculose à Deo acceperat, in salutem animarum impenderet, obtentâ licentiâ à P. Oliva Præposito tunc Generali, transivit ad Indias, ad Provinciam Japoniæ, & strenuè in præsentiarum laborat in Provincia de Cantone, spectante ad Imperium Sinarum. In perpetuum autem gratitudinis monumentum proprium nomen relinquens, S. Francisci Xaverij nomen & cognomen assumpsit, & deinceps non alio nomine voluit designari, quam *Francisci Xaverij Philippucci*, & sic subscribere solitus est, *Franciscus Xaverius Philippucci*.



## §. VII.

*Miraculum aliud, quod operatus est S. Xaverius cum Venerab. P. Ludovico Sanvitores, primo Marianarum Insularum Apostolo Anno 1659.*

## CCLXIX.

**A**Lia miracula operatus est S. Xaverius cum Venerabili P. Didaco Ludovico de Sanvitores nostræ Societatis, qui fidem Christi primus inivit in Insulas Marianas, & ibi in odium ejus à barbaris occisus est anno 1671. die 2. Aprilis, sabbatho ante Dominicam Passionis, quo eodem die viginti duobus retro annis cum Diaconatus ordine suscepit potestatem prædicandi Evangelium, pro quo occisus est, ætatis suæ anno 48. Religionis 32. à sua in Indias navigatione anno 12. & quarto anno sui ingressus in Insulas Latronum, quibus *Insularum Marianarum* nomen imposuit, postquam tredecim ex illis Insulas lumine fidel illuminaverat, & in illis per se, & socios suos quinquaginta millia Insularum baptizaverat. Miraculista narravit ipse Venerabilis vir in litteris, quas scripsit ad P. Gosvinnum *Nikel* Præpositum Generalem Societatis, Compluto 2. Julij anno 1659. vi quorum missionem Indicam impetravit, quas litteras adducit in ejus vita lib. 1. cap. XI. P. Franciscus Garcia, qui illam Hispano idiomate scripsit; & P. Ambrosius Ortiz, qui anno 1686. eam in linguam Italicam vertit.

CCLXX. Postquam Deus per  
P p 3 inter-

intercessionem S. Francisci Xaverij, & S. Francisci de Borgia hunc virum ab infirmitate prolixa, & molesta liberaverat, postquam ille votum Missionis Indicæ emiserat, & summo ardore illam desiderabat, quia superiores Provinciæ Toletanæ ægrè ferebant, Provinciam spoliari viro tantis talentis, & virtutibus prædico, & Pater ejus Illustrissimus Dominus D. Hieronymus de Sanvitores huic professioni sui Dilectissimi filij in Indias vehementer resistebat, Clementissimus Dominus ad vincendas omnes has difficultates disposuit, ut pater illum juberet venire Matritum ad invisendum alium filium suum, Ludovici fratrem uterinum, ægotantem; dum autem ibi commoraretur Ludovicus, incidit in febrem malignam, quæ ipsum ad extremum vitæ periculum deduxit, & cum medici de ipsius vita desperarent, & jussissent, ut ægroto administraretur Viaticum, tunc ille parentem suum, de ipsius periculo summè sollicitum & anxium, allocutus, dixit, *si vestra Dominatio vitam mihi desiderat, eam totaliter confectis obsequio Dei, & saluti animarum, quacumque mundi parte Deus ipse medijs superioribus Societatis voluerit mee am impendere: annuit parens, & promisit, se non restitutum ejus professioni ad Indos, si id superiores Societatis expedire judicarent: hac promissione summam consolationem habuit ægotans, & firmam concepit spem, se brevi sanandum ab illa infirmitate: hac spe plenus sacrosanctum suscepit viaticum, & reno-*

vavit summo ardore votum, quod jam dudum ediderat, missionis Indicæ.

CCLXXI. In his rerum circumstantijs singulari numinis Providentiâ adducta est infirmo una Syngrapha S. Xaverij, & altera Venerabilis Martyris Marcelli Mastrelli, simul cum voto missionis Indicæ, quod manu propria scripserat, distante sancto Xaverio, quod cum summa consolatione coram se lectum audivit, & in corde suo similia Deo ipse promittebat. Post quatuor, vel quinque horas à suscepto viatico, illi supervenit dulcissimus somnus, in quo sibi visus est videre S. Franciscum Xaverium, & Patrem Marcellum, qui illi assistebant, & audivit vocem claram dicentem *! Jam sanus es: ad somnium hujus vocis à somno excitatus est, & proprium pulsum tangens, quasi experturus, an vox illa veritatem nuntiasset, se omnino liberum à febre invenit, & copiosissimi sudoris quasi balneo madefactum. Frater infirmarius, qui infirmo cum alio Patre assistebat, audivit vocem illam, *Jam sanus es*, infirmus autem ab eo petivit, ut porrigeret ipsi indusium situm, & madefactum deponeret. Venerunt mane medici, & invenerunt infirmum sine ullo vestigio febris, & sine ullis præcedentis infirmitatis reliquijs repente sanatum. Hac occasione tamquam è cælo delapsa utens Pater Sanvitores, à superioribus impetravit Missionem Indicam, in qua easanctitatis Apostolicæ argumenta reliquit, ob quæ sperare possumus, eam aliquando*

aliquando ab Ecclesia sancta declarandam. Certè, qui hujus præclarissimi viri historiam legerit, vocationem ejus miraculosam ad Societatem, & ad Indiam, & virtutes Apostolicas ejus consideraverit, dubitare non poterit, ipsum fuisse vivam S. Xaverij effigiem, & forsan feret judicium, quòd Societas infra Xaverium non habuerit missionarium majorem. Cum hoc Apostolico viro magnam ego felici sorte mea contraxi amicitiam, & frequentem habui per litteras communicationem, & illi post Deum debeo, quòd dimissâ Salmanticensi Cathedrâ me consecraverim missionibus in Hispania obseundis.

## §. VIII.

*Concluditur ex his miraculis veritas Religionis Catholice Romanæ.*

**CCLXXII.** **M**iracula ista patrata à S. Xaverio non solum probant, illum esse sanctum, & cum Christo in gloria regnare, ac proinde veram esse fidem Catholicam Romanam, quam semper tenuit, & prædicavit, & in qua obijt, sed etiam evincunt directè, Lutherum, & Calvinum fuisse magistros errorum, & perniciosissimos Hæresiarchas; nam apud Bellarium tom. 2. lib. 1. de sanctorum Beatitudine cap. 15. docent, inutile, & illicitum esse, invocare sanctos, sive Angelos, sive homines, ac petere, ut pro nobis orent: inutile quidem, quia non habent tam longas aures (ita

enim Calvinus loquitur) ut preces nostras audire possint: illicitum autem, quia hinc obscuratur gloria Christi, qui est unicus mediator, & intercessor noster. Hæc autem assertio Lutheri, & Calvini est manifestus error: nam sanctos rectè invocari, habetur ex consensu totius Ecclesie, ut inquit Bellar. lib. 1. de Sanctor. Beati. cap. 20. Quomodo autem sancti cognoscant preces eorum, qui illos invocant, explicant Theologi cum D. Thoma 2. 2. q. 83. ar. 4. & 3. part. q. 10. ar. 2. de quo agit latè Bellarm. lib. 1. de Sanctorum Beatitudine cap. 20. & nostri instituti non est, in hoc immorari.

## §. IX.

*Quomodo argumentum, petitum à miraculis Catholicorum, & defectum miraculorum in aliis sectis, hæreticis eludere sentent: ubi exponitur, quàm præcul sit ab idololatria cultus imaginum.*

**ECLXXIII.** **C**um hæretici, suas cædæ esse veras, miraculis nequeant probare, toti sunt in excusando defectum miraculorum in suis sectis, & in accusando, & calumniando miracula patrata à Catholicis Romanis. Imprimis Calvinus in præfatione suarum institutionum, respondet, nos injuriam ipsi facere, quòd ab eis miracula exigamus, cum ipsi doctrinam antiquam, & innumeris miraculis ab Apostolis, & Martyribus confirmatam prædicent. Sed respondemus, esse evidentè falsum quòd,

quodd illorum Religio sit illa, quam Apostoli prædicarunt. Ostendimus enim, eam, quam Apostoli prædicarunt, semper in mundo, in visibilibus hominum cætu, & Ecclesia, perseverasse, nec hanc, esse posse aliam, quam Catholicam Romanam; nam Religio Calvinii, & Lutheri novæ sunt, & cum ipsi inceperunt.

CCLXXIV. Deinde dicit, miracula nostrorum sanctorum, vel esse facta, vel imaginaria, id est vel non ita contigisse, & falso narrari ab historicis, vel si contigerunt, esse præstigia demonum. Fuisse autem demonum præstigia, ex eo confirmat, quodd vera miracula confirmant Evangelium Marci ultimo, ista autem evertunt Evangelium, & confirmant idololatriam, id est reliquiarum, & imaginum cultum &c. Respondeo, impudentissimè negari à Calvinò, & alijs hæreticis miracula illa, quæ à sanctis Ecclesiæ Romanæ patrata sunt. *Stultum est enim* (inquit *Beitar.*) credere potius Calvinò, & Illyrico de historijs antiquis, quibus non interfuerunt, quam Bernardo, Bonaventuræ, Antonino, qui interfuerunt. Præterea, ut sanctus Augustinus respondit Paganis negantibus historias miraculorum nostrorum lib. 10. De Civit. Dei, cap. 10. Scilicet absque ulla ratione negare facta olim miracula, peribit fides omnium laborum; & tollitur non solum nostra, sed etiam omnis alia Religio; omnes enim, qui Dij habentur, openibus mirabilibus, à doctis

viris conscriptis, divinitatem suam, sive veram, sive falsam, mundo persuasurunt.

CCLXXV. Dicere autem, quodd fuerunt miracula illa præstigia demonum, non est solutio, sed calumnia verus, sic enim scribæ, & Pharisæi loquebantur de miraculis Christi Matt. 12. & Pagani de miraculis Martyrum, quos magos, & necromanticos vocare solebant; & Arriani, Eunomiani, Vigilantiani de miraculis Catholicorum, ut testantur Ambrosius in Serm. de SS. Gervasio, & Prothasio, Hieronymus contra Vigilantium, & Victor. lib. de persecutione Wandolica. Deinde nullam habet probabilitatem, quodd SS. Martinus, Franciscus, & alij quidam, qui simplicissimi erant, magica arte uterentur.

CCLXXVI. Dum autem Calvinus respondet, miracula illa non posse esse vera, quia per illa confirmaretur idololatria, supponit id, quod ipsi probandum erat, nempe idololatriam esse, colere imagines Christi, & Sanctorum. Ut enim explicant Doctores Catholici, manifestum est, Catholicos non adorare statuas sanctorum tanquam Deos, aut cultu soli Deo debito, sicut ab Ethnicis coluntur idola, *nec eo modo*, ut cultus sistat in imaginibus, quasi illis aliquid excellentiæ insit, sed ita ut transeat ad prototypum, seu ad ipsos sanctos cum Christo regnantes; nam illa externa adorationis nota, quæ fit coram imagine, est veneratio prototypi, sicut erigere statuam Regi, vel



vel illi statuae caput aperire, non est honor statuae, nisi materialiter, sed est honor ipsius Regis.

CCLXXVII. Quodd autem honor iste, qui sanctis deferretur, non sit cultus Latriæ, qui Deo proprius, perspicuum est; quia non colimus aliquem sanctum, ut supremum Dominum, & Auctorem rerum; sed solum ut amicum ejus, qui supremus est Dominus. Tanti enim facimus Deum, ut etiam eos, quos ipse sublimis fecit, dignos aliquo honore putemus. Quod sanè non in injuriam, sed in honorem Dei cedit: sicut in honorem Regis cedit, quodd aulici ejus honorentur propter respectum, quem habent ad Regem, nimirum quia sunt ejus domestici, ejus Ministri, ejus amici &c. Hæc dixerim, quia hic multi simplices impingunt.

CCLXXVIII. Hanc doctrinam tradit Tridentinum Sess. 25. dicens, *Imagines Christi, Deipara Virginis, & aliorum sanctorum, in templis praesertim habendas, & retinendas, eisque debium honorem, & venerationem impertiendam, non quodd credatur inesse aliquam ijs divinitas, vel virtus, propter quam sint colenda, vel quodd ab eis sit aliquid petendum, vel quodd fiducia in imaginibus sit figenda, vel lucis olim fiebat à gentibus, quæ in idolis spem suam collocabant, sed quoniam honos, qui eis exhibetur, refertur ad prototypa, quæ illa representant, itant per imagines, quas osculamur, & coram quibus caput aperimus, & prostrabimur, Christum adoremus, &*

*sanctos, quorum illa similitudinem gerunt, veneremur: id quodd Conciliorum, praesertim verodd secunda Nicana Synodi decretis contra Imaginum oppugnatores est sancitum.* Statinque explicat fructum magnum, quem fideles capiunt ex eo, quodd per picturas, & statuas represententur mysteria nostræ redemptionis, & vitæ sanctorum. *Illud vero diligenter (inquit) doceant Episcopi, per historiarum mysteriorum nostræ redemptionis, pietatis, vel alij similitudinibus expressum: erudiri, & confirmari populum in articulis fidei commemorandis, & assidue recolendis, tum verodd ex omnibus sacris imaginibus magnum fructum percipi, non solum quia admonetur populus beneficiorum, & munerum, quæ à Christo sibi collata sunt, sed etiam quia Des per sanctos miracula, & salutaria exempla oculis fidelium subjiciuntur, ut pro ijs Deo gratias agant, ad sanctorumque imitationem vitam, moresque suos componant, excitenturque ad adorandum, ac diligendum Deum, & ad pietatem colendum.*

CCLXXIX. Hinc patet, quo spiritu ducti sint Calvinus, ejusque discipuli, dum factas imagines execrantur: nam Theodorus Beza præcipuus Calvini discipulus, & individuus comes, in Colloquio Mospolienfi ausus est in hanc horribilem blasphemiam prorumpere: *fateor me ex animo Crucifixi imaginem detestari*: Et David Patrus in caput. 1. Epistolæ ad Romanos dub. 18. dissentire scribere non timuit, omnes esse idololatras, qui tuentur imaginem Crucifixi, non minùs quàm qui

solunt imagines serpentium, & aliarum bestiarum. Quàm longè isti fuerunt à spiritu Pauli, qui dicebat 1. Corinth. 2. v. 2. non iudicavi, me scire aliquid inter vos, nisi Jesum Christum, & hunc crucifixum; qui dicebat, Absistemihi gloriari nisi in cruce Domini nostri Jesu Christi: &, vivo ego, jam non ego, vivit verò in me Christus. Quid evidentius, quàm homines insipientes imaginem Crucifixi, & seridè cogitantes, quid pro nobis passus sit, inde concipere divini amoris flammam, & desiderium patienti pro Christo, & cum Apostolo clamare, Charitas Christi urget nos, & pro omnibus mortuus est Christus, ut & qui vivunt, jam non sibi vivant, sed ei, qui pro ipsis mortuus est, & resurrexit. Et propterea agebat Petrus, Christus passus est pro nobis, vobis relinquens exemplum, ut sequamini vestigia ejus. 1. Pet. 2. v. 21. Quid potentius ad excitandam ardentem amoris flammam, quàm intueri Crucifixum & cum Apostolo dicere: Qui dilexit me, & tradidit semetipsum pro me. Et propterea sponsa Christum crucifixum contemplata dicebat: Fasciculus virgæ dilectus meus mihi, inter nbera mea commorabitur. Quia Bernardus, quia Franciscus, quia alij sancti, hæc dies, noctesque meditantur, ideo ad tantam sanctitatem pervenerunt. Pugnant ergo manifestè non solum cum scriptura, & cum spiritu Ecclesie, sed cum manifesta ratione hæretici, exterminantes usura Imaginum, & propterea eorum templa potius sunt Melchitæ Mahumeta-

norum, & synagoga perfidorum Hebræorum, quàm templa Christianorum: sed hæc fusiùs prosequi nostri instituti non est. Satis sit dicere ad eorum confusionem, imaginem Christi non posse esse deterioris conditionis, quàm olim fuerunt in veteri testamento imagines Angelorum, & æne serpentis: at hæc iussu Dei factæ sunt, & in honore habita, ut constat ex cap. 25. Exod. vers. 18. ubi Deus dixit Moyse: Facies duos Cherubim aureos, & produites ex utraque parte Oraculi: Cherub unus sit in latere uno, & alter in altero. Et ex cap. 21. num. 8. ubi dixit: Fac serpentem æneum, & pone eum pro signo, quò percussus afflexerit eum, vivet. Ergo à fortiori licet facere imagines Christi, & illas honorare. Satis sit ad æternum opprobrium hæreticorum, Bellarminum tom. 1. lib. 2. de reliquijs & imaginibus sanctorum cap. 6. clarè probare, Authores Iconomachie fuisse omnes, aut Judæos, aut Mahometanos, aut Magos, aut manifestè hæreticos, ita ut negare non possint, qui hoc tempore oppugnant imagines, avos, & majores suos fuisse impios.

CCLXXX. Qui voluerit accendi zelo, defendendi cultum, & venerationem sacrarum Imaginum, legat præfationem Cardinalis Bellarmini ad 4. controversiam generalem, id est ad libros de Ecclesia triumphante, sive de gloria, & cultu sanctorum, ubi inter alia hæc habet: multa sunt, quibus à nobis hujus temporis hæretici dissident, multa illi in nostra Ecclesia, Templis, Monasterijs, Gymnasijs, domatibus,

gmatis, sibi, hominibus denique omnium ordinum reprehendant, multa desiderant, multa carpunt, multa emendanda, & corrigenda esse clamitant: sed nihil est, quod exhorreant, execrentur magis, quam invocationem sanctorum, reliquiarum cultum, imaginum venerationem. His enim tribus manifestam impietatem, & idololatriam contineri volunt. Hoc uno veluti pallio discessionem suam a nobis, hoc est, impiam ab Ecclesia Catholica separationem, & destructionem, honestissime tegere se arbitrantur. Hoc solo nomine latrocinia sua, & sacrilegia in Ecclesias, templorum direptiones, imaginum contrafactiones, sacerdotum cædes, sacrorum omnium profanationem defendunt, quod se bellum gerere contra idola pro pietate dicant. Hac ipsa de causa censuram æquissimam Ecclesiæ, & pastores baculos Episcoporum, quibus interdum ipsorum furor reprimatur, vel retardatur, impiam persecutionem, quasi adversus Deum pro idolis excitam nominant: his denique vinculis, & compedibus provincias, & nationes a se deceptas, arctissime irretitas, & constrictas tenent.

CCLXXXI. Sic enim populis illis persuasum est, nos pro Deo vivente mortuos homines, pro summo & sempiterno spiritu ossa & cineres, ligna & lapides colere: & tam altè mentes eorum perniciose hæc persuasio penetravit, ut propterea injusta quidem, sed tamen gravi diuturnaque apud eos laboremus insa-

miâ. Et licet multa interdum de nostrorum, hoc est, Catholicorum hominum gravitate, sapientia, justitia, benignitate, de studio precandi, de moderatione in rebus omnibus audiant, non queant tamen non continuo ab ejusmodi sermonibus aures removere, sedque toros avertere, cum ad memoriam revocant, de quibus tam eximie laudes prædicantur, eos nihilominus idololatrias esse, defunctorum manes, & cadavera, phantasmataque, & statuas adorare.

CCLXXXII. Hucusque ibi Bellarminus, qui ne aliquis ei opponeret, ipsum augendi gratia aliquid finxisse, testimonia adducit ex ipsorum hæreticorum libris: *referam*, inquit, *pauca de libris eorum: ut ipsos eosdem sui impietatis præcones, ac testes habeamus*. Quibus relatis, concludit: *sed & nos, si cives sanctorum sumus, si ullum habemus fidei zelum, excitemur, atque accendamus oportet, & religiosa, piæque indignatione vehementer commoti tam nefariis hominibus acerrimè resistamus: imitentur Lutherani majores suos, Porphyrium, Jolianum, Vigilantium, Wiclefsum, & quotquot unquam cum cælestibus Divis impia bella gesserunt, & ut fabulæ Poëtarum de gigantibus ferunt, de suis sedibus cælices deturbare, ac detrahare voluerunt. Nos verò majorem nostrorum, Athanasij, Ambrosij, Hieronymi, Paulini, Augustini, Gregorij vestigijs inhaereamus: qui quidem Apostolorum, & Martyrum gloriam religiose annu-*

pro viribus differendo tueti, & memoriam denique sermonibus alere, Basilicis honorare, carminibus celebrare, litteris propagare, & consecrare æternitati semper studuerunt. Ita enim fiet, ut & illi, quorum

imitantur scelera, earundem cum illis pœnarum societate jungantur: & nos, quos in hoc studio ad virtutem habuimus Duces, eisdem ad præmia, & coronas socios habeamus.

## CAPUT UNDECIMUM.

*Octavum caput idem probandi, quia incredibile, & monstruosum est, quod Christus ad reformandam suam Ecclesiam elegerit Lutherum Monachum Apostatam, qui abjecta professione religiosa, Monialem Professam sibi matrimonio copulavit, & cum ea usque ad mortem vixit, & Joannem Calvinum Presbyterum ambitiosum, superbiam, & maledicentiam plenum, qui sacrilegas etiam nuptias contraxit, & de libidine prapostera accusatus, imò & sententia judicii damnatus est.*

### §. I.

#### *Qualis fuerit Lutherus.*

CCLXXXIII. **Q**ualis fuerit Lutherus, egregie describit Cardinalis Bellar. tom. 1. lib. 3. de Roman. Pontifice cap. 23. & in oratione in scholis habita, quæ tanquam præfatio præfigitur tomo quarto, ubi pulchre probat, Lutherum ejusque doctrinam depictam fuisse à Joanne Apoc. c. 9. quando vidit, stellam cecidisse de calo, & datam ei esse clavem putei abyssi, & aperuisse puteum abyssi. Quid enim aliud est stellam de calo cadere, nisi hominem celestis vita addictum, à terra longissimo intervallo remotum, sacri calibatus, ac

Monastica professionis splendore, & puritate micantem, subito ad terrenas delicias, atque ad nuptias hujus mundi delabi, mortali conjugio implicari, in carne & sanguine volutari? Lutherum autem quis tandem ignorat, cum aliquando monasticam vitam perfectam, pauperem, continentem, celestem planè, ac divinam in clarissimo quodam Ordine profiteretur, repente, atque horribili casu ex Sacerdote laicum, ex paupere divitem, ex continentem maritum, ex Monacho politicum factum? Monasterium in palatium, pannosam vestem in sericam, victum sobrium, ac tennem in opiparas canas, & prandia commutasse? Denique qui propter Christum uxorem, liberos, agros, nummosque contempserat, ite-

rum

vum propter uxorem & liberos, propter agros & nummos Christum reliquisse? Quia verò Lutherus primum studium suum in Apostolica Sede oppugnanda posuiturus erat, sèque Christi Vicario Antagonistam singularem professurus, pulchrè Joannes dicit. Stella de Celo cadenti clavem abyssi datam. Ita nimirum oportebat, ut sicut Christus Apostolo Petro, ejusque successoribus claves regni Calorum attribuit, ita etiam Satanae cum Apostolo suo primario clavem abyssi communicaret: Ea sicut Petrus caelesti clave divina oracula referabat, ac populi sibi creditis doctrinam salutarem de celo adferebat: sic Lutherus abyssi clave infernales putrem aperiret, ac tetros inde errores, antiquarum haeresium colluviem, dogmata perniciofa, variareque educeret.

CCLXXXIV. Prætermitto reliqua, quæ sequuntur, in quibus describuntur horrendi effectus, qui ad casum Lutheri consecuti sunt. Qualis fuerit superbia Lutheri, constat ex ejus libro ad Ducem Georgium, in quo sic scribit apud Bellarminum lib. 3. de Roman. Pontific. cap. 23. *Atempore Apostolorum nullus Doctor, aut Scriptor, nullus Theologus, aut Juris Consultus, insigniter, & clarè conscientias secularium statuum confirmavit, instruxit, ac consolatus est sicut ego feci; per singularem Dei gratiam hoc ceridisco, quoniam nec Augustinus, neque Ambrosius, qui tamen in hac re optimi sunt, mihi in hoc aequales sunt.* Item in libro contra Regem Angliæ ait: *Certus sum, quòd*

*doctrinam meam de celo habeam. Item certissimus sum, quid doctrina mea non sit mea, sed Christi, & quòd doctrina mea non possit sibi esse contraria, cum sit doctrina Christi.* Et in libro contra statum Ecclesiasticum dicit, se ita esse certum, ut doctrinam suam à nemine, ne ab Angelis quidem indicari velit. Et neminem saluum esse posse, qui doctrinam ipsius non reciperet. Qualis verò fuerit Lutheri modestia, constat ex ejus Epistola ad Amicum de voce SOLA: cum enim in sui erroris de fide justificante confirmationem adduxisset illud Apostoli, Rom. 3. *Arbitramur hominem justificari per fidem*, addit, *solum.* Cumque rogaretur, cur id fecisset, respondit in hac verba: *Si tuus Papista morosum, & difficilem se prabere volet de voce (sola) statim dic; Papista & asinus eadem res est: sic volo, sic jubeo, sit pro ratione voluntas. Nolumus enim Papistarum esse discipuli, sed preceptores. Semel enim superbiendo gloriabimur adversus hujusmodi asinos.* Et infra: *Rogo te, ne quid aliud hujusmodi stellis respondeas de voce (sola) (sed tantum dicas: Lutherus sic vult, ille Doctor est omnium Doctorum tip Papatu, &c. En modestiam hujus Prophetæ in fraude illa excusanda.*

CCLXXXV. Et notum est, initium ejus apostasie fuisse superbiam. Promulgaverat Leo Pontifex (inquit Spondanus ad ann. 1517. nu. 4.) largissimas indulgentias bello Turcis inferendo, & templo Vaticano S. Petri construendo, ut quicumque ali-  
quid in eos usus erogaret, veniam peccato-

peccatorum amplissimam consequeretur. Eique negotio in Germania præfecerat Albertum Archiepiscopum Moguntinum, qui ad prædicandas illas indulgentias Joannem Terzelium delegit, Fratrem ordinis Dorvini-  
cani, qui nuper simili occasione prædicationibus suis magnam pecuniam acquisierat militibus Teutonicis adversus Moscovitas, & alios hostes. Agrè admodum Lutherus tulit, hoc munus non sibi commendari, vel alteri sui Ordinis, si quidem à longo tempore Ordo ejus id muneris obire consueverat. Cæpit primum contra abusum in evulgandis indulgentiis, & pecunijs colligendis ad populum declamare, postea autem Theses imprefsit, in quibus non solum prædicatorum & collectorum abusus carpebat, *verum etiam* communem ac receptum ab Ecclesia Indulgentiarum usum impugnabat, ac Romanorum Pontificum in ijs concedendis auctoritatem in dubium revocabat, nec non quæ ad Sacramentum Pœnitentiæ, & Purgatorium spectant, vellicabat, fidè, quæ speciale adstruebat. Hæc fuit mali origo:

**CCLXXXVI.** Lutheri quoque audacia & temeritas, conjuncta cum superbia, constat ex ipsius verbis ar. 25. quibus audacissimè omnes ad pugnam argumentorum provocabat, dicens: *Adeste hinc omnes Papistæ in unum: constate studia vestra in unum, & forte possitis hoc vinculum dissolvere, cum tamen postea pro argumentis sola mendacia plerumque proferret. Sed magis constat ex contemptu Concilio-  
rum, Nam in libro de formula*

missandi sic habet: *si quod Concilium statueret, aut permitteret utramque speciem, nos nequam utraq; uti vellemus, sed in despectum Concilij, cuiusque statuti, aut unâ, aut neutrà uti vellemus, maledicturi universos, qui ex statuto Concilij utraq; uterentur.*

**CCLXXXVII.** Fuit homo torus ventus, & carnis voluptatibus deditus; & idcirco jejunium vocabat traditionem humanam, quâ Deus frustra colatur; abstinentiam carnijs superstitionem; vota monastica dicebat esse impia, irrita, & omnino non servanda; castitatem esse impossibilem, omnibus esse uxores ducendas, aciebantque, id esse tam necessarium, quàm edere, bibere, & dormire, ut constat ex libro, quem scripsit de vita conjugali. Et in sermone de matrimonio dixit, licitum esse uti ancillâ, si uxor debitum recusaret. Fuitque ita luxurijs servus, ut in colloquijs mensalibus fol. 415. de se ipso testetur, quod sub initium sui Evangelij (antequam professam monialem sibi copulasset) propter libidinis vehementiam, & amorem mulierum ad insaniam pene redactus fuisset. Et in capite 31. Proverbiorum hoc glossema apponit: *nihil amabilius, vel suavius est in terra, quàm amor mulierum, sicuti is potest contingere.* Et in libro de vita conjugali colloq. mens. fol. 400. & 526. testatur, se non magis à muliere potuisse abstinere, quàm à cibo, & potu, & opus conjugale esse opus divinum, celeste, spirituale. Quis unquam leno, vel adultero aded fuit impurus, ut ita loqueretur? Et quis non stupeat eorum



eorum hominum cecitatem, qui hunc spurcissimum hominem, tanquam novum Apostolum susceperint, & ut novum Evangelistam suspexerint.

CCLXXXVIII. Idem Lutherus anno 1534. librum edidit de Missa privata, & unctione sacerdotum, in quo non erubuit confiteri, se à diabolo edoctum, & persuasum, Missam esse summam abominationem, idque non per somnum, & quietem, sed palam dum vigilaret, ut refert Beilar. tom. 3. lib. 1. de Missa cap. 6. Unde, ut ait Nicolaus Romæus in Joannis nova effigie pag. 543. dubitandum non est, diabolum Lutheri fuisse Magistrum. Nam de Missa cum illo disputavit anno Domini 1518. aut 1519. & antea non erat illi incognitus, postea familiarissimus. Id latius narrat Spondanus ad ann. 1521. num. 3. ubi postquam narravit, Federicum Electorem Saxonicum principium Lutheri fautorem, ut eum subduceret à periculo, quod ipsi imminebat à Carolo V. Imperatore volente illum capere, ipsum duxisse ad quoddam Castrum Wartbergum prope oppidum Altstadium, ubi fere decem menses secretò, sed laudè habitus est: quem ipse locum, Pathmum, & eremum suam nominavit: postquam hæc, inquam, narravit, addit, Lutherum nequioribus in dies furis agitatum, inter multa, quæ ibi scripsit pessima, librum fuisse de *abroganda Missa privata*, quem librum composuit ex colloquio cum diabolo, qui illi subministravit argumenta con-

tra Missam. Idque probat ex alio libro, quem typis mandavit ann. 1533. cujus titulus est *Protocolium Colloquij cum damone*, qui historiam rei gestæ descriptam tenet. Magnà certe (inquit Spondanus) Dei providentiâ factum est, ut memorabilem colloquij hujus Historiam Lutherus ipsissimus conscripserit, & in publicum emisserit, libello de Missa angulari, & Sacerdotum consecratione: cui prolixè satis ipsius diaboli verba, tum rationes omnes, & argumenta, quibus ad persuadendam Missæ abrogationem usus est, ordine digestus inseruit. Horrendum facinus: quo tam se, quàm suos affectus, diaboli discipulos proficitur: & quidem cum gloriatione, sicuti & frequens suum cum eodem diabolo commercium, multumque sal cum eo comestum, sapius commemorare gaudet. Unde quis mirari possit, si tot ac tanta in ejus scriptis petulantia, convicia, maledicta, virulentia, calumnie, spurcitia, blasphemia, in Deum, Sanctos, scripturam, Doctores, Ecclesiam, Sacramenta, Pontifices, Reges, totumque Ordinem Ecclesiasticum & politicum, in scientiam Theologiam, & Philosophiam, denique in omne, quicquid boni fuit in celo, terrâ, locisque inferis, reperiantur? Quid enim aliud diabolo plenus, quàm diabolica effusisse potuit? Nam quòd & nonnulla bona aliquando scripsit, annon & diabolo hoc in usus est, ut incautos fallat?

CCLXXXIX. Memorant autem (inquit idem Spondanus ad ann. 1533. num. 13.) qui familiariter cum Luthero

Luthero vixerunt, eum hoc ipso anno per ætatem frequenter nocturnis ter-  
riculamentis infestatum fuisse, & hor-  
rendis somniis perturbatum, de fine  
mundi, & extremo iudicio.

Hujus monstri mors vitæ respon-  
dit. Mortuus est autem, ut narrat  
idem Spondanus ann. 1546. num. II.  
Islebij Patriâ suâ, cum à Mansfel-  
densibus Comitibus in quorum ditione  
oppidum erat, vocatus componendicau-  
sâ ejusdâ dissidij, ad finem Januarij  
eò accessisset. eoque die hilariter de mo-  
re, atque opiparè prandium, & nocte  
canam sumpisset, doloribus pressus in-  
ter secundam, & tertiam horam post  
mediam noctem sadum spiritum exha-  
lavit, anno ætatis sue sexagesimo ter-  
tio. In ejus funere omnia relata sunt ad  
vanam gloriam, & sacularem pom-  
pam: funus splendidissimum fuit (sub-  
dit Spondanus) delato corpore intra  
stanneum loculum triumphali curru  
*Wittembergam*, comitante Cathari-  
na uxore, seu veriùs pellice, carpento  
velletâ, unâ cum tribus ex ea susceptis  
fratribus, Joanne, Martino, & Paulo,  
& longâ continuâque equestri pede-  
strisque suâ superstitionis turba deduc-  
tione, & comploratione.

CCXC. Scribit autem Jo-  
nas, Lutheri usque ad mortem amicus,  
in Epistola, quam de ejus obitu  
scripsit ad Electorem Saxonie, Lu-  
therum eadem nocte, quâ extinctus  
est, dixisse ipsi Jonæ aliisque circum-  
stantibus, *Doctor Jona, & tu Mi-  
chael* (erat is Prædicator in Mans-  
feldt) *orate pro Domino Deo nostro, &*  
*ejus Evangelio, ut ei bene succedat,*

*quia Concilium Tridenti, & abomi-  
nabilis Papa graviter ei adversantur.*  
Ita refert Spondanus ad ann. 1546.  
num. 13. & Nicolaus Romæus in Cal-  
vini nova effigie pag. 754. citans Epi-  
stolam, quæ ponitur in calce Joannis  
Cochlæi de Actis, & scriptis Lutheri:  
qui tamen Author aliquantulum im-  
mutata refert illa verba, dicens fuisse  
hæc: *Doctor Jona, & tu Michael ora-  
te pro Deo nostro, ut ei cum Ecclesia  
sacra causa bene succedat.* Hanc blas-  
phemiam, vel potius delirium (blas-  
phemia enim, & delirium est dicere,  
quod pro Deo orare possimus, quasi  
esset indigus, & habens superiorem),  
qui ei auxilium præstare posset) refert  
ille Jonas tanquam divinum quoddam  
scitum, dignus planè talis magistri  
discipulus.

CCXCI. Ex dictis constat,  
Lutherum non Dei Apostolum, &  
reformatorem Ecclesiæ, sed à vera  
Ecclesia Apostatam, & Ecclesiæ de-  
formatorem fuisse, & hominem vi-  
tiosissimum, & jure ipso infamem,  
ob nuptias sacrilegas contractas cum  
moniali Professâ. Si enim jure Cæ-  
sareo infamis est, qui in adulterio  
deprehensus est; L. Palam. §. *Qui in  
adulterio. Tit. de ritu nuptiarum:*  
quanto magis, qui nuptias bis, imò ter  
sacrilegas (nimirum quia contractas à  
Sacerdote, Monacho professio, cum  
Monacha professâ) contrahit, & sa-  
crilego concubitu assidue utitur. Fæ-  
dius enim est, esse adulterum Christi,  
quàm uxoris, vel mariti.

## §. II.

*Qualis fuerit Calvinus.*CCXCII. **E**jus ortum, & pri-

mordia describit Spondanus ad ann. 1534. à num. 9. & num. 14. cum Luthero confitens, inquit: *Fuit autem ipse Luthero longè acuminè præstantior, & ut doctrinà in plerisque, ita & moribus dissimilis ei, quippe naturà Melancholicus, & taciturnus, cibi, & potus abstinent, ob ventriculi debilitatem, & hemieriam, quibus laborabat; ideoque sænni, & macilento corpore, summam in gestibus affectans gravitatem: dissimulandi artifex eximius, non minus consilio, quàm audaciâ promptus. Lutherus autem crasso corpore, genio indulgens per summam bilitatem tempus transigebat; nec lingua moderabatur, nihil ferè celabat, sed quæcunque animus suggererebat, evomebat: fuit Lutherus orator cum discretus patriâ linguâ, tum vehemens; Calvinus nullâ actionis elegantia instructus adium sape afferebat, latine verò scribendi laude excelluit. Lutherus denique religionem crassiorẽ, & pinguiorem, Calvinus subtiliorem commendavit.*

CCXCIII. *Qualis autem fuerit in moribus, describit Nicolaus Romæus in Calvinì nova effigie, in tractatu, qui intitlatur, Calvinus in equuleo, seu Calvinì Confessio, ar. 6. pag. 725. Calvinus (inquit) adolescens, post iacta Grammatica fundamenta, animum ad jurisprudentiam adjecit:*

*Anselmum, ubi tum Petrus Stella, & Binnriges, ubi Andreas Alciatus magno studioforum concursu juri proficiebantur, profectus. Hic à Melchioræ Volmario Germano, Græcarum litterarum Professore, sed occulto Lutheranò, vel potius Melanchthoniano (patris morte domum revocatus, ut ipse scribit ad hunc Volmarium, præfatione Commentarij in Epist. 2. ad Corinthios, Geneva, anno Domini 1546.) miserè deceptus, & multa animo medians, Noviodunum reversus est, anno ætatis (ut videtur) 22. sæculi autem decimiseptimi, 31. Patris diligentiâ antea Sacellanus Ecclesiæ Cathedralis factus (non Canonicus) etiam curam Pastoralem in proximo pago adeptus est, eminens Pons Episcopi vulgò, Pont l'Evêque lez Noyon. Atque hoc anno currente, ea evenisse necessarium est, quæ de ipsius crimine, accusatione, condemnatione, stigmatibus, verissimè narrantur: nam præter Alia Cathedralis Ecclesiæ, & Bertelerij Secretarij Genevensis testimonium quod Bolesecus se vidisse affirmat, vel illud satis sit, quòd Novioduno ætatis anno 23. Parisiis reversus, ejusdem Flagitij, conquerentibus pueris, à Collegij Becodiani Rectore accusatus sit, in absentem & contumacem condemnationis latâ sententiâ. Vitium enim hoc, & quæ sunt ejusdem generis, inter securas etiam, & rogos erumpere, & libere dominari solent, ut insinuat S. Hieronym. Epist. ad Innocentium, de muliere septies iacta. Hucusque Auctor.*

CCXCIV. *Quod autem hic refert de libidine præpostera Calvinì,*

vini, prius scripserat P. Leonardus Lessius in opusculo illo celebri, quod *fides, & Religio sit capessenda*, in nona consideratione, in quinta ratione, ubi ex Hieronymo Bolsec in vita Calviniana cap. 5. & Julio Brigeccio pag. 59. Inquit: *de infamia* Calviniana constat ex actis judicialibus, Novioduni illum convictum, & per sententiam damnatum de nefando crimine, & publice exurendum fuisse, nisi ad preces Episcopi pena ignis fuisset commutata in supplicium virgarum, & ferri candentis in tergo ultationem. Unde patet, illum quoque jure & facto fuisse infamem L. 1. π. De his qui notantur infamia, & L. Quid ergo. 9. ex compromisso. π. De his qui notantur infamia.

### §. III.

*Ostenditur, Calvinum fuisse convictum Sodomitæ, & ob eam causam stigmatem innotum.*

### CCXC V.

**H**oc scripsit P. Lessius anno 1609. in prima editione illius opusculi. postea vero anno 1614. in 2. editione ejusdem opusculi addidit appendicem disputationum in tria capita, seu tres quaestiones divisam; in 3. autem capite inquit, *utrum Calvinus fuerit convictus Sodomitæ, & eam ob causam stigmatem innotus*, & sub hoc titulo sic erit: *Non ex aëre scripti ea, quæ hac de re in Consultatione adduxi, neque ex meo cerebro, sed ex bonis auctoribus, & fama communi, quæ 40. & amplius annis viguit, non solum apud*

*Catholicos, sed etiam apud Lutheranos.* Plurimi scriptores hujus rei tanquam certæ, & notoriæ mentionem fecere: ex quibus paucos adferam.

CCXCVI. Imprimis adfuit Hieronymum Bolsecum Medicum Lugdunensem, conscius secretorum Calvinii, utpote qui olim ejus discipulus fuerat, & postea ad fidem Catholicam conversus est, ut, testatur Spondanus ad an. 1564. num. 25. qui ann. 1590. vitam Calvinii descripsit, & dedicavit Primate Franciæ Archiepiscopo Lugdunensi: ubi testatur, se vidisse Testimonium publicum apud quemdam Bartelier Senatus Genevensis Secretarium de vita, & moribus Calvinii. *Quod ego testimonium ( inquit ) publicum apud hunc vidi, & in ipsius meæ manibus inspexi: & idcirco, ut rem verissimam commemorare possim. In quo quidem testimonio hoc quoque erat adjectum: Calvinum, cum curatum illic beneficium, & aliud Sacelli cuiusdam Sacerdotum obtineret. Sodomitici sceleris convictum in vita discrimen venisse, ut igni, quæ hujusmodi sceleris ordinaria, & legitima poena est, cremaretur. Ceterum Episcopi viribus commiseratione poenam moderatam, ne cauterio candens ejus humeris liliu innumeretur. Quo probro confusus, neque tales ignominias ferens, utrumque Ecclesiasticum beneficium in Pastorem Noviodunensem transtulit. & ab eo certâ pecunie summâ acceptâ in Germaniam, deinde in Italiam profectus est.*

*est, fortuna, si quam sibi propitiam invenire possit, se permittens.*

CCXCVII. Nec Bolfecus solum dicit, *se in manibus illius Secretarii hoc testimonium vidisse, & inspexisse;* sed etiam jurejurando affirmat: ita enim scribit in epistola dedicatoria ad Archiepiscopum Lugdunensem:  *Jam hoc quoque eundem testor Deum, nihil me hoc tractatu complexum, quod contra meam conscientiam scriptum esse mihi conscius sim; sed qua scribo, omnia veritate niti, & vel ex tabulis, & testimonijis manni ipsius Calvinii descriptis ea me desumpsisse, vel referentibus maxima auctoritatis viris cognovisse, vel meis oculis conspexisse, manūque palpasse.* Comprobat id ibidem Lessius Testimonio Julij Brigerij, Thomæ Stapletonij, Edmundi Campiani Martyris, Joannis Duræi, Surij ad ann. 1538. & Guilielmi Reginaldi. Quibus relatis subjungit: *En septem testes, omnes æquissimi, omnes omni exceptione majores: quibus accedat Octavus Conradus ipse Schlüsselburgius Lutheranus, cujus verba jam ex Reginaldo retulimus.* Longè plures adferre possem, sed hi abunde sufficiunt, non solum ad me vindicandum à nota calumnia, sed etiam ad faciendam fidem cuilibet æquo lectori. Quis enim in re historica plura, & graviora testimonia requirat?

CCXCVIII. His accedunt multiplicationes, & indicia, quæ res ostendunt esse valde credibilem. Primum. Quia historia de crimine illo consentanea est alijs Calvinii gestis, quæ de ipso commemorantur. Scri-

bit enim Bolfecus in vita Calvinii cap. 11. cum puer Calvinii Minister quatuor Francorum millibus hero subtrahis se in fugam dedisset, & amici vellent illum persequi, numquam Calvinum permittere voluisse; ne videlicet comprehensus puer arcana patefaceret. Quæ res ingentem suspicionem movit, ipsum puero abusum esse.

Aliud factum narrat Florimondus Præles Burdegalenfis lib. 7. De ortu hæresis, cap. 9. Fertur, inquit, & complures scriptis evulgârunt, Rectorem Collegij de Boncourt accusasse Calvinum nefandi criminis, & ex puerorum depositionibus, cum non comparuisset, absentem fuisse condemnatum. Omitto alia impuritatis illius documenta, quæ à scriptoribus referuntur.

Secundum, quia historia illa est conformis vitæ, & moribus discipulorum Calvinii, qui se omni genere libidinis inquinârunt.

#### §. IV.

*Frustra Ludovicus Maimburgus conatur Calvinum ab hac infamia Liberare.*

CCXCIX. Quamvis hæc, & alia fundamenta adducta à P. Lessio satis valida sint ad persuadendum, Calvinum reum fuisse nefandi criminis, tamen Ludovicus Maimburgus lib. 4. historię Calvinismi ad ann. 1564. hoc hujus Hæresiarchæ scelus non vult credere, tum

Rr 2

quia

quia nihil ejusmodi reperitur in exactis informationibus Novioduni capitis nostris hisce temporibus, nec in regestis Ecclesiæ Cathedralis, quæ servata fuerunt ab incendio, quod anno 1552. acta publica, totâmq; pæne Civitatē Noviodunensem consumpsit. Tum quia verisimile factis est, quoddam talis attestatio, quæ incendium præcessisset, veritatem haberet, nunquam Gebennenses recepissent pro fundatore novæ Ecclesiæ, & Reformatore morum, disciplinæ, atque doctrinæ infamem hominem, tam turpi nota insignitum. Unde concludit, Bolsecum impostorem fuisse, seu calumniatorem, aut saltem deceptum fuisse per suum Bertelier. Ulterius addit, fieri potuisse, ut Joannes Calvinus, quem antea vocabant Cauvinum, sumeretur pro ejus nepote Joanne Cauvino ejusdem Ecclesiæ Capellano, qui ut notatur in regestis Capituli, cum non emendaret incontinentiam, pro qua fuerat castigatus, fuit beneficio privatus, diu admodum postquam Calvinus exiret æ regno. Hæc rationes proponit Maimburgus, quasi datas à Protestantibus. Et tandem concludit. *Volo itaque, quandoquidem ita placet Protestantibus nostris, non præstare fidem huic infamæ vergenti in Authorem ipsorum sectæ: Deus enim non indiget his probationibus, quæ repelli possunt, ut incertæ, & multò minùs falsitatibus hominum, ut inimicos suos debellet. Hæc Maimburgus.*

CCC. Fateor, Deum non indi-

gere mendacijs hominum. Fateor nec hæreticis posse affricari crimina, quæ ipsi non commiserunt, nec sine sufficienti probatione posse ut infames notari. At quando efficaces sunt probationes, oportet, ut eorum vitia omnibus pateant, ut sic eorum sectatores oculos aperiant, & non sequantur tanquam Dei Apostolos, & Ministros, homines iniquos, vergit enim in dedecus, & ignominiam sectæ, quoddam ipsius primus author fuerit homo criminolosus, & infamis. Jam verò probationes, quibus ductus est P. Lessius, efficaces sunt, nec illis satisfaciunt Maimburgus, imò nec mentionem facit argumenti, quo potissimum Lessius probat, Bolsecum vera narrasse, vel quia non vidit, vel quia impar dandæ congruæ responsioni, maluit dissimulare, quàm frigide respondere: sic autem arguit Lessius: *sista de crimine Sodomitico, & stigmate vera non erant, cur discipuli Calvini ea non refutarent? Cur inspectionem actorum publicorum, & Magistratum testimonia non petierunt? facile enim, si falsa erant, refutari tunc temporis potuissent. Primò testimonio Magistratûs Genevensis, qui publico instrumento declarare potuisset, tale scriptum nunquam ad se perlatum, se nihil unquam de hujusmodi Calvini crimine inaudisse; non enim dubitandum, quin eo tempore, nimirum anno 1577. fuerint multi superstites, qui hujus rei possent meminisse, & fortasse ipse Bertelier, in cujus manibus se hoc testimonium vidisse affirmat*

Bolsecus,



Bolsceus, adhuc supererat. Secundò, Testimonio Magistratùs Noviodunensis. Non enim est dubium, quin ex actis judiciarijs, quæ asservari diligenter solent, veritas cognosci posset: verùm neutrum fecerunt fratres Evangelici. Quis credat, si solida aliqua ratione tanti sceletis infamiam à suo Apostolo amoliri potuissent, & adversarium suæ Religionis Hieronymum Bolsceum calumnix convincere, & apud omnes hoc modo infamem reddere, eos id fuisse prætermitturos? sic enim effecissent, ut nec in cæteris, quæ Bolsceus de Calvinij varijs criminibus, & pessimis artibus, ac machinationibus scribit, ei fides adhiberetur. Itaque cùm nihil fecerint eo tempore, quo maxime oportebat (nimirum cùm libellum suum Bolsceus evulgavit) ut ista solidè confutarent, nemini prudenter rem expendenti dubium esse potest, quin rationis inopià, & criminis conscientia id omiserint, alioquin injurijs in suum Apostolum, & sacrilegijs in suam Religionem extitissent.

CCC. Deinde efficaciter id probat Lessius, nam cùm præclarus Martyr Edmundus Campianus in fidei demonstratione, ratione 3. anno 1580. Calvinum stigmaticum, transfugam vocasset, Wittakerus Calvinista in sua responsione pag. 50. hoc tantùm responderet. Si stigmaticus fuit Calvinus, fuit etiam Paulus, fuerunt alij. Quibus verbis non obscure Wittakerus stigmata Calvinij videtur fateri, sed aliorum exemplo excusare. Unde Joannes Duraus hanc Wittakeri re-

sponcionem his verbis confutat: *Quòd Calvinij stigma humeris insitum, cum Pauli stigmatibus conferre non dubitas, facis id quidem pro tua modestia, & summo in præceptorem amore humaniter: nisi quòd meminisse debueras, Christi stigmata in corpore suo Paulum portasse; Calvinum verò stigmata liliorum, quibus non nisi nefarij homines ob immania crimina ad perpetuam inuri memoriam solent. Adhac Wittakerus nihil amplius quod responderet, habuit. Unde etsi in sua responsione contra Duraum ad cætera, quæ hoc loco Duraus adfert, respondere conetur, ut patet pag. 280. hoc tamen de stigmato prorsus dissimulat. Hæc ex libro Anglico, cui titulus Apologia Protestantium pro Romana Ecclesia. Quid causa fuisse putabimus homini alioquin loquacissimo, & importunissimo, hujus silentij, nisi quòd fama publicè, & conscientia proprià convictus, nullo colore rem tegere, & honestare potuerit?*

CCCII. Postquam P. Lessius hæc, & alia testimonia expendit: subjungit; *En septem testes, omnes æquomodo, omnes omni exceptione majores: quibus accedat Othavus Conradus ipse Schlüsselburgius Lutheranus, cujus verba jam ex Reginaldo retulimus. Longè plures adferre possem; sed hi abunde sufficiunt, non solum ad me vindicandum à nota calumnia, sed etiam ad faciendam fidem cuilibet aquo leiori. Quis enim in re historica plura, & graviora testimonia requirit?*

CCCIII. Nec fundamenta adducta à Maimburgo ad vindicandum

Calvinum ab hac infamia, efficacia sunt: nam quoddam in informationibus Novioduni capitis hisce temporibus, id est centum, & amplius annis post obitum Calvini, reperiri non potuerit instrumentum, quo comprobaretur illud Calvini delictum, nec in regestis Ecclesie Noviodunensis ab incendio liberatis inventa sit ulla illius memoria, est argumentum merè negativum, quod nihil concludit. Cum necesse non fuerit, ut infereretur Atque illius capituli memoria hujus infamiae: vel quamvis fuerit inserta, facile fuerit, inde avelli ab aliquo Calvini, vel discipulo, vel consanguineo, vel studioso. Deinde quia Bolsecus, sub juramento testatus est, se vidisse hujus rei testimonium authenticum in manu *Bartolæ* Senatus Genevensis Secretarii, qui missus fuit Noviodunum hujus rei gratia, ut in vitam, atque mores Calvini inquireret, & qualis adolescens fuisset, exploraret, & inde retulit Testimonium, quod de Calvinio præcipui aliquot Cives Noviodunenses interrogati perhibuerunt, Notariisque legalis in publicas tabulas retulit. Hoc autem testimonium non oportuit servari in Archivo, vel Ecclesie, vel Civitatis Noviodunensis, quia suum ipsorum non intererat, habere hoc Instrumentum de infamia sui Civis, vel sui Capellani, aut Canonici, sed adduci Genevam, unde exposcebatur. Ex tabulario autem Genevensi promptum fuit Discipulis Calvini, Magistri & Apostoli sui ignominiam auferre. Nec Bolsecus ausus fuisset hæc scribere, si falsa essent, aut

non satis ipsi explorata. Nec tunc quando memoria erat recens, diffimulassent Calvinistæ, Bolsecum de calumniis, vel de falsitate convincere, nisi res fuisset aded nota, ut celari non posset tunc. Postquam autem sæculum transivit, & testibus comprobari non potest delictum Calvini, Protestantes illud negant, & illis potius Maimburgus vult credere, quam scriptoribus tot, & tam gravibus, qui hoc testati sunt, & de falsitate non sunt accusati, tunc quando de falsitate poterant convinci, si falsa narrassent.

CCCIV. Estque valde levis illa conjectura de æquivocatione neporis Calvini cum ipso Calvinio, cum neposille Calvini non fuerit de crimine nefando accusatus, nec quidquam scribatur de lilio candente ejus humero inusto, sicut scribitur de Calvinio.

Nec vim habet illud aliud fundamentum, quod scilicet Genevenses non receperint pro fundatore novæ Ecclesie, hominem infamem. Quid enim mirum, quod hominem infamem acceperint pro Magistro, & reformatore, qui credunt, nullam esse nostri arbitrii libertatem, sed omnia inevitabili necessitate evenire, & Deum non minus esse autorem, & impulsorem operum malorum, quam bonorum? si imbuti sunt in Calvini doctrina palam docentis, Deum ab æterno omnia opera scelerata hominum, & dæmonum decreto suo statuisse, & præordinasse, & suis temporibus ad ea excitare, movere, & impellere, quid mirum, quod non repudient Calvinum ex eo, quod se-

cutus

cutus impulsu Dei ipsum incitantis, & moventis ad committendum peccatum nefandum, illam infamiam subire voluerit, ne Deo resisteret? quid mirum, quod pro reformatore susceperint hominem de hoc vitio convictum, qui pro Apostolo venerantur hominem blasphemum in Christum, utpote qui libro 2. Instit. cap. 16. aperte docuit, Christum Dominum cruciatu gehenna cum damnatis, ac reprobis spiritibus aliquando pertulisse. Quid mirum, quod hominem infamem susceperint pro reformatore, si tanquam Dei Evangelistam, & novum Apostolum susceperunt hominem, qui l. 3. institutionum c. 12. §. 4. expressè dixit: *omnia opera hominum, si sua dignitate censeantur, nihil nisi inquinamenta, & sordes esse, nec ullum à sanctis exire opus, quod si in se censeatur, non mereatur justam opprobrij mercedem.* Quid mirum, quod hominem infamem susceperint pro reformatore, si sibi persuaserint, à Deo missum esse ad reformandam suam Ecclesiam hominem, qui postsolemne votum castitatis in susceptione Ordinis sacerdotalis susceptum, publicè facilegas nuptias contraxit? Ut enim scribit Spondanus ad ann. 1538. num. 12. Calvinus eo anno ex Civitate Genevensi, in quam se intruserat ann. 1536. in exilium pulsus, se recepit Argentoratum, ubi dogma Zwinglij vigeat: *Et ibi incundius exilium suum ferret, viduam cuiusdam Anabaptista, nomine Ideletam Buriam matrimonio sibi iunxit, & multis annis cum ea vixit, nullis tamen susceptus libe-*

*ris, quamvis illa ex prioris matrimonio nonnullos haberet.* Verba sunt Spondani.

CCCV. Quid mirum, quod hominem de peccato nefando convictum, ut Ecclesiae reformatorem admiserint, qui credere potuerunt, à Deo missum fuisse ad prædicandum novum Evangelium hominem, de quo ipsis notum fuit, voluisse per fictionem, & artificium persuadere suis auditoribus, se mortuum suscitasse in confirmationem suæ doctrinæ, cum tamen non verè mortuum suscitaverit, sed vivum, & sanum, mortuum reddiderit, Deo vindictam sumente de tam sacrilega fictione, ut narrat Spondanus ad ann. 1553. num. 15. tanquam rem exploratam, & nos supra retulimus.

CCCVI. Quid mirum, quod Calvini discipuli hoc sui magistri crimen nihili fecerint, quandoquidem, ut refert Guillelmus Reginaldus lib. 4. pag. 1020. quidam Calvinistæ in Anglia ex illa de justificatione fidei Calvini sententia, inter ceteras has deducunt & inveniunt conclusiones. 1. *omnes illi errant, qui putant se salvandos, cum multa bona opera fecerint.* 2. *Non est necesse laborare, quò bonis operibus vitam consequamur aeternam, jam nunc enim eam tenemus.* 3. *Est hic unus expressus erroribus, qui versantur in orbe Christiano, arbitrari, quòd bona opera quidquam prosint ad salutem.* 4. *Peccata nostra nihil minuant de gloria Dei, totum damnus peccati positum est in scandalo proximi.* 5. *Christus suo sanguine redemit, & liberavit nos ab omnibus*

omnibus peccatis, & legibus, ut deinceps nulla lex nos obliget in conscientia. Hic aperte liberamur à Decalogo, & ab omnibus præceptis Sacramentorum. 6. Nihil debes Deo, nisi fidem, ut consuearis Christum Jesum, & credas eum surrexisse à mortuis, sic enim saluus eris, in vel quis omnibus Deus liberum tibi facit, ut sequaris voluntatem tuam. Omnia enim facere potes absque scrupulo conscientie. Neque enim perire, vel damnari potes, quidquid externè vel feceris vel in se habueris. Hac omnia illi deducunt (& quidem rectissime) ex illo de justificatione per fidem speciale fundamentum à Luthero, & Calvino posito: in quorum etiam scriptis panè hæc omnia expressè habentur. Quis maiorem licentiam optare, vel fingere possit ad omne flagitium?

CCCVII. Quid mirum, quòd tanquam reformatorem acceperint virum de tali crimine notatum, qui sibi persuadent, spiritum Dei habuisse hominem adeò superbum, qui passim Patres, & Consilia contemnit, & iudicium suum iudicio totius Ecclesiæ, per mille, & amplius annos constanter, etiam ex sententia ipsius Calvini, retento, impudenter præfert? Superbia Calvini ex ejus libris est satis conspicua, nimirum ex lib. 2. Instit. cap. 14. §. 3. lib. 3. cap. 4. §. 38. & cap. 5. §. 10. lib. 4. cap. 12 §. 20. & alibi: contemnit enim passim (inquit Lessius) omnes veteres & sanctos Patres, & audacter erroris accusat: sæpe pro concione in has voces erumpebat: *Ego Propheta sum, Ego Dei Spiritus ha-*

*beo: ego si erro, tu es Deus, qui me propter peccata populi in errorem mittis, & decipis.* Qui hominem ejusmodi spiritum Dei habuisse credunt, & ex illo scripsisse, quæ scripsit, non mirum, quòd illum susceperint, ut reformatorem Ecclesiæ, quamvis aliunde scirent, fuisse ob Sodomiam lilio candenti sigillatum. Nullum ergo adducit Maimburgus fundamentum, quo satis à Calvino eliminetur notam infamiam.

CCCVIII. Fateor Henticum Spondanum ad ann. 1534. num. 11. non affirmare hanc infamiam Calvini: solum enim ibi hæc scribit: *Quòd verò traditur vulgò, eum in turpe crimen Sodomie incidisse, ac propterea in vita discrimen, nisi pena moderationem Episcopus impetrasset, Liliij candentis ad humerum inuisionem, & exilium à patria: hoc Massonus tacet, solamque abeundi in exilium causam hæresim fuisse ait.* Dixerat num. 9. se vidisse tres, vel quatuor vitas Calvini, unam Theodori Bezae ejus Discipuli, dubiz præsertim fidei, utpote in ejus tantummodò, & hæresis laudem fabricaram: alteram Hieronymi Bolseci Medici Lugdunensis latinam, aliamque Gallicam Jacobi Lainger Scoti Doctoris Sorbonici, acerbiorẽ, quam ut in pluribus accepta sit omnibus, & ultimam Papirij Massoni Parisiensis confidici, viri doctissimi, notaque moderationis, cui tantum in ijs, quæ refert, fidem adhibeas. Spondanus secutus est Massonum, & quia hic Author tacet Sodomiam Calvinii, etiam ipse noluit hoc affirmare.

Et

Et quamvis approbet, quæ ille refert tanquam vera, non tamen reprobatur ea, quæ tacet. Hinc autem nullum potest argumentum desumi in favorem innocentie Calvini ab illo crimine. Massonus enim non defendit Calvinum, ut facit Maimburgus; nec enim positivè negat, illud crimen fuisse à Calvino commissum, sed solum tacet, & ab utroque abstrahit, nec illum condemnans, nec illum absolvens. Bolsecus autem, & Langeus palam, & disertè affirmant, idque coram discipulis Calvini, quando recens erat memoria facinoris, & poterant manifestè convinci, si falsa narrassent: quare cùm tunc temporis, quando vivebant Cives Noviodunenses, qui rei veritatem possent deponere, nemo hos scriptores impugnavit, signum clarum est, illos vera dixisse. At verò ex eo, quòd Massonus sit vir moderatus, & fidem mereatur in ijs, quæ refert, non sequitur, quòd debeant reputari falsa ea, quæ ipse tacet; potuit enim tacere ex motivo Politico, non offendendi hæreticos Calvinistas tunc in Gallia potentes: nam si positivè affirmaret, Calvinum non fuisse accusatum de crimine illo, sicut Bolsecus affirmat, fuisse accusatum, posset rem facere dubiam, sed cùm nihil dicat, & ab hoc abstrahat, non facit dubiam historiam narratam à Bolseco, imò ipsa taciturnitas Massonius probat, ipsum non habuisse fundamentum ad negandum, vel saltem ad revocandum in dubium id, quod tam asseveranter affirmavit Bolsecus: quia si habuisset, non dissimulasset.

CCCIX. Concluditur ergo ex dictis, Calvinum hominem jure infamem fuisse, tum ob nuptias sacrilegè contractas post sacerdotium habens annexum solemne votum castitatis, tum ob Sodomiam. Ut patet ex l. 1. tit. de his qui notantur infamia. & l. *Quid ergo* §. ex compromisso. Tit. de ijs, qui notantur infamia.

Ejus mores describit citatus Papius Massonus, quem Spondanus ad ann. 1564. num. 25. appellat moderatissimum, & temperatissimum in omnibus suis scriptis, nec nisi, quæ optimè nosset, scribere scium. Hic Author in vita Calvini testatur apud Spondanum ibi. Calvinum iracundum aded fuisse, *us Bucerus, eius amicus, familiari Epistola eum castigaturus canem rabidum vocavit, & scriptorem maledicendi studio infectum; judicare eum de hominibus, prout amaret, vel odisset, prout liberet. Melancihon praefractam ejus, ut loquebatur, morositatem vituperaverit: Genevenses inter jocos dicerent, malle se apud inferos esse cum Beza, (qui vixit delictis suis scurrilitatibus, & festivis joci eos in medio flammis ex hilarasset) quàm apud superos cum Calvino. Pindicta appetentem, & sanguinarium fuisse: mordacem in scribendo, & dicendo: ad omnem simplicis animi figuram compositum, texisse intus latentem superbiam, & phylautiam. Itaque non immerito Balduinum (qui silentium ei imposuit seni, immenso ipsius dolore) dixisse, collegas eius conqueri solitos, de ipsius intolerabili arrogantia, & incredibili fastu. Nemini*

Ss

impa-



imparem, aut secundum haberi voluisse; nec verò parem ferre potuisse nec imparem, nisi obsequentem, pati. Demùmque ita vitam ejus claudat, ut asserat, eum qui Calvinum labem, ac perniciem hominum dixerit, nihil menturum esse. Tantum enim malorum intulisse in patriam, ut cunabula ejus meritò detestari atque odisse omnes debeant. Idemque in vitis Pontificum Romanorum, viperam eum, & scorpionem appellans, ait, pudere se fateri, hoc monstrum in Galliâ natum; multùmque debere Galliâ anno 1564: quo portentum illud extinctum est.

CCCX. Huic vitæ respondit mors, quam ex Bolsecò in vita Calvinì cap. 22. describit Nicolaus Romæus in Calvinì nova effigie pag. 763. Gravissimos (inquiens) dolores, & asperissimos cruciatus, quibus Dei in illum severâ gravissimâque manu ingruente excruciabatur, non ferens, demonibus invocatis, jurans, execrans, & blasphemans, miser expiravit. Cujus illi testimonium perhibuere, qui decumbenti ad extremum usque halitum ministrarunt. Diem atque horam detestatus est, & execratus, quam unquam studiis impendebat, cum ex ulceribus totòque corpore gravissimi fautores emanarent, ob quorum graveolentiam, & sibi ipsi gravis, & qua enim circumstabat, familia erat.

Phthiriasi quoque gravissimè afflatus fuit: quo morbi genere crudeles quique tyranni, & impietate insignes, in scelerum detestationem à Deo puniti fuerunt: Ananias. Epiphaneus. 2.

Machab. c. 9. 9 L. Cornelius Sylla, Heroder. Maximianus Imper. Honorius 2. Wandalorum Rex, Arnulphus Imper. Caroli Successor, & similes, quorum præcateris nobilitata fuit impietas. Vide Clandium de Saintes in Respons. ad Apologiam Beze pag. 11. a.

§. V.

Concluditur, ex moribus Lutheri, & Calvinì manifestè demonstrari, eos non fuisse Ecclesiæ reformatores, sed deformatores, & manifestos Hæresiarchas.

CCCXI. POSTquam P. Lessius vitam, & morum conditionem Lutheri & Calvinì breviter depinxit, meritò concludit. Quis nunc istis perpensis in animum inducat, Deum hujusmodi hominibus, qui & omni jure, & orbis judicio erant infames, quorum vitæ turpissima, lingua effrans, & maledicta, animus invidus, ambitiosus, iracundus, & invidiâ plenus, ad reformationem Ecclesiæ suæ uti voluisse? Quis unquam hujusmodi mores, vel in Apostolis, vel Prophetis notavit? Erant quidem Apostoli plerique conditione humiles, nulli tamen ob flagitia infames. Et quamvis essent indocti, & simplices, repente tamen facti sunt sapientiâ, vitæ sanctitate, & miraculorum gloriâ admirabiles. Mira in illis animi demissio, mira mansuetudo, mirus gloria, rerum terrenarum, & voluptatum hujus vitæ contemptus, mira in proximum charitas, mira in verbis modestia, & circumspectio. Similes mores



mores cernimus in omnibus, quibus Deus usus est, vel ad Gentium conversionem, vel ad morum populi Christiani reformationem. v. g. in S. Augustino Anglorum Apostolo, in S. Bonifacio Germanorum, in SS. Adelberto, Othone, Willebrordo, Eligio, & in alijs aliarum gentium: in S. Benedicto, Bernardo, Romualdo, Dominico, Francisco, & alijs, quorum exemplo, & doctrinâ plurimi ad contemptum terrenorum, & amorem celestium sunt excitati.

CCCXII. Si ad alicujus provincia conversionem, si ad morum nonnullam in populo correctionem, Deus talibus viris, quorum vita mundo erat admirabilis, usus est, qui tamen non immediatè à Deo, sed à summo Pontifice suam missionem accepere, quales, obsecro, par erat esse eos, qui mittebantur immediatè à Deo, idque ad reformationem præcipuorum capitum Religionis, imò ad totius Ecclesiæ, & Regni Christi collapsi instaurationem? etiamsi tota sanctitas, & excellentia, omnes virtutes, & omnia dona spiritalia, quæ fuerunt in S. Joanne Baptista, & in omnibus Apostolis, simul in unum conflata ipsis infusa fuissent, hoc tamen totum haud satis fuisset, ad sufficientem illis auctoritatem tanta molitionis conciliandam. Et nos tam fungimur, ut credamus, divinam sapientiam, ad rem adeò suspendam, usam fuisse hominibus, non solum nulla vita sanctitate commendatis, sed etiam

infamibus, impuris, ambiguis, vine dictæ cupidis, & maledicis? Quid enim hos aliud erat, quàm omnibus micam prudentiæ habentibus justans dare occasionem, eos non admittendi, sed ut impostores averfandi? Nam qui per infamiam non possunt admitti ad ullam dignitatem, ad ullum officium, siue Ecclesiasticum, siue seculare, imò nec ad accusandum, nec ad postulandum: quomodo admittentur, ut reformatores Religionis, ut Archiepiscopi Ecclesiæ, ut Judices Episcoporum, Pontificum, & Conciliorum Oecumenicorum?

CCCXIII. Unde patet, quàm frivola sit responsio hæreticorum, qui quando eis describuntur mores Lutheri, & Calvini, dicunt, se nihil curare, quales illi fuerint, sed solum attendere ad ipsorum doctrinam, quæ bona est: nequit enim dici, esse bonam doctrinam hominum iniquorum, quæ opponitur communi Ecclesiæ sensui, sanctorum Patrum doctrinæ, & Conciliorum definitionibus. Prorsusque est monstruosum dicere, quòd Deus Augustino, Hieronymo, Ambrosio, Gregorio, Basilio, Athanasio, Nazianzeno, Chrysostomo, Thomæ, Bonaventuræ, & alijs sanctissimis Doctoribus negaverit lucem ad veram intelligentiam scripturarum, & quòd eam communicaverit hominibus superbiâ, ambitione, maledicentiâ, & luxuriâ plenis.

## CAPUT DUODECIMUM.

*Nonum caput idem probandi, quia evidens est evidentiâ facti, Lutherum, & Calvinum, & alios sectarios, qui ab Ecclesia Romana in sexto sæculo recesserunt, renovâsse hæreses antiquas à vera Christi Ecclesia damnatas, nimirum ab Ecclesia Romana intra quinque priora sæcula, quando etiam ex confessione adversariorum vera erat Christi Ecclesia.*

CCCXIV. **E**cclēsiā Romānam fuisse veram Christi Ecclesiā prioribus illis sæculis, fatentur adversarij, ut vidimus cap. 2. certissimum autem est, esse verè hæreticas illas doctrinas, quas vera Christi Ecclesia hæreticas esse declaravit, & ut tales damnavit: quia cū sit columna, & firmamentum veritatis, nequit errare in articulis, quos credit, & credendos proponit, ac proinde certum est, esse verè hæreticos, qui pertinaciter defendunt propositiones à vera Christi Ecclesia damnatas, ut hæreticas. Si ergo probaverimus, Lutherum, & Calvinum pertinaciter tradidisse propositiones damnatas ab Ecclesia Romana in illis primis sæculis, quando etiam ex confessione adversariorum erat vera Christi Ecclesia, evincemus, illos esse verè, & indubitanter hæreticos. Quòd autem res ita se habeat, evincit Bellar. tom. 2. lib. 4. de notis Ecclesiæ cap. 9. & cum eo Lessius, rectè probans, religionem Lutheranam, & Calvinisticam nihil aliud esse, quàm diversarum hæresum à diversis Hæresiarchis

diversis sæculis traditarum, & olim per Ecclesiā Catholicā profectitatum colluviem, idque multiplici exemplo probat.

CCCXV. 1. *Uterque, nimirum Lutherus, & Calvinus, docet, nullam esse arbitrij libertatem. Et Lutherus art. 36. affirmat, hoc esse principium suæ Religionis fundamentum. At illa fuit olim hæresis Simonis Magi, & Valentini, teste Augustino. hæresi 11. & Manichæorum, & Wiclefii, &c.*

2. *Uterque docet, Deum esse impulsorem omnium scelerum, & omnia mala fieri ex vi decreti divini. At olim fuit ista hæresis Simonis Magi, & Florini.*

3. *Uterque docet, non esse necessaria ad salutem bona opera, sed sufficere fidem. At hæc fuit olim hæresis Simonis Magi, & Eunomianorum circa annum Domini 360.*

4. *Uterque docet, habenti fidem nihil obesse peccata quantumlibet multa, & magna; horum enim malitiam non impuiri credenti. Quæ olim etiam fuit hæresis Eunomianorum, & Basilidis,*

filidis, & Carpocratis, teste Irenaeo b. 1. c. 23. & 24.

5. Calvinus negat praesentiam realem Corporis Christi in Eucharistia. At hac olim fuit haeresis Berengarii circa Annum Domini 1051. Ubi notandum primum, etsi aliqui privatim ante Berengarium ea de re dubitaverint, & quassationem moverint, neminem tamen fuisse ausum, hoc publice profiteri, ut testantur Hugo Lingonensis, & Adelmanus Bruxiensis in Epistolis suis ad Berengarium, & Paschasius lib. de verbis instit. huius Sacramenti. Itaque fuit hac constans Ecclesiae doctrina, omnibus haesarchis intacta usque ad tempora Berengarii. Secundò, sententiam Berengarii ipso vivo fuisse in quinque Conciliis damnatam, & ipsum Berengarium ter suam sententiam abjurasse, & tandem in fide Catholica cum magna poenitentia mortuum. Quo mortuo extincta fuit illa haeresis ferè per ducentos annos usque ad Lollardos, qui eam renovârunt, ut colligitur ex Trithemio in Chronico Hirsaugiensi ad annum 1315. Eandem postea tenuit Wiclef, ut patet ex art. ejus 3. Quo mortuo rursum extincta fuit per centum circiter annos, usque dum Zwvinglius eam restituit, quem Calvinus, & aliquot alij sunt secuti. Ex quo manifestè apparet, hanc sententiam semper in Ecclesia pro manifesta haeresi habitam. Itaque, vel Ecclesia semper in primario fidei articulo erravit, & sic numquam Ecclesia Christi fuit, vel sententia illa, quae realem Corporis Christi praesentiam in Eucharistia abrogat revera haeresis est.

6. Uterque tollit omnes traditio-

nes, & solus scripturis omnia vult contineri. Eadem fuit haeresis Ariariorum, ut constat ex D. Augustino; item Nestorii, Dioscori, & Eutychetis: ne habetur in septima Synodo Aët. 1<sup>a</sup>.

7. Uterque negat Sacramentum Poenitentiae, & Confirmationis. Eandem haesim olim docuere Novatiani, teste Cypriano, & Theodoro.

8. Uterque docet, Ecclesiam solis bonis constare; & Ecclesiam olim visibilem à multis saeculis periisse: hoc però tempore in suo tantum catu existere. Similis fuit haeresis Donatistarum, ut testatur D. August. lib. de unitate Ecclesiae cap. 12.

9. Uterque docet, non esse orandum pro defunctis: non esse servandum jejunium quadragesimae, aut alia statuta jejunia, sed cum cuique visum fuerit, jejunandum. Idem olim docuere Aetiani, teste Epiphanio haeresi 75, & Augustino lib. de haeresib. cap. 33.

10. Uterque negat venerationem sacrarum Reliquiarum, Imaginum Christi, ac sanctorum, & vocat idolatriam. Idem olim fecit Vigilantius, teste Hieronymo: fecerò & Iconomachi, teste Zonara, Cedreno, Nicephoro de Iconomachis.

Ex his luce meridiana clarius est praecipua dogmata, quibus Lutherana, & Calvinistica Religiones constant, esse haeses antiquas, olim ab Ecclesia damnatas, eaque semper pro haesibus in Ecclesia habitae fuisse. Idem facile de ceteris ostendi potest. Unde sequitur, has Religiones nihil esse aliud, quàm veterum, & jam olim profigatarum haesum colluviem.

## CAPUT DECIMUM TERTIUM.

*Decimum caput idem probandi, quia omnes sectarij, qui sub specioso titulo reformationis, fidem Ecclesia Romana impugnârunt, in manifestos, & crassissimos errores prolapsi sunt, quos eleganter describit Bellarminus. Ubi specialiter ponderatur error de fide speciali justificante.*

## §. I.

CCCXVI.

**A**lienati sunt peccatores à vulva, erraverunt ab utero, locuti sunt falsa, ajebat David Ps. 57. quæ verba exponens S. Augustinus ita verissimè scripsit in illum locum: *In ventre Ecclesie, inquit, veritas manet: quisquis ab hoc ventre Ecclesie separatus fuerit, necesse est, ut falsa loquatur.* Et mox repetens dicta; necesse est, subjungit, *ut falsa loquatur, qui aut concipimolus in ventre Ecclesia, aut quem conceptum mater excussit*, licet excussit Lutherum, & Calvinum sola Ecclesia Catholica Romana, quæ est columna, & firmamentum veritatis, & quæ supra solidam Petram fundata est, nihil contra rationem tradere potest, licet multa supra rationem credenda proponat, nihil turpe præcipere, ac proinde illi soli convenit illa nota veræ Ecclesie, quæ exprimitur illis verbis, *Credo sanctam Ecclesiam: constat enim Ecclesiam sanctam dici, quia ejus Professio sancta est, nihil continens falsum quoad fidei doctrinam, nihil injustum quoad doctrinam morum, ut inquit Bellar. lib. 4. de notis Ecclesie notâ octavâ.*

CCCXVII. Quam verè dixerit Augustinus, necesse esse, ut falsa loquatur, qui à ventre Ecclesie separatus est, evidentissimè patet ex densissimis, & palpabilibus tenebris, quæ offusæ sunt supra mentes hæreticorum hujus sæculi, qui cum sapientissimi omnium hominum videri velint, tamen ea dicunt interdum, ea proferunt in medium, ea pro Evangelio venditant, quæ somnia ac deliramenta esse, pueri quoque, ac anus etiam decrepita, intelligerent, ut inquit Bellarminus in Præfatione ad primum suum controversiarum tomum, & inductione eleganter probat. *Quid magis impium (inquit) ac stultum fingi potest, quam Deum, qui fons est bonitatis, & justitiæ, auctorem omnium scelerum, & flagitiorum facere? At hoc facit Petrus Martyr in commentario libri secundæ Regum, nec non Joannes Calvinus in lib. Instit. 1. cap. 18. §. 4.*

CCCXVIII. *Quid magis puerile, & ineptum, quam dicere, Deum in lapide, verè & propriè esse lapidem, in ferro ferrum; in trunco truncum, in stipite stipitem, in rebus omnibus res omnes? at hoc docet Michaël Servetus in Epistola sexta ad Calvinum. Quid magis*

magis absurdum, & contra omnem non solum rationem, sed etiam sensum, quam palam asserere, infantes dum baptizantur, exemplo S. Joannis Baptista divinas quasdam motiones internis sensibus percipere, promissiones Evangelicas audire, & promittenti Deo fidem habere? At hoc palam asserit Martinus Lutherus in Commentario tertij capitis Epistola ad Galatas, & qui eum secuti sunt Centuriatores, centuriâ 2. cap. 4. nec saltem reverentur S. Augustinum, qui in Epistola ad Dardanum, quæst. 2. scriptum reliquit: si propter unum Joannem credibile est, infantes omnes ante aetatem consilio, & ratione uti, & propter Asinam Balaam, quæ sapienter aliquando loquuta est, admonendos esse homines in deliberationibus suis Asinina expectare consilia.

CCCXIX. Deinde, quis non obstupescat, potuisse homines reperiri, qui sibi persuaderent, nihil aliud ad justificationem impiorum requiri, quam ut certò statuunt, se esse justos, & sibi remissa esse peccata, ut iam non opinio à veritate rei, sed è contrario, rei veritas ab opinione dependeat? & tamen hoc ipsum incredibile paradoxum, est articulus quartus illius celeberrima Augustana confessionis, quæ pro Evangelio est maxima partis nostri temporis hæreticorum.

CCCXX. Quid jam de Joanne Wiclefo dicemus, cujus hic est articulus sextus, in Concilio Constantiensi damnatus Sess. 8. Deus debet obedire diabolo? quid de Joanne Calvino, qui in Libro Institution. 2. cap. 16. tam serio tam ex proposito docet, Dominum nostrum Jesum Christum, quod certè

piæ aures audire recusant, cruciatibus gehennæ cum damnatis, ac reprobis spiritibus aliquando pertrahisse? Unde etiam exstiterunt postea, qui dicerent, Christum in Cruce desperasse, atque adeò ad inferos esse damnatum. Quam tetrâ, putas, caligine tenebatur animus ille, qui tantam impietatem cogitare potuit?

Sed quo in loco ponemus Martini Lutheri verba illa, quæ in libro de Concilij scripta reliquit: Mihi paulò antè negotium fuit cum Nestorianis, qui pertinacissimè contra me disputabant, quòd Divinitas Christi non possit pati.

Entibi, Christiane Lector, quibus non tam erroribus laborant, quam furoribus agitantur, quibus tenebris involvuntur, in quæ precipitia ruunt, qui semet circa fidem naufragium fecerunt.

CCCXXI. Hactenus ibi Bellarm. qui id fusiùs probat lib. de notis Ecclesiæ cap. II. Quid potest magis absurdum excogitari, quam id, quod scripsit Lutherus libro de captivitate Babilonica cap. de Baptismo. Vides, quam dives sit homo Christianus, sive baptizatus, qui etiam volens non potest perdere salutem suam, quantis cumque peccatis, nisi nolit credere. Nulla enim peccata possunt eum damnare, nisi sola incredulitas: cetera omnia, si videat, vel stet fides in promissionem divinam, in momento absorbentur per eandem fidem. Quid absurdius eo, quod Calvinus statuit lib. 3. Institut. cap. 2. §. 11. & 12. fidem Calvinistarum non posse amitti, eamque efficere, ne nullum peccatum Calvinistis imputetur,

& quod eodem cap. 2. §. 38. tanquam veritatem certissimam ponit, videlicet, omnes Calvinistas esse electos ante omnem operum praviſionem: neque ſolum eſſe electos, ſed etiam hoc ipſum debere firmiſſime credere, adeo ut ſi quis ea de re aliquo modo dubitet, horrendè ſit ſacrilegus, miſerrimè cæcus, Spiritui ſancto injurius, & prima pietatis atrocina ignoret. De fide hæreticorum noſtri ſæculi meritò dixit noſter Maldonatus in cap. 9. Matt. fides, quam iſti nuper invenerunt, ſigmentum eſt, ſomnium eſt, portentum eſt, chimæra eſt. Unde Academia Lovaniensis in articulis adverſus Lutheranos art. 9. ſic habet. Fides, quæquis firmiter credit, & certò ſtatuit, per Chriſtum ſibi eſſe remiſſa peccata, ſequè poſſeſſurum vitam æternam, nullum habet in ſcripturis Teſtimonium: imò eisdem adverſatur. Neque componitur cum eorum primo principio, nimirum nihil poſſe fide divina credi, niſi id, quod à Deo in ſcripturis eſt revelatum: quæro enim, in quo loco ſit à Deo revelatum, eum verè coram Deo eſſe juſtum, qui firmiter credit, ſe eſſe electum, & non poſſe perire, ſibi que peccata omnia eſſe dimiſſa? Quomodo hoc componitur cum illa ſententia D. Petri, cum timore, & tremore veſtram ſalutem operamini? Quomodo cum illo Prov. 20. Quis poteſt dicere, mundum eſt cor meum, purius ſum à peccato? Quomodo cum illo Eccleſiaſt. 9. neſcit homo, utrum odio, vel amore dignus ſit, ſed omnia in futurum reſervantur incerta. Unde meritò Tri-

dentinum Seſſ. 6. cap. 9. ſic ſtatuit: *Sicut nemo pius de Dei miſericordia, de Chriſti merito, de que Sacramentorum virtute, & efficacia dubitare debet: ſic quilibet, dum ſe ipſum, ſuamque propriam infirmitatem, & indiſpoſitionem reſpicit, de ſua gratia formidare, & timere poteſt. Cum nullus ſcire valeat, certitudine fidei, cui non poteſt ſubſeſſe falſum, ſe gratiam Dei eſſe conſequutum.* Et cap. 16. & quia in multis offendimus omnes, unusquisque ſicut miſericordiam & bonitatem, ita ſeveritatem & judicium ante oculos habere debet, neque ſeipſum aliquis, etiam ſi nihil ſibi conſcium fuerit, iudicare, quoniam omnis hominum vita non humano iudicio examinanda, & iudicanda eſt, ſed Dei.

## §. II.

*Ex ſententia Calvinii, & Lutheri de fide ſpeciali juſtificante, ſequitur, damnatos fuiſſe omnes Catholicos, qui à tempore Apoſtolorum exiſtenterunt in Eccleſia uſque ad Lutherum.*

## CCCXXII.

Deinde quia ut arguunt Bellar. lib. de notis Eccleſiæ cap. XI. & Leſſius ratione 12. ſi vera foret hac doctrina Lutheri & Calvinii de fide juſtificante, ſequeretur, omnes Catholicos, qui à temporibus Apoſtolorum hætenus exiſtenterunt, damnatos eſſe, & æternis ignibus addictos: quia juxta hujus Religionis primarium dogma caruerunt fide juſtifi-



justificante, ac proinde iustitiâ coram Deo. Unde permanserunt in peccatis suis, & in illis sunt mortui. Fides enim necessaria ad justificationem, ut hac Religio tradit, est illa, quâ homo firmiter credit se esse iustum coram Deo propter Christi satisfactionem, quâ ipsi per hanc fidem applicetur, & imputetur.

Hanc autem fidem constat orbi ignitam usque ad Lutheri tempora fuisse. Neque ipse dissetur, sed potius glorietur, quod veram rationem justificationis à veteribus obscuratam, mundo patefecerit. Idem constat ex omnium veterum scriptis, tum quia præter fidem Christi requirunt internam voluntatis mutationem, & propositum servandi totam legem: tum quia dam-

nant illam securitatem salutis, & volunt, hominem cum timore, & tremore salutem suam operari, & semper esse sollicitum. Unde fidem illam specialem, quâ quis certò credat, se esse iustum, omnes reiciunt, ut meram præsumptionem. Etsi enim credendum sit, Christum ex parte sua pro nobis plenissimè satisfecisse, non tamen constat nobis, utrum nos fecerimus ea omnia, quæ ex parte nostra sunt necessaria, ut huius satisfactionis sumus participes, & utrum eâ aliquando non exciderimus.

Perspicuum igitur est, omnes veteres hac fide caruisse. Damnati sunt igitur tot sancti Patres, tot Martyres, tot Virgines. Quis autem non videat, hæc esse absurda incredibilia, & blasphemæ?

## CAPVT DECIMUM QUARTUM.

*Ultimum caput probandi solam Ecclesiam Catholicam Romanam esse veram Christi Ecclesiam, quia illi soli conveniunt nota vera Ecclesia, nempe quod sit visibilis, & conspicua, quod sit Una, Sancta, Catholica, & Apostolica.*

### §. I.

*Ostenditur, illam solam esse verè visibilem.*

CCCXXIII.

**O**Mnes hæc proprietates debere convenire Ecclesiæ à Christo supra Petrum fundatæ, constat ex scripturis. Imprimis, quod debeat esse visibilis, & conspicua, ostendimus

cap. 1. §. 2. & ostendant omnes Controversiæ contra hæreticos huius temporis, asserentes Ecclesiam esse invisibilem, & soli Deo cognitam. Et sanè quod vera Christi Ecclesia sit visibilis, probatur ex scripturis omnibus, ubicumque invenitur nomen *Ecclesia*. Nam ut inquit Bellar. lib. de notis Ecclesiæ cap. 12. semper nomine Ecclesiæ, visibilis congregatio significatur.

T

gificatur, nec unum saltem *locum* Calvinus proferre potuit, nec protulit, ubi hoc nomen tribueretur congregationi *invisibili*, quod latè ibi ostendit. Et probatur ex definitione Ecclesiæ, quam rejectis hæreticorum sententijs, statuit Bellarminus tom. 2. lib. 3. de Ecclesiâ militante: nam Ecclesiâ est congregatio hominum utentium Sacramentis eisdem, & fidem Christi profitentibus sub regimine legitimorum pastorum: ergo est visibilis, idque ipsum nomen, & ratio Ecclesiæ persuadet. Ecclesiâ enim est societas quædam, non Angelorum, nec animarum, sed hominum; non potest autem dici societas hominum, nisi in externis, & visibilibus signis consistat; ut enim inquit Augustinus lib. 19. contra Faustum cap. 11. *in nullum nomen Religionis, seu verum, seu falsum, coagulari homines possunt, nisi aliquo signaculorum, vel Sacramentorum visibilium consortio alligentur.* Ratio est, quia non est societas, nisi se cognoscant ij, qui dicuntur socij; non possunt autem homines se agnoscere, nisi societatis vincula sint externa, & visibilia.

CCCXXIV. Et sanè cùm extra Ecclesiâ veram Christi nemo possit salvari, ut suprà ostendimus, & Deus velit omnes homines salvos fieri, vult, ut omnes veniant ad Ecclesiâ veram Christi, & in illâ persevereant, & ad id omnes obligat sub pœna æterna mortis: hoc autem fieri non posset, nisi Ecclesiâ vera Christi esset visibilis; quomodo enim obligare posset homines ad intrandum in Ecclesiâ invisibi-

lem? ergo debet esse visibilis vera Christi Ecclesiâ. Nec solùm debet esse visibilis, sed ita conspicua, ut sit veluti Civitas supra montem posita, & veluti tabernaculum in sole, id est talibus notis, prærogativis, & excellentijs ornata, ut quicumque ferid, & ex animo quærunt suam salutem, possint cognoscere, quænam sit vera Christi Ecclesiâ, in qua sola potest salus obtineri. Quæ prærogativa nulli hæreticorum sectæ, sed soli Ecclesiæ Catholicæ Romanæ convenit; illa sola habet evidentiâ signa credibilitatis, quæ ostendunt, ipsam habere Deum Authorem, & esse illam eandem, quam Christus supra Petrum fundavit, ut evincunt argumenta, quæ in hoc tractatu consecimus. Ergo sola Ecclesiâ Catholica est visibilis ea visibilitate, quæ est propria veræ Ecclesiæ Christi, ita scilicet, ut omnes teneantur illi se adjungere, & in illâ perseverare, id est, Capiti ejus obedire, & cæteris ejus membris communicare, ut docent Cyprianus in libro de simplicitate Prælatorum, Hieronymus in Epistola ad Damasum de nomine hypostasis, & Augustinus lib. 4. de Baptismo cap. 1.

## §. II.

*ostenditur, illam solam esse veram unam.*

CCCXXV. **R**ursus sola Ecclesiâ Catholica est una, unitate requisita ad constituendam veram Ecclesiâ Christi. Distinctur

dicuntur Ecclesia una propter unionem, & consensum eorum, qui in Ecclesia sunt; omnes enim unam eandemque fidem profitentur, juxta illud Ephes. 4. 5. *Unus Dominus, una fides, unum Baptisma.* Ut autem præclare notat P. Valentia, Ecclesia Christi non ob eam rem solum ab unitate fidei, & doctrina, una esse dicitur, quoniam omnes, qui sunt ejus membra, in eadem fide, atque doctrina, quamdiu sunt ejus membra, consentiunt actu, sed quoniam modum, atque rationem ipsa tenet accommodatissimam ad consensionem fidei tuendam. Ratio est perspicua, quia si Ecclesia unitatem in ætuali tantum doctrina fidei consensione, & non præcipue in ratione ad consensum accommodatissima poneremus, nilominus magnum Ecclesia Christi tribueremus, nec posset Ecclesia Catholica per eam notari ab hæreticorum conventiculis nullo modo discerni. Quis enim nunquam fuit hæreticorum error tam exiguus, in quo qui ad eum pertinuerunt, quamdiu pertinuerunt, non fuerint actu de doctrina consentientes? cum enim primum aliquis prudens ac sciens ab aliis dissentit, censetur ad eum eorum non pertinere.

Præcipua ergo ratio, ob quam ab unitate doctrina Ecclesia Catholica dicitur Una, est, quia ipsa unum Pastorem rectissime agnoscit, cujus judicio in fidei controversiis acquiescit, vel quia, ut Cyprianus Episc. 9. Ecclesiam definit, ipsa est plebs Sacerdoti adunata, & Pastori suo grex adhærens. Atque adeo quam facile est in Ecclesia cognoscere, quid summus Pontifex in fidei

questionibus à Cathedra, id est universam obligando Ecclesiam, decernat, iam est Ecclesia facile retinere in doctrina fidei consensum: è contra verò hæreticorum omnium conventicula, dum scripturarum, atque adeo fidei explicationem alicui certa auctoritati, tanquam divinam assentiunt infallibili non committunt, sed unicuique scripturam solam, ut unicam, ac sufficientem fidei magistram, designant, necesse est, ut in tot sententias de fide diversas distraherent, quot sunt fere capita. Ergo ideo Christi Ecclesia una est unitate doctrina, quia omnia membra capiti in credendo adhaerere debent, & ideo Cyprianus aiebat, exordium ab unitate profectus, ut Ecclesia una monstraretur, & Hieronymus, propterea inter duodecim unus eligitur, ut capite constituto, schismatis tollatur occasio.

CCCXXVI. Quare sola Ecclesia Catholica est verè una: quia in illa sola datur regula visibilis infallibilis ad decidendas fidei, & morum controversias, & proponendum fidelibus cum infallibilitate, quid credere debeant, nempe Romanus Pontifex, vel cum Concilio generali, vel sine illo, dum à Cathedra Petri totam Ecclesiam instruit de iis, quæ credere debet. Ut enim inquit D. Thomas 4. contra gentes cap. 76. ad unitatem Ecclesia requiritur, quòd omnes fideles in fide conveniant: circa ea verò, quæ fidei sunt, contingit quæstiones moveri; per diversitatem autem sententiarum divideretur Ecclesia, nisi in unitate per sententiam unius conservaretur.

T i z

Senten-

Sententia autem unius, nempe Romani Pontificis semper est necessaria ad conservandam unitatem fidei; quamvis enim res fidei determinentur in Concilio Generali, est necessaria sententia Romani Pontificis, intimantis toti Ecclesie decreta Concilij, & obligantis per modum superioris ad illa suscipienda; ut ostendimus cap. 7. §. XII.

CCXXXVII. Quare ad Unitatem fidei conservandam debent omnia Ecclesie membra esse unita cum capite, nempe cum Romano Pontifice, eamque fidei doctrinam amplecti, quam Ecclesia Romana, quæ matris est omnium Ecclesiarum, tenet, & Cathedra Petri credendam proponit. Idque ab experientia constat: ut enim observat Cardinalis Bellarmin: videmus, omnes Ecclesias, quæ ab isto capite se diviserunt, tanquam ramos præcisos à radice, continuò aruisse. Certè Ecclesia Asiatica, & Africana, quæ quondam ita florebant, ne numerosissima Concilia celebrarent, & semper haberent multos homines, vel doctrinā, vel sanctitatem, vel utroque Deum munere clarissimos, ab eo tempore, quo à Romana Ecclesia schisma fecerunt nulla Concilia celebrarunt, nullos habuerunt homines, famā sanctitatis, aut doctrinæ toti orbi notos, & nunc in summa ignorance versantur.

CCXXXVIII. Ex hac unionem membrorum cum capite oritur concordia membrorum inter se, & conspiratio in doctrina fidei, ut eadem dogmata ubique terrarum credant omnes Catholici: propterea

concordia ista est signum Regni Dei, quod debet stare in æternum, sicut è contra discordia est signum Regni diaboli, quod corruere debet; nam ut inquit Christus Matt. 12. *omnis Regnum in seipsum divisum desolabitur*, & ut ait Apostolus 1. Corinth. 14. *non est Deus divisionis, sed pacis*, & idcirco diabolus, ut Ecclesiam everteret, introduxit hæreses: ut enim dicit Augustinus lib. 18. de Civitate Dei cap. 52. diabolus cupiens per hæreticos efficere, ut in Ecclesia Christi essent liberæ dissensiones, sicut erant in Academiæ Philosophorum, ut sicut illæ per multas divisiones tandem intereunt, & ab invicem consumuntur, ita fieret in Ecclesia.

CCXXXIX. Et hinc desumit Bellarminus clarissimum argumentum ad convincendum, solam Ecclesiam Catholicam Romanam esse veram Christi Ecclesiam: siquidem in illam primis omnes scriptores sacri mirifice inter se consentiunt, licet fuerint homines diversi & in locis temporibus, ac linguis diversis scripserint, quod prore planè divina B. August. observat lib. 18. de Civit. Dei c. 41. deinde omnia legitimorum conciliorum, & Pontificum decreta etiam in omnibus dogmatibus inter se conveniant, licet edita sint à diversis hominibus, diversis locis, temporibus occasionibus, & contra diversissimas, imò sæpe contrarias hæreses: quod est apertum signum unitis, & ejusdem Spiritus sancti, hanc Ecclesiam gubernantis. Hos autem esse verum, ostendit diligentia hæreticorum, qui licet omnia diligenter evolverint, tamen non invenerunt quidquam

quidquam ullius momenti, quod reprehendere possent, ut in disputatione de Concilijs ostendimus.

Denique, nunc omnes Catholici toto orbe dispersi de omnibus dogmatibus fidesunt idem, nec possunt aliter sentire, cum omnes subjiciant sensum suum sensui unius, & ejusdem summi Pastoris, ex Cathedra Petri cum consilio aliorum Pastorum Ecclesiam dirigentis.

## §. III.

*Sicut Ecclesia Romana unitas probat ejus veritatem, ita innumera secta suborta ex hæresi Lutherana, & Calvina, & contradictiones suorum Authorum, probant eorum falsitatem.*

CCCCXX.

**E** contra verò constat, nullam unquam fuisse sectam hæreticorum, quæ unitatem in doctrina suæ fidei diu conservaverit, & quæ intra paucum tempus non sit divisa in alias plures, quod longa inductione probat Bellar. lib. de notis Ecclesiæ cap. X. Nobis sufficiat enarrare, quod hæreticis nostri temporis accidit. Constat namque ex Federico Staphilo in libello de concordia discipulorum Lutheri, Lutheranos vix dum natos, dividi cæpisse in Anabaptistas, Confessionistas, & Sacramentarios, & rursus singulas sectas in alias & alias usque ad 34. & hoc quidem tempore Staphili. *Nunc autem* (aiebat Bellarminus anno 1583. in quo primum prodijt in lucem secundus controversiarum tomus) *numerantur*

*ferè centum diversissima secta ab uno Luthero produentes. Ipsa confessio Augustana, quæ medullam Lutheranismi continet, ita intra paucos annos immutata est, ut nesciant ipsi, quænam sit vera Confessio Augustana: ut enim ait Fabricius Leodius in sua Harmonia, qui contulit unam editionem illius factam anno 1530. cum alia facta anno 1540. una est duplo major alia. Ex eadem Provincia Saxonica (inquit Bellar.) intra decem annos prodierunt contradictoria sententia publico nomine edita, de re omnium gravissima. Nam in Synodo Dresdensi anno MDLXXI. celebratâ communis consensu exploserunt sententiam Brentij, Illyrici, & aliorum de persona Christi, & tamen illam ipsam sententiam à se damnatam, anno MDLXXX. in libro concordia publicè recuperunt, & tam Synodus, quàm Concordia Wittemberga impressa sunt, & ejusdem Principis auctoritatem præferunt.*

CCCCXXI. Et hoc quidem magnâ Dei providentiâ fit, ut hæretici consistentiam non habeant in suis doctrinis, nam hoc præter hæreses se ipsas consumunt; divisio enim earum non est mathematica, quæ procedat in infinitum; unde Isai. 19. dicitur: *concurrere faciam Ægyptios adversus Ægyptios.* Et propterea Hilarius 7. de Trinitate meritò dixit. *Bellum hæreticorum pax Ecclesiæ est.* Ipse Lutherus, qui de se dicebat, *corru sum, quod doctrinam meam de calo habeam: certissimus sum, quod doctrina mea non sit mea, sed Christi.*

T t 3

Christi,

*Christi*, sibi ipsi ita contrarius fuit, ut de sola communione Eucharistiae ex ipsius operibus ipso vivo notatae sint 36. contradictiones à Gaspare Querhamer Laico Saxone, & in lucem editae in libello, cui titulus, *tabula contradictionum Lutheri*, cum maxima confusione Lutheri, & autoritatis ipsius imminatione: de communione sub utraque specie notatae sunt à Doctore Cochleo contradictiones septem, librumque hic Doctor composuit, cui titulus *Lutherus septiceps*, qui nihil aliud continet, quam Lutheri contradictiones, & contrarias de omnibus penè controversis articulis sententias suis verbis expressas. Ex quo evidenter deprehenditur, Lutherum seductorem fuisse.

CCCCXXII. Contradições Calvinì palam detexit Nicolaus Romæus in Calvinì nova estigie, spectaculo 9. §. 4. pag. 565. ubi sic loquitur: *Porro quàm turpiter secum ipse subinde pugnet, nimis prolixum esset referre. Longè prolixius est, Calvine, tuas tecum pugnas referre: nam ut de alijs tuis libris nihil dicam, tota tua institutio est cento contradictionum, ut artis sit, invenire locum non ubi sint, sed ubi non sint, ut non tanta nobiscum, quantæ tecum tibi sit contentio: ut à nullo possit Calvinus, quàm à Calvino vehementius refutari. Nam ut in tua doctrina nihil certi te habere ostendas, in star arundinis modò huc, modò illuc, imaginationis tuae vento agitaris. Itaque non tantum in una hac institutione sed diffusè tecum pugnas, sed in uno libro,*

*in uno capite, in una sessione, in uno & eadem periodo, seu Oratione.*

CCCCXXXIII. Hactenus ille, qui hujus rei statim probationes subiungit. Hinc Richardus Arsdekin Author modernus tom. 1. Theologiae tripartitæ tract. 3. in præmio articuli primi agens de sectis modernis, proferimus (inquit) discordias, ac pugnas novatorum, ac imprimis Lutheri, non tantum cum vera Ecclesia, sed etiam cum sacris litteris impiè depravatis, cum se ipso sibi contrario, & cum suis Affectibus per sectas innumeras ab ipso dissidentibus, dum confusione plusquam Babylonicâ idem ipse destruit & edificat, affirmat, & negat, neque secum ipse consentit, dum tamen toties Ecclesie consensui se opponit, quod manifestum est erroris, ac spiritus satbanici indicium. Ut hinc tandem videant modernis sectarij, quàm devios sibi ducere via salutis elegerint, & desertie tandem erroribus ad rectam Ecclesiam semitam tempestivè regrediantur.

CCCCXXXIV. Hactenus ille, qui postquam descripsit innumeras sectarum differentias inter se dissidentes, quæ ex Hæresi Lutheri, & Calvinii in Germania, in Anglia, & Hollandia prodire, ut mentò dici possit, quot capita, tot sententiæ articulo 3. sic concludit. Et erit etiamnum aliquis adeò fatuus, & excors, ut seriè in animum inducat suum, infinitam Dei sapientiam reformanda suæ Ecclesie hanc hæresim inter se mutuo dissidentium, atque armatarum colluviem in orbem immisisse. Quæ cum antiquam Ecclesiam evertat,



*uertat, neque per senovam, nisi merè  
Babylonicam constituat, quid aliud re-  
stat, quàm ut omnem Christi Eccle-  
siam è mundo eliminet. Quis igitur  
erit, nisi rationis penitus experti, qui sibi  
sinat persuaderi, huic portentosa tot ca-  
pitum Hydra spiritum inesse divinum,  
qui audiri debeat. contra auctoritatem,  
& vocem totius Ecclesie Romana, qua  
constanti sedecim seculorum decursu  
suam fidem, caelestibus signis compro-  
batam, summo animorum, dogmatum-  
que consensu, per orbem panè univer-  
sum propagavit.*

## §. IV.

*Ostenditur, solam Ecclesiam Ro-  
manam esse sanctam.*

CCCXXXV. **S**icut Ecclesia ve-  
re Christi debet  
esse una, ita debet esse sancta, ut  
constat ex symbolo Constantipolita-  
no, *credo in unam sanctam Ecclesiam*,  
imò ex symbolo Apostolorum, *credo  
in sanctam Ecclesiam*. Dicitur au-  
tem Ecclesia sancta ex multiplici capi-  
te. 1. quia nullus potest in illam ingre-  
di, nisi per Baptismum habentem vim  
sanctificandi animam. Unde dice-  
bat Apostolus 1. Corinth. 6. 11. *Hæc  
quidem fuistis, sed abluti, & sanctifi-  
cati estis*. 2. Quia extra illam vera  
sanctitas esse non potest; cum vera  
sanctitas sine vera fide repetiri non va-  
leat, nec vera fides extra illam inve-  
niri possit, ut suprà ostendimus. 3.  
Omnia ipsius Sacramenta, & cæremoni-  
æ, & ritus ad sanctitatem ordinan-

tur; eò enim spectant, ut vel sancti  
efficiamur, vel in sanctitate crescamus,  
& confirmemur. 4. Quia Christus,  
qui est ejus sponsus, & caput prima-  
rium, est Sanctus Sanctorum, Deni-  
que Ecclesia sancta dicitur ob profes-  
sionem, & doctrinam, ut enim inquit  
Bellarminus lib. de notis Ecclesie cap.  
XI. *Constat, sanctam dici Ecclesiam  
quia professio ejus est sancta, nihil conti-  
nens falsum quoad fidei doctrinam, ni-  
hil iniustum, quoad doctrinam morum*.  
Unde Psal. 18. appellatur *lex Domini  
immaculata, testimonium Domini fi-  
dele, præceptum Domini lucidum*.  
Unde meritò Augustinus lib. 2. de Ci-  
vitate cap. 18. dixit: *Nihil in Chri-  
stianis Ecclesiis turpe, & flagitiosum  
spectandum, imitandumque proponi-  
tur, ubi veri Dei, aut præcepta insinu-  
antur, aut miracula narrantur, aut  
dona laudantur, aut beneficia possu-  
lantur, & lib. 22. cap. 7. Persuadeba-  
tur veritas, nova consuetudini, sed non  
contraria rationi*. Religio namque  
Christiana, hoc ipso quod veram do-  
ctrinam de Deo revelatam contineat,  
còinet multa mysteria supernaturalia,  
quæ sunt supra rationem, & per ratione  
probari non possunt, ut mysterium  
Trinitatis, & Incarnationis, & præ-  
sentia realis Christi in Eucharistia; licet  
autem sint supra rationem, & non  
possint rectè intelligi, nisi priùs cre-  
dantur, non sunt tamen contraria ra-  
tioni.

CCCXXXVI. *Ex hac nota (sub-  
dit ubi suprà Bellar.) evidenter osten-  
ditur, nullam esse veram Ecclesiam, ni-  
si nostram: nulla enim est scita, vel  
Pagano-*

*Paganorum, vel Turcarum, vel hereticorum, qua non contineat aliquos exploratos errores, & relictis rationibus manifestè contrarios. Quod ibi longa inductione probat, & nos contra Mahumetanos in altera huius manuductionis parte ostendimus. De sectis autem hereticorum nostri temporis demonstravimus paulò supra, nimirum cap. 13. huius libri. Ergo manifestum est, inter Religiones solam Christianam, & inter Christianas solam Catholicam Romanam esse veram.*

## §. V.

*Ostenditur, solam Ecclesiam Romanam esse Catholicam, ac proinde solam illam esse veram Christi Ecclesiam.*

**CCCXXXVII.** **E**X hoc etiam capite validè probatur, solam Ecclesiam Romanam esse veram Christi Ecclesiam, quia illa religio censenda est vera Christi Religio, quæ semper habita & dicta fuit Catholica, juxta illud Symboli, *Credo sanctam Ecclesiam Catholicam.* Atqui sola Ecclesia Romana dicta semper est Catholica, ejusque cultores Catholici. Ergo sola Ecclesia Romana est vera Christi Ecclesia. Minor probatur, quia quamvis Hæretici suis sectis conati sint arrogare nomen Ecclesie Catholice, & Catholici audire curaverint, nunquam id obtinere poterunt, sed ipsi hæretici vel inviti nomine *Catholicorum* intelligunt eos,

qui sunt sub obedientia Romani Pontificis, & fidem Ecclesie Romanæ tenent, credendo ea, quæ Sedes Petri credenda proponit, & quæ Ecclesia particularis Romana, quæ reliquarum Ecclesiarum mater est, credit, & tenet, collectioque omnium Ecclesiarum, quæ cum Ecclesia Romana in fide communicant, & Episcopo Romano, ut Vicario Christi obediunt, intelligitur nomine Ecclesie Romanæ universalis. Ita observavit Augustinus lib. contra Epistolam fundamenti cap. 4. ubi dicit, quod etiam si omnis hæresis velit videri, & dici Catholica Ecclesia, tamen cum interrogantur hæretici à Paganis, ubi ad Catholicam conveniatur? nemo audeb domum suam ostendere. Idem docet Cytillus Catech. 18. ijs verbis: si veris in aliquam urbem, non petas, ubi sit Ecclesia. vel Domus Dei, nam etiam hæretici dicunt, se habere Domum Dei, & Ecclesiam, sed petas, ubi sit Catholica Ecclesia; idem est nomen proprium hujus sanctæ Ecclesie matris omnium nostrum, quasi dicas, si hoc petas, nullus hæreticus suam Ecclesiam ostendet.

**CCCXXXVIII.** Unde S. Pacianus Episcopus Barcinonensis, qui obiit anni 380. in Epistola ad Symphonianum, quæ est de nomine Catholico, in hoc agnoscit divinam providentiam, quæ nunquam permisit, ut nomine Ecclesie Catholice aliud unquam intelligeretur, quàm Ecclesia Romana supra Petrum fundata, quæ Successores Petri, ut Christi Vicarios reveretur, & cum Sede Petri in fide communicat: quod argumen-

tum

tum majorem vim habet nunc, quando post sexdecim secula nunquam Deus permisit, ut Ecclesia Romana à possessione nominis *Catholica* deturbaretur. Id enim argumentum est, hoc nomen non ab hominibus, sed à Deo ipso impositum Ecclesie Romanæ, quia illa sola, & non ulla hæreticorum secta, est vera Christi Ecclesia. At certe (inquit Pacianus) *non est ab homine mutatum, quod per secula tanta non cecidit: Catholicum istud, nec Marcionem, nec Apellem, nec Montanum sonat* (addamus nos, nec Lutherum, nec Calvinum &c.) *nec hæreticos sumit Authores.* Et infra: *Christianus mihi nomen est, Catholicus verò cognomen, illud me nuncupat, istud offendit.* Et ibidem comparat veram Christi Ecclesiam arbori pulcherrimæ, quia ramos suos in omnem partem diffundit; hæreses verò comparat ramis, quæ varijs temporibus à trunco hujus arboris separantur, quin propterea arbor mutetur, sed semper eadem maneat. Nomen ergo *Catholica* convenit huic arboris trunco, qui semper manet idem, quamvis rami inutiles ab illo separentur, & sicut illi dumtaxat rami vivunt, qui conjuncti sunt, & uniti cum trunco, ita illi dumtaxat Christiani vivunt verâ vitâ fidei, & charitatis, qui sunt uniti per fidem cum Sede Petri, eosdem tenentes articulos, quos tenet Sedes Petri, & qui per obedientiam Romano Pontifici sunt subiecti: qui autem per hæresim separantur à Sede Petri, sunt veluti rami aridi à trunco arboris præcisi, qui nomen Catholicorum non partici-

pant, quia jam non sunt pars hujus arboris.

CCCXXXIX. Hæreticorum sectæ denominantur à suis Authoribus, à Marcione Marcionistæ, ab Ario Ariani, à Macedonio Macedoniani, à Nestorio Nestoriani, ab Eutichete Eutichiani, à Pelagio Pelagiani, à Luthero Lutherani, à Calvino Calvinistæ &c. soli Catholici denominantur à vera Christi fide Christiani *Catholici*, & denominantur Catholici Romani, quia sunt uniti cum Matrice omnium Ecclesiarum, nempe cum Romana, & Pontifici Romano, possidenti Sedem Petri, tanquam Christi Vicario obediunt. Hinc arguit Lactantius lib. 4. cap. 30. hæreticos non esse verè Christianos, quia licet verum Christianismi Characterem in Baptismo susceperint, tamen careant verâ Christi fide, quia illam per hæresim amiserunt. Cum Marcionista (inquit) aut Ariani nominantur, Christiani esse deserunt, quia Christi nomine amisso, humana: & externa: vocabula induerunt. Et propterea Hieronymus in Dialogo contra Luciferianos in fine dixit: *Sicubi audieris, eos, qui dicuntur Christiani, non à Domino Jesu Christo sed à quoquam alio nuncupari, ut Marcionistas, Valentianistas, sciso, non Ecclesiam Christianam, sed Antichristi esse Synagogam.* Et Chrysostomus hom. 33. in Acta Apostolorum, illi (inquit) habent quosdam, à quibus appellantur, prout enim Hierarcha nomen, ita & secta vocatur, nobis autem nullis vir nomen dedit, sed fides ipsa. Siquidem à vera Christi fide:

Uu

fide Catholica denominatur Catholici, & quia illa vera fides non alia est, quam fides Sedis Romanæ, denominatur Catholici Romani.

CCCXL. Nec solum nomine Ecclesia Romana Catholica dicitur, sed et ipsa nomine significata, quia Catholicum idem est, ac universale, latissime patens, & ad omnia se extendens. Unde Ecclesia dicitur Catholica seu universalis tribus de causis. 1. ratione loci, quia per universum orbem diffusa est, Marci 16. 15. Euntes in Mundum universum, prædicate Evangelium omni creaturæ. 2. Ratione temporis, quia semper durabit. Dan. 2. 44. Sulcabit Dominus cælitæ regnum, quod in æternum non dissipabitur. 3. Ratione hominum salvandorum, quia quotquot salvantur, in visibili Ecclesia salvantur, & nullus extra eam salvari potest. Hinc patet discrimen inter Ecclesiam Christi, & Synagogam Judæorum. Hac enim nullo istorum modorum fuit Catholica, seu universalis. Non primo, quia non fuit diffusa per totum orbem, sed per solam Palestinam. Nec secundo, quia non duravit, nisi certo tempore, nempe usque ad mortem Christi. Nec tertio quia poterant salvari homines extra Synagogam, ut Ninivita, & alij. Hæc autem Religio Catholica, & universalis est solum Religio Romana, quia (ut scribebat Lælius ann. 1609) per totum orbem diffusa extendit se ad omnes gentes. & ad omnia regna. Nullum enim est regnum, nulla gens nobis cognita, quæ hanc Religionem, vel non habeat adhuc, vel aliquando non habuerit,

vel modo non incipiat habere. Imò hoc tempore panè apud omnes gentes est publica Religionis nostra professio. Nimirum, apud Iapones, Chinas, Indos, Persas, Tartaros, Turcas, Afros, Brasiliæ, Peruanos, Mexicanos &c. Omnibus enim his locis reperiuntur Catholici, reperiuntur templa, altaria, imagines Christi, & sanctorum: celebratur Missa, administrantur nostra Sacramenta, servantur festa, & jejunia, denique servatur publicè Religio Romana. Cui dubium esse possit, eam esse veram Religionem, & veram salutis viam, quam Dominus omnibus regibus proponit, & prædicari voluit, quam in omnibus regibus tempore consensu crescere, & fructificare fecit, & quam etiamnum ubique aliquo modo conservat, efficiens, ut Catholici per totum orbem sint dispersi, ne infideles per illos ad vera Religionis notitiam pervenire possint.

Extendit etiam se ad omnia tempora, quæ quidem ab Apostolorum ævo fluxere. Nulla enim ætas, nullum seculum ab eo tempore assignari potest, quæ hac Religio non fuerit. Omnibus sæculis celebrata Missa pro vivis, & defunctis, celebrata festa, servata jejunia, frequentata vota Monastica, invocati sancti, honorata sanctorum reliquia, & alia nostra Religionis propria in usu fuere, ut ex omnium ætatum scriptoribus constat. Extendit se etiam ad omnes homines, quia usuprà ostendimus, nullus homo extra Ecclesiam Catholicam salvari potest.

## §. VI.

*offenditur, solam Ecclesiam Romanam esse Apostolicam, ac proinde illam solam esse veram Christi Ecclesiam.*

**CCCXLI.** **E**cclēsia dicitur Apostolica, i. quia ab Apostolis initium habuit, & ab illis fundata est, & per orbem terrarum propagata. Nam ut inquit Apostolus Rom. 8. *in omnem terram exivit sonus eorum.* Dicitur etiam *Apostolica*, quia per continuam seriem Episcoporum ab Apostolis descendit, & originem trahit. Demum dicitur *Apostolica*, quia conservat fidem, & doctrinam ab Apostolis traditam.

Manifestum autem est, solam Ecclesiam Romanam has prerogativas habere: non autem Ecclesiam Lutheranam, vel Calvinianam, vel ullam aliam hereticorum sectam, ut constat ex dictis cap. 1. §. 4. Manifestum etiam est, Ecclesiam Universalem, quæ Romanum Pontificem, ut Christi Vicarium veneratur, & illi subiecta est, denominari Romanam, à præcipua sui parte, nimirum ab Ecclesia particulari Romana, quam Apostoli Petrus, & Paulus fundarunt, & in qua Petrus fuit primus Episcopus, quæ est reliquarum Ecclesiarum Mater, & Magistra. Unde tam certum est, Ecclesiam universalem esse Apostolicam, quam certum est, esse Apostolicam Ecclesiam Romanam, in qua modo sedet Alexander VIII. At certissimum est, Ecclesiam Romanam

esse Apostolicam, quia ab Apostolis fundata est, & ab Apostolo Petro numerat Pastorum suorum successionem, quia evidenter evidentiâ facti probatur, Alexandrum VIII. successisse Innocentio XI. Innocentium XI. successisse Clementi X. Clementem X. Clementi Nonno: Clementem Nonnum Alexandro VII. Alexandrum VII. Innocentio X. & Innocentium X. Urbano VIII. & sic ascendendo pervenimus ad Petrum: Ergo evidenter evidentiâ facti probatur, Ecclesiam Romanam fundatam esse ab Apostolo Petro, & Pontificem Romanum esse ejus successorem, ac proinde esse Ecclesiam Apostolicam.

**CCCXLII.** Deinde suprà cap. 2. demonstravimus, nunquam Ecclesiam Romanam amisisse eam fidem, quam ab Apostolis acceperat. Unde quod Augustinus scripsit Epist. 126. *In Romana Ecclesia semper viguit Apostolica Cathedra principatus,* etiam modo, & omni sæculo verificatur. Et ideo totum Concilium generale Chalcedonense ex 630. Patribus Latinis, & Græcis compositum, *Petrum* appellavit *Petram*, & *crepidinam Ecclesie Catholica*, Actio 3. Cum ergo omnes Ecclesie particulares Catholicæ, quæ Romanum Pontificem agnoscunt, ut Vicarium Christi, ipsique obediunt, communicent in fide cum Ecclesia particulari Romana, & eam fidem teneant, quam Sedes Petri docet, sequitur manifestè, Ecclesiam Romanam universalem, prout est collectio Ecclesiarum obediendum Romano Pontifici.



fici, esse Apostolicam, quoad fidem quam tenet, & quoad successionem suorum Pastorum: quamvis enim maxima pars Episcopatum, & sedium Episcopaliū de novo erecta sint post mortem Apostolorum, ac proinde paucæ sint, in quibus Apostoli sederunt, ut Episcopi: tamen primillarum Civitatum Episcopi, vel ab Apostolis instituti sunt, vel à Romano Pontifice Successore Apostolorum, & ordinem Episcopalem vel immediatè ab Apostolis

acceperunt, vel mediatè, nempe medianibus alijs Episcopis, qui tandem ab Apostolis originem traxerunt.

Sectæ autem hæreticorum nec successionem suorum Episcoporum habent ab Apostolis, cum sint novæ, nec earum doctrina esse potest Apostolica, cum sit opposita doctrinæ, quam Ecclesia Romana ab Apostolis accepit, ut abundè probatum est, cap.

1. & 2.

## CAPUT ULTIMUM.

*Concluditur liber, proponiturque eius usus, & utilitas ad disputandum cum hæreticis.*

CCCXLIII. **E**X disputatis in toto libro, satis constat, supposita fide in Christum & veritate scripturarum, evidenter demonstrari, solam Ecclesiam Romanam esse veram Christi Ecclesiam. Ut autem monuimus lib. 2. cap. 1. §. 6. Missionarius Evangelicus ut utiliter de rebus religionis disputet cum hæreticis, debet prætermittere controversias particulares, & adversarios reducere ad unam generalem, quæ omnes complectitur, nimirum ad controversiam *de Ecclesia*: assumat principium, in quo hæretici omnes conveniunt cum Catholicis, nempe articulum symboli *de Ecclesia sancta*: Omnes enim, qui articulos contentos in Symbolo Apostolorum credunt, tenentur credere, dari in Mundo *Ecclesiam*

*sanctam*, & juxta Symbolum Constantinopolitanæ Concilij, seu secundæ Synodi Generalis, tenentur credere in *unam sanctam Catholicam, & Apostolicam Ecclesiam*. Deinde cum illi admittant Evangelia, & fateantur à Christo dicta esse illa verba, *Tu es Petrus, & super hanc petram edificabo Ecclesiam meam, & porta inferi non prævalebitus adversus eam*: nisi Christum, vel mendacem, vel insipientem in promittendo facere velint, debent necessariò concedere, Christum supra Petram fundasse Ecclesiam suam, & illam, ex quo ab ipso fundata est, semper in mundo extitisse, & usque in finem mundi permansturam. Ergo necessariò fateri debent, dari nunc in mundo aliquam veram Christi Ecclesiam. Deinde



inde cum Apostolus affirmet, *Ecclesiam Dei esse columnam, & firmamentum veritatis*, necessario fateri debent, vera esse omnia dogmata, quæ illa tanquam articulos, & veritates fidei credit, & credenda proponit, ut constat ex dictis cap. 1. §. 3. Si enim vel unam falsitatem, seu errorem unum tanquam dogma fidei iuberet credi, non esset columna, & firmamentum veritatis, sed Magistra errorum. Ergo hæretici utrumque necessario admittere debent, nempe, & existere in mundo aliquam veram Christi Ecclesiam, & vera esse omnia dogmata, quæ illa vera Christi Ecclesia credenda proponit.

CCCXLIV. Admissis his duobus principiis, promptum erit evincere, vera esse omnia dogmata, quæ credenda proponit Ecclesia Catholica Romana, v.g. septem esse Sacramenta, Christum esse physicè præsentem sub speciebus panis, & vini, & nihil de substantia panis, & vini sub illis manere post consecrationem: dari purgatorium: imagines Christi, & sanctorum esse colendas &c. sic enim arguet Doctor Catholicus. *Ea omnia*, quæ vera Christi Ecclesia tanquam dogmata fidei credit, & credenda proponit, vera sunt. Atqui sola Ecclesia Catholica Romana est vera Christi Ecclesia, & illa tanquam dogmata fidei credit, & credenda proponit talia & talia dogmata. Ergo hæc vera sunt.

CCCXLV. In hoc discursu maior concedetur ab hæretico, quia expressè revelatum est, Ecclesiam Chri-

sti esse columnam, & firmamentum veritatis, ac proinde non posse esse Magistram errorum: Minor quoad secundam partem est evidens evidentia facti, quia evidenter constat, illa omnia esse dogmata fidei in Ecclesia Romana. Tota ergo disputatio reducetur ad probandam prius à partem minoris, nempe quoddam sola Ecclesia Catholica Romana sit vera Christi Ecclesia. Ad hanc autem propositionem probandam habemus argumenta evidenter, qualia sunt ea, quæ in hoc libro ponderavimus: evidenter enim demonstratur, inter Religiones Christianas, nec Lutheranam, nec Calvinianam, nec ullam aliam hæreticorum sectam, sed solam Religionem Catholicam Romanam esse veram Christi Religionem, & Ecclesiam, & in illa sola posse homines salvari. Unde Missionarius attentè ruminetur capita probandi illam propositionem, à nobis expensa in hoc tractatu, & ex illis argumenta depromere poterit efficacia ad convincendos adversarios.

CCCXLVI. Utinam Deus eorum oculis illuminet, *ne obdormiant in morte*, sed emittat lucem suam, & veritatem suam, ut veniant ad veram Ecclesiam, quod absdubio faciet, si ipsi lucem ab ipso enixè petant, & de hac re seriò deliberent, quod facere non poterunt, nisi prius exuant anticipatam quandam opinionem, quæ tenentur de idololatria, superstitionibus, & abusibus Ecclesiæ Catholicæ. Primum ergo monendi sunt, ut se disponant ad lucem divinam, & do-

num veræ fidei à Deo suscipiendum, deinde ipsis inculcandum, non posse ipsos ad recipiendam lucem divinam se disponere, nisi seponant parumper illud præjudicium de idololatria, & superstitionibus Catholicorum, & serio cogitent, se in illa sua persuasione falli posse. Incredibile enim est, tot Doctores, & Viros sanctissimos, & sapientissimos, quos Ecclesia Catholica semper habuit, & tot Concilia, quot in Ecclesia Catholica sunt celebrata, ad quæ ex omni mundi parte confluxerunt viri, sapientiæ & virtutis præstantes, qui erant veluti Christianitatis flos, hanc idololatriam non vidisse, vel visam non solum non abieciisse, sed sedulo retinuisse, & co-

luisse. Postulandum deinde est ab ipsis, ut serio considerent ea, quæ circa hoc punctum diximus cap. 10. §. 2. & ut reflectant, hanc antiquam esse Mahumecanorum, & Iconomachorum calumniam, & nullam unquam fuisse hæreticorum sectam, quæ errores graves Ecclesiæ non imposuerit, & quæ non quaesierit similes pretextus ad tegendam defectionem suam, ut jure videretur ab Ecclesia recessisse. Si hæc faciant, Pater misericordiarum, qui vult omnes homines salvos fieri, & ad agnitionem veritatis venire, ipsos trahet ad veram Christi Filij sui Ecclesiam, ut in æternum cum ipso in cælo regnent.



**INDEX**

I N D E X

PRIMÆ PARTIS.  
MANUDUCTIONIS AD CON-  
VERSIONEM MAHUMETANORUM.

PARS PRIMA.

*In qua veritas Religionis Christiana Catholica  
Romana manifestus argumentis demonstratur.*

LIBER PRIMUS.

**I**n quo sensibilibus argumentis Divinitas Christi Domini evidenter demonstra-  
tur, & evidenti credibilitas Religionis Christiana proponitur.

*Cap. I.* Introductio disputationis  
de Christi Divinitate, ejusque maxi-  
ma utilitate. pag. 3.

*Cap. II.* Primum caput probandi  
Divinitatem Christi ex miraculis, quæ  
fecit in hujus veritatis confirmatio-  
nem. pag. 7.

*Cap. III.* Roboratur præcedens  
ratio, ostendendo, Deum non posse  
facere miracula in confirmationem  
doctrinæ falsæ. pag. 10.

*Cap. IV.* Repelluntur frivolæ e-  
valuationes, quibus Infideles eludere  
conantur argumentum petitum à  
miraculis Christi. pag. 17.

*Cap. V.* Secundum caput pro-  
bandi Divinitatem Christi, ex vindic-  
tæ, quam Deus sumpsit de Judæis,

quia illum crucifixerunt : cui anne-  
ctitur tertium caput inde petitum,  
quod post necem Christo illatam,  
jam diabolus non teneat Judæos de  
idololatria, sicut ante ejus adventum  
faciebat. pag. 20.

*Cap. VI.* Quartum caput proban-  
di Divinitatem Christi, ex mira cor-  
respondentia inter vetus, & novum  
Testamentum. pag. 26.

*Cap. VII.* Quintum caput pro-  
bandi Divinitatem Christi, ex ejus  
Resurrectione. pag. 30.

*Cap. VIII.* Sextum caput pro-  
bandi Divinitatem Christi, ex mira-  
bili mundi conversione. pag. 34.

*Cap. IX.* Septimum caput pro-  
bandi Divinitatem Christi, ex perma-  
nentia

nentia Christianæ Ecclesiæ, quam fundavit. pag. 37.

Cap. X. Octavum caput probandi Divinitatem Christi, ex testimonio Martyrum, & ex mirabili conversione multorum Infidelium ad amplectendam eam fidem, pro qua videbant eos tam dura tormenta pati. pag. 40.

Cap. XI. Reliqua capita proban-

di Divinitatem Christi breviter innuuntur. pag. 43.

Cap. XII. Inferitur ex dictis, veritatem Religionis Christianæ esse evidenter credibilem, & omnes sectas ipsi oppositas esse evidenter incredibiles. pag. 46.

Cap. XIII. Brevis discursus, quo Cardinalis Sfortia evidentiam creditilitatis nostræ fidei proponit. pag. 50.

## LIBER SECUNDUS.

**I**n quo ostenditur, Religionem Christianam non solum esse evidenter credibilem, sed evidenter veram evidentiam in attestante. quatenus evidenter demonstratur, Deum esse Authorem illius, Ubi natura nostra fidei latè exponitur, & ostenditur, ad credendum Fidei Divinæ, & obscuræ mysteria nostra fidei, non debere prius fide obscura credi auctoritatem Dei loquentis, & existentiam revelationis, sed posse fide obscuræ, & liberè credi mysterium ab homine evidenter cognoscens, Deum illud revelasse. Ubi etiam pro dignitate explicatur ultima fidei nostræ resolutio sine circulo, & mutua prioritate.

Cap. I. Præambula quædam ad probandum, Religionem Christianam non solum esse evidenter credibilem, sed evidenter veram evidentiam in attestante. pag. 52.

§. I. Supponitur, pertinere ad excellentiam veræ fidei, quod contineat mysteria, quæ seclusa revelatione Dei, nequeant per rationem naturalem probari. Ibidem.

§. II. Quomodo Prædicator Evangelicus debeat persuadere infidelibus, vera esse mysteria nostræ fidei, quæ per rationem naturalem eis probare non potest. pag. 53.

§. III. Ante assensum fidei præstitum mysterijs ab auctoritatem Dei revelantis, debet præcedere eviden-

tia creditilitatis, fundata in certitudine de eo, quod Deus eam mysteria revelaverit. pag. 54.

§. IV. Quomodo se gesserit S. Petrus cum Simone Mago, ut ipsum pertraheret ad credenda mysteria nostræ fidei. pag. 55.

§. V. Quomodo in hominibus indoctis reperitur evidentia creditilitatis ante assensum Fidei Divinæ. p. 57.

§. VI. Quomodo se gerere debeat Catholicus indoctus cum hæretico, petente ab ipso rationem suæ fidei, & interroganti, cur credat, v.g. Purgatorium, vel præsentiam Christi in Eucharistia? pag. 59.

§. VII. Quomodo Doctor Catholicus agere debeat cum Hæreticis,

ut evincat, vera esse omnia dogmata, quæ credenda proponit Ecclesia Catholica Romana? pag. 61.

Cap. II. Stabilitur jam, Religionem Christianam non solum esse evidenter credibilem, sed evidenter veram evidentiâ extrinsecâ, & inattestante, quatenus evidenter probatur, Deum esse Authorem illius. §. I. p. 65.

§. II. Ex eo quodd evidens sit, Deum existere, & providentiam hominum habere, necessariò infertur, existere veram aliquam Religionem in mundo, & hanc non esse aliam, quàm Christianam, quæ præ reliquis credibilis redditur. pag. 66.

§. III. Ex animæ immortalitate, & ex providentia Numinis evidenter infertur, dari in mundo aliquam veram Religionem, per cujus cultum homines pervenire valeant ad æternam felicitatem; evidensque est, hanc non esse aliam, quàm Christianam Catholicam. p. 69.

§. IV. Cum evidens sit, Religionem Christianam habere evidenter majora veritatis indicia, & credibilitatis argumenta, quàm ullam aliam: evidens est, esse à Deo, & consequenter esse veram; quia evidens est, Deum non potuisse Religionem falsam talibus veritatis notis, & insignibus vestire. p. 73.

§. V. Argumenta illa, quibus Christus suam Divinitatem mundo persuasit, efficaces probant, Religionem Christianam non solum esse evidenter credibilem, sed evidenter veram evidentiâ in attestante. p. 76.

§. VI. Ecclesiæ Patres non tam

solliciti fuerunt de credibilitate, quàm de veritate Religionis Christianæ, ac proinde ex ipsorum mente hæc est evidenter veræ evidentiâ in attestante. p. 78.

Cap. III. An, & quomodo cum fide libera, & obscura mysterij possit componi evidentiâ in attestante. p. 80.

§. I. Ostenditur, evidentiâ in attestante, saltem illam, quæ comparatur penetrando motiva evidentiæ credibilitatis Religionis Christianæ, componi cum fide obscura mysteriorum. p. 81.

§. II. Explicatur, quo pacto tollibestas fidei cohereat cum evidentiâ attestationis Divinæ. p. 82.

§. III. Quomodo cum evidentiâ attestationis cohereat fides mysterij. p. 86.

§. IV. Infertur ex dictis, non militare contra nostram sententiam, doctrinam Cardinalis Bellarmini asserentis, notas Ecclesiæ, seu argumenta credibilitatis non facere evidentiâ veritatis simpliciter. p. 90.

Cap. IV. Solvitur gravis objectio contra dicta, & ostenditur, ad credendum Fide Divinâ, & obscurâ mysterium revelatum propter autoritatem Dei revelantis, necessarium non esse, quodd Fide Divinâ credatur ipsa autoritas; sed satis esse, quodd supponatur aliunde cognita per discursum evidentem, vel per fidem humanam moraliter certam. p. 91.

§. I. Proponitur objectio.

§. II. Statuitur nostra conclusio. p. 92.

§. III. Solvitur fundamentum contrariæ sententiæ; ubi ostenditur, certum

certitudinem assensus credentis mysterium propter revelationem, majorem esse, quam sit certitudo assensus de existentia revelationis, nec assensum Fidei Divinæ circa mysterium fundari in assensu circa existentiam revelationis; sed illum supponere, ut conditionem applicantem motivum fidei: ac proinde ostenditur, motivum credendi Fide Divinā non debere credi *quod*, per lumen fidei; sed debere supponi certo cognitum per aliud lumen. P. 96.

§. 1 v. Illud axioma: *Propter quod unumquodq; tale, & illud magis*; non habet locum in fide, sed in scientijs. p. 101.

§. V. Proponuntur aliz instantiæ contra nostram sententiam. p. 101.

§. VI. Solvuntur illæ instantiæ, & exponitur natura assensus fidei, & probatur, fidei non esse discursivam, nec esse actum fidei hanc conclusionem: *Trinitas est vera*, prout deductam ex his præmissis: *Quidquid Deus revelat, est verum; sed Deus revelat Trinitatem*. p. 104.

Cap. V. Obijciuntur nobis varia fundamenta, quibus probari solet, non posse Fide Divinā credi mysterium propter revelationem, quin Fide Divina credatur existentia revelationis propter seipsam. §. 1. p. 108.

§. II. Impugnantur illa fundamenta, & ostenditur, quod cum nobis non minus obscurum sit, Deum revelasse mysterium Trinitatis, v. g. quam Deum esse Trinum: sicut fieri non potest, ut assentiamur existentie revelationis propter ipsam, ita fieri non posse, ut assentiamur existentie

revelationis, alijs factis; propter ipsam; sed necessarium esse, ut intrinsecè moveamur ab aliquo motivo persuadente, Deum revelasse mysterium. p. 110.

§. III. Ex dictis contra alias sententias concluditur, motiva ipsa credibilitatis non solum inducere ad imperandum assensum de existentia revelationis: sed esse motivum intrinsecum talis assensus. p. 120.

§. IV. Solvuntur fundamenta contententia, non posse Fide Divina credi mysterium propter revelationem, quin Fide Divina credatur existentia revelationis. p. 121.

Cap. VI. Ad credendum Fide Divina mysterium propter revelationem, non sufficit, quod pro priori assentiamur existentie revelationis assensu opinativo cum formidine; nec requiritur, ut assentiamur assensu metaphysicè evidenti, nec assensu Fidei Divinæ; sed satis est, quod assensu Fidei humanæ moraliter certo, vel ob rationes aded probabiles, ut non fiant prudenter dubitare, judicemus, Deum illud revelasse. §. 1. p. 125.

§. II. Proponitur contra dicta difficile argumentum, cui succubuit Cardinalis Pallavicinus. p. 131.

§. III. Solvitur prædictum argumentum. 131.

§. IV. Proponitur modus, quo rectè defendi potest, actum illum, quo quis assentitur existentie revelationis, non propter ipsam, sed propter motiva extrinsecè credibilitatis, esse actum Fidei Divinæ. p. 134.

Cap. VII. Quo pacto ex dictis

ck-



explicanda sit *analyfis*, seu *resolutio* Fidei Christianæ, atque Catholicæ sine mutua prioritate, & circulo. p. 137.

§. I. Quid sit fidei *resolutio*, & quanta sit hujus controversiæ difficultas. Ibid.

§. II. Quomodo P. Gregor. de Valentia exponat nostræ fidei *resolutionem*. pag. 138.

§. III. Ostenditur, hunc Authorem non sufficienter vitasse *circulum*. p. 139.

§. IV. Quomodo P. Becanus *circulum* vitet. pag. 140.

§. V. Ostenditur, hujus Authoris *discursum* non satis difficultatem complanare. p. 141.

§. VI. Statuuntur aliquæ *propositiones* deservientes ad explicandam *resolutionem* fidei, quarum prima est, evidens esse, dari aliquam veram Religionem in mundo, & inveniri facile posse ab omni homine illam titè querente. p. 142.

§. VII. Secunda *propositio*: doctrinam veræ Religionis non posse humano *discursu* acquiri; sed Divinitus esse traditam. p. 143.

§. VIII. Tertia *propositio*: veram Religionem nec queri debere, nec inveniri posse per examen rerum, & dogmatum, quæ tradit. p. 148.

§. IX. *Propositio* quarta: veram Religionem querendam, & invenien-

dam esse per examen fundamentorum & rationum, quæ evincant, Deum esse Authorem illius Religionis. pag. 151.

§. X. *Propositio* quinta: manifestum esse debere, & ex rebus in mundo moraliter evidentibus, quænam ex omnibus mundi Religionibus, & sectis, sit vera, & à Deo data Religio. p. 152.

§. XI. Explicatur jam ex dictis fidei nostræ *resolutio*, facienda apud homines Infideles, qui Evangelio non credunt. p. 157.

§. XII. Quomodo fidei Christianæ *resolutio* facienda sit sine circulo, & mutua prioritate coram hæreticis credentibus Evangelio, & Catholicis. p. 159.

§. XIII. Alius modus id ipsum explicandi. p. 160.

§. XIV. Quomodo sine circulo *authoritas* Scripturæ probari possit per *authoritatem* Ecclesiæ, & Ecclesiæ *authoritatem* per *authoritatem* Scripturæ. p. 61.

§. XV. Quomodo resolvenda sit fides eorum, qui Christo, & Apostolis prædicantibus, crediderunt. pag. 164.

§. XVI. Quomodo fides nostra, qui miracula Christi, & Apostolorum non vidimus, possit in illa *resolvi*. p. 164.

§. XVII. *Resolutio* fidei, à nobis exposita, confirmatur ex Patribus. p. 165.

## LIBER TERTIUS.

**I**n quo evidenter demonstratur, inter Christianas Religiones solam Catholicæ Romanam esse veram Christi Religionem, atque Ecclesiam, & in illa sola inveniri salutem.

Cap. I. Primum caput id probandi, quia ex Evangelio est manifestum,

Christum supra Petrum fundasse Ecclesiam visibilem, usque ad finem mundi.

d. permanfuram : evidens autem est, hanc non esse illam, quam *Reformatam* hæretici appellant, utpote quæ cum Luthero, & Calvino incepit; sed Catholicam Romanam, quæ conſignatâ ferie Paſtorum à D. Petro uſque ad Alexandrum VIII. 245. numerat Summos Pontifices.

§. I. Demonstratur, Christum supra Petrum fundasse Ecclesiam suam. p. 168.

§. II. Demonstratur, Ecclesiam supra Petrum fundatam esse visibilem. p. 173.

§. III. Demonstratur, Ecclesiam visibilem, à Christo fundatam supra Petrum nunquam periſſe, sed semper in mundo exiſtiſſe, & permanſuram uſque ad finem mundi. p. 174.

§. IV. Demonstratur ex dictis, ſolam Ecclesiam Catholicam Romanam, eſſe veram Christi Ecclesiam, non autem illam, quam *reformatam* appellant. p. 180.

§. V. Præcluditur vanum hæreticorū effugiū, aſſerentium ſuam Religionem non eſſe novam, ſed ſemper exiſtiſſe, licet latuerit occulta, quousque Lutherus cepit palam prædicare. p. 188.

Cap. II. Caput ſecundum idem probandi, quia cū Sectarij fateantur, Ecclesiam Romanam tribus, quatuor vel quinque ſæculis veram Ecclesiam Catholicam Chriſti fuiſſe. manifeſtè demonſtratur, illam poſtea à vera fide, quam ab Apoſtoliſ accepit, non deſeciſſe per Apoſtaſiam, hæreſim, vel ſchiſma. p. 192.

Cap. III. Tertium caput idem probandi: quia cū ſine fide impoſſibile ſit placere Deo; ſi Eccleſia Ro-

mana à quinto vel ſexto ſæculo veram Chriſti Fidem perdidit, ut ſomniant ſectarij; evidenter inde inferitur, per mille annos nullum hominem ſalutem obtinuſſe, ac proinde damnatos fuiſſe Benedicturn, Malachiam, Bernardum, Dominicum, Franciſcum, & alios, quos hæretici ipſi, Sanctos fuiſſe, non negant, hoc autem eſt evidenter falſum. p. 197.

Cap. IV. Impugnatur effugium quorundam Proteſtantium, quicū abſurdum capitis præcedentis devorare non audeant, dicunt, poſſe quemlibet Chriſtianum in ſua Religione, & fide ſalvari, Lutheranum, v. g. in ſua, ſimiliter Calviniſtam, & Pontificium. Atque apertè demonſtratur, ſi ſemel intra Eccleſiam Romanam reperitur ſalvatio, eam repetiri non poſſe in ſecta Lutheranâ, vel Calvinianâ, nec in ulla alia negare aliquem ex articulis, quos Eccleſia Romana credendos proponit. pag. 201.

§. I. Demonstratur, evidentem eſſe errorem contra lumen rationis, quodd unusquiſque poſſit ſalvari in ſua fide & Religione, videlicet Mahumetanus in ſua, & Chriſtianus in ſua. pag. 202.

§. II. Oſtenditur ex Apoſtolo, non poſſe ullam nunc ſalvari ſine fide in Chriſtum. pag. 205.

§. III. Excluditur error hæreticorum aſſerentium, ſolam fidem in Chriſtum juſtificare. pag. 207.

§. IV. Quænam ſit fides Chriſti requiſita in adultis ad ſalutem pag. 208.

§. V. Solvitur obſectio, contendens non eſſe neceſſariam fidem explicitam

etiam in Christum ad salutem, & exponitur, quomodo Deus omnibus distribuat auxilia sufficientia ad perveniendum ad hanc fidem. pag. 210.

§. VI. An Cornelius Centurio fuerit justificatus ante fidem explicam Christi? ubi statuitur pars negativa. pag. 212.

§. VII. Rejicitur error quorundam hæreticorum nostri temporis asserentium, posse omnes Christianorum sectas in sua fide, & Religione, salvari, dummodo credant articulos in symbolo Apostolorum contentos, quamvis in aliis inter se dissentiant. pag. 215.

§. VIII. Cum ad salutem requiratur fides supernaturalis & Divina; hæretici circa mysteria, etiam quæ verè confitentur, non habent nisi fidem purè humanam, ex motivo suo fallacem, sicut habent Mahumetani. pag. 217.

§. IX. In quo sensu possit esse verum, quòd salvari valeant omnes, qui credunt duodecim articulos contentos in symbolo. pag. 222.

§. X. Rejicitur ex dictis doctrina hæreticorum, distinguens inter articulos essentielles, quos omnes credere debeant, & accidentales, quos liberum sit, vel admittere vel repudiare. pag. 223.

Cap. V. Sectarii fatentes, dari in Ecclesia Romana salvationem, habent evidentem obligationem deferendi suam sectam, & transeundi ad Ecclesiam Catholicam. pag. 224.

Cap. VI. Quartum caput probandi solam Ecclesiam Catholicam Romanam esse veram Christi Ecclesiam;

quia in illa sola invenitur firma credendi regula, & supremus controversiarum fidei iudex. pag. 226.

§. I. Præsupponuntur aliqua. ibid.

§. II. Ostenditur contra hæreticos solam scripturam non esse normam, & judicem ad omnes fidei controversias decidendas. pag. 228.

§. III. Primum Caput probandi, solam scripturam non esse judicem controversiarum fidei; quia per ipsam nequit sufficienter probari, quænam sit legitima & vera Dei scriptura. pag. 230.

§. IV. Secundum caput idem probandi, quia scriptura nequit fungi munere judicis ad definienda dubia circa ipsius sensum. pag. 233.

§. V. Caput tertium idem probandi, quia cum *litera occidat*, spiritus autem vivificet; qui solam scripturam vult esse controversiarum judicem, relicto Ecclesiæ sensu, necesse est, ut erroribus obvolvatur. pag. 235.

§. VI. Caput quartum idem probandi, quia cum scriptura quoad verum & legitimum sensum in multis locis sit obscura, nequit se sola esse iudex omnium controversiarum fidei. pag. 237.

§. VII. Insertur ex dictis, Lutheranos & Calvinistas non posse ex Scripturis arguere. pag. 239.

§. VIII. Quintum Caput idem probandi, quia multe sunt controversiæ fidei, quæ non possunt definiti ex Scriptura. pag. 240.

§. IX. Supponitur, ut omnino certum inter Catholicos, Concilia generalia confirmata à Romano Pontifice esse

legitimos controversiarum fidei & morum Iudices: ubi obiter ostenditur, etiam permisso, quòd Concilium generale sit supra Papam, non esse licitum appellare à sententia Pontificis ad Concilium generale. pag. 242.

§. X. Demonstratur, Concilia generalia confirmata à Pontifice non posse errare in decretis fidei & morum. pag. 244.

§. XI. Ostenditur, Romanum Pontificem etiam extra Concilium Generale, & non expectato Ecclesie consensu, esse infallibilem controversiarum fidei Iudicem. pag. 252.

§. XII. Nequit dici, Christum reliquisse primariò authoritatem supremam in Ecclesia, ut exercendam tamen per unum, nempe per Romanum Pontificem, tanquam per ministrum Ecclesie, & Vicarium Concilii. pag. 261.

§. XIII. Continuatür materia præcedens. Ubi exponitur, quomodo etiam in sententia Doctorum asserentium Concilium Generale non posse, etiam ut distinctum à Papa, secundum se totum errare, nihilominus sit necessaria confirmatio Pontificis, ut ejus decreta obligent totam Ecclesiam, & rem faciant de fide certam. pag. 263.

§. XIV. Ex eo, quòd decreta Concilii sint infallibilia proprii ad confirmationem Pontificis, minime sequitur, huic subjacere Concilio, aut posse ipsius judicium ab illo reformari. pag. 266.

§. XV. Ostenditur, non esse expectandum Ecclesie consensum, ut deli-

nitio Pontificis Romani sit infallibilis. pag. 267.

§. XVI. Certum est, regimen à Christo institutum in Ecclesia sua esse Monarchicum; inde necessariò inferatur, Romanum Pontificem, ut supremum Ecclesie Monarcham, esse supremum controversiarum fidei Iudicem, ejusque proinde judicium esse irreformabile à Concilio. pag. 272.

§. XVII. Solvitur objectio, contendens judicium Romani Pontificis in controversiis fidei posse reformari à Concilio Generali, quamvis ille sit Monarcha spiritualis. pag. 273.

Cap. VIII. Quintum Caput idem probandi, quia evidens est evidentia facti, per singula secula floruisse in Ecclesia Romana viros & fœminas sanctitate & miraculis illustres; certum autem est, veram sanctitatem & gloriam miraculorum solum in professoribus veræ fidei reperiri: nec Deum unquam tribuisse Hæresiarchis & eorum sectatoribus potestatem patrandi vera miracula, quibus auctoritatem sibi conciliarent ad persuadenda sua dogmata. pag. 277.

Cap. IX. Sextum caput idem probandi: quia insignis sanctitas, & gloria miraculorum, quæ in Ecclesia Catholica Romana floruerunt multi Viri, & Fœminæ, postquam Lutherus, & Calvinus ab illa secessere, cum interim duo isti Ecclesie reformatæ vel potius deformatæ Authores nullis virtutibus, nullisque miraculis fuerint insignes, manifestè probat veritatem Ecclesie Romanæ, & falsita-

tem sectæ Lutheranae, & Calvinianæ.  
pag. 281.

§. I. Eo tempore, quo Lutherus ab Ecclesia Romana, tanquam à magistra errorum, & synagogâ sathanæ publicè discessit, Deus toti orbi Christiano per miracula S. Francisci de Paula, in ejus canonizatione publicata, manifestè ostendit, eam esse Ecclesiam suam sanctam. pag. 282.

§. II. Conversio S. Ignatii eo ipso anno, quo Lutherus declaratus est hæreticus, & instituta ab eo religio, manifestè probat veritatem religionis Catholicæ, in cujus subsidium Deus novam hanc militiam misit. pag. 284.

§. III. Catalogi Sanctorum, qui in Ecclesia Romana floruerunt, post apostasiam Lutheri. pag. 287.

§. IV. Concluditur ex dictis, solam Ecclesiam Romanam, in qua semper fulget gloria miraculorum, esse veram Christi Ecclesiam. pag. 287.

Cap. X. Septimum caput idem probandi, quia parallela comparatio inter Martinum Lutherum Ecclesiæ reformatæ Authorem, & Franciscum Xaverium Ecclesiæ Romanæ Propagatorem, manifestè ostendit, Ecclesiam Romanam esse veram Christi Ecclesiam; Ecclesiam verò Lutheranam, & Calvinianam, & alias ex illa ortas, non esse nisi synagogas sathanæ. pag. 289

§. I. Qui à Deo immediate missione extraordinariâ constituitur ad prædicandum, debet miraculis probare, se missum à Deo. pag. 290.

§. II. Ex dictis infertur, Lutherum & Calvinum non fuisse missos à Deo ad prædicandum sua dogmata. pag. 291

§. III. Lutherus & Calvinus sibi per miracula auctoritatem conciliare tentarunt, sed iccirco conatu. pag. 292.

§. IV. Machinatio Calvini, ut populo persuaderet, se mortuum suscitasse: & quam confusionem inde tulerit. pag. 293.

§. V. Celebre miraculum S. Francisci Xaverii, patratum cum venerabili P. Marcello Mastrilli anno 1634. pag. 294.

§. VI. Aliud celebre miraculum, quod S. Xaverius operatus est cum P. Alexandro Philippucci Societatis Jesu anno 1656. pag. 298.

§. VII. Miraculum aliud, quod operatus est S. Xaverius cum Venerab. P. Ludovico Sanvitores, primo Marianarum Insularum Apostolo, Anno 1659. pag. 301.

§. VIII. Concluditur ex his miraculis veritas Religionis Catholicæ Romanæ. pag. 303.

§. IX. Quomodo Argumentum, petitum à miraculis Catholicorum, & defectu miraculorum in aliis sectis, hæretici eludere tentent: ubi exponitur, quàm procul sit ab idololatria cultus imaginum. p. 303.

Cap. XI. Octavum caput idem probandi, quia incredibile, & monstruosum est, quoddam Christi ad reformatam suam Ecclesiam elegerit Lutherum Monachum apostatam, qui abjectâ professione religiosâ, Monachalem professam sibi matrimonio copulavit, & cum ea usque ad mortem vixit, & Joannem Calvinum Presbyterum ambitionis, superbiam & maledicentiâ plenum, qui sacrilegas etiam

etiam nuptias contraxit, & de libidine præposterâ accusatus, imò & sententiâ Judicis damnatus est. pag. 308.

§. I. Qualis fuerit Lutherus. p. 308.

§. II. Qualis fuerit Calvinus. p. 313.

§. III. Ostenditur, Calvinum fuisse convictum Sodomiz, & ob eam causam stigmate inustum. p. 314.

§. IV. Frustra Ludovicus Maimburgus conatur Calvinum ab hacinfamia liberare. p. 315.

§. V. Concluditur, ex moribus Lutheri & Calvini manifestè demonstrari, eos non fuisse Ecclesiæ reformatores, sed deformatores, & manifestos hæresiarchas. pag. 322.

Cap. XII. Nonum caput idem probandi, quia evidens est evidentia facti, Lutherum & Calvinum, & alios sectarios, qui ab Ecclesia Romana in decimo sexto sæculo recesserunt, renovasse hæreses antiquas, à vera Christi Ecclesia damnatas, nimirum ab Ecclesia Romana intra quinque priora secula, quando etiam ex confessione adversariorum vera erat Christi Ecclesia. p. 324.

Cap. XIII. Decimum caput idem probandi, quia omnes sectarii, qui sub specioso titulo *reformationis*, fidem Ecclesiæ Romanæ impugnârunt, in manifestos & crassissimos errores prolapsi sunt, quos eleganter describit Bellarminus. Ubi specialiter ponderatur error de fide speciali justificante. §. I. p. 326.

§. II. Ex sententiâ Calvini & Lu-

theri de fide speciali justificante, sequitur, damnatos fuisse omnes Catholicos, qui à tempore Apostolorum extiterunt in Ecclesia ulque ad Lutherum. pag. 328.

Cap. XIV. Ultimum caput probandi solam Ecclesiam Catholicam Romanam esse veram Ch. & Ecclesiam, quia illi soli conveniunt nomina veræ Ecclesiæ, nempe quoddam sit *visibile*, & *conspicua*, quoddam sit *Una, sancta, Catholica & Apostolica*. p. 329.

§. I. Ostenditur, illam solam esse verè visibilem. Ibidem.

§. II. Ostenditur, illam solam esse verè unam. p. 330.

§. III. Sicuti Ecclesiæ Romanæ unitas probat ejus veritatem, ita innumeræ sectæ subortæ ex hæresi Lutherana, & Calviniana, & contradictiones suorum Authorum, probant earum falsitatem. p. 333.

§. IV. Ostenditur, solam Ecclesiam Romanam esse sanctam. p. 335.

§. V. Ostenditur, solam Ecclesiam Romanam esse Catholicam, ac proinde solam illam esse veram Christi Ecclesiam. p. 336.

§. VI. Ostenditur, solam Ecclesiam Romanam esse Apostolicam, ac proinde solam esse veram Christi Ecclesiam. p. 339.

Caput ultimum. Concluditur liber, proponiturque ejus usus, & utilitas ad disputandum cum hæreticis. pag. 340.

Omnia ad Majorem Dei Gloriam.